




X.  
2.  
8.  
BIBLIOTECA NAZ.  
Vittorio Emanuele III


IX

C

48

NAPOLI







ANOTISSIMO DADÆ  
IOANNIS  
BARCLAI

PARAENESIS

A. D.

SECTARIOS.

LIBRI II.



ROMAE, Ex Typographia Bartholo-  
mæi Zannetti. M. D C, XVII.

SVPERIORVM PERMISSV.



IOANNIS  
BARCLAY

Imprimatur, si videbitur Reuerendiss. P.  
M. Sac. Palatij Apostolici.

*Cesar Fidelis Vicesgerens.*

Imprimatur. Fr. Hiacynthus Petronius  
Sac. Palatij Apost. Magist. Ord. Præ-  
dicatorum.




ROMAN. Ex Typographia Barthol.  
Joh. Jansson. M.D.C.XVII.



SANCTISSIMO PAPÆ,  
AC DOMINO NOSTRO,  
PAVLO V.  
PONT. MAX.

IO. BARCLAIVS.  
PERP. FEL.

ONO omine ef-  
se iubeas ( Pater  
Sanctissime)quòd  
in Ecclesiæ hostes  
arma expedio .  
Concurro grassan-  
tibus; qui à fratrum officio & nomi-  
ne abierè , & iam intenti in Matris  
iugulum, ferri non possunt. Neque  
Tuæ Sanctitatis humanitas , qua  
nihil eminentius Sol aspexit, abhor-  
rebit ab huius pugnae spectaculo .  
Nam ò lenia Christi arma! ò igno-



2

tam

ram *carni & sanguini* bellandi ratio-  
nem! Medicinam hostibus compa-  
ramus: Admouere sanitatis reme-  
dia, pugnare est: Si sanantur, trium-  
phamus. Narrent alij cæteras in Te  
dotes; quæ etiam si purpura & coro-  
næ abfuiſſent, famam tamen & Scri-  
ptores haberent, & admonita de  
Burgheſiani Pontificatus felicitate  
poſteritas, noſtra ſecula nobis inui-  
deat. Dicant Tux Sanctitatis ani-  
mum in omnes Principes, Gentes,  
ſine præiudicio, ſine factione parti-  
tum! Referant integritatem, ipſa  
vitiſſimorum nomina non ferentem,  
Vim diuinam ingenij; Vultus deni-  
que animo dignos, grauiffima mo-  
deſtia, ſimpliciſſima maiestate. Ad-  
dant quietem imperij; Virtutibus  
præmia eſſe; Hoc potiffimum ci-  
ues optare vt hic quàm maximè lon-  
gæuus ſis. Inter omnia nihil præſta-  
bilius mihi videtur, ad Sanctitatis  
Tux

Tuæ laudem, quàm vt Tuum in  
Sectarios animum omnes intelli-  
gant; & quantum Tuæ Sanctitati sit  
gravius eos ab æternis honoribus  
excidere, quàm Tibi ab illis hos ne-  
gari qui debentur. Dum sæviunt  
maledictis, dum Sanctitatem tuam,  
dum Sedem, dum Fidem lacerant;  
Tu votis, lachrymis, curis, reme-  
dia illis quæris. Nec tam eximia  
solicitude destituta successu; quæ  
Oriens, quæ Occidens patet, multis  
ad Domini gregem redire amanti-  
bus. Ego ne à Sanctissimi Ducis  
mei vestigiis abeam, refûgi ab aspe-  
ra in illos & contumeliosa militia.  
Malui ægrotantium misereri, quàm  
irasci morbum amantibus. Moneri  
volui, non offendi. Antesignanos  
tamen & duces errorum, excipi ea  
moderatione non decuit, per quos  
ista mala, aut nascuntur, aut durant,  
quiq; non vna vel simplici pernicie,

funera populorum funeri suo addunt. Qualemcumq; hunc impetum Beatissimis pedibus tuis aduoluo, vt illi ad destinata praelia auspicium faciat Sanctitas tua; quam Dominus, qui terram mitibus, & cælum mundis corde promisit, & hic diutissimè esse felicem, & illic denique semper velit.

# LECTORI

BENEVOLO.

IO. BARCLAIUS.

S.



*T* Aula Britannica, quam reliqui; & Roma, ad quam veni, suspicionem fecerint, edita de seculi more hæc scripta, ut probarem bona me fide ab Anglia secessisse. Sed omnino mihi alia causa est, Lector, qui non fictis, aut novis studijs in hæc studia exarsi. Nec quia ab Anglia abij ista nunc scribo; sed ut hæc scriberem abire consilium fuit. Primum enim hoc te absoluo, me in fide Catholica à puero eductum; neque unquam demutasse. In hereses ago perpetuò mihi hostes; quarum castra non su-



4

bij,

bij, tesseram non agnoui. Nam non  
moror aliquorum siue maledicta, siue  
errorem, quibus me in Anglia viuere,  
in Regis familia esse, idonea ratio vi-  
debatur, ut pro haeretico haberent. Lon-  
gè alius de me sensus eorum, quibus pro-  
pius crebriusue innotui; cum nec secreta  
illic essem conscientia pace contentus; sed  
externis meae fidei indicijs cauere ocu-  
los Catholicorum offendere. Itaque non  
furtiuo, non timido more, obibam Ca-  
tholici viri munera; familiam eadem  
disciplina imbuebam. Nec aberam  
modò à Sectariorum templis, sed &  
Orthodoxorum catibus assiduo consortio  
misceri solebam. Hæc non ego causa ia-  
ctandi, sed amoliendae suspicionis. Te-  
stes mihi non obscuro, non suspecta fide  
viri, qui ijs temporibus in Angliam Le-  
gati, à Gallia, atque Hispania: Te-  
stes, quos à Confessionibus habuere; qui-  
bus & ego patribus usus sum. Dices.  
Unde hæc tibi in haeretica regione auda-  
cia,



cia, unde libertas? Non exo ingratus  
Serenissimo Regi, cuius me fauor, ac  
benignitas prouexit. Cum me ille inter  
domesticos legisset, cum assiduum ac-  
cessum ad se daret, noluit religionis  
nomine inquietari. Nec omnino inso-  
lens hac uenia erat: quippe & ego ex-  
tra Britannicas insulas natus sum; &  
externos non eadem quæ indigenas de  
religionibus leges in Anglia tenent.

Eo uite instituto exacti mihi ali-  
quot anni; cum in diēs noui interim  
domicilij amor increfceret. Tandem  
adulto desiderio impar, quia illum im-  
petum à ratione esse uidebam, à Bri-  
tanijs moui. mihiq; alia patria ad quam  
uenirem fuit, Vrbs Urbium Roma.  
Quæ illæ tam acres ad discedendum cau-  
sæ, quæ prudentia suaserit ut fauentem  
Principem, mihiq; iam decennali mo-  
ra perspectum, sponte relinquerem, ape-  
rire est animus: ne salubriter destinata  
fama iniquitas corrumpat.

Omni-

Omnibus animantibus eorum quæ  
genere cura est, quam nisi immania,  
& ultra ferarum seuitiem ingenia,  
non ponunt. Sed in hominibus ea vis  
maior est, quia ad naturam ratio ac-  
cedit. Si igitur insito studio aut liberis  
querimus opes, aut eorum vitam peri-  
culis eripimus, breuem istam, & mox  
alia morte reddendam; quæ digna soli-  
citudine parentibus unquam erit, ut  
charissima pignora à Numinis ira, &  
eternitatis supplicijs tentent arcere?  
Ego verò iam liberorum aliquot pater,  
hos securus aspexissem, inter hæreseos,  
quæ animorum pestis est, quotidiana  
contagia? tot præsertim exemplis ad-  
monitus, adolescentiam quantumcunq;  
grauibus vitij's usu placari, si ea pu-  
blica, & familiaria populo, cernere ac  
pati assuescit. In Anglia præterea erant  
nati, ut nec eo priuilegio quo externus  
fruebar, niterentur. Itaq; si quis me il-  
lis casus, aut mihi Regem eripuisset, re-  
stabat,

stabat, ut repudiata Ecclesia, legi illius regionis paruissent; vel non quotidiana virtute, fortes simul & calamitosi extitissent. Quidni autem metuissent iuuentutis flexibiles annos; quandoquidem quotquot illic haeretici insaniunt, Catholicorum stirps est, & eorum plerunq; progenies, qui haud secius quàm nunc ego perire suum nomen maluissent, quàm familiam ad hodierna flagitia seruari? Tanto periculo remedium nō erat, si in Britannia perseuerarem. nec prodere salutem liberorum sustinebam. Anteuertenda igitur eorum perniciēs fuit, eoq; pretio nota tot annis regio nouis sedibus permutanda.

Sed nec liberis modò cauebam. Mea quoque interfuit demigrare: Eadem & parentis Optimi memoriam expurgari posse videbam apud ignaros suae vitæ. Nā & ille Catholico Patre natus, non unus è multis Catholicus fuit. Eximia illi pietas, Sincerus animus;

&

*& religionis studio flagrans: quæ bona  
cum eo consenuere, & nunc, spero, vi-  
tam quoque meliorem pepererunt. Cæ-  
terum inter elati scripta repertus est li-  
ber, sed ille imperfectus, de Summi Pon-  
tificis potestate temporali in Principes.  
Opus hoc posthumum me tradente An-  
glia emisit, cum fortè eadem tempesta-  
te Rex in illius disceptationis argumen-  
tum vehementer incumberet. Cumque  
mox Illustrissimus Cardinalis Bellar-  
minus ei refellendo se dedisset, strinxi &  
ego stilum, arbitratus inhumanum, si  
Patrem indefensum relinquerem. Sed il-  
lo opere edito (dicam liberè) pessimè me  
habuit, placere hæreticis quicquid hoc  
erat, & Catholicorum plurimis agrè  
esse. Phocion cum ipsius sententiam po-  
pulus plausu sanciret, vereri se dixit, ne  
quid secius de republica censuisset. Nisi  
enim ad errores plausum sequi non sole-  
re. Mihi quoque suspectus hæreticorum  
fauor. Nunquam nisi ad Ecclesiæ in-  
commo-*

commoda erigitur. Quin & in ijs scriptis multa aduerti, quæ vel tacentibus cunctis ipse damnarem. Quale illud, quod Respublicas Ecclesiasticam & ciuilem, ita distingui voluimus, ut non in unum corpus mistæ, sed sociæ tantum essent, nec unicam Rempublicam Christianam facerent, in qua illa spiritum referret, hæc corpus: Illud quoq; , vim Conciliorum aliquot à me ita elusam, ut dicerem parui faciendæ illa suffragia. Neque enim liberas fuisse illic voces; sed aut viribus Pontificijs ductas, aut earum partium amore cecatas. Inde quippe fenestram agnosco qua sibi fauere hæreses omnes possint, & de suis iudicibus ferre sententiam. Neque paucos disputatio nostra offendit de exemptione Clericorum. Et verò exactis diligentius argumentis omnino displicuit in tanta re nouam sententiam à nobis allatam. Clericos à secularibus fascibus esse exemptos, cum tot

Conci-

Concilia dicant, usus ostendat, ipsi Principes Regesq, fateantur; Nunquam licitum credam de tanto iure ambigere; Sed omnium minimè isto ævo, quo eiusmodi semper rixas ad Ecclesie perniciem heretici trahunt. Et hæc strictim annotata, aliquando fusiùs prosequi mihi animus, tempore & ocio meliore. Neque enim mihi satis quæ fusè disse- rui, hic paucis castigasse.

Dolui igitur, & quod unum tunc li- cebat, nolim factū, sæpe mecum repetij. Nec aliter acquiescere animus potuit, quàm si pedibus Sanctiss. Patris affusus, iramque deprecatus, ei totū me dedissem; Ut nec felix aut sospes nisi eius arbitrio essem. Me Ecclesie filium memine- ram; Primam illi pietatem deberi; & Antiqui Patris verbis, errare me pos- se; hereticum esse non posse. Sic apud me meditatam rem exequutus sum; & successit. Ita quippe exceptus sum ab Optimo Christianorum Patre, ut sci-

res illius esse Vicarium cuius eximia  
lenitas & liberalitas, super omnia  
opera eius. Illud quoque in præcipua fe-  
licitatis partem visum, quòd Illustriss.  
Cardin. Bellarmino mihi placatissimo  
frui licuerit. Tanto Christi athleta, tot  
virtutum, tanti ingenij viro, quem  
præsentès miramur, posteri colent; quis  
auersus esse possit, aut auersum quis ha-  
bere, nec sibi indignari qui eiusmodi ini-  
micitias aut susceperit, aut certè me-  
ruerit?

Præter hac ad discessum incitamen-  
ta; erant & alia, nec multò leniora.  
Quippe audire assiduè ac videre coge-  
bar, quæ luctu & indignatione grauem  
animum premèbant; ut mirum quoq;  
esset hereticis ad tantas mearum par-  
tium contumelias meam patientiam du-  
rare. Et venit ad me Minister fre-  
quens in Aula, nescio an à Pseudoepisco-  
porum aliquo subornatus, qui diceret si-  
bi pro monstro esse, quòd homo Roma-

nus

funera populorum funeri suo ad-  
dunt . Qualemq; hunc impe-  
tum Beatissimis pedibus tuis aduol-  
uo , vt illi ad destinata praelia auspi-  
cium faciat Sanctitas tua; quam Do-  
minus, qui terram mitibus, & cæ-  
lum mundis corde promisit, & hic  
diutissimè esse felicem, & illic deni-  
que semper velit .



# LECTORI

BENEVOLO.

IO. BARCLAIUS.

S.



*T* Aula Britannica, quam reliqui; & Roma, ad quam veni, suspicionem fecerint, edita de seculi more hac scripta, ut probarem bona me fide ab Anglia secessisse. Sed omnino mihi alia causa est, Lector, qui non fictis, aut novis studijs in hac studia exarsi. Nec quia ab Anglia abij ista nunc scribo; sed ut hac scriberem abire consilium fuit. Primum enim hoc te absoluo, me in fide Catholica à puero eductum; neque unquam demutasse. In hereses ago perpetuò mihi hostes; quarum castra non su-



bi, tesseram non agnoui. Nam non  
moror aliquorum siue maledicta, siue  
errorem, quibus me in Anglia vivere,  
in Regis familia esse, idonea ratio vi-  
debatur, ut pro hæretico haberent. Lon-  
gè alius de me sensus eorum, quibus pro-  
pius crebriusve innotui; cum nec secreta  
illic essem conscientia pace contentus; sed  
externis meæ fidei indicijs cauere oculo-  
s Catholicorum offendere. Itaque non  
furtiuo, non timido more, obibam Ca-  
tholici viri munera; familiam eadem  
disciplina imbuebam. Nec aberam  
modò à Sectariorum templis, sed &  
Orthodoxorum catibus assiduo consortio  
misceri solebam. Hæc non ego causa ia-  
ctandi, sed amoliendæ suspicionis. Te-  
stes mihi non obscuro, non suspecta fide  
viri, qui ijs temporibus in Angliam Le-  
gati, à Gallia, atque Hispania: Te-  
stes, quos à Confessionibus habuere; qui-  
bus & ego patribus usus sum. Dices.  
Unde hæc tibi in hæretica regione auda-  
cia,

cia, unde libertas? Non ero ingratus  
Serenissimo Regi, cuius me fauor, ac  
benignitas prouexit. Cum me ille inter  
domesticos legisset, cum assiduum ac-  
cessum ad se daret, noluit religionis  
nomine inquietari. Nec omnino inso-  
lens hac Venia erat: quippe & ego ex-  
tra Britannicas insulas natus sum; &  
externos non eadem quæ indigenas de  
religionibus leges in Anglia tenent.

Eo vite instituto exacti mihi ali-  
quot anni; cum in dies noui interim  
domicilij amor increfceret. Tandem  
adulto desiderio impar, quia illum im-  
petum à ratione esse videbam, à Bri-  
tanijs moui. mihiq; alia patria ad quam  
venirem fuit, Vrbs Urbium Roma.  
Quæ illa tam acres ad discedendum cau-  
sa, quæ prudentia suaserit ut fauentem  
Principem, mihiq; iam decennali mo-  
ra perspectum, sponte relinquerem, ape-  
rire est animus: ne salubriter destinata  
fama iniquitas corrumpat.

Omni-

Omnibus animantibus eorum quæ  
genuere cura est, quam nisi immania,  
& ultra ferarum seuitiem ingenia,  
non ponunt. Sed in hominibus ea vis  
maior est, quia ad naturam ratio ac-  
cedit. Si igitur insito studio aut liberis  
querimus opes, aut eorum vitam peri-  
culis eripimus, breuem istam, & mox  
alia morte reddendam; quæ digna soli-  
citudine parentibus unquam erit, ut  
charissima pignora à Numinis ira, &  
æternitatis supplicijs tentent arcere?  
Ego verò iam liberorum aliquot pater,  
hos securus aspexissem, inter hæreseos,  
quæ animorum pestis est, quotidiana  
contagia? tot præsertim exemplis ad-  
monitus, adolescentiam quantumcunq;  
grauibus vitijs usu placari, si ea pu-  
blica, & familiaria populo, cernere ac  
pati assuescit. In Anglia præterea erant  
nati, ut nec eò priuilegio quo externus  
fruebar, niterentur. Itaq; si quis me il-  
lis casus, aut mihi Regem eripuisset, re-  
stabat,

stabat, ut repudiata Ecclesia, legi illius regionis paruissent; vel non quotidiana virtute, fortes simul & calamitosi extitissent. Quidni autem metuissem iuuentutis flexibiles annos; quandoquidem quotquot illic heretici insaniunt, Catholicorum stirps est, & eorum plerunq; progenies, qui haud secius quàm nunc ego perire suum nomen maluissent, quàm familiam ad hodierna flagitia seruari? Tanto periculo remedium nõ erat, si in Britannia perseuerarem. nec prodere salutem liberorum sustinebam. Anteuertenda igitur eorum perniciēs fuit, eoq; pretio nota tot annis regio nouis sedibus permutanda.

Sed nec liberis modò cauebam. Mea quoque interfuit demigrare: Eadem & parentis Optimi memoriam expurgari posse videbam apud ignaros suae vite. Nā & ille Catholico Patre natus, non vnus è multis Catholicus fuit. Eximia illi pietas, Sincerus animus;

&

Et religionis studio flagrans: quæ bona  
cum eo consenuere, Et nunc, spero, vi-  
tam quoque meliorem pepererunt. Ca-  
terum inter elati scripta repertus est li-  
ber, sed ille imperfectus, de Summi Pon-  
tificis potestate temporali in Principes.  
Opus hoc posthumum me tradente An-  
glia emisit, cum fortè eadem tempesta-  
te Rex in illius disceptationis argumen-  
tum vehementer incumberet. Cumque  
mox Illustrissimus Cardinalis Bellar-  
minus ei refellendo se dedisset, strinxi Et  
ego stilum, arbitratus inhumanum, si  
Patrem indefensum relinquerem. Sed il-  
lo opere edito (dicam liberè) pessimè me  
habuit, placere hæreticis quicquid hoc  
erat, Et Catholicorum plurimis agrè  
esse. Phocion cum ipsius sententiam po-  
pulus plausu sanciret, Vereri se dixit, ne  
quid secius de republica censuisset. Nisi  
enim ad errores plausum sequi non sole-  
re. Mihi quoque suspectus hæreticorum  
favor. Nunquam nisi ad Ecclesie in-  
commo-

commoda erigitur . Quin & in ijs scri-  
ptis multa aduerſi , quæ vel tacen-  
tibus cunctis ipſe damnarem . Quale il-  
lud , quòd Reſpublicas Eccleſiaſticam  
& ciuilem , ita diſtingui voluimus ,  
vt non in vnum corpus miſta , ſed ſo-  
cie tantum eſſent , nec vnicam Rem-  
publicam Chriſtianam facerent , in qua  
illa ſpiritum referret , hæc corpus : Illud  
quoq; , vim Conciliorum aliquot à me  
ita eluſam , vt dicerem parui facienda  
illa ſuffragia . Neque enim liberæ fuiſ-  
ſe illic voces ; ſed aut viribus Pontiſi-  
cijs ductas , aut earum partium amore  
cacatas . Inde quippe fenestra agno-  
ſco qua ſibi fauere hæreſes omnes poſſint ,  
& de ſuis iudiciis ferre ſententiam .  
Neque paucos diſputatio noſtra offendit  
de exemptione Clericorum . Et ve-  
rò exactis diligentius argumentis omni-  
no diſplicuit in tanta re nouam ſenten-  
tiam à nobis allatam . Clericos à ſecu-  
laribus faſcibus eſſe exemptos , cum tot

Conci-

Concilia dicant, & usus ostendat, ipsi Principes Regesq; fateantur; Nunquam licitum credam de tanto iure ambigere; Sed omnium minimè isto ævo, quo eiusmodi semper rixas ad Ecclesiæ perniciem hæretici trahunt. Et hæc stricte annotata, aliquando fusius prosequi mihi animus, tempore & ocio meliore. Neque enim mihi satis quæ fusè disserui, hic paucis castigasse.

Dolui igitur, & quod unum tunc licebat, nolim factū, sæpe mecum repetij. Nec aliter acquiescere animus potuit, quàm si pedibus Sanctiss. Patris affusus, iramque deprecatus, ei totū me dedissem; Ut nec felix aut sospes nisi eius arbitrio essem. Me Ecclesiæ filium memineram; Primam illi pietatem deberi; & Antiqui Patris verbis, errare me posse; hæreticum esse non posse. Sic apud me meditatam rem exequutus sum; & successit. Ita quippe exceptus sum ab Optimo Christianorum Patre, ut sci-



res illius esse Vicarium cuius eximia  
lenitas & liberalitas , super omnia  
opera eius. Illud quoque in præcipua fe-  
licitatis partem visum, quòd Illustriss.  
Cardin. Bellarmino mihi placatissimo  
frui licuerit . Tanto Christi athleta , tot  
virtutum , tanti ingenij viro , quem  
præsentès miramur , posteri colent , quis  
auersus esse possit , aut auersum quis ha-  
bere, nec sibi indignari qui eiusmodi ini-  
micitias aut susceperit , aut certè me-  
ruerit ?

Præter hac ad discessum incitamen-  
ta ; erant & alia , nec multò leuiora .  
Quippe audire assiduè ac videre coge-  
bar, quæ luctu & indignatione grauem  
animum premiebant ; Ut mirum quoq;  
esset hæreticis ad tantas mearum par-  
tium contumelias meam patientiam du-  
rare . Et venit ad me Minister fre-  
quens in Aula, nescio an à Pseudoepisco-  
porum aliquo subornatus , qui diceret si-  
bi pro monstro esse , quòd homo Roma-  
nus

nus ad conspectum ludibrio habita religionis meae vivere possem. Pressi ego dolorem, & quod tutissimum videbatur, deflexis ad alia sermonibus percunctatorem delusi. Sed ingentibus interim doloribus lancinatus, saepe agro animo, & per maestitiam torpenti, domum redibam. Sciunt illi quorum fidei id secretum credebatur. At dolere nil iuuebat, Et ad auxilium respicienti, erat una libertas, qua voce, qua scriptis susciperem causam Ecclesiae, & Serenissimo Regi fidelius quam multi, liberius quam ullus, rem efferrem. Verum hæc intempestiua philosophia erat in Insula degenti. Primam vocem opprimerent hostes. Scriptis nulla venia esset. Quid facerem? nec cessare poteram, nec agere concedebatur. Inter hos æstus, nihil satius visum quam discessum adornare, interimq; adhuc calido impetu ea argumenta cogere quæ hoc libro publicum sibi querunt. Neque enim existimes aut  
mibi

mibi huius operis Studium recens, aut  
Romæ imperatum. Ita illi successus sit,  
ut cogitatum in ipsa Anglia erat, &  
iam aliqua parte prouectum.

Subduxi me igitur à spectaculo re-  
rum, quarum ipsa memcra ingrata est;  
& locum inueni, unde ad Serenissi-  
mum Regem ferrem quæ in hac re sub  
eius nomine peccantur. Neque furtum  
mei feci: Impetrata Regis pace, publi-  
cè cum familia à Britannia ora solui.

Ecce autem, vix in aduersum lit-  
tus excurreram, cum libellus nescio quis  
in populum spargitur, atrox in Regem;  
statimq; ego audio, ut scripti illius vel  
author, vel saltem procurator. Ita sub  
meo nomine Religioni inuidia fiebat, ut  
crederentur Catholici nullis posse benefi-  
cijs mitigari, perfidis animis, ingratis,  
ferocibus. Et ea vis atque iniuria fa-  
ma fuit, ut in vicinas regiones sparge-  
retur. Publicum igitur maledictum hic  
publicè refello. Testis mihi per quem



viui-

viuimus Deus, nihil eiusmodi à me factum; librum, libriq; authorem, adeò ignorare, ut nec illud hactenus qualecunq; est scriptum meis oculis usurpauim. Aliam mihi legem reuerentia Principis, beneficiorum memoria, mea etiam indoles, dixere. Sed hoc homines commentos existimem, vel maleuolos mihi, vel qui arbitrentur Roma commendari non posse a Britannia venientem, nisi in Regem maledictis; scilicet Catholici candoris ignari, quem & religio, & Clementissimi Pontificis mores humanissima Sanctitate prescribunt. In errores, in heresim, strenuè incumbere mihi decretum. At Regis Maiestatem nunquam sanus violabo. Imò & illius potissimum causa hereses odi, quòd tanto Principi, & absque his esset, seculi penè summo, tristissima nocte offiant. Sed de his suo loco commodius.

Habes, Lector, quis in Anglia fuerim; cur ab ea discesserim; quæ me causæ

ad

ad scribendum impuierint. Tu, Beneuo-  
le Lector, causa ac scripto humaniter  
faue; & Vale. Roma. Idib. August.  
M.DC.XVII.



# INDEX CAPITVLM LIBRI PRIMI.



## CAPVT PRIMVM.

**S**criptionis istius ratio. Agi de rebus  
ad salutem necessarijs. Sectarios ita  
inter se dissidere, ut *alijs* sint alijs here-  
tici. Neccessario vel eos damnandos,  
vel damnatos maiores illorum, qui vi-  
xerunt in fide Romana *Ecclesie.* 1

CAP. II. Omnibus istius æui Sectarijs à  
Luthero esse originem. Quis vir fuerit.  
Quàm impiè vixerit, scripserit. *In* cau-  
sa Lutheri verti causam cæterorum Se-  
ctariorum. Eos vel impiè desciuisse à  
Luthero, vel Lutherum à Deo non  
missum, aut instructum. 15

CAP. III. *Heresis* qua ratione in Ger-  
mania parte inualuerit, in Anglia, in  
Scotia, & Galliam tetigerit. Quibus  
nunc imposturis à suis Ministris deci-  
pantur Sectarij. 34

CAP. IV. Ex moribus, disciplina, pietate,



con-

*constare, apud nos esse Christi Ecclesiā.*

*De publica Sectarum impietate.* 46

CAP. V. *Ex præcipuis Sectariorum fundamentis necessario sequi, ut cuilibet sit licitum sibi religionem fingere. Illos non alterius generis argumentis inniti, quàm Arianos, cæterosq; priscos hæreticos.* 63

CAP. VI. *Esse unicam veram Ecclesiā.*

*Nō posse fieri ut diuisi Sectarij sint in Ecclesia, quæ non diuiditur: Sectarios nullā habere à prisca Ecclesia successione. Nullo antea seculo ullos homines ita de fide sēsisse, ut hac atate Sectarij.* 80

CAP. VII. *Fidem Romanæ Ecclesiæ, quæ hodie viget, esse ab Apostolis. Eius exordium nā posse à Sectarijs designari; nec quando inceperint ea credi quæ nunc carpunt. Ex Sectariorum sententia, nunquam Francos, aut Anglos, verè fuisse Christianos. Ecclesiam, nunquam fidem mutauisse; sed tantum definisse, quid de fide sit, aut non sit.* 105

CAP. VIII. *Miris modis, & rationibus, Deū potestatem Ecclesiæ extulisse. Quòd Romana Ecclesia sit Ecclesia Orthodoxa, constare ex fide quam Antiqui Patres*

*tres suis scriptis professi sunt; & San-  
ctorum pietate, qui omni seculo in ea  
floruerunt.* 123

**CAP. IX.** *Cur Sectarijs in Pontificem  
odium. Conuenientissimum fuisse, ut toti  
Ecclesiæ summus Pastor relinqueretur.  
Eiusmodi fuisse S. Petrum, probatur ex  
Scripturis. De nominibus, Petrus, &  
Petra.* 144

**CAP. X.** *Sententia Patrum, de Petra su-  
pra quam est edificata Ecclesiæ; & om-  
nino de potestate dñi Pontificis.* 158

**CAP. XI.** *Hereticos frustra iactare, ma-  
iorem apud se quàm in Ecclesiæ Catho-  
lica honorem Scripturis haberi. Asseri-  
tur Sanctorum Librorum authoritas,  
quos ipsi à Canone reijciunt.* 175

**CAP. XII.** *Cuius sit Scripturas exponere.  
Quàm in eo absurdè errent Sectarij. De  
prudentiali, & moderatione Ecclesiæ, in  
permittenda lectione Scripturarum; Con-  
tra Sectariorum calumnias.* 100

**CAP. XIII.** *De Traditionibus. Has ini-  
què à Sectarijs exagitari. In ista quæ-  
stione Sectarios sibi ipsis repugnare.* 213



# INDEX

## CAPITVLM

### Libri Secundi.

#### CAPVT PRIMVM.

**D**E Sacramentis; Et *ſpecialim*, de  
Sacramento Pœnitentiæ. 235

CAP.II. De Sacroſancto Eucharistiæ Sa-  
cramento. 247

CAP. III. Propugnatur Liberum hominis  
arbitrium. Ex ſententia Sectariorum  
ſequi, ut Deus peccati author, imò pro-  
priè peccator ſit. 280

CAP. IV. Fidem non ſufficere ad ſalutē.  
Multipliciter errare Sectarios, dum ſe  
de ſalute certos credunt. Omnia hominū  
opera nō eſſe peccata. De peccato morta-  
li, & veniali. Abſurdiſſimam impieta-  
tem neceſſariò ſequi ex ſententia Se-  
ctariorum. 301

CAP. V. De Operibus Supererogationis.  
De p̄ijs operibus ab Eccleſia præceptis:  
Ac præſertim de Quadrageſimali ieiu-  
nio. 326

CAP.

CAP. VI. *De Religiosa Monachorum  
disciplina. De Celibatu. De ceteris mo-  
dis, quibus Catholici carnem domitāt.  
Quām multum in ijs euertendis Secta-  
rj peccent.* 343

CAP. VII. *De intercessione Sanctorum.  
De veneratione Reliquiarum. De Mi-  
raculis.* 365

CAP. VIII. *De Imaginibus. De signo  
Crucis. De Purgatorio.* 392



I O A N N I S

B A R C L A I I

Parænesis ad Sectarios.

L I B E R I.



C A P. I.

*Scriptiois istius ratio . Agi de rebus ad salutem necessarijs. Sectarios ita inter se dissidere , ut alij sint alij hæretici . Necessariò vel eos damnandos , vel damnatos maiores illorum , qui vixerunt in fide Romana Ecclesie.*



**R**HALANGIORVM virus , quas vulgò Tarantulas vocant , quanquam Musicæ ope sanabile , ab omnium corporibus non eodem concentu exigitur . Stupent enim

A

illa

illa tabe perculsi ; nec fidibus , quas moris est adhiberi , antè mouentur , quàm præcentor in tonum inciderit , qui arcana vi , cum eorum animis consentit . tunc æger exultare , tunc in pedes attolli , longoq; tripudio ac sudore , emoliri sanguinis labem .

Diceres haud dispari malo læsos quos hæresis infecit . Icti enim à serpente , qui *calcaneum nostrum obseruat* , & ultimo sopore marcentes , non eodem auxilio leuari omnes possunt . Hos in nostram vitam contemplatio sanat ; illos , in suam . Hi manus dant authoritati antiquitatis , illi argumentis , isti miraculis . Quidni igitur in manus sumam fides , expecturus an forsitan possint cum alicuius ex illis malè sanis ingenio conuenire ? Nam nec semper à Phalangijs vindicat qui melius canit , aut pulsat ; sed qui accommodatius ad affectus laborantis . Ingratus verò sim , si qualicunque auxilio cessem ipsis adesse . Ut omittam homines hominum causa natos ; nec quid prius in vita Christiani , quàm agere Christi causam : Me ad hoc officium necessitudines cum illis olim initæ priuato iure cogunt ; Cum  
inter

inter hos diu versato, multos amare, & salutem amicorū eo studio optare contigerit, vt nec sine aliqua mei parte perire illi possint. Quoties dolore diductus sū, cū viderē magnas indolēs, & debita meliori disciplinæ ingenia, in hanc ruinam ferri! vt ad eorum cæcitatem, vt ad securitatem attremui! Quibus ergo vel meo sanguine medicinam fieri optem, hos quid cesso saltem gemitu, & officiosæ sedulitatis iurgio, ad salutem inuitare?

Sed monendi, medendique ratio, ideo iam magis in arduo, quòd ipsa consuetudine morbum amant; & remedia, vel quia suis auersa ingenijs, odere; vel quia iam toties sibi frustra applicita, contemplerent. Nam si ad *Scholasticas disputationes* respexeris, hæc adeò illorum auribus increbruerunt, adeò in familiare commercium litigando venerunt, vt ex suæ contumaciæ virio illarum virtutem metiti, tanquam quotidianas despiciant, vel pertinaciæ quoque, & resistendi dulcedini, inde peius assuescant. Si verò autoritate priscæ Ecclesiæ, & priscorum Conciliorum, Patrumuè consensu, verberes contumaciam errorum, qui illos

deceperunt; primò verba elicies, plena honoris in Patres, atq; illā Ecclesiā; Mox vbi presius egeris, ita se tuebuntur, vt & eandem priscam Ecclesiā, quam venerari videbantur, & eadē prisca Concilia, & Patres eosdem, quorū sanctionibus, & exemplis se credere, ac viuere fingeāt, dānare non dubitēt. Quippè vbi eorū sentētijs suas hæreſes premi vidēt, ore mutato, ab illius antiquitatis reuerentia fœdè discedunt. Reculant, ambigunt, damnant, mala fraude sese fingunt ad Scripturas recipere; negantq; vel Patres, vel Concilia, locum habere, nisi cum verbo Dei scripto consentiant; mala, inquam, & ridicula fraude; cū neque Patres, neque Concilia, à Scripturis abire voluerint; nec quæramus, Patribusne sit atque Concilijs, an Scripturis, maior authoritas. (Nā quis sanus id quærat?) sed hoc tantum; quotiescunque isti à Patribus, Concilijsq; dissentiant, in declaranda fidei norma, & sensu Scripturarum, vtris potius sit credendum; priscis illis & Sanctis, an istis modò natis. Nam de ea quæſtione, pro pudor! hoc seculo, vel maximè, vel sola litigamus. Et mox plura de hac illorum  
frau-

fraude . Tantùm hic moneo , minus efficaciacie esse in illos ab Ecclesia, Concilijs, Patribus, tela ; quòd fraudulenta eiusmodi rixa, à tantorum Iudicum iusto confesfu prouocant ad Scripturas . Neque deinde vtilior in illos machina à Scripturis , quam nullius interpretationi addicti ipsi exponunt ad suæ disciplinæ libidinem .

Igitur mihi visum his armis quibus toties ic̃ti tamen vulnus dissimulant, argumenta admiscere , quibus percipiendis non tam scientia opus , aut assueto ad subtilitatem contentionis animo , quàm puro, & à natura rectè formato . Ea enim quia liquida, nec perplexa disceptatione egentia, capi ab omnibus possunt qui bona fide agent . Et pro conclamatis iam habeo cæteras mentes, quibus placet per fas ac nefas erroribus semel à se laudatis incumbere .

Sed priusquam disputatione committimur, paucis intelligant 'quàm necessaria lite certemus . Illinc enim solutiores videas multos eorum, quod contentiones nostras existiment, plus subtilitate disputandi creuisse , quàm necessitate sa-

lutis. Deum eundem esse aiunt, quem  
utrique veneramus: Nos ab eodem Re-  
demptore criminum veniam, vitamq; in  
cælis expectare; Magnis his fidei apici-  
bus coniunctos, quamquam alijs in par-  
tibus diffociamur, in eandem felicitatem  
recipi posse. Hinc ex illis haud pauci,  
tanquam tralatitia pugna esset, recon-  
ciliare religiones, præsertimq; eos Eu-  
charistiæ ritus concipere sunt aggressi, in  
quibus Calvinistæ cum Catholicis con-  
sentirent. Ipsi Serenissimo Britanniarum  
Regi ( in Orat. ad Ordines Regni Angli-  
cani. Ann. M. D. C. V. ) magnopere  
displicet Puritanorum illorum crudelitas,  
qui omnes Catholicos à cælo proscri-  
bunt. Non dico hanc omnium Sectario-  
rum esse sententiam, sed certè multo-  
rum; eorumq; potissimum, qui Catholi-  
corum pietatem contemplati, tot eleē-  
mosynarum, ieiuniorum, orationum ho-  
mines, credere horrent in æternum occi-  
dere: Vel qui Patrum lectione comperiūt,  
Primitivam Ecclesiam in aliquot saltem  
rebus stare à nobis, & ab ipsis dissentire.  
(Tunc enim licet ad nos non prorsus ac-  
cedant, tamen & de se frigidius, & mi-  
tius



rius de nobis sentire incipiunt.) Vel denique qui non mala de nobis opinione imbuti, ab hæreticis Principibus, Urbibusve, sic pendent, ut non videatur fides Catholica cum eorum fortunis conuenire. Hi enim rem omittunt ad amussim, exigere, & ut conscientiae interdum latranti pastum obijciant, tam sibi, quam nobis, propitium Deum fingunt. Sagenam scilicet omnis generis piscibus plenam non ad littus explorari, sed ut facta est, recipi totam in caelum, ridiculo sui fauore existimant.

Nos verò cum Sanctissima Ecclesia, proclamamus, iubemusq; cum Mose hæc caelum audire, hæc terras; nullam Deo communionem esse cum Belial; Illos ita à nobis dissentire in fidei rebus, ut has frustra quæ nos manent felicitatis sedes expectent. In tam grandi discrimine excitentur illi praesertim, qui aut in sua fide aliquid desiderant, timentve, aut boni aliquid de nostra augurantur. Serio cogitent, quid de hæreticis senserit semper Ecclesia; & quàm hoc ipsum hæreticum duxerit, credere ad caelum peruenire hæreticos. Si verò Aërius Antiquis hæreticus

fuit, quòd inter cætera pro mortuis hollet orari, vt nec hi volunt; si Eunomius, qui aiebat sola fide nos iustificari, vt & hi docent; si Basilides, & Iouinianus; qui dignitati virginitatis coniugium æquabant, vt & isti; si Vigilantium, eò quòd Sanctorum Reliquias illo loco haberet quo isti Nouitij, adeò Antiqui duxerunt hæreticum, vt & Gennadius (Lib. de Eccles. Dogmat. Cap. LXXIII.) de Christianorū numero illius Sectarores amoueat, & Vigilantium opponat Christiano; quis hæreticos esse non sentiat, qui eosdem, & plures, & grauiores errores coëgerunt?

Sed quòd hinc vetustatis authoritas? aut quid opus Catholicorum voce? Interrogare liceat Lutheranos quid de Sacramentarijs sentiant, id est, hæreticis, qui hodie potissimum vigent, quos in Anglia, Scotiaque, Protestantes, & Puritanos dicimus; Hugonottos in Gallia: Germani Zuinglianos, aut Caluinistas dicunt. Nonne hi omnes calculo Lutheranorum hæretici? quòd atrocitatis, aut odij verbum in eos non profundunt? quibus armis, quibus stilis, non inter se deficiunt? Non refero Lutheranorum verba,

verba, quæ in Calvinistas passim, & reli-  
 quas Sacramentariorum sectas acerba,  
 immania. maior in ista re sit autoritas  
 ipsa Lutheri. Is igitur, in Thesisbus quas  
 edidit cōtra Doctores Louanienses, Thesi  
 XXVII. dicit, *hæreticos à se censerī omnes*  
*Sacramentarios, qui negant corpus, &*  
*sanguinem Christi, ore carnali sumi in*  
*venerabili Eucharistia.* Et in postrema  
 sua *Confessione De Cœna Domini*, disertis  
 verbis ait, Sacramentarios, eorumq; di-  
 scipulos, *hæreticos esse, Sacramentorum*  
*hostes, æternumq; damnatos.* Cùm nuper  
 ex duobus Germaniæ Lutheranis Princi-  
 pibus, vnus ad Catholicos transiisset, ad  
 Calvinistas alter, materq; illius qui Ca-  
 tholicos erat sequutus, & ipsa Lutherana,  
 audiret Lutheranos de hac filij mu-  
 tatione querentes; At nonne saltem,  
 inquit, consultius egit, quàm ille qui  
 Calvinistarum sectam inter suos inuchi  
 passus? Neq; sola sic sentit: In Lutheranis  
 est rarus (& hoc sumus experti) qui non  
 ad Papisticam fidem, vt vocant, quàm  
 Calvinianam malit accedere. Adeo de-  
 nique certum est Lutheranis Calvinistas  
 esse hæreticos, ac nobis hos ipsos Luthe-  
 ranos.

ranos. Rumpebar animo, cùm viderem  
persuasum Principi viro, magno illi, sed  
primæ institutionis vitio, & ipsa deinde  
consuetudine, à Catholica fide auer-  
so; Protestantes, ac Puritanos posse,  
etiam ex Catholicorum sententia, ad sa-  
lutem peruenire. Hoc illius animo, ver-  
suta suorum adulatio, & pudenda aliquot  
nostrorum inseuit. Et fauentem sibi sen-  
tentiam vltro amplexus est. Sed ò sciat,  
& fallor, aut vtiliter sciet; neque peribunt  
pro illius salute tot vota, tot fletus.)  
cum qui credere ausit pertinacem Pro-  
testantem posse saluari, hoc ipso à Ca-  
tholica fide excidere: Neque hanc Ec-  
clesiæ sententiam esse obscuram. Omnes  
in ea esse Catholicos: eorum neminem  
hoc nescire, dissimulare neminem posse,  
nisi qui vel Theologiæ expers, vel timi-  
dè, aut ambitiosè illius gratiam veritati  
præuerterit.

En igitur aleam grandem, dignum-  
que discrimen quod non incuriosi præ-  
tereant: scilicet Catholicos omnes er-  
rare: imò & Ecclesiam Græcam, imò &  
omnes Christianorum Ecclesias, mille  
& amplius ante Lutherum annis, errasse;  
vel

vel nunc ipsos exitiabili peste infectos. Saltem aduertant quod ex istis certissima ratione conficitur: Vel perituros scilicet illos, vel perijsse illorum Maiores, ac Nostros, quos nec ipsi negauerint, mille vt minimum annis in eadem fide vixisse, quam hodie Romana docet Ecclesia. Vtrum velint, solerter recogitent: quippe alterutrum necessaria veritate concluditur. Nam quis neget contradictoria ista esse, aut ad fidem spectare, in qua labi est hæreticum? *Imaginum cultus qualem Romana docet Ecclesia pius est, Deoq; acceptus: Et, Imaginum cultus, qualem Romana docet Ecclesia, impius est, & idololatria infamis.* Item, *Pontifex Romanus est Christi Vicarius, Petriq; successor.* Et, *Pontifex Romanus est ille Ioannis in Apocalypsi, & ille Pauli ad Thessalonicenses Antichristus.* Etiam, *In Eucharistia verè ac realiter Christi corpus est.* Et, *In Eucharistia Christi corpus verè, ac realiter nō est; sed in ea substantia panis manet: neq; illic est, sed duntaxat ad dexterā Patris in celo, humanitas Christi.* Cū ex his alterum asseruerint nostri maiores, alterum isti; certumq; sit alterutrum

utrum hæreticum esse; vel hos constat  
esse hæreticos, vel maiores utique nostros  
in hæresi esse defunctos. Nam facessat  
vana ratio qua illos excusant; tunc eius-  
modi fuisse caliginem, ut ipsis impunè  
errare licuerit. Videte quid sequatur ex  
hac absurda clementia. Nos Idololatrias  
vocant, quòd Eucharistiam adoramus  
cultu latriæ, quòd Crucis, Sanctorum,  
& Angelorum imagines veneramur, &  
colimus, eo modo qui in Romana docetur  
Ecclesia. Certum autem ( neque hoc  
negant ) idem olim factitasse nostros hos  
Patres. Itaque si nos Idololatriæ, ergo &  
illi. Si verò illi Idololatriæ, quid auri-  
bus, mentibusve Christianis indignius,  
quàm eos excusare, ac rudibus seculis  
hoc ipsorum crimen ascribere? aut  
omnino censere, dilui hoc infandum.  
Idololatriæ crimen posse, vel temporis  
conditione, vel loci? & impunè licere in-  
terdum à Naturæ lege recedere? Scio  
*inuincibilem ignorantiam* ( ut Theologi  
vocant ) à *lege positiua excusare*; rectè  
vtrumque ius statuit, *impossibilium obli-  
gationem nullam esse*. Scio sanctissimum  
Iobum non fuisse Iudæum, & quâ religio  
Chri-

Christiana non peruasit, satis hos declinare inferum ignem, qui Naturæ legem obseruât, quâ in omnium cordibus Deus sculpsit. *Illuminat omne hominem uenientem in hunc mundum.* Sed hanc saltem obseruare, necessarium omnibus ad salutem. Idololatriam autem prohiberi in primis ipsa hac lege quis ambigit? Quis in Catholicis, inquam, quis in hæreticis, negauit, hoc lumine, quam legem naturalem dicimus, quæque mortales ubique omnes tenet, idololatriam esse proscriptam? Excusatur tamen hoc crimen, aut non excusantur nostri Maiores, si idololatria est Eucharistiam eo modo adorare quo adorat Romana Ecclesia, si idololatria est ante Crucem, imaginesq; procumbere, eo adorationis genere, quod Romana præscribit Ecclesia. Euigilent homines Sectarum illarum. De cælo agitur, de Deo, de salute: quicquid comminiscatur, quicquid ludant; non possunt eorum Maiores Christiani non esse damnati, aut ipsi non damnari.

Ex illis quoque multi, non adeò de sua religione securi sunt, quin in ea multa desiderent, maximè eruditi, vel inter  
nos

nos fortè versati; quò iam facilius me-  
audiant de viæ periculis admonentem,  
quàm in æterni supplicij pignus exorsi  
sunt. Nam & si cum lenioris indolis Se-  
ctario ages, vt plurimum fatentem ha-  
bebis, quædam in sua Secta esse præter  
sensum antiquorum, & receptam in ve-  
terè Ecclesia mentem; hæc in suis muta-  
ta se cupere; his neutiquam adhærere. Ita  
loquentem primæ inter hos notæ virum,  
cùm secreti ageremus, sæpe audiui; illius-  
que sum misertus, quòd inter tot sacro-  
rum varietatem; tot sectarum discrimina,  
nondum homines toto Orbe inuenisset,  
quorum tandem religionē bona fide lau-  
daret. Cum alio agens, & ipso erudito,  
monebam vt ab hæresi ad nos secederet;  
Sine verò, inquit ille, aduentare Iudicij  
diem; videbis quàm à recta fidei norma  
cultores vtriusque religionis absuerint.  
Adeò illos vel superbia corripit, vbi pro-  
iecere parendi, credendiq; in Ecclesia  
disciplinam, vel in incerto sunt postquam  
ab regula, & fidei portu soluerunt. Næ  
salutem floccifaciunt, quibus placet in-  
tanta tempestate fucata securitas. Quip-  
pe vel Romani damnamur, damnantur &  
Græ-



Græci , damnati sunt & nostri Maiores innumeri , qui in nostra fide vixerunt; vel isti Protestantes, Hugonotti, Puritani, & id genus nouæ Sectæ, vt de Arianis Athanasius dixit , *proculdubio in æternum peribunt .*



## C A P. I I.

*Omnibus istius æui Sectarijs à Luthero esse originem. Quis vir fuerit. Quàm impiè vixerit, scripserit. In causa Lutheri verti causam caterorum Sectariorum . Eos vel impiè descuiisse à Luthero , vel Lutherum à Deo non missum, aut instructum.*



**N**GITVR exploraturi suas sectas , ab ouo incipiant. *Mala arbor non facit fructus bonos .* Ex quo autem furculo prodierunt ? Non ago maledictis, nec factionum odia exerceo; sed veluti sequester rem contem-  
plor.

plor. Agebat in ocio Ecclesia, & fortasse ob nimiam pacem, *neceſſe erat ut scandalum veniret. Verumtamen vae homini illi per quem scandalum venit*; Cùm ecce Lutherus, iuſtis, vt initio videbatur, argumentis, in quorundam auaritiā inuectus eſt. Sed cùm modum non tene- ret; ſtatim in illum ira bonorum, indignatio Eccleſiæ, cenſura Pontificis; ſtatim & ille factionem ſolicitat, ac facile cogit. Neque enim deſuere qui ad eum accederent lenocinio nouitatis, & odio Sacerdotum, quorum multos ignauia in ea regione corruerat; inclinatione quoque mortalium, à ſeueriori diſciplina quæ in ſancta Eccleſia eſt, ad infinitam libertatem tendentium, ad quam iſte proclamabat, deletis ieiunijs, exterminato pœnitentiæ Sacramento, abrogatis caſtita- tis & obedientiæ votis, ſublato denique peccatorum diſcrimine, Purgatorii metu, cæterisq; per quæ iure à peccando deterremur. Erant & alia quæ ipſi fauorem conciliarent; nempe doctrinæ opinio, quæ in minus erudito ſeculo non illi diſ- ficilis; & licentia, cuius ipſe exemplum ſuperbis, aut curioſis animis fecit, ex  
proprij

proprij ingenij libidine de Scripturis, deq;  
Ecclesia, iudicandi. Maior omnibus istis  
causa, Domini ira, qui destinatis sibi tem-  
poribus velut obdormit, dum *inimicus*  
*homo zizania bono semini superseminat*.  
Quicquid sit, isti Sectarij negare non  
possunt, sibi à Luthero originem. Vna  
antea in his Europæ populis ( si aliquid  
in Bohemis excipias ) nauis erat, quæ  
Petri remigio omnes veheret. desiluit il-  
le è scapha, multiq; eum sequuti, *qui*  
*non erant ad vitam æternam præordi-*  
*nati*. Et vel confessione suorum, sæua  
mox ira, & Ecclesiasticorum odio fe-  
rox, multò longius recessit à nobis, quàm  
sub primæ defectionis initia ab eo agi-  
tatum.

Neque putes, Sectarie, siue Caluini-  
sta es, siue eos quoque prægressus, in te  
nil agi cum quæritur de Luthero. Fru-  
stra dicas non pro tanto authore vobis  
hunc esse, vt ab ipso diuertere nefas sit; fi-  
dem vestram eo non niti: Frustra hæc, in-  
quam, cum & omnes de illius stirpe vos  
sitis; & aut eximiū Deo fuisse necesse sit,  
si restaurandæ Ecclesiæ est delectus; aut  
vos longè deceptos, si ad hoc primæ refor-

mationis officium, quod omnes illi tribuitis, missus non est.

Errauerat enim, vestra sententia, mille & amplius annis Latina Ecclesia, Abyssina, Græca, & quotquot alijs nominibus appellantur. errauerat, inquam, in fide. Iam non dico quàm hæc immanis assertio, qua Christi ad Ecclesiam promissum euertitur, *ecce vobiscum sum usque ad consummationem sæculi*; quæ & deteriorationem Iudaica Synagoga facit Ecclesiam, cui inter corruptos mores integra fides mansit, Domino teste, etiamq; iubente, (Matth. XXI II.) ex Phariseorum, Scribarumq; doctrina vitam institui. Nihil hic, inquam, de assertionis illius amentia. Sed fingamus, vt somniatis esse; Iudæicam nempe fidem inter tot populi temeritates, semper puram in Sacerdotibus, & corpore Synagogæ constitisse; At posteaquam velo sublato rerum veritas umbræ successit, & Pontificem Christum habuimus pro nobis assiduè orantem, Christianos vix quadringentis annis in officio durauisse, adeoq; pessundatam fidem, vt deinceps nullibi publicè sincera coleretur; Orbem ea caligine fuisse sepul-

pultum mille vt minimùm annis; Voluisse tandem Deum in splendorem Evangelium reddere. Hic iudicia inuoco vestra, omniumq; mortalium, an tanto destinatus officio credi possit, nisi qui *potens verbo & opere*, non Eliam modò, sed Moysem, quàm magnitudine muneris, tam signis æquaret, vni Christo secundus? Quippe Moyses legem duntaxat cæremonialem à Deo acceptam tradidit vni genti: Elias continendis fidelium animis in flagrante idololatria Iezabelæ delectus est: At istum gratiæ legem à Christo conditam, & temporum vitio ab omnibus publicè Ecclesijs abdicatam, tandem Orbi reddere oportebat. Quis porrò ille vir tantus? par Eliæ, par Moyse, prouinciæ destinatus qua maiorem nemo hominum ante Christum, aut post Christum sortitus est? Scilicet iudicio vestro Lutherus, quem hoc seculo primum constat hanc quam vocatis *reformationem* aggressus.

Age ergo; quorum miraculorum, quarum virtutum homo fuit? Miraculum ab eo editum necdum vllus commentus est. modò pro miraculo non sit, tot mor-

talium ad illum defectio. quo miraculo & Arius, & Pelagius clarus fuit, & longè clarissimus Mahometes. Quì igitur scias à Numine eum missum, & quidem ad tantam rem, tamq; insuetam; nempe vt ipsi magis quàm Pastoribus nostris, de fide, de moribus, de Scripturis crederemus, & pro lupa nobis esset ea Ecclesia, cui antea honos erat tanquam Domini sponsæ, Dei hæreditati; matri fideliùm? *Ordinaria iurisdictio* illa non fuit. Monachus erat, homo priuatus, homo religiosi votis astrictus. *Extraordinariam* verò fuisse quo argumento probes? Nihil præter miracula, quibus eiusmodi missiones aut asseri possint, aut credi. Vnde (Exodi iij.) Deus miraculorum edendorum potestatem Moyse facit, *vt credant, inquit, quod apparuerit tibi Dominus Deus Patrum tuorum*. Ipse Iesus, vt se Christum esse probaret, miraculorum, quæ multa patrabat, autoritate vsus est apud Ioannis discipulos (Matth. xj.) *Cæci vident, claudi ambulant, &c.* Imò apertè (Ioan. v.) *Ipsa opera quæ ego facio testimonium perhibent de me.* Sequuti Christum Apostoli, Christi virtute, non rem segnius miraculis

lis promouere quàm verbis. *Neque enim* (inquit Hieronymus in Cap. lxxv. Isaïæ) *potuissent omnes gentes in tam breui tempore credere, nisi signorum miraculis fides eorum quodammodo esset extorta. Loquentibus enim, & clamantibus Apostolis, & Apostolicis viris, Dominus signorum magnitudine respondebat.* Quod verò miraculum Lutheri Apostoli, vel Caluini? quod Apostolicorum virorum Lutheranorum, Caluinistarum, Anabaptistarum? Nullum omninò. At hæc tamen quam afferebant nouitas, prorsus insignis, prorsus insolens erat; si vlla denique à condito Orbe, digna quæ probaretur miraculis; Omnes scilicet Orbis Ecclesias, plus decem seculis defecisse publicè à vera Christi fide: Insanire Latinos, insanire & Græcos; Scripturas ab illis non probè intelligi, aut exponi; Orbi illos suis artibus suis figmentis imponere.

Magna res, & ex diuinæ institutionis clementi prudentia; noluisse vnquam Deum, vt sibi temerè crederetur. Hæreses autem omnes ipsa hominum pertincia, studijsq; creuisse; non miraculis, non certa ratione; sed animi impetu, & am-

bitiosa dulcedine, quæ ad proprii iudicii commenta humanam superbiam inuitat. Hinc & factum hæreseos, id est, electionis nomen. At lex Mosaica, & postea Christiana, quot miraculis instituta, ac deinde firmata? quàm augustus Elias miraculorum maiestate, cùm populus videretur *claudicare*, ac nescire *si Dominus esset Deus, aut si Baal*? quanto miraculo Paulus adactus desijt *contra stimulum calcitrare*? quot miraculis olim insignis Ecclesia, dum inter gentiles exurgeret, & nunc quoque (ad hoc rideant licet dignissimi fletu Sectarij) dum in India propagatur; ac etiam sæpenumero in Europa?

Destitutus ergo Lutherus miraculis. At num saltem pro miraculo illius vita fuit? Res loquetur. Presbyter, ac Monachus erat, deuinctus spontaneis votis, diu in religiosis ædibus educatus, cælebs, in templo assiduus. Eiusmodi fuit, quandiu in nostra Ecclesia hæsit, quam corruptam, babylonicam, adulteram vocat: Vbi verò castigare scilicet nostros errores exorsus est, seq; *vir reformatus* ab Ecclesia nostra duxit, voto neglecto, & veste pro-



proiecta, quam coram Deo & Angelis in perpetuæ integritatis symbolum sponte assumpserat, se polluto ac illegitimo thoro immergit: & ne aliquid impietati deesset, in societatem libidinis, quam coniugium appellabat, puellam Deo sacram, Deo nuptam, accersit ac violat. Desunt in hoc facinus verba; dicam verius cruces. Omnino & passim & publicè Orbi imponitis, Nouatores, aut creditis quòd olim publicè Ecclesia ad quadringentesimum Christi annum. Intra hæc tempora vixit Tertullianus, Ambrosius, Hieronymus, Basilus, Augustinus, Chrysostomus; ne in pluribus morer. Atqui ex Tertulliano passim habes, iam eo tempore fuisse solemne; vt se aliquæ virgines Deo sacræ, perpetuæ virginitati obstringerent. *Quæ* (inquit, lib. i. ad vxor.) *nulla formæ, vel ætatis occasione pressæ maritis sanctitatem anteponunt. Malunt enim Deo nubere. Deo speciosa, Deo sunt puella.* Et lib. de veland. Virginib. Cap. xiiij. *Nupsisti enim Christo; illi tradidisti carnem tuam, illi sponsasti maturitatem tuam.* Neque res ad libitum rescindenda, sed voto sancita, cui se omnis sexus

multi dabant . Inde ait (De veland. Virg. Cap. xij.) qui ad illam professionem accederent, *ipsam naturam consecrare* . At qui Deo *consecratum*, cui fas sit ad alios vsus auertere, & quidem omnino illi consecrationi contrarios ? Ambrosius porrò adeò multus de velandis ab Episcopo, cōsecrandisq; virginibus, vt plurimi Sectariorū, iam ab eo tempore Virginitatis vota non negent in Ecclesia fuisse solemnia. Inter cætera, De Instit. Virg. cap. xvij. orationem concipit, super velanda iam virgine . *Egredere itaque tu Domine Iesu in die sponsalium tuorum; suscipe iamdudum deuotam tibi spiritu, nunc etiam professione* . Quæ autem, illa professio ? *Votum* omnino. Vnde ad eiusmodi Virginem (Tract. ad Virg. Deuot. cap. ij.) *Melius, inquit, fuerat te non vouisse, & facere; quàm vouere, & non facere* . Audite verò Hieronymum (lib. i. aduersus Iouinianum.) *Et si nupserit virgo non peccauit . Non illa virgo quæ semet Dei cultui dedicauit . harum enim si qua nupserit, habebit damnationem, quia primam fidem irritam fecit* . Et paulò post: *Virgines enim quæ post consecrationem nups-*  
*rint,*

*rint, non tàm adultera sunt, quàm incesta.*

Coiuit igitur cum illa Lutherus renascentis Euangelij Lucifer, cum qua potuit esse adulterium, potuit esse incestus, coniugium esse non potuit. Quis autem ipse erat? nonne Monachus? nonne Sacerdos? nonne conceptis verbis abdicarat se libertate coniugij? Augustini auctoritatem recipitis, Sectarij? fingitis saltem. Ecce quid ille (lib. i. de Adult. coniug. Cap. xxiv.) *Quod cuiquam antequam vouisset licebat, cum id se nunquam facturum vouerit, non licebit; si tamen id vouerit quod vouendum fuit, sicut est perpetua virginitas.* Quid quod (lib. De bono viduit. Cap. xj.) *peiora adulterij coniugia vocat; quæ quis emissio castitatis voto contraxerit?* In eandem sententiam Ioan. Chrysostomus, Epist. vj. cuidam Theodoro sic loquitur, qui monasterij voto deserto mulierem duxerat domum. *Quamuis frequenter hoc ipsum nuptias voces, ego tamen adulterio illud peius existimo.* S. Basilius Proem. Monast. Constit. *Itaque qui à mundi curis liber esse cupit, nuptias veluti pedicas quasdam fugit: his autem relictis, vitam suam.*

*suam Deo consecrat, & castitatem profitetur, ut neque facultas ipsi sit conuersionis ad nuptias. Fuit igitur ille maritus, illa materfamilias? Imò si Augustino credimus, ille adultero peior; Et ut in pari negotio Basilius ait, lib. De Virginit. horrendo sacrilegio Christi sponsa adulter efficitur. Et illa, ut loquitur antiquissimus Scriptor, corruptio Satanae, scortum execrabile, fanum immunditiae, tugurium Diaboli.*

Nec dixerint Protestantes, Puritani, Hugonotti, nihil sibi cum illo Lutheri facinore. quanquam enim in multis ab eo diuersi, in his tamen sordibus, in istis sacrilegijs, foedè consentiunt. Plerique earum sectarum authores, plerique præcones, per idem flagitium genio indulgere; cum vel ipsi Sacerdotes ac Monachi essent; vel sacris iungerentur virginibus; vel hi sacri, & hæ etiam sacræ; & sic ad Lutheri exemplum vota vtrunque soluerentur. Quid dico, indulgere? imò hodie passim indulgent. Res nota, res frequens, & quam (horribile dictu) Sectariorum hodie nemo ex suæ religionis norma non ferat ac laudet. Crebra quoque  
apud

apud illos, & infanda in eam rem exempla. Secedat Sacerdos ad illos, secēdat Monachus omnibus votis astrictus, statim in pignus abiuratae fidei nostrae oblatam à nouis fratribus uxorem accipiet. Secedat ad illos virgo Numini sacra, virgo velata, confestim ex illis reformatis maritum inueniet. Neque illis flagitijs annuunt tantum; sed id laudant, sed in pretio habent; & in adulterijs cælestibus infamis triumphat Ecclesia. Iactare tamen audent, se in ea fide esse, in qua Christianus olim Orbis, Hieronymi, Augustini, Ambrosij, æuo? O miserè cæcos, vel qui vna iactura famæ curam, salutisque perdidierint!

Dirum hoc nefas, sed interdū & ludicro mixtū: quippe capti ea illecebra nonnulli ex Clero, pergunt ad illos, fidei mutationem simulant, sub coniugij nomine libidinem explent; inde rursus ijs elusis, se ad pœnitentiam in claustra, aut templa recipiunt. Adeò vt has sectas, tanquam lenocinium exercentes, non iniuria impurorum Sacerdotum lupanar appelles. Et hæc est scilicet Ecclesia noua, pura, candidata, Deo vnicè sua fide consecrata.

Hæc

Hæc Lutheri miracula ; illa vitæ integritas : Sed nec purius hunc scripſiſſe quàm vixiſſe exiſtumes . Omitto quæ prodidit in ſui cum diabolo commerciij fidem ; *ſe probè cognitum habere diabolum ; pluſquam unum frustum ſalis ſe cum diabolo comediſſe , ſibi ſapius condormire diabolum quàm ſuam Catharinam* . Pleni eius libri , foedis , & vinum , vomitumq̃ ; redolentibus verbis ; vt ( pudet dicere ) *ſtercus , merda , ſus , porcus* , gemmæ ſint , quibus paginas ſuas notet . Quid non autem in Principes infamis tenebrio ? quos ( lib. de ſecul. poteſt. & , Contra duo Caſaris mandata ) ait , *vt plurimum eſſe , vel præcipuos moriones , vel deterrimos nebulones ; ſtolidos , fatuos , inſanos* ; addit , *Turcam decies his meliorem & prudentiorem* . Iam verò vt paſſim inſanijt petulanti ſuperbia ? *Diuina maietas* ( inquit , in libro contra Angliæ regem ) *mecum facit , vt nihil curem ſi mille Auguſtini , mille Cypriani , mille Eccleſiæ Henricianæ contra me ſtarent* . Et , in deſenſione ſuæ verſionis noui Teſtamenti , *Si Papiſta tuus* , inquit , *multa vult garrere de hac voce , Sola , ei conſeſtim*

*respondeto: Doctor Martinus Lutherus vult sic habere, aitq; Papistam & Asinum esse unum. Sic volo, sic iubeo, sit pro ratione voluntas. Nolumus enim esse Pontificiorum discipuli, sed magistri, ac iudices. O fatuum caput! Ac ut effusæ libidinis authorem agnoscas, dicit (lib. de vita coniugali) omnino necessarium esse omnibus rei venereæ usum, magis etiam quàm cibum, potum, somnum; Ausus est ulterius progredi vir impurus, & inter Christianos ad Mahometicam licentiam proclamare (Serm. De Coniug.) Si, inquit, non vult uxor, veniat ancilla. Sed abeamus à sentina infamis Apostatæ.*

En verò mortalem, cui corrigendæ Ecclesiæ totos mille & ducentos annos errantis cura commissæ est. A Luthero veniamus ad Zuinglium, Caluinumque, & cæteros sectarum authores. Miracula petimus; miracula nulla habent; auctoritatem petimus, cur ipsis potius quàm alijs sit credendum. auctoritatem nullam habent, nullam, inquam, potiorrem quam olim Arius, aut Ario pares: solas nempe Scripturas ad illorum arbitrium

trium sensu donatas, quæ omnibus hæreticis pro prætextu, gladioq; fuere, quo se & alios mactarent. Ne diabolus quidem ( vt rectè Hieronymus aduers. Lucifer. ) à Scripturis abstinuit, Christo insidiaturus; *scriptum est, quia Angelis suis mandauit, &c.*

Iam autem à Gallis, à Batauis, à Britannis hæreticis peto, cur nec Lutheri vestigijs, nec præceptis insistant; cùm hunc ferant eruendis Ecclesiæ erroribus à Numine destinatum. Respondent, inchoasse Lutherum, & multa vidisse; sed hos plura, qui ipsi successerunt. At repono; Ergo hoc totum quod Lutherus, cæteriq; post illum, ad expurgandam contulere Ecclesiam, non diuinum, sed humanum opus esse: quandoquidem, vt humana artificia solent, illa *reformatio* initio rudis, successu temporum, & ingeniorum polita est. In rebus quæ humanâ prudentia constant, videas ortum, & deinde incrementum; ac propemodum omnes ætates. Inceperit aliquis rempublicâ componere, aut indagare syderum motus; succedent, qui illius errores deprehendant, qui rectè inuentis dent ultimam



manum; adeò vt alicuius siue artis siue scientiæ, vel author, vel peritus aliquis dici possit, & tamen in illa non parum errauisse. Sed ratio in fide diuersa. Fides vnica virtus est; & quæ ni tota habeatur omnino non habetur. Non diuidi, inquam, potest; vel est tota, vel nulla. Neque enim dixeris, Arianos, Manichæos, Pelagianos, aut vllos omnino hæreticos veram fidem habuisse (quamquam in aliquot rebus rectè senserint de Christo, de fide.) Si non veram; ergo falsam, ergo non à Deo, qui vnus fidei vnus est author. *Vnus Dominus, vna fides, vnum baptisma.* Vnde rectè, & vniuersè Ambrosius, in Symbolum Apostolorum: *Quicquid hæretici in synagogis suis, hoc est in conuenticulis Satana loquuntur, non est doctrina Domini, sed blasphemia, & demonum præstigia, sunt.* Nec tamen ignorabat nullos fuisse hæreticos, qui in omnibus fidei rebus errassent.


Si Lutherus est igitur restaurandæ fidei delegatus, non opinor negabitur eum vera fide instructum. quòd si huic vera fides, cur vobis aliæ sectæ placeant?

cent? cur ab eo diuertistis? Si vnica fides, inquam, si in fide Lutherus; vos qui extra Lutheri fidem, estis hæretici. Forsitan vobis ista excusatione placebitis; quod hoc veluti crepusculum fuerit, superuenienti mox sole, id est ampliori lumine in Caluini, & symmistarum ingenijs illustratum. Nugæ. Sapientia Dei longè aliam viam insistit: Neque Moyses legem tradere Dei nomine est exorsus, quam deinde Iudæi suo iudicio castigarent, aut augerent: & vos ipsi adeò proclamatis Christi legem in initijs suis fuisse perfectam, vt fingatis ex his primordijs vos omnia velle metiri. Vnde igitur Numini noui hi mores, vt hominem quem reuocandis in viam errantibus destinabat, non melius quàm fumida & incerta face instruxerit? Sed & hæc excusatio ferri vtcunque posset, si non aliter à Luthero discreparetis, quàm quòd ille pauciora notasset, & plura Calvinus, ceteriq; qui inter vos ab illo dissentiunt. At verò Calvinus non modò pauciora, vel plura Luthero astruxit in fidei rebus, sed Luthero aduersa atque contraria; Adeò vt si Lutherus rectè de fide sensit, Calvinia-

uiniani sint manifestò hæretici; sin Calvinus in religione bonus author, Lutherani hæretici: Nisi fortè harum sententiarum vtraque potest esse Catholica: *In Eucharistia* (asserit Lutherus) *vera corporis Christi substantia realiter adest cum substantia panis*: At Calvinus; *In Eucharistia nulla alia substantia est præter substantiam panis*. Videant igitur in Anglia Protestantes, in Gallia Hugonotti, & quotquot alias à Luthero hæreses colunt, an credere malint, Lutherum accepto à Deo lumine inuexisse *reformationem Ecclesie*; se autem hæreticos esse; An se potius Orthodoxos; & Lutherum (quem sciunt, ac iactant istius mutationis authorem) fuisse hæreticum. Næ vtrique hæretici esse possunt; & reuera sunt; vtrique Orthodoxi esse non possunt. Arianis & Eunomianis (inquit Sozomenus; Lib. VIII. Cap. I.) cum inter se dissentirent, non pauci discipuli exciderunt. *Multi enim ex mutua inter ipsos discordia, eos de Deo non rectè sentire iudicabant*. Ita erit de hac Hydra, quæ ab vna stirpe luxurians, incerta, multiplex, plerumque sui hostis.

Nunc paucis, explorandum, quænam

causæ propagarint istius seculi sectas, & quid illa, vt vocant, reformatione effectum sit.



### C A P. I I I.

*Hæresis quæ ratione in Germania inualuerit, in Anglia, in Scotia, & Galliam tetigerit. Quibus nunc imposturis à suis Ministris decipiantur Sectarij.*

**L**UTHERVS in Germania huic pesti initium dedit, priscorum hæreticorum vestigia ingressus; & per Principum aliquot amicitiam confidentius scelera ausus. Populus autem non Lutheri primùm amore, sed suorum Principum qui Luthero fauebant, illam causam amplexus; mox deinde in hæreseos partes suas sponte efferbuit, non in Germania tantum, sed vbiunque illa pestis

pestis insinuata est; legum amore ac studio, quas in effraenem licentiam iste ferebat. Nam vt olim Montanus, Manichæus, & alij plures; inter seueros Christianorum mores, ex nimia seueritate, hæreses instituerunt; Ita iste ad desiderii seculi genium, multaque, ac plerunque indocta quiete marcentis, licetiam sectam efformans, multorum vitijs, atque plausu exceptus est. Nihil mirum veterino corruptos in diuersis regionibus homines, tam consonam suo genio legem amplexos. Et vero si *confessionem auricularem* non damnasset, nisi in Quadragesimale ieiunium esset inuectus, soluisset continentiae vota, opera meritoria derisisset, certam salutem promississet inter peccata viuentibus, vnquam tanto successu, & propè torrente funestæ victoriæ, tot terras inundasset.

Pauci inde anni effluxerant, cum peruasit in Angliam lues, & aditus illi ex Regis Henrici VIII. libidine. Non hîc lugubrem, vulgatamq; historiam superflua narratione recenseam. Sed illinc tamen intelligas quàm rectis initijs hæc senouitas insinuauerit, sub furiosa libidi-

nis Rege, & ex profanis, superbisq; cupiditatibus cuncta merito. Neque tamen Henricus reiecta authoritate Pontificis Luthero assensus est. Tunc enim in Anglia vt Pontificis *Primatum* asserere in Maiestatibus criminibus numerabant; ita dicere in *Confessionem auricularem*, in *Transubstantiationem*, *Missas* v<sup>e</sup> *privatas*, hæreseos flagitium erat, & flammis piabatur. Non probauit ergo Henricus nouitiam Sectariorum fidem, sed veterem Catholicorum proiecit; vtriusque particeps, & vtrique infestus; cum nouam animæ suæ, & veterem carni sciret aduersam; fingeretq; sibi Ecclesiam ex voluptatum licentia, & securitate regnandi. Ac tunc quidem veluti in crepusculò, defierat esse dies in Anglia; sed nondum planè nox erat.

At Henrico defuncto, cum Edvvardus filius regnaret, Ordines Regni, qui Henricianam religionem publico fectò firmauerant, aliam statim fidem nouo iterum consilio finxerunt; sibiq; asciuerunt Protestantium nomen; longè tamen à Germanicorum Protestantium secta. Edvvardo quoque defuncto, sub Maria

Regi-

Regina sententiam iisdem Ordines mutauerunt, Catholica fide postliminio reuocata. Regina Maria morte sublata, cum Elizabetha in regnum successisset, ecce & nouum Ordinum scitum, quo iterum exularet Catholicæ sanctitatis professio.

Ita Anglicana religio plus decreto Ordinum, quàm Concilijs, Scripturisque sancita est, ad temporum mutationes flexibilis, ex Principum libidine pendens; humanaque ne dicam, ridicula vicissitudine in regnum inducta; non legitima ratione, non diuini cultus causa, sed vt tempori, rebusque politicis illa larua seruiret. Et his artibus quamquã afflicta est, non tamen excisa Religio. Plurimi restant, *quorum genua non sunt incuruata ante Baal*, & qui *abscondunt de prophetis Domini*, & *pascunt eos pane & aqua*; plures quoque si liceret, ad nos statim transaturi, quos metu & multa diuulsos à nobis, quotidiana mentis supplicia exercent. Vincet Christus, vincet Ecclesia. Ea vetus est Catholicorum hæreditas. Poteest Britannia cum gemitu præsentium, cum spe futuri, Michææ verbis vti (Cap. vij.) *Consurgam, cum*



*sedero in tenebris, Dominus lux mea est.  
Iram Domini portabo, quoniam peccaui  
ei, donec causam meam iudicet, & faciat  
iudicium meum: educet me in lucem, vi-  
debo iustitiam eius.*

De Scotiæ verò casu, ne satis quidem  
dissimulant Sectariorum historiæ. Qui  
euerterunt Catholicam illic fidem, con-  
stat vt plurimum nefarios extitisse, sedi-  
tionis igne succensos, quem tunc erecta  
in Reginam factio, & à factiosis præmia,  
alebant. Vt de cæteris fileam, Knoxium  
(quem Beza Apostolum Scotiæ vocat)  
non impium modò fuisse, sed Magum,  
Serenissimus Britanniarum Rex sæpe ma-  
gnis argumentis asseruit. Fuit autem fu-  
riosus is turbo (neque hæretici negant)  
qui in diuinam, humanamque Maiestatem  
defæuijt, templis fœdo incendio cor-  
ruptis, & Aede qua Reges humari moris  
erat, non diruta modò, sed, fato etiam  
barbaris pudendo, in stabuli vsus versa.  
Regina quoque Maria, inclyta fœmina,  
deiecta, fugataque, donec ad carcerem  
deueniret, ex quo, ò nefas! ad tortorem  
producta est. Hæc fuere miracula; hæc  
beata mutatio, quæ in signum renascen-  
tis in



tis in Scotia euangelij, non vt Aurora, sed vt Cometes emicuit.

Galliam autem quis nescit quàm funestæ rationes isti malo implicuerunt? Ad paucos & inualidos illa tabes pertinebat, cùm nōnulli Principum ad eos secessere, tristi ambitione, vt factionem, viresque pararent in æmulos, quos in aula, sub Francisco II. & Carolo IX. pleraque posse ægre ferebant. Quis tunc autem propagandi illius Euangelij modus? bella, tumultus, Galliæ vastitas, in sua viscera regnum armatum: barbara in Sacerdotes sœuitia, Sanctorum, ac Regum sollicitata monumenta, & cineres sparsi, data ad terram pulcherrima templa, & omnino deformata beneficia antiquorum.

Hæ sunt hæreseos cunæ, quas in varijs prouincijs Principes viri asserendæ dignitati, aut libidini prouexerunt. Nec plus tamen illorum authoritas diffudit has sectas, quàm quorundā hominum superba scientia, qui curiosius, atque audacius; quàm pressius sanctiusve Musis omnibus miscuerunt Theologiæ aliquam vmbra. Sibi illi præter ceteros sapere visi, Sacer-

dotes, tanquam rudis ineptiæ viros nunc ridere, nunc spernere; Ingenij quoque famam querere rati, si cum fastu incusarent superiorum ætatum caliginem, si recepta à maioribus sacra, vanitatis, ineptiæ, impietatis insimularent. Quid multa? in plerisque tunc locis pro rudi, aut hebeti erat, qui non aliquid seu publicè, seu clàm, in veteres ritus mutiret. Et hinc probatum est, hæresim meretrici similem esse. Recenti, primaque specie, amatores multos habet; vbi rugas ætate contraxit, si vi consuetudinis veteres fortè tenet; at nouos non inuitat. Ita Prouincias quæ primo incendio superstites fuerunt, stare in Catholica fide videas, nec in exoletam nunc insaniam rapi.

Iam illis extinctis, tam qui primi decepere, quàm qui primi sunt capti, impertinaciæ hæreditatem propago successit, cui pro lenocinio quod iam aboleuit adhuc iuuentulæ & meretricantis hæreseos, est non leuior ad hanc insaniam stimulus, educatio, & inueteratum in Ecclesiam odium; tum opinio sapientiæ eorum, qui à nobis defecerunt, & partium amor qui eorum parentes implicuit. ti-

mor

mor denique discipline, quæ apud nos viget, abſtinentia, ieiunijs, Pœnitentiæ ſacramento, & omnino humilitate parendi. Acceſſere Dæmonis fraudes, Miniſtro-  
rumque, quos vocant, ſeu verſuta, ſeu ignara nequitia, qui infandis plerunque calumnijs imponunt Eccleſiæ. Quæ non illi mēdacia de Pœnitentiæ Sacramen-  
to? non aliud ad *abſolutionem* requiri, quàm vt tua peccata apud Sacerdotem pronuncies; abſolutionem futurorum ſce-  
lerum dari, & quæ cætera aut credunt temerè, aut impiè fingunt. Quàm im-  
mania de *meritorijs operibus*, quàm fal-  
ſò iactata? Non arbitrari nos per meri-  
ta Chriſti, ſed per noſtra, patere nobis cælum. Quid de veneratione imaginum,  
de cultu Sanctorum? Fanda illi, & ne-  
fanda de nobis: & vix vnquam quid cre-  
damus ſcire populum ſuum ſinunt. Sed  
hæc mox omnia, vbi de hæreſibus ſi-  
gillatim.

Nunc vt ſcias quàm de his calumnijs  
iuſtè queramur, ecce rem ſub ampliſſimis  
teſtibus certam. Sereniſſimus Magnæ  
Britanniæ Rex quendam ex Episcopis  
ſuis rogabāt, ecquid Catholici de for-

nica-

nicatione sentirent? veniale an mortale peccatum id ducerent? Retulit ille, inter Scriptores Catholicos esse, qui fornicationem in venialibus numerarent. Hic ego, cum indignationem non tenerem, negavi probatum inter nos authorem extare, qui se hoc modo libidini patronum præbuerit. Ecce autem dum inter nos litigamus, intrat cubiculum Episcopus alter, haud mediocris inter Sectarios famæ, ad quem Rex versus, hic, inquit, disceptatur, vtrum Romani Catholici fornicationem venialem existiment an mortalem. Barbam ille demulsi, cervicemq; fastidiosè concutiens, tanquam de re certa ratus iudex pronunciar et, venialem (inquit) Rex Serenissime, venialem. O hominem, vt clementissimè dicam, nostri odio cæcum! Et ille, cogitabam, aut probus censeatur aut doctus? ex ore illius, ex verbis, ex fide, populus discat quid prisca Ecclesia docuerit, quid Patres antiqui, qui nostram huius seculi religionem ignorat, in quam tamen, ò pudor! quotidiana lite inuehitur? quod est obuium nescit; quod nescit impugnat; scrutatur antiqua, & in re clarissima, in re  
quo-

quotidiana, tam foedè mēitur, aut errat?

Quid his mortalibus facias, qui criminibus apud populum, nostram Ecclesiam onerant, à quibus longius ipsa abest, quàm eorum synagoga? Facile & leuiores retulerim, sed in quibus eandē sortem agnoscas delusi per fabellas, seseque vtrò in nos acerbantis ingenij. S. Bruno, miraculo motus hominis, qui cū sanctitatis opinione florisset, post obitum tamen reddita voce, se *iusto Dei iudicio damnatum* asseruit; confugit ad eremum, & Carthusianorum disciplinam condidit. Detorquent rem ad inuidiam nostram ex Sectarijs aliqui; aiunt fateri nos, ipsum Brunonem esse, qui pronuntiauerit se in inferis esse sepultum; & sic Carthusianorum Ordinem, qui tantopere nobis placet, à perduto & *dam nato* homine ortum. In S. Francisci vita scriptum est, Iudaicæ perfidiæ virum, voluisse Franciscum inuidiam mouere; statuisse igitur media concione ostentare carniū frustum, mentiriq; eo cibo Franciscum ieiunij die vesci; sed has carnes orante Francisco, ne scandalo locus esset, in piscium speciem & naturam deflexisse. Quid & hic

Se-

Sectarij quidam? Aiunt ita nos referre historiam, vt Franciscus his carnibus verè sit vsus; illiusque peccatum hac carnum in pisces Metamorphosi tectum. Ita leuia, ita seria, fingunt, versant, vt per omnia crescat in nos contemptus ac odium. Hæc de multis pauca sufficiant, sæpe ab ijs me gemente iactata, quos redire ad animi sanitatem publicè Ecclesiæ interest; & priuatim illorum.

Quid porrò mireris auersos à nobis eorum animos quos hæ ineptiæ pascunt, qui assiduo in Pontificem odio imbuuntur, qui credunt nos Antichristi cultores, nos idololatria infames, nos patronos libidinum? Illi sunt laquei, quibus captæ miserè mentes sibi verius quàm nobis ereptæ sunt. Sed hos facilè nodos excusserint. Velint modò sine præiudicio, nostræ causæ æquitatem agnoscere. Iam facesset æmuli odij furor, & cum Augustino dicent (Confess. Lib. vj. Cap. ix.) *non docet Catholica fides quod putabamus, et vani accusabamus.* Cum hæc enim animorum auersio non alio magis quàm consuetudine constet, quid aliud dici possit, nisi eorum prudentiæ esse imperare sibi

re sibi ipsis, nec affectum spontè feruentem sine ratione audire? Alioqui non sanari magis queant, quam qui fluminis torrente direptus nolit in fluctus eluctari, & aliquo sudore ad ripam peruenire.

De hæreseos Parentibus, de cunabulis, de pastu, iam diximus. Priusquam pressius accingamur in illius errores, dicendum de effectu, deq;

publicis signis, quibus possit deprehendi,

an à Dei Nu-

mine,

an


à Satana sit hæc tan-

ta in religio-

nè muta-

tio.





## CAP. I V.

*Ex moribus, disciplina, pietate, constare,  
apud nos, esse Christi Ecclesiam.*

*De publica Sectarum*

*impietate.*

**D**E V M semper in illis quos  
sibi segregauit hominibus,  
pietatem illustrius, quàm  
in cæteris voluisse clare-  
scere, quàm humanis ar-  
gumentis conijcias, tam diuina lectio-  
ne compereris. Nam & Noë sollicito cul-  
tu, vltra cæteros tunc mortales, Deum  
propitiavit. Et Abraham in idem stu-  
dium successit, sanctissimis cæremonijs à  
Cananæis distinctus; deinde Moyfes &  
ipse cum commissa sibi gente quot riti-  
bus, quotque votis Numini consecratur?  
Cum postea lege impleta Dominus no-  
ster noua omnia faceret, non plus de



cæremonijs sublatum est, quàm additum  
 veræ ac synceræ pietati fidelium, qui ora-  
 tioni, ieiunijs, omnique poenitentiaë ge-  
 neri addicti, sibi, & alijs, Deum placab-  
 bant. Hinc illa Christianæ pietatis mi-  
 racula, quæ illuxerunt omni ævo Eccle-  
 siæ, opes, voluptates spernere, in eremum  
 fugere, abstinere licitis etiam rebus, ad  
 subtrahendas corpori vires, addendasq;  
 spiritui, per uigilia orationibus transigere,  
 ipsam carnem cum animo consecrare, &  
 quæ cætera amor Dei, & gehennæ timor  
 facit. Itaque ut simulata sæpe religio in  
 Dæmonis cultoribus vano fulgore emi-  
 cuit, ita semper in familia Dei, id est, in  
 Synagoga primum, deinde in Ecclesia,  
 viguit celebris & publica pietas, continuo  
 animi flexu in Deum erecta. Hoc sui amo-  
 ris ~~reuerentia~~ nunquam Deus a suis amo-  
 uit. Nunc porro videamus, quàm omnia  
 in melius, Lutherus, Calvinusque, &  
 istiusmodi Authores retulerint, & Pro-  
 uincijs quæ ad ipsos secesserunt, quan-  
 tum pietatis accreuerit.

Licet inde ordiri, vnde ipsi reforma-  
 tionem, ut vocant, penè ubique aggressi  
 sunt, nempe a Monachorum causa, cæte-

risque professionis religiosæ familijs .

Monachorum & Religiosorum plerisque in more est, media nocte *surgere ad confitendum tibi Domine*, in cilicio poenitentiam agere, macerari ieiunijs, victima quotidie incruenta Deum Patrem propitiare mortalibus . Quo hæc oculo aspexistis Sectarij? omnino quo vestri parentes, id est, prisci hæretici, quibus insigne odium in Monachorum pietatem, insignis crudelitas ( vide in Historia Ecclesiast. Socrate Lib. IV. Cap. XVII. & XIX. Sozomenum Lib. VI. Cap. XX. ) Non tulit tam seueram sanctitatem nouitia vestra, libertas . Quam latè potuistis excisa sunt à vobis pietatis hæc pignora . Tot vota, tot preces Dei gloriæ substractæ, tot exemplis, tot monitis fraudatus populus, tot crepta egentibus bona . At verò, Nouatores, Si Monachi vestro iudicio in moribus, aut fide errabant, cur non ijs eiectis mortales alios substituitis, qui his sanctis officijs, purioribus moribus, & restituta fide, sed eadem etiam pietatis sedulitate incumbere? Cur non saltem erogata hæc in pauperes bona, pauperibus olim data, & diuino cultui à vestris

maioribus mancipata? Accidere hære-  
 ditatem Dei placuit, spoliare Hierusalem,  
 corruptisq; testamentis, legatis, benefi-  
 cijs antiquorum, qui hæc Deo sacraue-  
 rant, diſi ſacrilegij veſtras Prouincias,  
 veſtras domos aſtringere. Hoc vt Dei  
 opus putem, vt renaſcentis Euangelij  
 fruſtum? Nuſquam erit, Sectarij: præ-  
 fertim cùm non alicubi tantum, ſed vbi-  
 cunq; inualuiſtis, eo more in Eccleſia-  
 ſticas opes ſæuitum ſit. Germaniæ Prin-  
 cipes, ſiue Lutheri, ſiue Caluini religio-  
 nem ſequuti, redactis in fiſcum Mona-  
 ſterijs, ſuos cenſus heu miſerabili, & for-  
 ſan Tholoſana denique præda, auxerunt.  
 In Anglia diſtributæ ab Henrico VIII.  
 Eccleſiæ poſſeſſiones inter nobiles viros:  
 Vt eos communionẽ facinoris teneret, &  
 ad ſcelus quod commodum ipsis erat, fi-  
 delius coniurarent. Ita Episcopatus tri-  
 ſti auaritia diſciſſi, direpta funditus, &  
 priuatis uſibus attributa Monasteria,  
 Prioratus, Eremiticæ domus. Quid Ar-  
 chiepiscopatus Cantuarienſis? quid Epi-  
 ſcopatus Vintonienſis, quid Elienſis?  
 Vmbræ, ſi ad priſtinas opes ſpectes. Cer-  
 tẽ Abbatiam Vveſtmonaſterienſem, Re-

gum sepulchris destinata, (quam quibusdam Canonicis attribuerunt) vt ille dicebat, Herculem fecere. *decumam partem ei dedere, sibi nouem abstulerunt.* Iam vbi in Scotia, in Batauis, in Dania, in Suedia, illa bona? Rapta vt plurimum, & à Clericis translata in Laicos. Atqui hæc Deo donata sciebatis. Si diuino peculio (vt nugamini) abutebantur, & vos Charitas Dei agebat; decuit castigare vntium mores, non auferre à Deo peculium.

Sed esto. Deiecta à tot templis pietas, saltem in cæteris quæ vestris vsibus reliquistis, an supra nos viget? Agebam cum perito Lutherano, & eodem argumento pugnabam: Vi veritatis percussus, De hoc, inquit, non disputo: scio refriguisse in vrbibus nostris poenitentiam, orationes, ieiunia, ex quo à vobis recessimus. Ad tam ingenuam hominis confessionem illachrymatus sum, quòd sic posset sentire de suis, & à nobis dissentire; id est, *quòd videns non videret, & audiens non intelligeret.* Exuamus partium studia, remq; spectemus. In vtra parte credas diligentius obseruari, quòd docuit Chri-

Christus (Lucæ xvij.) *quoniam oportet  
semper orare, & non deficere?* Plus qua-  
dringentis Monachorum, ac Religioso-  
rum millibus apud nos est, quorum hi ex  
præscripto Ordinis sui quaternas, hi se-  
nas & amplius horas, *orando & meditan-  
do* quotidie impendant; qui pompis, qui  
fastui, qui seculi curis vnum Christū præ-  
tulerint. Non nouo nunc exemplo, hæreti-  
cis Monachorum pietatem obijcio. Et  
hoc ipsum Augustinus Manichæis obie-  
cit, ingenti studio, plurimis verbis. Lib.  
1. De Morib. Eccles. Cathol. Cap. xxxj.  
Quæ non ille præconia, quas non de Mo-  
nachis laudes? Et hæc pluribus à nobis  
deinde cōmodius. Iam verò quis quotidie  
Laicorū ad publicas orationes est nume-  
rus? Vt omittam dies festos, quibus ex  
præcepto adsumus sacrosanctæ Oblatio-  
ni, quanta profestis diebus multitudo ad  
templa, ad altaria, ad Eucharistiam? Vef-  
pertinæ mox preces, vt pomeridianis ho-  
ris multos exercent! De ieiunijs autem  
nec nobiscum illi certauerint. In plerisq;  
monasterijs perpetua penè ieiunia, Chri-  
stianorum more, quorum nobis pietatem  
prisca Patres descripsere. Quadragesi-

mali porrò ieiunio omnes obstringimur .  
Feria sexta, & sabbato abstinemus à car-  
nibus ; vt omittam Sanctorum vigilias , &  
tempora Ordinandis Sacerdotibus desti-  
nata . Quid de Eleemosynis , Xenodo-  
chiis, Orphanotrophijs dicam? quid de  
salubribus supplicijs , quibus apud nos  
*castigatur caro rebellis , & in seruitutem  
redigitur* ? quid de temporibus , quibus  
religiosius redimus ad Deum, ac præci-  
puè septimana , quam sanctam appella-  
mus, memoriæ Passionis Dominicæ con-  
secrata? quot tunc Eleemosynæ, quot vo-  
ta, quot preces ? quàm inde multorum  
in melius sancta mutatio ?

Nec reponas ; publica hæc apud nos ,  
& in ostentationis vicinia esse . Illis verò  
placere, priuatæ , & sese tegentis pietatis  
officia . Quasi enim & nos quoque non  
multa secretò, nec sinistram plerunque  
celemus quod à dextera misericordie  
peragitur . Sed iam de publicis indicijs  
agimus, quibus colligi possit, an colla-  
psam Ecclesiam reparasse dicendi sint,  
an in eam potius esse grassati . In illis in-  
dicijs vix aliud luculentius publica pieta-  
te ; quæ ab ipsis passim excisa est . Inge-  
mui-

muimus, an horruimus dicam, ad cuiusdā Bataui verba, qui sociū preces fortè fundentem stolidè obiurgans, Quid tu sedulò, inquit, cum hoc precandi more? age, age, sis sincero modò corde, & desine ab hac orandi meticulosa ineptia. Et hoc forsitan ille ex patriæ suæ ritu, ubi his horis quæ stante Catholica fide solemnes vespertinis precibus erant, audiuntur nunc organa ad solam hominum temerè in templis obambulantium voluptatem, nulla Domini mentione, nullis orationis vestigijs.

Equidem dixerim fidem ac pietatem, nulli amplius regioni quàm Galliæ debere. Vt vetera omittam, hodie innumeri illic viuunt, non fucata, aut libata sanctitate eximij. Sed abominor nauos, quos hæreseos impia, & luctuosa ambitio regioni sanctissimæ suffundit. Quippe multi in gente subtili, & sæpe curiosa, inter has contentiones sibi credere assuescūt, fidei quæq; momenta proprii iudicii lance librare. Quosdam illic, cū se Catholicos iactent, in hæreticis ambitiosè laudare ingenia, aspicias, ac etiam quas hi amant propugnare sententias; eorum.

amicitias non modò ad ciuile commercium, sed & plusquàm probè deponere. Nec ex hæreticis desunt, qui in multis suos damnent, & ad nos accedant. Sic vtrique se decernunt arbitros rerum, nescio qua animi vana fiducia. Alia deinde perniciēs, ex hac iudicandi licentia; vt cùm diu se supra religionis rebus in, vtrumque versauerint, quærant tandem an omnino sit vlla religio, an vita cælestis, an anima immortalis. Quos deinde ad infanda hæc studia mens infelix deduxerit; hi paulatim vix Deum vllum esse, aut vix præterea aliquid credunt. Pudet dicere; Vereor vt hæc sensim se publicè hæresis prodat. Nam & ingenti contemptu sacrorum ab vnīs partibus ad alias transilire iam quibusdam pro ludo est. Spes lucri, spes dignitatis, vltionis dulcedo arriiserit, non deerunt qui hæc credant vili emi; si non amplius quàm religionis mutatione constiterint. Nec dubium eiusmodi mentes hæresis vitio ad tropica illa aetas. Sciunt me vera dicere illi etiam in quos dico. Et hæc deflent innumeri ex Gallica gente viri, incorrupti, antiquæ fidē, morumq; illorum,

quos



quos ò Deus, extincta hæresi, cæteris quoque qui ab ijs defecerunt, restituat.

In Anglia dum insinuaretur hæc pe-  
stis, obiecere aliquem fucum hæretici,  
quo penè nesciret miserum vulgus ab a-  
uorum religione se deijci. Illic igitur,  
quanquam in Calviniana secta, abrogare  
non visum vesperarum, cæterarumq; quas  
vocamus Horarum solennia, aut potius  
ymbram illarum. Hoc quippe duntaxat in  
Episcopalibus templis, & in vno præterea,  
aut altero fortè, quod attribuere Cano-  
nicis. Sed & in ipsis languida omnia: &  
pro monstro sit, luce profesta de populo  
illic plures ad orationem procumbere.  
Sæpe nec vnum inuenias. Qui populi au-  
tem mores? Nullus adeò festus dies, quo  
si à templo abfuerint, in leges Ecclesiæ  
necessitate salutis obseruandas peccasse  
se credant. Iam cogita quos effectus pa-  
riat illa libertas in rudioribus animis, aut  
ocio, vel voluptate marcentibus. Serui  
autem, ancillæque, quas apud nos nefas  
est die Dominico, aut ob aliam causam  
festo, à sacro officio abfuisse, vt rarò & in-  
curiosè adeunt sua templa, vt licenter ab  
illis abesse consuescunt? Hæc nos sci-

mus, hæc toto decennio sumus experti.

Iam de licentia addam quam vbique sibi fecere Sectarij, violandi Quadragesimam; diebus promiscuè omnibus cibis vtendi, quoscunque gula optauerit? Ac plerunque nec laborant excusare, vel tegere, belluinos hos mores, & qui rudiorum animos, tanquam exleges, paulatim efferauerunt. Imò vtrò hæc rident Ecclesiasticæ disciplinæ præcepta; ac etiã superstitionis accusant; nihil reueriti *primitiuam* saltem Ecclesiam, & Martyrum sanguine purpuratam, quæ docuit hæc eadem quæ nos hodie obseruamus ieiunia, non consilij modò esse, sed omnino præcepti. Sed hæc paulò post suo loco; vbi & Ministri Angliæ refutandi, qui obseruari apud se quadragesimale ieiuniũ, ceterosq; abstinentiæ dies, asserere audent, impudenti, ludicroq; mendacio.

At Sectariorum aliquos orationibus, & eleemosynis deditos dices. Haud negem. Non enim de vnoquoque nobis hic sermò; sed in genere, apud vtros Pietas (quàm vulgò *deuotionem*, & Domini timorem, appellamus) in pretio magis sit; & num illam isti restauratores Ecclesiæ

àuxerint, an verò perdiderint. Nec quid  
 mirum eorum aliquos exerceri eiusmodi  
 pietatis officijs . Natura est quæ ad ea,  
 hominem propellat : & quàm multi in  
 hæreticis bona indole, rectisq; quantum  
 fert Natura ingenijs? Ne in Ethnicis qui-  
 dem desunt, aut Turcis, qui hæc vltro  
 faciant, & quidem Numinis causa . Sed  
 si coetuum omnium veluti corpus spe-  
 ctes, videbis hæc propria Ecclesiæ Ca-  
 tholicæ bona esse ; in illis autem sectis, ea  
 esse in priuatis aliquot dona Naturæ, non  
 religionis in genere . Sed quo ego argu-  
 menta? Ipsi Luthero, Caluinoq; fidem  
 habete de vestrorum hominum impieta-  
 te, Sectarij . Lutherus in Postilla domesti-  
 ca lenæ impressa, conc. 11. Primæ Domi-  
 nicæ Aduentus; de doctrina sua loquens:  
*Mundus, inquit, ex hac doctrina quoti-  
 die redditur deterior; iam homines singu-  
 li septenis diabolis obsidentur, cum antea  
 (in Papatu) unico tantum diabolo obsessi  
 fuissent . Diabolus iam cateruatim in  
 homines ingreditur, ut nunc in tam splen-  
 dida Euangelij luce, sint auariores, calli-  
 diores, iniustiores, crudeliores, proterui-  
 res, multò denique deteriores, quam prius*  
 in Pa-

*in Papatu fuerant . Calvinus in Cap. xj. Daniel. vers. xxxiv. In exiguo illorum numero, qui sese ab idololatrijs Papatus subduxerunt, maior pars plena est perfidia & dolis . Præclarum quidem zelum simulant; si tamen intus excutias, reperies plenos esse fraudibus . En vel confessione hostium enormes Sectarios, tunc etiam cum ipsa Sectarum exordia, recenti ac præcipuo zelo flagrare deberent . Quid nunc de ijs credas, exhausto impetu nouitatis, studijsque vetustate tepentibus?*

Vnde hoc autem Sectarijs frigus, & à pietate diuortium; ratio est non vel vna, vel abdita . Omitto quòd hæreseos vitio à gratia Dei seclusi sunt, sine qua quid superba, & sapere quidem credens, sed reuera eneruis & cæca mortalitas possit? tum etiam quòd multi has sectas ipsius licentię causa subiuerint; aut de suę religionis integritate incerti, & certi tamen in ea hærere, plus fraudandæ conscientię laborant, quàm colendæ pietati. Alię præterea causę sunt, eæq; liquidò ex ipsarum hæreseon vitio natæ . Nempe, quòd doceantur, *Fidem ad salutem sufficere; ope-*

*ra meritoria lusoriam esse rem, & commentum Papiſtarum; Certos esse se de salute: Peccata omnia Electorum venialia esse.* Næ sapiunt, si dum hæc credunt indulgent liberius genio, nec animum cogunt in arctam disciplinam, quæ voluptates secludit, & corporis pondus assidua pietate cogit ad cælum. Nam si certò crediderim me esse *electum, & prædestinatum ad vitam*, ideoq; quicquid deliquerim mihi à Deo certissima venia esse donandum, cur impetum animi ullum frangam, quod diuitias, dignitates, aut delicias promittat? Si credo nullum opus *meritorium* esse, cur orando, meditando, cur vigilijs, cur ieiunijs, domitum animum exerceam, corpus emacerem? Hi sunt fontes ex quibus soluta procurandæ salutis incuria in multis hæreticorum profluxit. Neque minus nocuit sublata disciplina, de qua nos paulò ante, quæ in Ecclesia Catholica pro fræno est fragili naturæ, & semper in terram propendenti; nempe ieiunia, abſtinentia à carnibus, statuta tempora, quibus religiosius ad Dominum redeamus. Nostros enim hos mores peruicaci superbia contemnūt Sectarij;

ctarij; quasi certis aliquot diebus austeri, credamus toto deinde anno licere à Deo, ac virtute recedere. Alij negant hæc ardentioris pietatis opera, sub annuam Dominicæ passionis memoriam, procuranda, ne nobiscum qui tunc maxime Deo vacamus, videantur vlla in re coniuncti. At quis eiusmodi sententiarum est exitus? nempe vt delicatuli sitis, Sectarij; & nec nostro, nec alieno tempore, mollia corpora, & iam scilicet de salute certa, vexetis. Lutheranus nobilis (hæc secta plus cæteris de veteri disciplina, retinet) ipso die Parasceues cum viam obiret, fortè Calvinistarum templum obuium habuit, ratusq; ad memoriam illos Dominicæ passionis conuenisse, equo relicto se in illorum cœtum intrusit. Ecce autem longè alia Ministri thesis erat; nempe de nuptijs ad Canam Galilææ: nimirum vt nobis in salubres lachrymas mersis, illi è contrario lætiori concione à tristitia sensum auerterent. Excanduit Lutheranus, remq; postea amicis sic retulit, vt eam risu & indignatione exciperemus. In Angliâ nunquam hilarius conuiuia exercent, omni carniū & ferculo-

rum

rum pompa, quàm feria sexta. Ludus ille magnatum est, ac veluti pietas, sese à Papistis scilicet abhorrere testantium.

In pauca rem conferam. *Ex fructibus eorum cognoscetis eos*. Si Lutherum, si Calvinum, cæterosque Sectarios vis Numinis sacra ad restituendam Ecclesiam Orbi dedit; omnino & ijs qui ipsis sunt assensi, addenda luculentius pietas fuit, quàm alijs qui in Romana hæserunt Ecclesia. At contra omnia: Nos corrupti scilicet; nos (vt aiunt) Romanis poculis ebrij; tamen humiles, timidiq; salutem speramus, & de ea, ex Scripturarum, & Ecclesiæ norma timemus. nos castigando corpori, frænandisque animis incumbimus; Eucharistiam ministramus quotidie; ieiunia, atque abstinentias sedulò colimus, quas olim pastores Ecclesiæ statuerunt; multa ex nobis millia habemus, quæ diu, noctuq; assiduis precibus Deum propitient: multi ex nobis propter regnum Dei castrantur, subeunt paupertatem, voluntatis propriæ dulcedinem abijciunt, nos denique *propter verba labiorum Domini custodimus vias duras*. Illi autem qui à nobis recesserunt, illi candidi,

didi, atque columbuli, Ecclesiæ & Scripturarum sunt iudices; de salute, vt certa, non laborant; ieiunia, pœnitentias, afflictiones carnis, quæ à prisca Ecclesiâ indictæ sunt, pro nihilo habent, & ad libitum à seipsis volunt indici. castimonix vota passim violant, ac quod magis est, publicè docèt posse impune violari. Quid cætera enumerem? O miseram, pudendamq; restorationem Ecclesiæ! *Tu Domine constitue Sectarios, vt loquitur Augustinus, ante faciem suam, vt videant quàm turpes sint, quàm distorti, & sordidi, maculosi, & ulcerosi.*

*Impingas eos in oculos*

*ipsorum, vt inue-*


*niant iniqui-*

*tatem*

*suâ.*







## C A P. V.

*Ex præcipuis Sectariorum fundamentis necessario sequi, ut cuilibet sit licitum sibi religionem fingere. Illos non alterius generis argumentis inniti, quàm Arianos, ceterosque præscos hæreticos.*

**H**ABEMVS igitur istius schismatis duces, non insignes fuisse miraculis, non inusitata sanctitate conspicuos. Sed nec illi maioribus, aut alterius generis telis vfi, quàm quibus veterum seculorum hæretici, quorum in inferis animæ, & in terris damnata memoria. Liceat enim interrogare Sectarium, cuiuscunque ille sit sectæ, quis concinnauerit illam credendi formulam cui adhæret. Calvinus omnino, aut Lutherus, vel homines eadem,

dem, aut simili doctrina imbuti; qui ab Ecclesiæ nostræ corpore, cui antea adhærebant, auulsi, iudicia, & opiniones suas, id est, vt ipsa hæreseos significatio indicat, hæreses sunt sequuti. Hos tu, Sectarie, sequi audes? quæ intemperiæ, quæ dulcedo nouitatis, aut iudicij tui superba fiducia, vt illis hominibus credere malis, quàm antiquæ Ecclesiæ, à qua ipsi digressi sunt, quæ per vniuersum Orbem est sparsa, quæ non minus quàm isti nouitij fidē Scripturis vult haberi, quæ tot seculis tuos Patres regenerauit, aluit, sepeliuit?

Quòd si hoc ius est, deligendi magistros quos in fide sequamur, an me possis arguere si Arium, aut Pelagium sequi volo, eodem prorsus modo in nostram pugnantes Ecclesiam quo vestræ hæsectæ; controuersiam nempe mouentes de authoritate Ecclesiæ, & de sensu Scripturarum? Certè si Protestantibus quales in Saxonia, aut Hassia vigent adhæres, iniuria in eos accenderis, qui Protestantibus in Anglia adhærebunt; quamuis tu Lutherum sequaris, illi Calvinum, & sic *de essentialibus rebus* sit inter vos dissensio. Cur enim tam ipsis non sit ius arbitrari

trari rectè Scripturas apud suos exponi, quàm tibi apud tuos? Imò si & nouam ego sectam in Orbem inuexero, inuenirimq; discipulos, qui aliquod corpus, seu Ecclesiam (vt vocatis) constituent, iniuria eos carpes, qui nouæ illi Ecclesiæ fidem habebunt; Nam vt tu Protestantes aut Puritanos, ita illi me, meosq; discipulos, credent de Scripturis rectè sentire. Non voraginem vides? non audis intonantem auribus tuis Deum? Cur foras prodijsti? cur à meæ Ecclesiæ limine te proripuisti? An quòd ibi corruptam fidem crederes, neque rectè Scripturas exponi? Quis hoc autem tibi dixit? tuumne iudicium? ergo tibi, ò superbe, plus quàm Ecclesiæ credidisti. An hoc alij tibi persuaferunt? quĩnam autem illi alij? num miraculis clari? num indubitato aliquo testimonio à me missi? imò nihil aliud afferentes quàm animi sui sensa, coniecturas humanas, Scripturas ad suam mentem expositas, vt iam à meorum Apostolorum æuo omnes hæretici, Nicolaus, Cerinthus, Marcion, ceterique. Isti recentes tibi rectè dicere visi sunt; tu illos es sequutus. Cur his verò es addu-

E

ctus,

Quis, vt Ecclesiam relinqueres, in quam antea & tu, & tui parentes, diuinis & *supernaturalibus* rationibus adducti intraueratis? Quid tunc Deo respondebis, Sectarie, nisi quod respondere etiam possint, Manichæi, Ariani? te credidisse Romanam Ecclesiam esse corruptam, nec sincere Scripturas exponere; & Spiritum sanctum ad tuæ sectæ homines transfugisse.

Amplius dico, Sectarie, non satis dici posse, te ex Caluini, Lutherive sententia instituere tuam fidem; ac ne ex sensu quidem illius Ecclesiæ, seu verius synagogæ, cui adhæres; Sed omnino iudicio tuo te credere, vt tibi sis ipse Ecclesia, Ecclesiastes, Pastor, Ouis, & omnia. Insanum quid, sed proh dolor! & certum. Quanquam enim ex vobis hi Lutherum sequantur, illi Caluinum, vos tamen eiusmodi hominibus obnoxios esse negatis, nisi quatenus Scripturis consentire. hoc est (vt modò cōstabit) quatenus vobis illi videntur cum Scripturis consentire. Imò ne Ecclesiæ quidem vestræ, nisi eadem cautione subscribitis. Neque enim Anglicanam, vt vocatis, Ecclesiam, aut Gallicam,

licam, aut Batauam, aut Germanam, *infallibilem* esse putatis. Si verò *infallibilis* Ecclesia tua non est, restat omnino, vt cum aliquid tibi ab ipsa credendum proponitur, statim explores, id ne cum Scripturæ norma conueniat. si iudicas conuenire; non ideò credes, quia ita Ecclesiæ tuæ, sed quia tibi sic visum; sin absolum iudicas esse, qua iusta ratione poteris ab Ecclesia tua cogi? Diceretne illa Ecclesia, Audi Ecclesiam, Pastores tuos audi, noli altum sapere, obtempera. mihi, non tibi credendum est? At referres; Ecclesiam & Pastores ego audio, quatenus illi Christum atque Scripturas. Num tute, ò Ecclesia mea, *infallibilem* dicis? quo iure aut priuilegio errare non possis, quæ contendis & Romanam, & Græcam, potuisse errare, imò errasse Ecclesiam? Dicis Romanam errare; & ego, te. Non hîc monstra quæ debellem in vobis Sectarijs fingo. Res est exemplis; & effectu notabilis. quippe illa de Ecclesijs & Scripturis iudicandi libertas, ab vno Luthero in tot hæreses, quot hodie Europam infestant, dissecta est.

Vides ergo, Sectarie, te non tã ab Eccle-

fia tua regi, quàm à sensu quem à Scripturis colligis ipse, seu vt vestrum plerique loquuntur, à spiritu & genio quem vobis Scripturas legentibus Deus infundit. Non aduertis ad quam perniciem, spectent hæc monstra? non cernis confundi omnia ac euerti? Eo priuilegio, & exemplo, quot mortales, tot religiones inuenias. quisque sibi sapiet; ex cuiusque libidine proscindetur misera fides. Neque tu vllum ideo carpere iure possis. diceret enim, cur tu me à iure tuo eximis? tu ex tuo iudicio Scripturas exponis, ego ex meo; ille ex suo. Pugna tantum inter vos hæc forsitan erit, cui purius, veriusque loquutus sit Spiritus sanctus; Aut vter feliciori ingenio Scripturas legerit, & inter se contulerit. Quod ad illos internos Spiritus sancti sermones, cum res secreta sit, cum inuisibilis, an alterum alteri cōcessurum existimas? Quod etiam ad vim ingenij, atque industriam, (quæ ambitione nulla preciosior naturæ mortalium) tunc illi te submittes, illene tibi? Rixæ restabunt, schismata, anarchia; nulla lex, nullus iudex.

Patrocinor tamen & tibi; & quidem nō excuso

excuso quòd sis hæreticus; sed quòd ad proprios sensus, propriumq; iudicium componas tuam fidem, cùm sis hæreticus. Nam illud ex vestræ religionis præscripto est; vestræq; Ecclesiæ norma (quam nunc Ministrorum aliqui frustra dissimulant, ne ab eorum imperio, eodem quo venistis itinere possitis elabi.) Hi enim à quibus hoc seculo vestræ sectæ institutæ, vt discessionis suæ à fide Romana fingerent causas, acriter contendunt, nullos esse Pastores, nullum coetum fidelium, id est, visibilem nullam Ecclesiam, quæ non possit errare. Si omnis eiusmodi Ecclesia potest errare, ergo & vestra: Si vestra, omnino tibi parco, qui salutis sollicitus, vbicunque eam credis errare, diuertis in alios sensus. Nam eadem tibi ad hoc ratio, eadem authoritas, quæ Lutherò antè fuit, quæ Bucero, Carolstadio, Caluino, Petro Martyri, & id genus hominibus, vt auderent ab Ecclesia Romana secedere. Si hoc, inquam, ipsis licuit, licebit & tibi; Si tibi, quid nō & alijs? Hinc verò quàm insana libertas, quàm publicè signum nouis, antiquis; vesanis, damnatis, impijs, omnis generis

erroribus datur? Serenissimus Magnæ Britanniae Rex, quo iudicio pollet, aduertit, sæpeque asseruit, ad omnem impietatem viam sterni puritanismo; Quippe facile Puritanos extremis patere hæresibus; hos ad Brunistas, hos ad Anabaptistas, hos ad Arianos non semel defecisse. hinc breuem omnino ad Atheismum viam esse. Solerter Serenissimus Rex; ac vtinam ordiatur non à media scala, sed ab infimo gradu. Certè enim Athei sæpe ab Anabaptistis, & Brunistis; à Puritanis autem Anabaptistæ multi, omnesque Brunistæ; At vnde hi ipsi Puritani? nonne à Protestantibus, Lutheranis, & eiusmodi sectis? Adeò vt vocari ritè possint hæ sectæ, quæ ab vna defleunt in aliam nouam (quod de Eunomianis, qui Arianæ arboris furculus erāt, dicit Ambrosius ij. Hexæm. Cap. v.) *radicis degeneris fructus deterior*. Nec alio iure dissentiūt à Lutheranis Anglici Protestantes, quàm quo ab Anglicis Protestantibus Puritani, à Puritanis Brunistæ, à Brunistis Anabaptistæ. Par ius omnibus, aut verius par omninò iniuria. *Abyssus abyssum inuocat*. Vbi semel ab Ecclesia



sia est descitum, leuioribus primùm erroribus mens infelix imbuitur ( veluti qui prima adhuc nocte extremum aliquod Occidentis Solis lumen aduertunt) Hinc paulatim ad peiora prodigia itur; & *peccator postquam in profundum venerit contemnit*.

Non igitur exhorres, Sectarie? qui videas ex tua disciplina necessariò licentiam sequi, quæ credulitatem mortalium in innumeras destribuat sectas, omnes hæreses licitas faciat, singulis hominibus etiam *bardis, blennis, buconibus*, mulierculis quoque, eam tribuat Scripturarum exponendarum potestatem, quam nos cum sanctissimis Patribus profitemur vnicæ, & Orthodoxæ Ecclesiæ esse concessam? Dicis, ò erro, errasse Ecclesiam; interimq; ipsa relicta, velut missus ex arca Noës coruus, cadaueribus quæ diluuij procella feruntur, incertus ac vagus, non dicam insistas, sed fluctuas. Iterum dicam; Non exhorres, Sectarie, qui non possis grandioribus argumentis commendare tuam Sectam, quam alij Sectarij suas possint, quæ hodie multæ tibi aduersæ, in te pugnantes? imò quàm olim suas

Ariani, Manichæi, Marcionistæ? Finge enim me ab Ecclesia Catholica velle recedere; quonam abibo? quo me recipiam? Calles vbique, vbique semitas videas, easque diuersas, ac sæpe contrarias, eorum qui ab nostra Ecclesia diuertunt. Porro vnica est Ecclesia; non scinditur tunica Christi, non Spiritus sibi repugnat. *Vnam congregationem Domini, vnam Ecclesiam nouerimus* (inquit Ambros. iij. Hexæm. Cap. j.) Ex tot vestris semitis, ex tot sectis (etiamsi daremus aliquam probam esse) tantum vnica esse posset quæ ducat ad cælum; reliquæ necessario ad inferam gehennam decliues sunt. Quænam autem est illa beata? quo sydere illustrata, vt dignosci ab errantibus possit? Peto à vobis Lutherani, vbi est domus Christi? Apud nos, inquiunt. Itane est, Calvinistæ? imò apud nos, referunt. Eadem Anabaptistarum vox, eadem Arianorum. *Tunc si quis vobis dixerit, Ecce hic est Christus, aut illic, nolite credere.* Adeò liquida hæc res, vt nec Sectariorum quisquam neget, omnes sectas sibi sapientiam imputare, & ab vnaquaque despici cæteras, tanquã errantes.

Quò

Quò me igitur vertam, si à Romanæ Ecclesiæ gremio abeo? aut verius cur abibo? Quæ causa, ut ad Protestantes potius quàm ad Arianos secedam? Paria utrorumque argumenta, prætextus idem est, vna autoritas. Nam quid olim Ariani? Errant Homousij, aiebant, in Scripturis exponendis, iniuriam Deo faciunt, nostra nos salus ab ijs diuidit. nos cum Apostolis sentimus. hi ab illis abierunt. Quid vos magis Protestantes? Ecclesia Papistica erronea est, non ritè scripturas exponit, nos ab ea tanquam à Babylone exiimus; Catholici suis somnijs implicantur, quibus excussis nos iam subito lumine ac sapientia refectioni in Apostolorum fide consistimus. Peto à te, o quisquis es istius æui hæreticus, sed sanari cupiens, nec monentes exosus, ut vocem utramque perpendas. Num quid à me falsi dictum? Nonne hæc fuit Arianorum vox? Nonne illa hodie vestra? Vide autem an vos hæc verba meliori iure quàm isti. Scripturæ non ritè exponuntur ab Homousijs, inquiunt Ariani; Scripturæ non ritè exponuntur à Papistis, siue Catholicis, inquiunt nunc hæretici.

retici. Vnde autem hoc probant Ariani? vnde huius æui hæretici? Vna, eademque ratione. Afferunt verba Scripturæ, ea examinant, de ijs disceptant, de ijs iudicant, quod ipsorum iudicio est consonum audaci maiestate pronunciant. Tum hæc verba intonant Ariani, *Pater maior me est. & non quero voluntatem meam, sed voluntatem eius qui misit me, &c.* Alia in errorum suorum fundamentum. Protestantes assumunt, Anabaptistæ alia, alia molles, alia rigidi Lutherani. Quod si ab Arianis petieris, cur in illos suos sensus Scripturas exponant, referent, faciles legentibus esse Scripturas, si-bique liquido tam ex primæ antiquitatis studio, quàm ex ipsarum lectione & collatione constare ita esse exponendas. Iam interroga Protestantes Lutheranos, & Protestantes Caluinistas, cur eum Scripturarum sensum teneant quem sequuntur, nõ responsum aliud feres, quàm illud Arianorum; imò non aliud dedere vlli hæretici, non aliud vnquam dabunt.

At verò nos ad disputationem iam prouocant isti, scilicet probaturi se ex mente Scripturarum, & sentire, & loqui.

Quid

Quid mirum? nonne & olim acres ad disputandum Ariani? nonne in disceptando Scripturas, argumenta, Philosophiam, pertinaciam, attulere? quæ illorum in Concilio Nicæno certamina? qui tribus & amplius seculis, libri, clamores? Nihil est quod non possit aliquo prætextu defendi, ab ijs præcipuè qui iudices viuos, loquentesque defugiunt. Omnino Scripturæ sunt certæ, diuinæ, colendæ; quis negat? sed sunt mutæ, sed sunt eo lumine quod superbos oculos fallat. Ijs tacentibus potest imponi; eas facile torqueas; eius denique tales tibi sententiæ videantur, quales in animo ipse habes. vt ob oculos colorati vitri positu, domos, homines, campos, eo colore censeas quo tinctum est vitrum. In Philosophorum scholis inualuit ne quis in Aristotelem pugnet. num ideo non diuersæ in illis sententiæ? hi istud, hi aliud asserunt, & à se vtrique Aristotelem stare contendunt. Interpretes iuris pro oraculis habent Auctores Digestorum: pax tamen inter illos vtique rara. In Vlpiani, in Papinij verba consentiunt: De Vlpiani, de Papinij mente dissentiunt. In omni disciplina, eadem

ratio

ratio erit; quæ interpretatione constant semper dubia, ac perplexa sunt, semper dissertationis in varios sensus, & arguendi subtilitate, plenissima. Et hinc omnibus semper hæreticis materia, vt Scripturas ex sui animi sententia loqui credant, aut credere fingant. Hinc etiam causa, vt Ecclesiam semper accusent, quasi non sit illa legitima, atque Catholica, cuius iudicio acquiescendum. Neque quid plus istius seculi hæretici, quam olim Ariani. Imò qui non ex hæreticis extorto ex Scripturis velo tecti? Ethnici prorsus sint, neque ullos Christianorum alligiant, qui non profiteantur ex mente Scripturarum sapere velle.

Igitur cum Sectarijs disceptatio nulla utilior, quam vt doceantur non fide disputationis æstui quo toti incallescunt, aut argumentis quæ incitato ingenio in ipsis nascuntur, non denique dulcedini qua suas partes, suasque sententias, tanquam charissima pignora amant. Hæc enim omnia adfuere singulis hæreseon sectis; neque illæ ideò meliores; Imò his olim armis instructi in Iudaismum Ethnici, Iudæi etiam, atque gentes

gentes in nascentem Christi fidem. Nec iam istis animus magis ardet, tutandis partibus suis, quàm antiquis olim hæreticis. Testis Macharius Monothelita; Episcopus Antiochenus, qui coram Oecumenica Synodo VI. loqui sic ausus. (Action. VI II.) *Non dico duas naturales voluntates, aut duas operationes naturales, in incarnationis dispositione Domini nostri Iesu Christi; nec si membratim incidar, & mittar in mare.* Rectè de eiusmodi disceptatoribus Hieremias (Cap. x.) *Stultus factus est omnis homo à scientia.* idest (vt exponit Ambrosius lib. I. Hexæmer. Cap. iij.) *infatuatus est versutæ disputationis astutia.* Audi præmonentem Apostolum (ad Ephes. IV.) *ne circumferamur omni vento doctrinæ in nequitia hominum, in astutia, ad circumventionem erroris.*

Neque hîc tamen disputandi subtilitatem excludo. Quò nobis à Deo ingenium, nisi vt illius lumine in perplexis utamur? Ne nos quidem absque rationis auxilio, *unam sanctam Catholicam, & Apostolicam Ecclesiam credimus.* Sed illa vis disputandi ni sobria, prudensq; sit,


fit, exerrat in gentilium Philosophorum mores, & superbia, incredulitate, contumacia laborat. Eadem penè sunt ad Angelum Gabrielem verba Zachariæ, Mariæque; & hæc tamen cæcitatem, illa præmium meruerunt; quia diuersus erat sub eodem sermone interrogantium, ac propemodum disputantium sensus. *Hoc igitur dico* (inquit Apostolus, ad Ephes. I v.) *& testificor in Domino, ut iam non ambuletis, sicut & gentes ambulant, in vanitate sensus sui.* Audi Augustini ad Hæreticos verba (De Morib. Eccl. Cathol.) *Quamobrem adestote animis, inquit, si fortè illa superstitione ita tenemini, ut euadere aliquando possitis. Adestote, inquam, sine pertinacia, sine studio resistendi: nam aliter vobis perniciosissimum est iudicare.* Et Serm. LI. In Ioannem. *Fides debet præcedere intellectum, ut sit intellectus fidei præmium. Propheta enim apertissimè dixit; Nisi enim credideritis, non intelligetis.* Ita est in his rebus disputandum, ut sciamus agi de fide, non de mathefi aliqua quam scire oportet, non credere. Ita est disputandum, ut in illa inuestigatione veritatis paratus sit



fit sibi imperare animus, nec ad pertinaciam contentio succedat; & post sobriam diligentiam lis componatur utique semper eorum autoritate legitima, quorum est de fide, ac moribus iudicare.

Atqui ostendimus Sectarijs omnibus longè alios mores esse; quippe illos, vel pertinaci superbia credere sibi ipsis; vel eiusmodi viris, qui propria temeritate, sibi finxerunt Ecclesias; denique in disputando parem esse Sectarum omnium rationem (quanquam illæ inter se contrariæ) pari, inquam, ratione, & autoritate agere Pelagianos, Arianos, Lutheranos, Calvinistas, ceterosque hereticos; adeò ut vel omnes hæ sectæ, vel nullæ, probandæ sint, & homini synceri iudicii sit multò facilius omnium misereri, quàm ad ullam accedere.

Nunc porrò exequendum, quàm nos in sancta Ecclesia, quæ à Conditoribus Apostolica appellatur; à magnitudine, Catholica; à sede, Romana, alterius sortis simus, quàm de nostra fide certi, quàm denique solis nobis Christianorum nomen, & cœtui nostro soli Ecclesiæ signa, conueniant.



## CAP. VI.

*Esse unicam veram Ecclesiam . Non posse fieri ut diuisi Sectarij sint in Ecclesia , quæ non diuiditur . Sectarios nullam habere à prisca Ecclesia successionem . Nullo antea seculo ullos homines ita de fide sensisse , ut hac ætate Sectarij .*



CCLESIAM Græci dixerunt, quod Latini Concionem. Sed profano vocabulo sanctitas & veneratio accessit, ex usu maximè Christianorum, qui ut suos à Iudæis cœtus distinguerent, pro Synagoga dixere Ecclesiam; siue verbi arcanam vim sequuti sunt, quod *euocationem* significat (cùm nemo Ecclesiam intret, nisi quem suo spiritu Deus impulerit) *Nemo potest veni-*

*venire ad me, nisi Pater qui misit me, traxerit eum.* Ioan. VI. siue de Graciæ more collectam multitudinem ita dixerunt, cùm in Ecclesiam Christiani conuenirent, percipiendo Dei verbo, peragendisq; mysterijs. *Εκκλησιαστικός* (inquit Hieronymus initio Cõment. in Ecclesiasten) *Græco sermone appellatur, qui cœtum, id est, Ecclesiam congregat.* Quicquid sit illud inualuit, vt Ecclesia sit congregatio sancta fidelium, (congregatio inquam, seu adunatio consentientium in fidei rebus) quæ generalis est, & omnium vna, ab antiquis Orthodoxa & Catholica dicta; cuius omnes Christiani sunt membra, quos neque hèresis, neque schisma, neque anathema à tanti corporis communione submouerit. Vbicunque, inquam, sint, & quoquo nomine appellentur veri fideles, sunt illius Ecclesiæ partes. Tributum est & Ecclesiæ nomen, fidelium cœtui, qui in eadem Prouincia, aut etiam vrbe viuunt. Hinc illæ in Asia septem Ecclesię, de quibus in Apocalypsi Ioannes Apostolus: Sed eiusmodi Ecclesiæ, nisi membra sint vniuersalis istius, id est, nisi sint in ipsius communione, ac

fide, iam non sunt Christi Ecclesiæ, sed Antichristi Synagogæ. Nam cum Catholica, siue Orthodoxa Ecclesia, sit rectè de Christo, & fide, sentientium cœtus, necesse est omnes qui ab illius Ecclesiæ sensu diuertunt, malè sentire, veram fidem non habere. *Ecclesia*, inquit Hieronymus in Psalm. xxiiij. *ex pluribus personis congregatur, & tamen una dicitur propter unitatem fidei.*

Ea quanquam clarissima, turbari Sectarij volunt; & unitatem Ecclesiæ, in diuersarum religionum disciplinas extendi. Isaacus Cusaubonus in Respon. ad Epist. Illustriss. Card. Peronij, quam iussu Serenissimi Britanniarum Regis scripsit, *Obseruatione prima*, in Catholicæ Ecclesiæ gremium penè omnes eorum, qui se vocant Christianos, sectas admittit. Ait, vigente Romanorum imperio fuisse duntaxat *unum Ecclesiæ Catholicæ corpus*: Sed, inquit, *Distractionem Imperij distractione Ecclesiæ Catholicæ est sequuta, &c.* Romana igitur Ecclesia, Græca, Antiochena, Aegyptia, Abyssina, Moscouitica, & plures aliæ, membra sunt, doctrina quidem, & fidei sinceritate multum

*tum præstantia alia alijs, sed tamen membra Ecclesiæ Catholicæ; cuius compages quod ad formam exteriorem, dudum est soluta. Paucis hæc expendamus.*

Si sentit Casaubonus has omnes quas recenset Ecclesias, fuisse quidem olim membra Orthodoxæ Ecclesiæ, iam verò ab illa, ob schisma, vel hæresim, esse recisas, nihil dixerit nouum, nec quid pro se effecerit. Nam & Marcionistas, & Manichæos, & Arianos, scimus eadem ratione membra Ecclesiæ Catholicæ posse vocari: Siquidem in ea fuerunt, & ab ea, per hæresim discesserunt. Sin (vt reuera vult, & loquendi ratione conficitur) intelligit Orthodoxam Ecclesiam, quæ sub Romano erat imperio, ita in has quas recenset Ecclesias esse diuisam, vt vnaquæque earum Ecclesiarum, maneat adhuc pars, atque membrum illius Catholicæ Ecclesiæ, non puto vel ipsi qui hoc scripsit tam alienam à iudicio, rerumq; natura, præbari potuisse sententiam.

Nam si nihil est quo effici possit, vt Ecclesiæ aliquæ *particulares* desinant esse Ecclesiæ Catholicæ membra, sequitur, Manicheorum, Arianorum, Donatista-

rum, Pelagianorum Ecclesias, nunquam à corpore veræ Ecclesiæ discessisse, cui omnino ante susceptam hæresim erant insertæ. Sin re vlla hæc scissura fieri potest, certè schismate, aut hæresi fiet. Quæ ergo ratione Ecclesias, quæ schismate atroci dissentiunt, imò quæ de maximis fidei partibus aliter atque aliter statuunt, ac proinde quarum aliquæ necessariò hæreticæ dicendæ sunt, ad vnius Ecclesiæ Catholicæ corpus reuocat, quæ ideò Catholica dicitur, quia hæresi patere non potest? Vt ceteras nunc omittā; nonne Romana, atque Græca Ecclesia, de ijs dissentiunt, in quibus errare sit hæresis? Romana Ecclesia docet, totius Ecclesiæ curam Petro Apostolo, ac per hoc successoribus demandatam. Negant Græci. Romana Ecclesia sentit Spiritum sanctum à Patre, Filioq; procedere. Græci à solo Patre volunt. *Antiochena* autem Ecclesia, nonne Iacobitarum est, id est, Eutychiana hæresi infectorum? De alijs Ecclesijs fileo, quæ & à Latinis, & Græcis recesserunt. An Ecclesiæ igitur quæ contraria sentiunt de Fidei tantis rebus, verè sentire omnes possunt? an illæ non  
esse

esse à Catholico corpore separatae, quæ schismate, ac hæresibus seipsas corrumpunt?

Peto deinde, num credat Casaubonus, nullam hæresim Romanæ Ecclesiæ insidere: Si sic credit; cur tam sæui ab ea Ecclesia abiere hoc ævo Sectarij; quid tot contumelijs, tam tumultuario odio opus? Sin existimat eam vlla hæresi esse pollutam; quare illam Ecclesiæ Catholicæ membris annumerat, cum hæc duo nulla ratione conueniant, esse Catholicam, & esse hæreticam?

Sed est scilicet Lydius lapis quo produntur hæretici, *de Ecclesia disputare*, aut *illam designare*: Adeò vt anxij, turbatiq; non inania modò, vel falsa effutiant, sed inter se pugnantia; & nunc quidem ita vulgarem cum Casaubono Ecclesiam fingant, vt vix ab ea Christianorum vllos excludant; quò laxatis adeò septis possint & ipsi in illa contineri; Nunc è contrario inuisibilem faciant, in deserto fugitiuam, oculis mortalium subductam, seculis vt minimum decem; vt excusationem audaciæ suæ parent, qua Ecclesiam carpunt, quæ illis seculis viguit,

& aliam fingunt, quæ tunc nullibi visa. Calvinus in illis est, qui in eam rem multa, & maximè Præfatione Institutionum. Vbi & ait, *Deum interdum Ecclesiæ suæ exteriorem notitiam ab hominum aspectu auferre*: Vt igitur modò ostendimus has omnes quas recenset Casaubonus Ecclesias esse non posse Ecclesiæ Catholicæ membra, cùm *essentialiter* inter se de fide dissentiant. Ita iam & carpendus Caluini fœdus error, qui Ecclesiam Catholicam per multas ætates, à luce, *ab exteriori notitia, ab hominum aspectu* sublatam asseruit. Nam è contrario sentimus Catholici, nunquam desijisse Christi Ecclesiam, nunquam ita delituisse, vt non cognosci potuerit.

Cùm igitur disceptamus vtrum Ecclesia ad hanc ætatem à Christo durauerit, nihil aliud quærimus, quàm vtrum, in aliquot semper hominibus, voluerit Christus suam fidem incolumem esse. Et verò voluisse quis sanus dubitabit? Iam non semel protulimus Scripturarum Oracula. Matth. xvi. *Portæ inferi non præualebunt aduersus eam Ecclesiam.* Matth. xxvi 11. *Et ecce ego vobiscum sum usque*  
ad



*ad consummationem sæculi*. His adde Apostolum. 1. Cor. xi. *mortem Domini annuntiabitis donec veniat*. & 1. ad Timoth. i. i. *Ecclesia Dei viui columna, & firmamentum veritatis*. Nam quæ illa columna, aut quod genus firmamenti, si visibilibus & marmorearum columnarum saltem ætatem ferre non potuit? Quot enim à Christi ævo columnæ in nostris tempora durauerunt, superstites sæculis, bellis, incendijs? At spiritalis hæc columna, erecta Deo artifice, & Deum, id est veritatem sustinens, columna Christi sanguine empta, sola Christi hereditas, solum Christi cum hominibus tabernaculum, impar ætati, tyrannis & hæreticis impar, miserabili ruina perierit? Quid pluris? adeò absurdum cogitare *veram fidem* vlllo tempore prorsus extinctam, adeò Scripturis aduersum, vt liberalis ingenij hominem in tanta prodigia non iturum existimem. præsertim cum vel ipso tempore Antichristi (quo nomine isti scilicet Papam intelligunt) fore fideles, atque electos, Christus pronunciet (Matthæi xxiv. ) *& nisi breuiati fuissent dies illi non fieret salua omnis caro; sed pro-*

*pter electos breuiabuntur dies illi.*

Est vnica ergo Ecclesia, quia veritas vna est, & vnica vnus Christi sponsa. *Non debetis existimare* (inquit Hieronymus in Psalm. lxxi.) *plures esse Ecclesias, quæ habeant vbera doctrinarum, & possint credentes scientiæ lacte nutrire. Vna est Ecclesia, & vnus Christus sponsus Ecclesiæ.* Durabit & illa Ecclesia ad extremum seculorum, quandoquidem duraturam Spiritus sanctus in Scripturis asseruit. Videamus nunc quæ sit illa Ecclesia, quæ nempe & exorta à Christo, & ad nos continua serie sit perducta. Negas, Sectarie, esse Latinam, negas & Græcam esse; ais denique illam esse quam sequeris. Atqui iam antè ostendimus non fieri posse vt veræ Ecclesiæ nomen, conueniat omnibus sectis, quæ hoc seculo sunt exortæ; cum sint inter se contrariæ, Demus igitur, dicis causa, vnā illarum esse veram Ecclesiam; at cæteræ saltem erunt in hæresibus numerandæ. Nec quæ sit illa candida vllō argumento satis euiceris. Omnes enim vno ore prouocant ad Scripturas. Putesne itaque in incerto viuendum, Sectarie, donec linguam Domi-

Dominus Scripturæ tribuerit, quæ viua & publica voce sententiam de tanta referat, non literis vt nunc mutis, quas in suos semper sensus corrumpere hēretici?

Sed vt nunc grātiā fecerim illius inter vos discordiæ. Peto à te Sectariē, cuiuscunque sis Sectæ, saltem vt probes omni æuo extitisse, qui idem senserint quod tu modò, quibus in fide successeris, quorum Ecclesiam iam impleas. Nihil hac postulatione est æquius. Cū enim conueneritis derepente in nouam credendi rationem, & hunc vestrum cœtum dixeritis veram esse, & perennem à Christo Ecclesiam, quid iustius quàm à vobis exigi, vt probetis hanc vestram Ecclesiam semper à Christo, saltem in quibusdam mortalibus, constituisse? Voluere lurrisconsulti, (& ita natura fert) vt onus probationis in petitozem incumberet. Nos autem, vt vel ipsi fatemini, in possessione eramus, longa, antiqua, multorum seculorum, cū vos vindicias scilicet pro veritate postulauistis. De possessione nos vultis extrudi. Quid cessatis ergo probare, vos legitimos hæredes Ecclesiæ? Indicate successionis ius, maiorum seriem  
à qui-

à quibus accepistis hanc quam colitis fidem. Non malignè vobiscum, non scrupulosè agam; neque iam quæram, vtrum multi omni ævo adhæserint Ecclesiæ vestræ, sed vtrum pauci aliqui, imò vel vnus saltem; vt quod de collegio Iurisperiti dixerunt, ad Ecclesiam referamus, *collegio constituendo plures esse oportere; conseruando vnicum satis esse*. Date, inquam, vel omnibus seculis vnum, qui vestrarum partium fuerit; neque quæram hæreticus, Orthodoxus, Philosophus, Atheus fuerit; sed omnino manus dabo, vos sequar, vobis applaudam.

Pudebit vos antiquorum hæreticorum autoritate vti, quorum tamen hæresibus vti non pudet. Sed nec pudeat. Ipsos omnino consulite. Aërius orationes pro mortuis vobiscum explosit. At vbi ille in Eucharistiam, in pium cultum imaginum, in Sanctorum suffragia? Nusquam gentium. Non igitur ab illo vestra fides. Vigilantius in Sanctorum reliquias inuentus est; Iouinianus virginitati detraxit. Vtrique in his rebus consentitis. Sed non illi vobiscum in cæteris. neque enim euerdebant liberum arbitrium, non erant à

Misſe

Missæ sacrificio alieni. Docuit vobiscum Eunomius homini fidem habenti peccata non obesse : sed & ille malè de Christi diuinitate sensit. Non vos igitur, ò Calvinistæ, Lutheranique, Eunomianos dici feretis. Proclus, concupiscentiam ipsam in homine, peccatum esse dixit ; idem dicitis. Sed in Proclo cætera quæ in vobis, nunquam inuenit, aut damnauit Ecclesia. Denique (quo quid amplius ad vestrarum sectarum infamiam?) penè singula, in quibus erratis, authores habuerunt aliquos ex veteri ætate hæreticos ; qui autem simul omnia, quæ vos hodie, in vnum coëgerit, nec primis seculis extitit, nec omnino ante vos vllus.

Non igitur ab hæreticorum illorum, aliquo vestra religio : Vt iterum efflagitare liceat vestræ sectæ parentes, seriem, æuum. Græcosne proferetis ? Illi enim à Romana Ecclesia desciuere, & diu est quòd Romano Pontifici maledicunt. Ita est ; & vos hac parte (fateor) similes Græcis : Sed num & in cætera fide ? Nihil minus. Græci de transubstantiatione, de inuocatione Sanctorum, de imaginum cultu, nihil à nobis dissentiunt. Vobis denique

nique adeò non iunguntur, vt nihil dissimulato nomine, vos hæreticos palàm in-  
clament. Nam sollicitatus à vobis Iere-  
mias Constantinopolitanus Patriarcha,  
inter cætera in hæc verba rescripsit (in  
sua διδασκαλία ιερωτικῇ.) *Omnino tacere  
nobis propositum fuit ad ista Vestra, nec  
respondere vobis quicquam: qui adeò aper-  
tè tum Scripturam, tum Doctorum San-  
ctorum interpretationes ad vestram vo-  
luntatem transferatis: cùm Paulum ha-  
beamus nos sic hortantem: Hæreticum  
hominem post vnā, atque alterā ad-  
monitionem rejce. Verum quia silentio  
nostro futurum fuisset, vt vobis assentiri  
videremur, &c.* Ergo Græci (vt vel hinc  
constat) diuersi à vobis. nec exemplo  
esse possunt fuisse omni æuo aliquos qui  
vobiscum in fide sentirent. ipsi enim ne-  
que semper in ea quam profitentur secta,  
neque vlllo tempore in vestra fuere.

Qui igitur vestri authores? qui paren-  
tes? Bertramum nescio quem habetis,  
& deinde Berengarium, qui de Eucharis-  
tia senserint quod sentitis. Quid tum?  
an legitur ille Berengarius, ille Bertra-  
mus, controuersiam de Purgatorio, de  
inuo-

inuocatione Sanctorum, de veneratione imaginum, de Pontificis potestate, mouisse? Fides itaque vestra non eadem quæ illorum. Ad Vvaldenses, & Albigenes respicitis? oppidò feri hi vestri parentes; scilicet illi anno Domini M. C. LXX. hi verò post annum M. C C. nati. Vacauit igitur tot seculis ante illos Christi fides? Sed demus vacauisse. Libet enim indulgere plus iusto. Num cum Vvaldensibus creditis, *iudicium sanguinis omnibus interdictum; laicos à peccatis posse absolvere, Eucharistiamq; conficere; semel in anno, idq; in Domini cæna, Eucharistiã consecrandam; non quidem prolatione verborum, quæ in cæna Christus instituit; sed recitatione orationis Dominicæ?* Num verò cum Albigenibus, creditis duo principia, vnum bonum, alterum malum; dicitis Christum, nec verum Deum extitisse, nec hominem verum? Fortè negabitis has fuisse Vvaldensium, aut Albigenium voces: quia non extant eorum volumina, & quid senserint, ex Orthodoxis tantum habemus. At eadem opera & de Ario, & de Manichæo subdubites, & penè de omnibus quotquot olim vixerunt hæreti-

reticis, quid docuerint, quid errarint: quandoquidem diligentia Ecclesiæ fractum, vt eorum scripta non ferrent ætatem, abominata fidelibus, & passim flammis data. Sed ex Catholicorum Patrum fide tenemus quid illi sentirent, in quos scripsere hæretici. De Vvaldensibus porrò, seu Pauperibus de Lugduno, & Albigensibus ea quæ retulimus tradunt, S. Antoninus, Guido Carmelita, Bernardus Lutzemburgensis, & alij plures. Date, paris ætatis, paris fidei viros, qui quod isti de his hæreticis prodidere, aut negent, aut refellant. Nec abnuo vester esse, modò probetis, Vvaldenses, aut Albigenses in ea fide vixisse, quam hoc æuo laudatis; aut vestram istam fidem continua ab illis serie ad vos esse perductam.

Num denique Io. Vvicleffum, Hussiumque, tanquam vestros maiores, laudabitis. Quinam illi? nonne nouitij? cum Vvicleffus circa annum M. CCC. LXX. scripserit; perieritq; Hussius anno demum M. CCCC. XV. In confesso apud vos est, plus mille iam annis nostram fidem viguisse; vt verò vestræ quoque vetustatem commendetis, ad ducentos supra  
hoc



hoc æuum annos duntaxat suspicitis?  
 Vos à Vvicleffo, aut Hussio? At à qui-  
 bus Vvicleffus, Hussiusque? Successio-  
 nem enim quærimus ab Apostolis ad Lu-  
 therum, aut Caluinum. Sed duri non  
 erimus. Vide modò, Sectarie, vt Vviclef-  
 fi, Hussijque sententias ritè sequaris. Ec-  
 ce autem inter cætera, Vvicleffi doctri-  
 nam. *Nullus est dominus ciuilis, nullus  
 est Prælatus, nullus est Episcopus, dum  
 est in peccato mortali. Vniuersitates, stu-  
 dia, collegia, graduationes, & magisteria  
 in eisdem, sunt vana gentilitate introdu-  
 cta, & tantum profunt Ecclesie sicut Dia-  
 bolus. Ditare Clerum est contra regulam  
 Christi. Iuramenta illicita sunt quæ fiunt  
 ad corroborandum humanos contractus,  
 & commercia ciuilia.* En vt in multis  
 Vvicleffi hæreses diuersæ à vestris sunt.  
 Quid quòd nominatim S. Augustinum  
 esse damnatum audaculus ille pronun-  
 ciat, *nisi pœnituerit de hoc quòd habuerit  
 possessiones, & instituerit religionem?*  
 Quid quod dicit, *Populares posse ad suum  
 arbitrium dominos delinquentes corrige-  
 re?* quam infelicem anarchiam, etiam si  
 placeat multis vestrum, ( vt editi libri te-  
 stan-

stantur, vt mores, vt Ministrorum de sua suæq; Ecclesiæ potestate, confusa & superba iactantia ) tamen nondum publicè audes laudare, Sectarie .

Sed negare iam Sectarij volunt, ita, habere Vvicleffi doctrinam . Quidam in illis ingenio non causæ innixus , nuper hoc ausus est ; Et ratio illius ; quia hæc , inquit, *nusquam in Operibus eius reperta, quæ manuscripta apud nos Anglos sunt ; edenda merito in lucem, vt hæc, & aliæ non pauca calumniæ diluantur .* Vvicleffi opera manuscripta apud vos sunt ? Num liquidius argumentum non stare Vvicleffum à vobis, quàm quod tot editis in nos libris, anquisitis vndique argumentis, hæc Vvicleffi opera delitescere voluistis ? Quod si nunc post septuagesimum Anglicanæ hæreseos annum , placebit tandem fortè aliqua sub Vvicleffi nomine scripta emittere ; cui syncerum iudicium, qui non illa vel conficta, vel ad vestram libidinem, aucta, excisa, mutata existimet ? Quam autem Constantiensis Concilij Patribus frontem effingitis, qui auderent in re recenti, in re plerisque nota, adeò impudenter de Vvicleffo mentiri ?

tiri? Nulline præter illos Vvicleffi scripta  
 viderant, doctrinam audiuerant; vt tutò  
 imponere Orbi possent, & tanquam in-  
 re arcana quidlibet dissimulare, vel finge-  
 re? Nonne denique hos ipsos articulos,  
 quos Vvicleffo tribuimus, tribuit & Ioan-  
 nes Husz Vvicleffi discipulus? Certè  
 enim in Concilio Constantiensi damna-  
 tus est, quòd assereret iniquè damnatos  
 quadraginta quinque Ioan. Vvicleffi ar-  
 ticulos; ex quibus ea ipsa deprompta quæ  
 modò retulimus. Nonne porro recla-  
 masset Ioannes Husz, cui tunc copia  
 publicæ defensionis facta; si non verum,  
 & ea à Vvicleffo concepta, & à se etiam  
 esse probata? Imò res adeò publica ex-  
 titit, vt omnibus de illa constaret. Ha-  
 bes enim, Concil. Constan. Sess. viij. *Idem*  
*Ioannes Vvicleff libros dialogum, & tria-*  
*logum per ipsum nominatos, & plures a-*  
*lios tractatus, volumina, & opuscula*  
*composuit, in quibus præscriptos, & alios*  
*damnabiles inseruit, & dogmatizauit ar-*  
*ticulos, quos libros ad sui peruersi dogma-*  
*tis publicationem publicè legendos expo-*  
*suit.* Ausinè patres hoc scribere, nisi  
 publicè verum; cùm publicè libri exta-

rent, quibus argui potuissent, & venire in iustam, pudendamq; infamiam? Quin & ante Constantiense Concilium, Oxoniensis Academia, hos xxxv. articulos; aliosq; præterea multos, in Vvicleffo prehenderat, atque damnauerat. Num tunc illi scripta Vvicleffi non habebant, vos demum habetis? Num tunc omnes non modò cæci, sed impij ac mendaces, qui innocenti calumniam struerent; vos tandem oculati, religiosi, innocentes?

Ad Ioannem Husz venio, cui si consentitis, cur ipsius discipulos, cur inquam Hussitas in Bohemia pro fratribus non habetis? cur hi à vobis, vos ab illis, tam atrocibus rixis abitis? Sed & præterea, de Hussij doctrina hoc fuit, illas Vvicleffi sententias, quas modò retulimus, magna iniuria à Catholicis Doctoribus esse damnatas. *Condemnatio*, inquit, *quadraginta quinque articulorum Ioannis Vvicleff per Doctores facta, est irrationabilis, & iniqua, & malefacta*. Répetit etiam nominatim, ac probat, hanc perditam Vvicleffi insaniam (Art. xxx.) *Nul-  
lus est Dominus civilis, nullus est Prala-  
tus, nullus est Episcopus, dum est in pecca-*

*ta mortali*. Si non admittitis ergo Vvicleffum; certè nec Hussium. At vos longè à Vvicleffo dissentire, Sectarij, ex ipsius stylo prodidimus; igitur & ab Hussio dissentitis. nèque is vobis pater, nèque patronus.

Vnde ergo vestra origo? quis hanc Apostolicam fidem quam profitemini; per manus tradidit vobis? quis eam ab Apostolis accepit? quis acceptam continuavit? Non erimus iniqui censores; non ad viuum omnia exigemus. Date aliquas antiquorum historias. aut si scriptas traditiones non habetis; alias date. Quàm indignum, Sectarij, nec imaginario quidem iure vos niti? Iterum in os dicam. Si vel vnum singulis atatibus fuisse monstretis, qui vestram fidem coluerit; non quæram pius fuerit, nec ne, eruditus, an scientiæ expers, nec cum illo, nec vobiscum disputabo: sed quod ad me est tota causa viceritis; nos tunc hæretici, nos pleni mendaciorum; vos à Deo eruditi, vos veri cultores. Sed ò pudentiam rem, destitui partes vestras tantillo monumento, tantillo successione vestigio. Et quos tandem sani ingenij vi-

ros, hæc ratio diligenter expensa ab vestræ hæresis cœno non eruat?

Dicetisne in occulto rem fuisse? tunc regnasse Antichristum, tunc tenebrismersum Orbem; Nec defuisse tunc fideles, sed non ausos aperire quid vellent, aut sentirent? Quid hoc monstri? abstrusa, latens, ignota Ecclesia? Non sic visum Augustino, lib. iij. contra Epist. Parmeniani, Cap. v. *Nulla est securitas unionis, nisi ex promissis Dei Ecclesia declarata, quæ supra montem, ut dictum est, constituta, abscondi non potest.* Sed esto. Latuerit tunc lux mundi; latuerint illi vestri fideles. At quàm multum latuere? Si adeò in occulto fuerunt, ut nullam sui memoriam, nullum monimentum reliquerint, quonam modo vobis innoscere? quo referente id scitis, quod nemo retulit, nemo cognoscit? Quòd si aliquid restat, quo doceri idoneè possit extitisse eiusmodi viros, quid cunctamini rem efferre? quid vos indefensos hactenus reliquistis tam longo, turpique silentio? Id enim est quod vehementer exposcimus, is vestræ hæreseos pudor, vestræ sectæ infamia. Nam faceffat, quòd  
vetu-

vetustatis speciem hæresi vestræ facturi,  
 hos cum cura, ac supercilio numeratis,  
 qui in nostram pugnaverunt Ecclesiam:  
 Illic victoriam incondita fraude statuitis,  
 illic canitis, Iò triumphe. Quid hoc au-  
 tem, nisi fascinum inexpertis obijcere?  
 An sequitur eò quod hostes tunc fuerint  
 nobis, vos patronos, vos amicos habuís-  
 se; aut tunc etiam omnino vos extitisse,  
 qui coli, vel defendi possetis? Pugnaue-  
 re in nos Iudæi, pugnauere gentiles, pu-  
 gnatis vos. An sequitur vos ex Iudæo-  
 rum, aut gentilium castris? Quò diuersi  
 abitís? Iam non quæritur qui à nobis dis-  
 senserint, sed qui vobiscum consenserint.  
 & consensisse tot seculis vltos, omnino  
 negamus, nec vos hætenus probauistis.  
 Nam quò nomen illorum, quò memoria  
 euauit? cùm nec veritas adeò ynquam  
 premi, imò nec hæresis possit, vt in totum  
 illam fama deficiat. Christianis interdi-  
 ctum olim foro, Senatu, iure communi;  
 quærebantur ad necem, latebant in an-  
 tris. Num ideò fama interiit, non dicam  
 Christiani nominis, sed etiam multorum  
 ex ipsis, qui ita latebant? Imò clari in  
 Ecclesiæ ore viuunt, imò eorum secreta,

atque cubilia, apud nos sunt in pretio, in honore. Quot hæreticorum insania gladio Principum pressa, nihilominus sibi nomen à suorum pertinacia quæsiuit? Quid quod illis seculis de quibus disputamus plus viginti sectæ exortæ sunt, quæ in Romanam pugnare Ecclesiam palàm auderent? Cur & vestri igitur illi parentes, illi vestræ religionis antiqui cultores, non ausi promere quid sentirent? Adeone omnibus illis defuit animus, ardorque *coram hominibus confitendi Christum suum*, ut soli timerent, soli tacerent, suæ gloriæ, & sibi creditæ veritatis proditores? illi, inquam, quos vultis solos pios tunc fuisse, solos cæli candidatos? Nam occasio, ut constat, non his minor, quàm ceteris sectis, quæ tunc in Romanam Ecclesiam & acres, & crebræ.

Quæro etiam ubi vixerint hi vestri decessores. An in vrbibus regnisve Catholicis? ergo & se Catholicos simulabant (alioqui de illis quæsisset magistratus) id est, & Missæ nobiscum intererant, sumebantque Eucharistiam nostram, ut minimum semel in anno, cæterisque ritibus miscebantur, quos in nobis ut flagitio-




gitiosos damnauistis. hoc pacto, quos vultis Ecclesiæ dignitatem tunc solos sustinuisse; illi Christum coram hominibus non erubescabant modò, sed foedè negabant: fingebant se idololatriæ consentire, peccatorū Babylonis participes erant. & ne vnus quidem ex illis *ad exemplum virtutis, & fortitudinis*, instar Eleazari, aut Machabæorum erectus est. quo quid in fabellis absurdius? Sin hos vultis extra Catholicorum regna vixisse; quid tunc facilius erat quàm mentem aperire, & religionem vestram sua voce sancire?

Ne multa nugamini. Vel seculis decem, & amplius, (quod monstrum est) omnino intercidit Christi Ecclesia, Spiritus Dei ab ea ablati; qui Christianorum nomine censebantur, Pseudochristiani, & idololatriæ erant, quòd ea crederent, quæ hodie Catholici credimus; Vel nunc vos non in vera, veteriq; Ecclesia, sed in noua hæresi estis. Quæ hæc autem fungorum natio est? quæ sine maiorum serie ignobilis turba? quæ soporem tot ætatum, obliuionemq; officij ascribat Paracletò, & hunc demum gloriatur post tot secula excitatum in se florere? quæ

exigere de Ecclesiæ agro veteres colo-  
 nos meditetur; nec longæuæ Ecclesiæ,  
 sed sibi credi velit de sensu Scri-  
 pturarum? Pudeat, Deus bo-  
 ne, & illos certaminis,  
 & fugæ hos ex no-  
 stris, qui im-  
 becilli  
 a-  
 nimo ad eas lar-  
 uas percul-  
 si sunt.

••





## CAP. VII.

*Fidem Romanæ Ecclesiæ, quæ hodie  
viget, esse ab Apostolis. Eius exor-  
dium non posse à Sectarijs designari;  
nec quando inceperint ea credi quæ  
nunc carpunt. Ex Sectariorum sen-  
tentia nunquam Francos, aut An-  
glos, verè fuisse Christianos. Ec-  
clesiam, nunquam fidem mutauisse;  
sed tantum definisse, quid de fide sit,  
aut non sit.*



**S**ATIS iam nos de illa col-  
luie. Ac vt scias, Secta-  
rie, quàm vnde exeundum,  
tam etiam quò eundum;  
vbi illas Synagogas despe-  
ris falso Ecclesiæ titulo sese iactantes, re-  
spice ad sanctam Catholicam Ecclesiam,  
ex qua omnes omni æuo exiere hæretici,

in qua omnes omnium aëuo fideles vixerunt. Ingens istud, & penè non vnius voluminis argumentum: Non quod obscura res, vel perplexa; sed quia tot in eam rationes à Scripturis, Patribus, atque historijs, vt ex multis pauca eligere sit arduum: & omnia in pauca conferri non possint. In hac messe, satis nobis præcipua aliqua annotare, quæ tibi, si iudicio vti voles, ostendant, Sectarie, *ab ipsis Apostolis nostræ Ecclesiæ originem esse: Eam semper publica, semper eadem fide fuisse; In ea vixisse Doctores sanctissimos, qui vulgò Ecclesiæ patres dicti; In illius denique sinu plures sanctimonia vitæ insignes omni seculo extitisse.* Cæteris indicijs parco, quæ plura supersunt probandæ sinceritati Ecclesiæ. Nam hæc quæ posuimus, satis erunt animo bona fide sanari cupienti. Apud malignas autem mentes, superuacua est disceptatio omnis: quippe illis ad ambitiosam, potius voluptatem, quàm animi curam hæc quaesita de religione contentio.

Aio ab ipsis Apostolis originem esse Romanæ illius Ecclesiæ, Romanæ illius doctrinæ, quæ hodie viget. Hoc si ne-  
gant

gant Sectarij; indicent certum tempus quo demū hæc nostra incoepit Ecclesia, & illa Apostolorum extincta est. Liquidò enim ex historijs, & ipsa confessione hostium constat, fidem Romanæ Ecclesiæ primis seculis fuisse purissimam. Annos, ac menses, ac propemodum dies, possumus recensere, quo quælibet hæreseon-  
secta exorta est. Si igitur & nos à Christo perennes non fuimus, quid cessant in lucem eruere nostræ religionis cunabula? Quidam ex illis sub quarti à Christo seculi finem volunt excidisse legitima sacra; liberaliores sunt alij, & ea vixisse vno seculo amplius volunt, id est, demum extincta sub quingentesimum annum. Sunt qui dicere aufint, S. Gregorium Magnum, bonorum Pontificum vltimum extitisse, primumq; malorum. Non argumentis, non Philosophia opus est. suo-  
pte vitio hæc machinæ cadunt. Ecce ambigitur quo tempore in tam horrendos lapsus quales in Romana fide somniant, Ecclesia sese demiserit. Nescitur, quando de Ecclesia Spiritus sanctus excesserit; nescitur quo tempore cœperint Christiani, Apostatæ atque hæretici esse. Num  
in ani-

in anilibus somnijs quicquam infanitus ? Scitur quo tempore Iconomachi coeperint, quo Ariani, Manichæi, Eutychiani. Scitur, inquam, expresse : neque tantum de seculo non ambigitur, sed propemodum nec de anno. Quando autem celebris illa Romanorum Ecclesia, illamq; sequutus Christianorum Orbis, à sincera fide defecerit, adeò sit ignotum, ut hic vnum seculum, alius aliud tradat, nec de ipso tēpore certò pronuncient? Adeòne res vana, aut obscura, ut lateat? Nugæ, deliria.

Sed & cogitent isti Sectarij, ut substantiam apud Philosophos, ita fidem apud verè Christianos non recipere plus, vel minus. Vbi fides in aliqua sui parte corrupta est, non est amplius fides. Non est ergo ut referant, ideò non satis definiri tempus posse, quo Romana Ecclesia desijt esse Christi Ecclesia; quia errores in illam varijs temporibus, ac veluti non vnico æstu, allapsi sunt. Vanus, inquam, hic fucus; quandoquidem desijt esse Christi Ecclesia, non tunc demum cū diuersis erroribus obsoleuit; sed statim ac primo errori in fide apud se locum fecit.

Qua-

Qualis autem primus hic error? quo tempore infecit Ecclesiam? Sub quo Pontifice? quo teste? quo authore. Et quod caput est; quis veterum reluctatus? Nam sit prorsus insignis amentiae, si reclamasse neminem putes; sed omnes omnino Ecclesias statim cum Romana in hæresi conuenisse; præsertim si, ut vultis, Romana non erat cæterarum omnium caput. Hæc explorare debuiſtis Sectarij; hæc ostendere: quæ prima hæresis, quæ secunda; & Ecclesiae fidem, quæ præcessit hæresim illam primam, in omnibus sequi. Sed nihil horum factum. Turbulento odio proclamatis, Romanam Ecclesiam, *Apostaticam, & adulteram* factam; nec quando hoc nefas admiserit, tot adhuc studijs, & tam diligenti odio à vobis repertum est. *Inceptus clamor frustratur hiantes.*

Volunt igitur præcipui vestri duces, exerrasse Ecclesiam, circa quingentesimum Christi annum. Vide porrò quid inde sequatur, Sectarie; & siue Gallus es, siue Germanus, aut Anglus, quam pudendo flagitio oneres tuam gentem. Inde enim sequi necesse est synceram Christi fidem nunquam Francis illuxisse:
   
sed

sed à *paganismo* ipsos non tam ad fidei Solem, quàm ad aliam noctem, & heresim esse prolapsos. Quippe Rex Clodouæus, demum in fidem Christianam receptus est, Anno Christi quadringentesimo nonagesimo nono. Falsò igitur Christianissimi Reges dicti, qui nunquam verè ac propriè Christiani. Neceffe & Saxones, qui hodie Angliam colunt, nunquam verè fuisse Christianos; quippe qui fidem circa annum Domini sexcentessimum susceperunt. Quid de Germanis dicam, maximèq; Saxonibus, qui circa annum septingentesimum octogesimum à Carolo Magno domiti, Christi fidem amplexi sunt? Vbi illorum populorum ingenium, vbi contumeliæ impatiens animus, & ad minores iniurias sæpe exastuans? Negant isti Sectarij Maiores vnam vestros in legitima Christi fide vixisse? Et vos hoc auditis? hoc fertis? nec in ora inuolatis, per tam fœda conuitia vestras gentes calcantium? Nihil hìc nimis; nihil ad Sectariorum inuidiam fictum. Nam si admittis, Sectarie, imbutum vera fide Clodouicum, si Anglos, si Germanos; concedere prorsus debes, ve-

ram



ram ergo Christi fidem adhuc illis seculis  
viguiffe; nempe quingentesimo, sexcen-  
tesimo, septingentesimo, & amplius an-  
no: cui consequens erit, vt (quod præci-  
puè horres) quęcunque vera illa Eccle-  
sia publico consensu probauit, & te quo-  
que probare oporteat; nempe Sacrificium  
Missę, Potestatem Pontificis, Purgato-  
rium, implorata Sanctorum suffragia, &c.  
quę omnia nec ipsi negare audetis iam  
illis seculis in Ecclesia fuisse solemnia.  
Sin illas gentes negas ad Ecclesiam ac-  
cessisse adhuc integram, adhuc veram;  
non te in indignam inuidiam, sed in iu-  
stum odium apud hos voco, quorum pa-  
tres vt profanos ac miseros, vis nunquam  
à Christi Spiritu didicisse quo ritu propi-  
tari voluerit.

Referetis forsitan, Ecclesiam non fuisse  
amplius puram (quippe admistis ex  
traditione hominum ritibus multis) sed  
necdum impuram; Instar vini in acetum  
degenerantis, aut aquę, quam limpidam  
miscere tempestas cœpit. At iam antè  
ineptissimę obiectioni respondimus. Ne-  
scit in eiusmodi medio stare Ecclesia. Vel  
errat in fide, vel non errat. Statim ac  
errat,

errat, definit esse vera & vna Ecclesia; quamdiu verò non errat, sine sacrilegio non ab illa disceditur. Accedit non minimos, vestro iudicio, iam errores, his de quibus agimus seculis illapsos Ecclesiæ; nempe Missam, Pontificem, Purgatorium, liberum arbitrium, Monachorum vota, inuocationem Sanctorum, &c. Si cum illis, vt vocatis, erroribus consistere potest legitima, pura, vera Ecclesia; quid nostram Ecclesiam ob res easdem tam sæuiter proscripsistis? toties *apostolicam* in-clamastis? Si non potest consistere; Age ergo, nec pudeat confiteri, Francos, Anglos, Germanosque, qui in hos ritus initiati sunt, nunquam prorsus extitisse, in legitima, vera, pura Ecclesia.

Sed cur hæc monstra fingitis vobis? quid res extra historiarum fidem? Dicitis varios errores figillatim, eosque horrendos, in Ecclesiam irrepsisse. Vnde autem Christianorum illa patientia? vnde consensus? vt errores singulos adhuc novos, recentesque, sine motu, sine disceptatione reciperent? Longè alius mos æui illius. In lucem noua sententia vt prodibat, Pastorum animi in Occidente, in

Oriente

Oriente erigebantur ; de ea quæri placebat: Si hæreticam censuissent, statim acerrimis decretis arcebatur ; sectatores habebat , schisma fiebat . In hunc modum hæreses omnes ortæ : In hunc modum ab hæresibus pura semper Ecclesia . Iam autem , verbi causa , quando Purgatorij doctrina inuecta est ( vultis enim inuectā ; non ab Apostolis manuisse ) quis tandē repugnauit ? quis secessit in partes ? Idem de adoratione Eucharistiæ dixerim , de veneratione Reliquiarum , de quæ cæteris , in quæ pugnatis . Quid quòd Hæresiarcharum nomina neutiquam latent ? nec tantum eorum qui grauissima fidei capita , sed & eorum qui leuiores , vt sic dicam , corruerunt ? At verò Purgatorij author quò nomine fuit ? quis author Martyres , Sanctosq ; inuocandi ? imò , quando hi primùm ritus in Christianis inualuerunt ? Vetustissimos authores proferetis , & qui in scriptis forsitan primi de illis meminerint ; non tamen vt de rebus suo tempore demum natis , sed in Ecclesia iam cætis , iam antiquis . Denique in his ipsis , quæ nunc estis adorsu euertere , accidit quod & in illis , quæ iam olim oppu-

gnarunt hæretici; vt nimirum inuenirentur, qui ista dogmata improbarent, sed ista iam antiqua, iam vetusta fide recepta. Veluti nil inter se Christiani dissenserunt, cùm coëptum est credi, Christum Dominum esse Patri æqualem; Christum Dominum veram carnem assumpsisse; Christum Deum ex Virgine natum; Vnū Deum esse omnium rerum principium; Hominem vi liberi arbitrij, sine Dei gratia, non posse ad salutem peruenire, &c. Postea exortus est Arius, qui Christi diuinitatem sugillaret; Valentinus & Marcion, qui negarent verum, & humanum corpus Christi fuisse; Nestorius, qui sanctissimam Virginem nollet dici Deiparā. Manichæus, & Apelles, qui duo rerum principia esse docerent; Pelagius qui liberi arbitrij dignitate Dei gratiam vellet excludi. Sic cùm primū credidere Christiani, Missam esse Sacrificium propitiatorium, verum Domini corpus in Eucharistia succedere substantiæ panis, Purgatorij igne leuiore maculas abstergi, beatorum spiritus precibus compellendos, nemo Christianorum intercessit; ex tot Ecclesijs, sparsis vbiq; , nec vel vna  
repu-

repugnauit. Temporum deinde successu reperti sunt qui in hunc Ecclesiæ consensum attollerentur; quibus non satis fuit Christiani Orbis autoritas, non decreta Pastorum, quin in contrarium argumenta torquerent. Vbi eratis Sectarij, cùm ea cœpimus credere quæ modò negatis? quid facitis nisi quod iam olim heretici? sollicitare Ecclesiæ pacem, in eius consensum erigi; nec quid credat Ecclesia, sed cur credat, superbè, & tanquam pro imperio, explorare.

Sed negatis scilicet nostram Ecclesiam esse illam Orthodoxam, illam ab Apostolis conditam, in quam olim pugnauere hæretici; à qua abire, flagitium: quia (inquit) Christi præceptis non contenta hæc nostra, vbicunque illi visum aut commodum, condit articulos novos, fidemq; Christianam ad libitum auget, scindit, immutat. Id scilicet, apud populum Ministri vestri iactant, hìc inani verborum pompa luxuriant, oriri quotidie in Romana Ecclesia nouas fidei partes, antiquas euerti; & hoc ius à Pontifice usurpatum, quid aliud significare, quàm eum esse *filium perditionis, qui extollitur*

*supra omne quod dicitur Deus?* Bona verba, Sectarij. Si à Petro Apostolo ad Paulum, qui hodie feliciter sedet, probetis aliquid ab Ecclesia inter fidei partes vlllo æuo esse receptum, ac deinde pro dubio vel falso reiectum; ad vos ego transibo, Ecclesiam adulterij damnare non verebor. Sed hæc sunt inuerecunda Ministrorum mendacia, quæ inulta superbè ferociunt; deprehensa sordidè torpent.

Quid? ( inquires. ) An omnia quæ iam de fide esse, Romana docet Ecclesia, ab initio Christianæ fidei decreta fuerunt? Audi Sectarie; Primùm asserimus, nil quod olim *de fide* fuerit, iam non esse *de fide*; deinde, nihil quod iam *de fide* est, vetitum olim, proscriptumq; fuisse. Sed est præterea omnibus seculis à Christo ad nos frequens, vt de quæstionibus, de quibus siue fideles, siue hereticos, nouis litibus disceptare contigerit, pro imperio iudicet sancta Ecclesia; & quodcunque illi Spiritus Dei suggererit, ita fanciat, ita declaret, vt hoc ipsum de fide Christiana deinceps teneamus, quod de fide forsitan nobis antè non erat. Persæpe hoc factum: Nec absurdum, vt deinceps

inteps etiam, de varijs rebus more eodē decernat Ecclesia, quas hodie pro arbitrio impugnamus, aut probamus. Quippe ius suum semper tenuit, semper agnouit constituendi quæ probanda, quæque improbanda, fidelibus; non quidem, ut fingunt hæretici, immutando, aut abolendo quæ antè receperit. (Nam hoc esset vel ius sibi in Deum vindicare, si acceptam ab eō fidem euerteret; vel seipsam erroris arguere, quæ pro fidei articulo coluisset, quod reuera de fide non fuit;) Sed audiendo Iesum Christum, & Spiritum sanctum; & ex voce illorum decernendo de sensu Scripturarum; qui mos (ut diximus) cum Ecclesia natus, in Ecclesia frequens. Ita Apostoli (Act. xv.) *Visum est Spiritui sancto, & nobis.* Ita Patres Ephesini, in Nestorium, *Dominus Noster Iesus Christus, &c. per sacrām hanc Synodum decernit, &c.*

Nec mirere, posse Ecclesiam hæc ad fidem reuocare, quæ dubia antea erant. Vis exemplum? In ipso Christianorum ortu, *de fide* non erat, eos qui ex gentibus ad Christum accesserant circumcisioni subijci non debere. id est, non ita de-

cretum ac publicatum erat, vt hoc credere omnes fideles tenerentur. Factum est porrò *de fide*, posteaquam in Concilio Hierosolymitano statuerunt cum Spiritu Sancto Apostoli, nec circumcisionem, nec ceteras Iudaicæ legis partes, necessarias esse fidelibus. Quòd ab illius Concilij tempore, *de fide*, hoc fuerit, Christianis omnibus certum. Nam quis possit ambigere, an necessarium sit ad salutem circumcidi, cum solenne Apostolorum Concilium Deo authore statuerit, id necessarium neutiquam esse? Quòd verò antea fuerit res perplexa, ex Scripturis liquidò constat. Verba sunt; *conueneruntque Apostoli & seniores videre de verbo hoc. Cùm autem magnà conquisitio fieret. surgens Petrus, &c.* Nisi antea incerta res fuisset, non *conuenissent videre de verbo hoc*, sed *conuenissent damnare*; nec *magna conquisitio* extitisset, quæ omninò disceptationem in vtrumque significat, sed aperta vno ore damnatio. Cùm de Christi morte actum, de resurrectione, de ascensu ad cælum, vides nihil deliberare Apostolos, sed vt tubas omnia sua voce complere. Hic verò conueniunt, hic anxie  
quæ-



quærent . Anceps ergo res mortalibus erat , & quæ Spiritus sancti voce eguerit .

Sunt & alia in eam rem exempla . Sanctus Cyprianus Carthagenensis Episcopus , & cum illo lxxx . Episcopi , censuerunt baptisma hæreticorum irritum esse , & à Catholicis iterandum . Nec hæreticos tamen dixeris . Nondum enim Ecclesia rem omninò statuerat . At si quis nunc post Nicænum Concilium , post primum Carthagenensē , post aliquot alia , quæ de eâ re decreuere , post consensum denique , iudiciūq; Ecclesiæ , hanc Cypriani sententiam laudet , sit ille prorsus hæreticus . Chiliastæ priscis temporibus tolerabantur , ( nam & in ijs sancti aliquot viri ) commenti Christi regnum , post supremi iudicij diem , mille annorum in terris . At post Ecclesiæ de eo commento iudicium , quod opinio olim fuit , nunc hæresim dicas . Tres in Deo Hypostases dicere abnuebat Hieronymus , donec vocis nouitatem probauisset Ecclesia . Orat igitur Damasum Papam , vt de tanta re sententiam ferat . Non quòd sit in Ecclesiæ vel Pontificis potestate , facere vt trēs sint in Deo Hypostases , vel vt

non sint. Sed quòd sit de iure illius, decernere, nobisq; ostendere, vtrum sint, an non sint, illæ hypostasēs.

Desinant igitur turbellas excitare Sectarij; neque fidei nostrę partes inuerti, mutari, corrigi, à Pontifice, & Concilijs iactent. Nil correctum, nil inuersum, nil mutatum inuenient. Quod semel decretum est, vt *de fide* habeatur, omnes, & semper tenet. Sed. quid mirum, si Episcopi, si Apostolorum successores, Apostolorum exempla sequuntur, si de dubijs quærunt, si quod Spiritu duce credendum inuenerint, suo gregi proponunt? Cur enim iam non possit quod potuit olim Ecclesia? Quo iure decernere Damasi fuit, vtrum tres in Deo Hypostasēs sint dicendæ, (põtuissē vero Hieronymus probat, longa ad illum seriaq; Epistola) nisi quò in similibus rebus, id est, dubijs, necdum in Ecclesia definitis, potitur hodie Paulus V? Experire, Sectarie, explora; inuenies fidem nostram sibi constare; cui si quid accedit, id neque in receptas iã fidei partes pugnat; neque ab Ecclesia fit de fide; sed esse de fide declaratur, exēplo omnibus seculis repetito.

At


At dices, In Scholis quantæ lites? quanta argumentorum pugna? Vt Scotistæ à Thomistis, vt hi ab illis dissentiunt? quot deinde eruditi, quibus firmare suas sententias placeat, exagitare alienas? An hoc autem cum Ecclesiæ pace conueniat, quam vnā, & vnius iudicij esse iactamus? Omnino, Sectarie. Quæ in Scholis eo modo Theologi versant, res sunt dubiæ, res adiaphoræ, quibus credendis nulla necessitas, reiiciendis hæresis nulla. Vnusquisque in suo sensu abundat. Non ex imperio fidei, sed ingenij arbitrio, quæ in eiusmodi controuersias cadunt, reiicimus vel laudamus. Caue ergo, Ecclesiam, (cui inconfutilis tunica est) ob eiusmodi licitas lites tibi ipse effinxis, diuisam, laceram, in lunæ *modum* instabilem; cùm è contrario sit sola quæ non sibi aduersetur, & in Sponsi sui modum, *quod semel assumit non dimittat*. Longè aliter hæreses; & ipse Lutherus; qui initiò Missæ patronus, mox hostis illius; nunc purgatorij assertor; mox in illud violentus: cuius deniquè scripta inter se contraria cùm in conuentu publico, à Catholico proderentur, patronum inuenire

uenere Nobilissimum Lutheranum, qui  
 tanquam risum Catholicorum captauis-  
 set, *Fortè, inquit, plus decennio est, ex  
 quo hac à Luthero sunt edita.* Quasi apud  
 hereticos veritas ad omnia lustra mute-  
 tur. Forsan Erasmo plusquam mihi cre-  
 detis, Sectarij. Audite castigantem vestre  
 leuitatis ineptias. Lib. 111. de Liber. Ar-  
 bitrio. *Quid hic commemorem, inquit,  
 quanta inter Euangelistas, sic enim ipsi se  
 vocant, dissensio, quàm atrox odium,  
 quàm amarulenta contentio, imò  
 quanta inconstantia; cum ipse  
 Lutherus toties mutarit*

*sua placita, & sub-  
 inde noua pa-  
 radoxa*

*sup-  
 pullulente*





## C A P. VIII.

*Miris modis, & rationibus, Deum  
potestatem Ecclesiae extulisse. Quòd  
Romana Ecclesia sit Ecclesia Or-  
thodoxa, constare ex fide quam  
Antiqui Patres suis scriptis professi  
sunt; & Sanctorum pietate, qui om-  
ni seculo in ea floruerunt.*

**A**VDI Sectarie, & inclina au-  
rem tuam ad concupiscen-  
dum decorem Ecclesiae. No-  
li fastidioso nutu illius im-  
perium aspernari. Sancta,  
ipsi potestas, ac penè immensa, à Chri-  
sto commissæ est. Nam quid augustius,  
quàm soluere in terris quæ in cælo sint  
soluta, & quæ hic vincula iniecerit, ne  
in cælo quidem solui? Quicumque non  
habuerit illam matrem, frustra sperat  
Deum patrem. Importuna superbia est,

in

in illam extolli, cui credere iubemur, à qua regi, à qua doceri.

Vide porrò quàm semper ac multum, Christus Dominus illi credi voluerit. Posteaquam resurrexit, *Deus dedit eum manifestum fieri* (Act.x.) *non omni populo, sed testibus præordinatis à Deo*; id est, Apostolis, & discipulis qui tunc Ecclesiam constituebant. Si publicè Iudæis conuixisset, si docuisset in media templi luce, si vt Thomæ dubitanti, ita omnibus seipsum præbuisset, quis in gentibus, quis in Iudæis non crederet? Sed ò vias Domini longè à nostris! Voluit vt Iudæi, ac gentes, non oculis ipsi suis, sed docenti Ecclesiæ fidem haberent. Ac vt pauculos olim panes, sed in fœcunda, & aliquot hominum millibus suffectura alimenta laxatos, Apostolorum manu distribuit; Ita per illos vitæ æternæ verba misit, quibus ad salutem pascere mur, credendo, parendo, exuendo proprii iudicii sensus.

Intuere deinde qua ratione, quo stylo, voluerit Euangelia scribi, Apostolorum Actus, Epistolas; (vt Apocalypsim præteream, in qua penè præter nomen rete-

ctum

etum nihil habes.) Alta omnia, recondita, plena sanctiori caligine; Cur id verò, nisi ut fideles in humilitatem demissi, ab Ecclesiæ autoritate penderent, cui exponēti Scripturas idem Spiritus adest, qui adfuit conscribendis? Omnino præuiderat Christus orituros Arianos, Pelagianos, Donatistas, & cætera hæreticorum castra, & ab ipsis Scripturis captaturos occasionem errandi: Cur non in Euangelio loquutus expressius? cur non eo sermone qui nec ambiguus esset, nec perplexus, nec obscurus, tot furores anteuenit? Nesciuit hæc scandala Deus, an occurrere non potuit tantillo remedio? Imò hoc ipsum ad Ecclesiæ decus. Voluit illinc suæ sponsæ maiestatem accrescere, quæ sola de eiusmodi controuersijs disceptaret; Suos autem electos *fieri paruulos* (ut ad subeundum cælum necesse est,) & proprii ingenij sensu despecto, exponenti Ecclesiæ adhærere.

Non vult quidem peccatoris interitum; sed quo sensu cor Pharaonis dicitur indurasse, isthic quoque & plagas hæreticis ponit, qui nolunt contra proprii iudicii *phantasma* edoceri; sed suæ scientiæ fide-

fidere, erigiq; in superbiam, quod est primogenitum peccatorum. Nam non primum hoc seculo graue fuit hæreticis, quod in nostra Ecclesia, credere homines iuberentur, & suis sensibus, suis iudicijs imperare. Augustinus lib. 1. Retract. Cap. XIII. *Scripsi librum, de utilitate credendi, ad amicum meum, quem deceptum à Manichæis, adhuc eo errore noueram detineri, & irridere in Catholica fidei disciplina, quod iuberentur homines credere, nō autem quid esset verum, certissima ratione docerentur.*

Neque neges, Ecclesiam nostram, illam esse Ecclesiam, cui data hæc sancta potestas est, cuius Authores à Christo fuisse Apostoli, cui omnibus seculis Orthodoxæ & Catholicæ nomen fuit. Iam in eam rem multa nos suprâ, nō incertis, aut perplexis iudicijs; multa & alij sepe dedere. Sed est præterea quo hic oculis tuis lumen, modò non inuitis, spargamus. Cuius enim Ecclesiæ membra fuisse existimas Sāctissimos Patres, Irenæum, Dionysium, Ambrosium, Hieronymum, Augustinum, Gregorium Nazianzenum, Cyrillum Hierosolymitanum, Iustinum.

Mar-



Martyrem, Ioannem Chrysoſtomum, & Plures protulerim; ſed teſtium nubem nolo. Haud dubiè Orthodoxos & Catholicos fuiſſe fateberis. Nemo enim illorum in hæreſeos ſuſpicionem venit, nemo non litteris & ſanctitate notiſſimus, nemo non ijs ſeculis vixit, quæ vt incorrupta extollitis. Conferamus igitur veluti in tabulam, ex ſcriptis eorum, lineamenta fidei, in qua vixerunt; vt tu proculdubio veram Eccleſiam eſſe ſcias, in qua vnica fides illa ſeruatur.

Irenæus Lib. I I I. Cap. I I I. *Ad hanc enim Romanam Eccleſiam propter potentiorẽ principalitatem neceſſe eſt omnem conuenire Eccleſiam, hoc eſt, eos qui ſunt undique fideles; in quã ſemper ab his qui ſunt undique, conſeruata eſt ea, quæ ab Apoſtoliſ eſt traditio.* Dionyſius, Capite I. Eccl. Hierarch. *Primi illi Sacerdotali munere duces, ſumma illa, & ſuperſubſtantialia, partim ſcriptis, partim non ſcriptis institutionibus ſuis, nobis tradiderunt.* Ambroſius Oratione in Satyrum: *Percunſtatus Episcopum eſt, ſi cum Episcopis Catholicis, hoc eſt, ſi cum Romana Eccleſia conueniret.* Hieronymus Episto-

stola LVII. Ad Damasum Papam. Ego  
nullum primum, nisi Christum, sequens,  
beatitudini tuæ, id est, cathedra Petri  
communione confocior. Super illam Pe-  
tram ædificatam Ecclesiam scio. Qui-  
cunque extra hanc domum agnum come-  
derit, profanus est. Si quis in arca Noë  
non fuerit, peribit regnante diluvio. Idem  
in Epistolam ad Philemonem. Merito  
Apostoli voce laudatur Philemon, quod  
mandata eius opere præuertat, & possit  
dicere, Voluntaria oris mei complacēt ti-  
bi, Domine; plusque faciens quàm præ-  
ceptum est, vincat eos qui tantummodo  
imperata fecerunt, & iubentur dicere,  
serui inutiles sumus, quod debuimus face-  
re fecimus. Virginitas quoque maiori  
premio coronatur, quia præceptum Do-  
mini non habet, & ultra imperata se-  
tendit. Augustinus Lib. IX. Confess. Cap.  
XII. In eis precibus quas tibi fudimus  
cū offerretur pro eā matre mea mor-  
tua, sacrificium pretij nostri, iam iuxta  
sepulchrū posito cadauere, &c. Et Lib. II.  
De Genesi, contra Manichæos, Cap. XX.  
Sed qui fortē agrum non coluerit, & spinis  
eum opprimi permiserit, habet in hac vita  
male-

*maledictionem terræ suæ in omnibus operibus suis, & post hanc vitam habebit vel ignem purgationis, vel pœnam æternam. Gregorius Nazianzenus Orat. xiv. vbi de obitu patris sui Gregorij. Nunc magis proficit nobis precibus, quàm antea doctrina. Ambrosius Libr. De viduis. Obsecrandi sunt Angeli pro nobis, qui nobis ad præsidium dati sunt: Martyres obsecrandi, quorum videmur nobis quoddam corporis pignore patrociniū vendicare. Possunt pro peccatis rogare nostris, qui proprio sanguine etiam si qua habuerunt peccata, lauerunt. Isti enim sunt Dei Martyres, nostri Præsules, speculatores vitæ, ætuumq; nostrorum. Non erubescamus eos intercessores nostræ infirmitatis adhibere. Cyrillus Hierosolymitanus in iv. Catechesi: Aquam aliquando mutauit in vinum, quod est sanguini propinquum, in Cana Galilææ sola voluntate, & non erit dignus cui credamus, quòd vinum in sanguinem transmoutauit? Quare omni certitudine corpus & sanguinem Christi sumamus; nam sub specie vini datur sanguis, &c. Ne ergo consideres tanquam nudum panem, & nudum vinum; corpus  
I enim*

enim est & sanguis Christi, secundum  
 ipsius Domini verba. Quamvis enim  
 sensus hoc tibi suggerit, tamen fides te  
 confirmet, ne ex gustu rem iudices. De-  
 inde. Hoc sciens, & pro certissimo ha-  
 bens, panem hunc qui videtur à nobis,  
 non esse panem, etiamsi gustus panem esse  
 sentiat; sed esse corpus Christi; & vinum  
 quod à nobis conspicitur, tametsi sensui  
 gustus vinum esse videatur, non tamen  
 vinum, sed sanguinem Christi esse. Iusti-  
 nus Martyr in Apolog. ad Antoninum:  
 Nisi libero arbitrio genus humanum, &  
 res turpes fugere potest, & pulchras ac  
 bonas sequi, extra causam, culpamq; est  
 eorum quæ quoquomodo aguntur. Sed ip-  
 sum, libero arbitrio, liberaq; voluntate,  
 & rectè facere, & peccare docemus. Ioan.  
 Chrysostomus, Homil. Lxxxvii. in Ioan-  
 nem, sic Petrum loqui facit, tristem quòd  
 Iesus, tertio quæsiisset, Petre amas me?  
 Propterea contristatus sum, ne fortè me  
 amare arbitratus, non amem; ut antè cum  
 me fortem & constantem putarem, imbe-  
 cillis inuentus sum; & Homil. xi. in pri-  
 mam ad Corinth. Multis de causis in-  
 certum est nostrum iudicium; una, quòd  
 multa

*multa opera nostra nos lateant.*

Iungamus hæc, si lubet, symbola sanctissimorum Patrum, dispensatorum domus Dei. Animaduerte porro, Sectarie, cuius Ecclesiæ faciem hæc tantorum artificum pictura constituat. *Neceſſe eſt omnes fideles conuenire ad Romanam Eccleſiam. Non tantummodò ſcriptis, ſed & traditionibus, Chriſti diſcipuli nobis quod crederemus reliquere. Ex eo quod quis cum Romana Eccleſia conuenit, ſciatur illum conuenire cum Episcopis Catholicis. Episcopus Romanus eſt Petri ſucceſſor, neque vlla ſalus eſt, niſi in communione illius quam regit Eccleſia. Multa ſunt, eaquæ Deo gratiſſima, ſupererogationis opera, quæ nempe præceptum Domini non habent, & ultra imperata ſe extendunt. Eccleſia pro mortuis orat. Euchariftia eſt ſacrificium, & ab Eccleſia Deo offertur pro mortuis. Sunt duo pœnarum genera poſt hanc vitam, ignis purgatorius, & æterna ſupplicia. Sancti orant pro nobis in celo, & ipſi à nobis orandi ſunt, ut nos precibus ſuis iuuent. Chriſtus in Euchariftia verè tranſmutauit vinum in ſanguinem ſuum; ut in nuptijs ad Canam*

*Galilæa mutauerat aquam in vinum. Pro certissimo habent Christiani, panem, qui videtur in Eucharistia, non esse panem, etiamsi gustus panem esse sentiat; sed esse corpus Christi; item vinum etiamsi gustus vinum esse putet, non esse vinum, sed sanguinem Christi. Liberum arbitrium est in nobis ad bene vel secus agendum. Christiani de sua salute incerti sunt.*

Ecce tibi, Sectarie, sanctissimorum, vetustissimorumq; Doctōrum, sine fūco, sine fraude sententias; quos certum est in vnius Catholicæ Ecclesiæ communione vixisse, charitatis inter se, & fidei vinculis, nexos. Certum hoc, inquam. Nam si dixeris hos fuisse diuersarum Ecclesiarum viros, & vnum alteri hæreticum visum; in te pugnabunt omnes historiæ; teque incitix, aut pugnantis in verum audaciæ conscientia ipsa damnauerit. A quo enim docto, ac probo vllus eorum hæreseos accessitus? aut quæ suorum temporum Ecclesia in illos est inuecta? quis ab eorum communione refugit? Denique quis eorum non alterum laudat? Et his porro sæculis floruerunt, quibus impune non erat, vestro quoque iudicio, vel minimum de

de fide delibare. Ita If. Casaubonus in Epistola iussu Serenissimi Britanniarum Regis scripta ad Illustriss. Card. Perro-  
nium, Obseru. I. cùm de illo æuo ageret.

*Ausus erat aliquis fidem toto Orbe appro-  
batam, quamuis leuiter incrustare? facile  
erat vel puero τὸν ἱεροδοξωῖτα in sua no-  
uitate deprehendere. Fure autem verita-  
tis deprehenso, omnes Pastores totius Orbis,  
si opus erat, commoueabantur: nec semel  
commoti prius quiescebant, quàm de me-  
dio malum sustulissent, & securitati ouium  
Christi consulissent. Ergo ex vestra quo-  
que sententia, Fidem nec minimum hi  
Patres violabant, quorum apertissimas in  
vos sententias modò protulimus. imò  
nec noui aliquid afferebant; sed rece-  
ptam iam antea fidem. Quippe nec à sui  
seculi vllis, accusati nouitatis: Neque  
Pastores Orbis in eos commoti: Neque  
quicquā ab Ecclesia decretū in illos est.  
Quid plura? etiam soletis triumphare si  
ex eorum scriptis exculpi quid possit, quo  
putetis vestros errores adornari.*

Cùm igitur in Ecclesia Catholica vi-  
xerint isti Patres, cùm ab illa sint edocti,  
& in illa Doctores extiterint; sequitur, &

& nunc illam Ecclesiam esse Catholicam quæ iam sentiat, quod tunc illos sensisse liquidò constat. Nemo, nisi ex infanis, hoc neget. Nunquam enim veritas, id est, nunquam Ecclesiæ doctrina, mutabilis.

Restat itaque ut sanctè queramus, quæ sit Ecclesia, quæ hodie sentiat, quod hos olim sensisse ostendimus. Nulla omnino præter Romanam Catholicam. Vides enim de illis fidei partibus, de quibus nobiscum litigatis, eorum calculos qui vos damnent, qui nobis consentiant, adeò multos, publicos, certos, ut sit facilius dubitare an omnino scripserint, vixerintq; isti Patres; quàm de hæresibus vestris quid vno, ac veluti præfago consensu, crediderint.

Nec dicatis nãuos esse, quos in illis collegimus; & nos illarum sordium, non integritatis, successores. Frigida, & inepta responsio. Eanè adeò leuia, ut sint nãui non hereses? Si panis quem in Eucharistia videmus, panis est. Si Papa, non est illius Ecclesiæ rector, extra quam non est salus. si Electi sunt certi de salute; si Ecclesia non offerebat pro mortuis

Eucha-



Eucharistiæ sacramentum, &c. næuos putēs, an hæreses, in contrarium sentire ac docere? Cur hæc igitur ipsa iam in nobis damnatis vt hæreses? cur adeò turbulento diuortio, eorum gratia, Rempublicam & Ecclesiam euertistis hoc seculo? Si hos inquam (vt dicitis) næuos, in sanctis & Orthodoxis viris, sine rixa, sine tumultu olim tulit Orthodoxa Ecclesia; vnde noua ferocitas, vt qui idem sentiunt, iam sint vobis idololatæ, impij, proditores Scripturarum?

Sed ò vos pro tribunali scilicet, de Ecclesia, de Patribus iudicantes! Næui sunt? quis probatæ doctrinæ id antehac illis obiecit? Quis veterum Christianorum has in ipsis quas modò laudauimus sententias reprehendit? Et ne dicas ommissas, contemptasve, quòd de exiguis agerent, ad quæ non se demittat in maioribus occupata Ecclesiæ cura; sunt de grauissimis rebus, sunt publicæ, sunt vt plurimum ab Episcopis ad instruendos populos scriptæ. Num enim non fuere Episcopi Irenæus, Ambrosius, Nazianzenus, Cyrillus, Augustinus? Nec omiserim, quòd hi plerumque non ex suo tan-

tum sensu loqui se aiunt; sed ex communi Ecclesiæ ritu. Nec tam enim Augustinus hic docet sacrificium pro mortuis offerendum, quàm enarrat quid egerit ipse, dum Christiano more Sacrificium Eucharistiæ, pro ipsius matre defuncta, fideles offerrent. Et Cyrillus *de fide Christiana* esse docet hanc suam, imò nostrâ, de Eucharistiæ sacramento sententiam. Iustinus quoque Martyr ait, *Christianos docere*, liberum arbitrium ad peccandum, aut rectè viuendum, in homine esse.

An illi ignorarent quid de istis suo sæculo sentiret Ecclesia? An impudenter, atque impune, de doctrina Ecclesiæ mentitos existimes? Igitur si hi næui; non sunt næui Patrum istorum, sed ipsius Ecclesiæ næui. Cuius autem Ecclesiæ? sanctæ illius, Apostolicæ, Primitivæ, illorum denique seculorum, cuius fidem damnare Lutherus, Calvinusq; erubuit. Accusamur igitur, damnamurq; à vobis, quòd simus in Ecclesiæ fide, quæ fuit Martyrum ævo, crimen est ea sentire quæ tunc docebant Christiani; Et vos misera fraude, illam quidem Ecclesiam colere simulatis

latis ( nam quò aliter apud populum vobis autoritas? ) nos autem, quòd cum illa sentiamus, vltimæ impietatis viros esse contenditis . An vllis stellionibus in diuersum tã facilis color? Vidi in Sectarijs multos , literarum quidem amantes, sed quos alia studia, curæq; diuersæ, ab eruedæ veritatis cura arcuerant, qui ignari, vel ætatum quibus Patres Antiqui vixere, vel sententiarum quas nobis reliquerunt, vbi quid eiusmodi prodebat, confusis animis ad rem insperatam stupeficerent : Sciant illi neminem horum Patrũ, quorum hic verba protulimus, Augustino & Chrysostomo recentiore esse; quorum tamen & doctrinam, & seculum, Sectariorum sæpe præcipui laudare, ac sequi se fingunt .

Ex his , Sectarie , liquidò scias , Ecclesiam nostram, Ecclesiam esse Catholicam . Nam in Ecclesiæ Catholicæ sinu vixere illi Patres, & de fide Christiana, cum ea sensere . quæ autem iam sentiat idem quod illi, nulla est in Orbe terrarum præter Romanam Ecclesiam . Est ergo proculdubio illa Catholica . Agnosce nunc sanctissimam speciem sponsæ Dei, &  
illi

illi te dede. Preciosa est seruitus in tantæ Matronæ familia esse. Scias denique non Ministris tuis, aut tibi; sed illi, scientiæ clauēs datas. quòd si quid doceat sensui tuo aduersum, adeò vt dicere possis, *durus hic sermo est*, noli cum Capharnaitis auerti; sed intellige te humano, & imbecilli ingenio niti, illam porrò diuino. quæsiturum etiam aliquando à te Deum, quàm illi fueris obsequens, quàm ad credendum pronus, cui credere iussus eras; non quàm anxie, aut ingeniosè, de rebus disputaris, quæ non tibi priuato homini, sed Ecclesiæ creditæ erant.

Prolixior iam non ero in probanda tibi Ecclesia, à diffusione doctrinæ quæ omnes Orbis partes sua sanctitate peruasit; ab vnitæ fidei, quam tot locorum diuortia non corrumpunt; à nomine Catholicæ, quod extorquet ab inuitis hereticis. nam si apud Lutheranos Catholicos nomines, non eo nomine Calvinistas, sed nos ille designatos intelliget. Sin loquaris Calvinistæ, & de Catholicis agas, nos etiam eo nomine non Lutheranos censuerit. Hæc, inquam, omitto. Illis scribo qui sanari non grauentur, nec  
qui

qui dissentire, aut disputare malint, quàm ex disputatione vera colligere. Liquidissimas rationes quas antè posuimus, libet non amplius; quàm vno argumento, tanquam gemma, cēlare; Nostram esse Ecclesiam, quæ omni tempore homines aluit sanctitate ad miraculum claros; eruditionis etiam tantæ, vt scias non ineptia eos, sed maturo, egregioq; iudicio, ad seueram pietatem diuertisse. Quid Bernardus? Quid Thomas Aquinas? vterque stirpe clarissima, & in diuitias editus; vterque summo ingenio; in Scripturis vterque versatus. Diuitias abdicant, fiunt Monachi, Sacerdotes (dira vobis iam nomina) in nostra fide viuunt, pro nostra fide scribunt. Quòd ad mores, eximia illis integritas; Scripta, Deum auspicem spirant; sublimia, pia, cælestia. Nec abfuere miracula; nisi vultis omnibus qui tunc vixere authoribus fidem abesse. Denique & Thomæ doctrinam ipsi miramini, quem vir nuper in literis summus Iac. Cuiacius, primum ab Aristotele Philosophum meritò dixit. Et Bernardus, ipsius Caluini iudicio sanctus ac doctus fuit.

Cæcos illos fuisse existimes, vt errores non viderent quos in nobis iam carpit: cæcos, inquam, tantæ eruditionis, tanti acuminis viros? An timidos, & qui pro Dei cultu, pro sua salute, pro communi fidelium bono, non auderent errores Ecclesiæ indicare, vitam quoque, si necesse, proijcere, quam perpetua abdicatione voluptatum in longam veluti mortem sponte mutauerant?

Ne in his solis morer, quid vterque Anselmus? quid Hugo? quid subtilis ille Scotus? quid innumeri alij, quos omnes nec referre memoriæ nostræ est, nec capere tantilli voluminis? Non pij fuere? non docti? non ingentis ingenij? Atqui nostræ Ecclesiæ erant alumni, & omnia quæ in nobis damnatis laudauerunt. Liber exiguus, sed insignis est, & sua mole, si spiritû spectes, maior, seu Gersonis sit, seu Thomæ de Kempis, seu Abbatis à Gersen: Titulus est, *De Imitatione Christi*. Audacter asseuerem, tã coniunctam Deo mentem, tam prudenti pietate perfusam, ac propemodum in abdita Dei raptam, non potuisse placitos illi cultus, & synccræ fidei regulam ignorare. Fuit autem  
ille

ille ex nostris, vt constat; & si erramus, nobiscum errauit. Iam Franciscus de Assisio, iam alter ille de Paula. Vitam spectata, mores, miracula; Angelos dixeris carne contactos. Vterque Sanctissimæ familiæ Pater; vterque penè supra hominum vires, hominum opera deseruit, Deo adhæsit. Etiam miracula quæ per eos diuina vis edidit, tantis authoribus, tot indicijs, testibusq; firmata, non aliter damnauere vestri Ministri, quàm infidelis supercilij cõtumaci audacia. Philippus Cominæus quanti iudicij vir fuerit, imperitus qui nesciat. Atqui laudibus quibus addi nil possit, S. Franciscum de Paula adhuc viuum exornauit. *Denique*, inquit, *neminem vnquam vidi, ex cuius magis ore videretur Spiritus sanctus loqui.*

Vnicum addam; Sanctissimæ memoriæ Carolum Borromæum, Is enim adhuc spirantium hominum testimonijs clarus, & certissimis miraculis apud probos insignis est. Nemo sat dixerit, quanta viro integritas; quàm crebris, verisq; ieiunijs, cilicio, cæterisque ad domandam carnem supplicijs, sibi seuerus; quàm assiduis

duis precibus sæpe noctem diei coniunxerit. quàm nõ modò frugali, sed inopi mensa contentus; quàm profusi animi in egenos; quantus pudicitix assertor, scandali hostis; commissum sibi gregem quàm vigili labore curauerit. Omitto B. Xaverium, è Societate Iesu, Indiarum Apostolum; omitto huius ævi innumeros, quorum odor coram Deo & hominibus fragrantissimus spirat. *Nunquid colligunt de spinis vuas, aut de tribulis ficus?* Hi sunt palmites qui manent in Patre, qui ab eo purgati fructum afferunt in patientia, alius tricesimum, alius centesimum. Fatebor Christianam simplicitatem mentis meæ. Amo ego in illorum Ecclesia, esse. Ex scriptis eorum, scio ipsos capacissimæ indolis extitisse, & maximè cultos; ex moribus, integerrimos video; plerosque eorum testatissimis miraculis Deo probatos. Apage post hæc profanam sapiendi, disceptandi, iudicandi, ambitionem. Eorum vestigia mihi placent. Non possunt tales viri, & quibus Deus noster tantopere charus fuit, non etiam Deo chari fuisse. Non peribit qui eorum fidem sequetur; qui eorū operibus æmulus



lus erit. Et illo quoque nomine mihi in-  
uifa, Sectarie, & detestabilis vestra Eccle-  
sia, quòd hos videam non modò in nostra  
floruisse, sed & *perfecto odio* incensos, hãc  
vestram haud secus, ac diaboli domiciliũ  
scriptis, opera, voce damnasse.

Vides ergo non modò, Sectarie, tuam  
Ecclesiam non esse Ecclesiam, sed & no-  
strã esse illam quæ à Christo inter tot tur-  
bines non defecit; in qua Patres antiqui  
vixerunt, quæ omnibus seculis multorum  
sanctitate *benè Deo complacuit*. quæ iam  
ab Apostolica etate accepit illam fi-

dem, ac tenuit, quã in ea nunc

demũ vos carpitis. Sen-

tis denique, si cor

tibi, aut ani-

mus, vel


in

ea viuendum, vel ex-

tra hanc per-

eundum.





## CAP. IX.

*Cur Sectarijs in Pontificem odium.  
 Conuenientissimum fuisse, ut toti Ec-  
 clesie summus Pastor relinqueretur.  
 Eiusmodi fuisse S. Petrum probatur  
 ex Scripturis. De nominibus, Pe-  
 trus, & Petra.*



CCLESIAM autem istam, delicias Christi, cælum Angelico casu orbum nouis colonijs implentem, noluit Deus instar destituti nauigij carere rectore. Curam Petro demandauit, & per hoc successoribus Petri, quos à Petro Romana Ecclesia habet Episcopos. Sed hæreditarium odium hæreticis inest in illum Christianorum Patrem. Nihil furibus inuisius magistratu; maritos mœchi non ferunt; adulteros nu-  
 mos

mos index lapis offendit. Quid mirum,  
 cùm hæresis omnis in Ecclesiam pugnet,  
 si earum nulla possit cum Ecclesiæ capite  
 conuenire? Necessse hæreticis, aut fateri  
 iusto se iudicio de Christianis expunctos,  
 aut in ipsum Iudicem erigi qui expunxit.  
 Sciunt, stante illo se stare non posse; se  
 hæreticos ijs fore, quibus Pontifex ille  
 erit.

Sed maximè istius seculi hæresis in  
 hanc Apostolicam Sedem inuecta est. Pu-  
 tes satanam imperasse, quod in Phar-  
 lica acie Cæsar, *Miles faciem feri*: adeò  
 acerbum intulere Capiti nostro bellum.  
 Nunc itaque per tantas iniurias grassan-  
 tibus est obstandum. Pugnandum in il-  
 los, aut verius, pro ipsis est. Demulcen-  
 da asperitas, quam in hac fidei nostræ  
 parte sibi finxerunt. Velint modò non  
 inimicitijs suis credere, non obruere odio  
 iudicium suum. Rationi se permittant,  
 Scripturisque moderantibus rationi: Pa-  
 tres denique de Scripturarum sensu ar-  
 bitros esse sinant, qui magnis insignes  
 ingenijs, Deo & Scripturis addicti, con-  
 stituerunt priscis temporibus illam ipsam  
 Ecclesiam, suo consensu, numero, & do-

ctrina, quam inuiolatam fuisse heretici ipsi non negant.

Fuit igitur diuinæ prudentiæ, dare Ecclesiæ Caput in terris ; ne semper aut opus Christo esset ad omnem controuersiam de cælo loquente, aut pertinacibus locus fieret diuertendi ad proprios sensus. (propriis sensus dico, quos quique ex Scripturis proprio iudicio, propria auctoritate eliciunt.) Nam non satis, Spiritum sanctum adesse Ecclesiæ ; nisi sit aliquis qui *uiua voce* nos doceat, quæ sit illa Ecclesia quam Spiritus sanctus regit, inter tot sectas quæ singulæ sibi vnus adesse illum Spiritum gloriantur. Habet quidem in cælis Ecclesia Principem, Dominum, Caput, Christum, qui eam *acquisiuit sanguine suo*, (Act. xx.) Sed modò sunt dies, quibus nos ieiunamus, *quia ablati sunt sponsus à nobis*. Scripturas, & Traditiones reliquit, quibus utique regeremur : Sed in Scripturis, & Traditionibus, comminisci homines multa possunt, multa quærere, de multis ambigere. Nec iam ipse eo modò nobiscum est, ut in dubijs ab eius ore pendentes, dicamus, *ediffere nobis parabolam istam*. Reliquit ergo

ergo Vicarium, cuius cor atque fidem  
 in sua manu teneret; *constituit fidelem*  
*seruum, & prudentem super familiam*  
*sua, ut det illis cibum in tempore.* Ita  
 sumus Christiani, ut simus & homines.  
 Non habemus sanctiorem Apostolis Cle-  
 rum. *Facta est autem & contentio inter*  
*eos, quis eorum videretur esse maior.* An  
 putas, non omnia insolentia ambitionis  
 in Ecclesia transuersim rapienda, nisi (ut  
 ait Hieronymus, Lib. I. in Iouin.) vnus  
 electus esset, *ut capite constituto schisma-*  
*tis tollatur occasio.* Vbi ordo, deuenitur  
 ad aliquem primum; vbi non ordo, ibi  
 confusio. Disceptent ex Episcopis aliqui,  
 ex Metropolitanis, ex Patriarchis; quæ in  
 Ecclesia turbæ, nisi alicuius potestate  
 & iudicio componantur?

At, inquires, Concilij generalis iudicio  
 stabunt. Quasi ad omnia momenta ut li-  
 res accendi, ita Concilia cogi possint, &  
 ad iurgantium libidinem toto Orbe Chri-  
 stiano Præsules de suis sedibus exciendi:  
 Cùm etiã nec de fide vtique semper Me-  
 tropolitani, aut Patriarchæ certent, sed  
 de leuioribus causis, quæ ad odium qui-  
 dem inter illos idoneæ, tamen aduocan-

do Concilio leues sint, aut indignæ. Sed  
num præterea credis, aut Concilium  
perpetuò posse consistere, aut nunquam  
nisi Concilij tempore orituras de fide,  
vel moribus turbas? Quem porrò in-  
dubijs illis, quæ extra Concilij tempus  
erunt, Episcopi consulant? in cuius sen-  
tentiam Ecclesiæ membra consentiant?  
Sibi ipsis credant Episcopi? ex suo sen-  
su Scripturas exponant? Atqui vel fa-  
tendum est Episcopos eiusmodi non posse  
errare; vel in eiusmodi controuersijs pos-  
se etiam errare Christianos, qui ipsis ad-  
hæserint. Quòd Episcopi non possint er-  
rare, experientiæ veritate refellitur.  
Hæresiarchæ aliquot, plurimiq; Hæreti-  
ci, fuere Episcopi. Euzoium Antioche-  
num memorem, Lucium Alexandrinum,  
Auxentium Mediolanensem? quid Ne-  
storium? quid Conciliabula aliquot ex  
hæreticis Episcopis tota? Restat, vt cum  
Episcopis, id est Pastoribus, errare possint  
greges, si extra Concilij tempus aliquid  
dubium in fidei rebus inciderit; & diuisa  
à seipsa Ecclesia, ex variorum Episcopo-  
rum sensu, varia quoque huc illuc pro-  
nunciet. *Omne regnum in se diuisum de-*  
*sola-*

*salabitur.* Cum tanto fundamentorum vitio non staret Ecclesia. Et ne in hæc mala incideremus, electus est Pastor à Domino, ad quem ascenderemus, quandoque difficile, & ambiguum apud nos iudicium esset.

Accedit nec Conciliorum quoque decreta, nisi illo vindice, satis in tuto esse. Quidni enim ut Scripturarum sensui, ita & Conciliorum possit imponi? Sciebat Hieronymus non communicandum hæreticis, sciebat nullo modo violandam Nicæni Concilij fidem. Sed quanquam immensæ doctrinæ vir, metuebat in discernendis hæreticis, & doctrina Nicæna, exerrare. quia multi se fingeant Concilij sensui adhærere; nec apertè, sed per circuitum, peccabant. Quid ille inter hos fluctus? Sciscitatur Pontificis sententiam, *qui tunc præerat loco quem elegit Dominus*; scribit ad Damasum Papam; orat ut significet nominatim, quibus Episcopis in Oriente communicandū sit, à quibus fugiendum. Ita ille, ita cæteri Patres, se demum in Ecclesia Christi esse putarunt, si essent in Ecclesia quam Petri successores gubernarent.

Longum esset enumerare Incommoda Christianam rem pressura, nisi à Pontifice, tanquam spiritu, tantum corpus regetur. Continuo miraculo opus sit, ut charitatis & fidei nexu iungamur, ni in Præfulē omnes respiciant, qui vnus vnus gregis Pastor, totum gregem contineat. Et hoc vinculo destitutæ hereses, ut per quandam ambitiosæ libertatis speciem creuerunt, ita mox in multiplices sensus effusæ, & iam se non ferentes, ceciderunt, & cadent. Sic Eunomius Arianus secessit ab Ario, & Eunomianos instituit. & hinc vtrique sectæ (ut ait Sozomenus) pernicies. Fac ministros hereticorum hoc seculo, in diuersis prouincijs, ut sepe fit, dissidere: quis schisma componet? cuius authoritati cedent? Imò, cur non hodie inter se consentiunt? cur tot in illis certamina? Finge Lutheranorum, Calvinistarum, Anabaptistarum, Sectarumq; aliarum conuenire Concilium. Quis speret inde concordiam? quis Spiritus sancti pacem? Fungus sit, & in huius ipsius seculi rebus expers, in quo toties inter illos frustra tentata pax, scriptis, sequestris, colloquijs. Scripturas tamen laudant, loquuntur.



loquuntur Spiritum Sanctum; sed quia in commune nemini credunt, cuius sit conuocare Concilium, illiq; præsidere, vt defectæ vinculis rates, se temerè allidunt; in diuersa dissipantur. Inde feruent in dies noua sectarum examina, detrahuntq; illæ parentibus, mox per suam progeniem perituræ. Lutherani molles, ac rigidi, Calvinistæ Protestantes, Calvinistæ Puritani, Brunistæ, Zuingliani, Trinitarij, Zuincfeldiani. *trecentis versibus tot impuritias traloqui nemo potest*. Vt solutæ igitur fasces latiori quidem igne, sed mox defecturo luxuriant; colligatæ, diutius & validius inardescunt. Ita hæreseon licentia post populas subito incendio terras, vix vnum aut alterum seculum ferre potest. Ecclesia intra castra, & sub duce, castigata, ita lucet, ne tamen consumatur; ita sacro fermento tumescit, ne rum-patur.

Vtilitatis itaque præcipuæ fuit, vt constitueretur Ecclesiæ visibilis Rector. Quibus autem argumentis probamus constitutum? Prima nobis auctoritas ex Scripturis, quæ in recensendis Apostolis non tantum primo loco Petrum ponunt, sed

signatè *primum* vocant. Matth. x.  
*Duodecim autem Apostolorum nomina  
sunt hæc : Primus, Simon qui dicitur Pe-  
trus.* Cur primus ? an à vocatione ? Ne  
hoc putes . Andræas eo modo primus  
fuit . Nam & prior Christum sequutus  
est. ( Ioan. i. ) & Petro deinde nunciauit,  
*inuenimus Messiam, & adduxit eum ad  
Iesum.* Cur igitur *primus* ? nisi quia  
altiozem ceteris potentiam nactus ? *pri-  
mus*, inquam, dignitate, potestate . Et is  
Apostolorū ordo non ab hominibus con-  
stitutus, non ab Euangelista, sed à Chri-  
sto . Ita in hunc Matthæi locum Hiero-  
nymus : *Ordinem Apostolorum, & meri-  
tum uniuscuiusque, illius fuit distribuere,  
qui cordis arcana rimatur.* Idem Lib. i.  
aduersus Iouin. *Propterea inter duodecim  
unus eligitur, ut capite constituto schisma-  
tis tollatur occasio.* Ergo illa electio, ille  
Primatus, non honoris tantum erat, ut  
primus sederet, primus nominaretur; sed  
etiam potestatis, ut schisma tolleretur.  
Neque enim schisma sublatum sit, si sciāt  
quo ordine debeant sedere Episcopi, sed  
si sciant, ex cuius debeant autoritate  
pendere . Et hoc utinam satis expendat  
Noua-

Nouatorum curiosa temeritas.

Sequitur apud Matthæum locus, omni exceptione maior (Cap. XVI.) *Et ego dico tibi, quia tu es Petrus, & super hanc Petram ædificabo Ecclesiam meam, & portæ inferi non præualebunt aduersus eam. Et tibi dabo clauēs regni cælorum. Et quodcumque ligaueris super terram, erit ligatum & in cælis: & quodcumque solueris super terram, erit solutum & in cælis.* En fundatam super Petrum Ecclesiam. & tu ausis, Sectarie, ab eo fundamento recedere? At, inquires, *fundamentum aliud nemo potest ponere, præter id quod positum est, quod est Christus Iesus.* 1. Corinth. 11. Imò & Apostolum audi, de alio fundamento loquentem, Ephes. 1. *Estis ciues Sanctorum, & domestici Dei, superædificati super fundamentum Apostolorum, & Prophetarum.* Vides diuersa ratione diuersa Ecclesiæ fundamenta constitui. Fundamentum ergo est Christus, non ab alio positum, sed à seipso, verum, summum, & sine quo non modò non est Ecclesia, sed esse non potuit. Sed ipse qui ita est fundamentum, vt sit etiam Architectus, fundamenta tantæ Aedis veluti secun-

secundaria stabilivit, Prophetas, Apostolos, & nominatim Petrum; cui si nihil amplius quam cæteris concessisset Apostolis, quàm frustra hæc nominis mutatio, Simonis in Petrum! quàm frustra, hic promissæ speciatim illi claves, & potestas vinculorum? Dic quod censes, Sectarie, sed confessione ingenua, cur hæc ad Petrum, nisi quod ipse excellentiori ratione quàm cæteri in fundamentum, statuendus Ecclesiæ, ceterorum ( vt antea diximus ) princeps; & *Petra* appellatus, vt scires degeneraturos nonnunquã Episcopos, qui cæteris Apostolis successissent, illisq; commissas Ecclesias. At nec Petri successores, cùm sint *Petræ*, nec Ecclesiam *fundatam* supra illos, hereseon aut perfidię vento casuram.

Sed, inquires, Petrus, & Petra, generibus differunt, neque latinè Petrus significat Petram; cur igitur Petrum & Petrã, pro eodem acceperis? Linguae Hebraicæ atque Syriacæ idioma, sibi difficultatem hanc imputat; apud quas, Cephas, quo nomine Christus Petrum appellat, petram quoque significat. Non sunt scilicet duæ voces, quarum altera hominis  
nomi-

nomini conueniat, altera saxo, seu Petræ. Sed veluti in Latinis, *Lapis* masculini est generis, ita Cephās eiusmodi generis apud Syros est, vt cum propriè Petram significet, tamen & possit, appellationi cuius hominis conuenire. Disce rem ex linguarum scientissimo Hieronymo, in Epistolam ad Galat. Cap. 11. *In euangelio, & in alijs Pauli epistolis, & in hac quoque ipsa, modò Cephas, modò Petrus scribitur. Non quòd aliud significet Petrus, aliud Cephas, sed quòd quam nos Latine & Græcè Petram vocemus, hanc Hebraei & Syri propter linguæ inter se viciniam Cephan nuncupent.*

Eant nunc nouitij Sectariorum Grammatici, eant inanes Magistrelli: & se melius ex Syriaca lingua Christi verba capere iactent, quàm ille Hieronymus, quocum nemo Patrum æqualium, aut qui inde vixerunt, de Syri Hebraicivè sermonis peritia certauit. In contextu autem Græco idè terminatio variatur, quòd Πέτρος, & Πέτρει, eiusdem significationis in græcis sit. Πέτρος igitur, virilis generis nomen datur Apostolo; & Ecclesia super Πέτρει dicitur ædificanda, vt Amphibologia

logia declinetur : nec simpliciter super hominem illum, qui Πέτρος dicebatur; sed super illum tanquam Πέτρον, siue ea ratione qua erat constitutus à Domino Petra, & fundamentum Ecclesiæ, sciretur statuenda Ecclesia. Et sequutus Græca verba, Latinus interpres, reddidit, *Tu es Petrus, & super hanc Petram, &c.* Satis præterea scias, ex articulo, *hanc*, iam de eo Cepha, seu saxo, seu homine, loquutum Dominum esse; *Super hanc Petram edificabo, &c.* nec de vlllo loquutum illic inuenias, nisi de Petro, *Tu es Petrus, & super hanc Petram, &c.*

At, inquires, Petrus vir erat, cur illi tributus non virilis articulus *hanc petram*? Expedita res. Fuere Romani qui Faculæ dicerentur; quis autem reprehenderit ita loquentem. O optime Facula, tu es Facula, & illa Facula toti reipublicæ allucet. Cuidam cognomen Bestia fuit; nec reprehendas dicentem tu es Bestia, & te Bestiam præbuiſti. Fuere Furij dicti. Num ab vsu loquendi sit, tu es Furius, & per tuas furias oppugnatur respublica? Denique siue aliquod nomen & homini, & alteri rei quæ virilis generis non sit, omnino

nino aptatum est, vt quæ modò posui-  
mus, Facula, Bestia, & Hebraicè Cephas;  
siue deflexione aliqua vtrique conueniet,  
vt Furia, Furius, Cicera, Cicero, Petrus,  
Petra, &c. nihil mirum, si cùm innui placet,  
hominem aliquid de virtute, efficacia,  
aut natura habere rei illius, cum qua no-  
mine ipso vel in totum, vel ex parte con-  
uenit, saepe genus, & articulus ille ponatur,  
non qui homini, sed qui rei consentit,  
cui homo confertur; tanquam ostendi  
placeat, iam hominem in illius rei natu-  
ram quodammodo transiisse. Et hoc

vulgarius in vsu loquendi,

quàm vt anxie doceri

debeat; possitve à

perito, & qui


frontem

ha-

beat, repre-

hendi.





## CAP. X.

*Sententia Patrum, de Petra supra  
quam est edificata Ecclesia;  
& omnino de potestate  
Summi Pontificis.*

**N**ON sum ego, Sæctarij;  
sed Patres antiqui, qui per  
hanc Petram, Petrum ip-  
sum intelligunt; quorum  
varia loca, in commodum,  
si uti velis, tuum, eximiorum aliquot ho-  
minum diligentia collegit. Plures enim  
sunt, in quibus nec seculum carpas, nec  
aut scientiam, aut pietatem desideres.  
Ex omnibus, nunc actum agamus, tres non  
amplius Græcos, totidem Latinos satis  
erit exscribere. Nam qui illos contem-  
pserit, nec pluribus credet. Gregorius  
Nazianzenus in Orat. De moderat. seru.  
in di-



in disput. *Petrus petra vocatur, atque Ecclesiae fundamenta fidei suae credita habet.* Athanasius in Epist. ad Felicem. *Tu es Petrus, & super fundamentum tuum Ecclesiae columna, id est Episcopi, sunt confirmata.* Chrysostomus, Homil. LV. in Matth. *Dominus ait, Tu es Petrus, & ego super te aedificabo Ecclesiam meam.* Cyprianus, Epist. ad Iubaianum. *Ecclesia, quae una est, super unum, qui claves eius accepit, voce Domini fundata est.* Hieronymus ad Damasum Epist. LVII. *Ego nullum primum nisi Christum sequens, beatitudini tuae, id est Cathedrae Petri communione consocior: super illam Petram aedificatam Ecclesiam scio. Quicumque extra hanc domum agnum comederit, profanus est.* Augustinus, in Psalm. contra partem Donati. *Numerate Sacerdotes vel ab ipsa Petri sede: ipsa est Petra, quam non vincunt superba inferorum portae.* At hic denique audaciam sumitis; nec in nostris Augustinum vultis haberi: Illum enim abdicata nostra sententia in vestram iuisse; *per petram intellexisse Christum: Et qui Patrum in vos consensum negligitis, ubi ex ipsis aliquid ad vestros*

vestros errores videtur auerti: toti in acclamando estis. Audiendus igitur Augustinus eo loco quem nobis obijcitis. Is est Lib. I. Retract. Cap. XXI. *In hoc libro dixi in quodam loco de Apostolo Petro, quod in illo tanquam in Petra fundata sit Ecclesia: qui sensus etiam cantatur ore multorum in versibus Beatissimi Ambrosij, ubi de gallo gallinaceo ait, Hoc ipsa Petra Ecclesiae Canente, culpam diluit. Sed scio me postea sapissimè sic exposuisse quod à Domino dictum est, Tu es Petrus, & super hanc Petram edificabo Ecclesiam meam. ut super hunc intelligeretur, quem confessus est Petrus, dicens, Tu es Christus filius Dei viui: ac si Petrus ab hac Petra appellatus personam Ecclesia figuraret, quæ super hanc petram edificatur, & accepit claues regni calorum. Non enim dictum est illi, Tu es Petra, sed, tu es Petrus. Petra autem erat Christus, quem confessus Simon, sicut eum tota Ecclesia confitetur, dictus est Petrus. Harum autem duarum sententiarum, quæ sit probabilior eligat Lector.*

Hæc vos ab Augustino, Sectarij: sed malo omine hæreseos vestræ. Istinc enim  
cui-

euidentiſſima ratione conficitur, Auguſtinum de Petri poteſtate ſenſiſſe eadem quæ nos modò. Primùm enim ſententiam noſtram firmat auctoritate S. Ambroſij, quem vbique ſuſpicit vt ſummè Orthodoxum, à quo ipſe baptiſmatis donum, & quid in fide rectum eſſet, acceperat. Ita deinde exſcribit quid ſentiat, vt videas illi neutram diſplicere ſententiam, id eſt, neque illam quam cum Ambroſio antè laudauerat, neque illam, quam recèns exponit; Deſinit deinde in hæc verba: *Harum autem duarum ſententiarum quæ ſit probabilior eligat Lector*. Dic tu porrò, Sectarie, quæ ſit illa ſententia quam in arbitrio Lectoris conſtituit. Ea ne eſt, vtrum Petrus, & ipſius ſucceſſores, ſint ita Eccleſiæ Principes, Capita, Chriſti Vicarij, vt Sedes eorum (velut antea dixerat) poſſit dici illa *Petra quam non vincunt ſuperbæ inferorum portæ*? An verò, vtrum poteſtas illorum, his verbis ſignificetur, & de illis dicatur ad literam, *ſuper hanc Petram ædificabo Eccleſiam meam*? Nam alterutrum eſſe neceſſe eſt, quod Auguſtinus iudicio Lectoris permiferit, tanquam rem quæ ſalua

fide Catholica, aut negari possit, aut asseri. Si primum; nempe vtrum & Petrus & ipsius Successores sint eiusmodi in Ecclesia potestatis, vt eorum Sedes dici possit hæc Petra super quam Ecclesia fundamentum accepit; facis omnino Augustinum hereticum, imò absurdum, qui tanti ponderis dogma, & omnino Ecclesiasticæ dispensationis compendium, tanquam exigui momenti rem, author sit negari, asserivè posse impunè, ex legentis libidine. Quis hoc Augustino affinxerit, prudentiæ tantæ viro? Num hoc vllus ex nostris dixerit, Sectarie, num vllus ex vestris? An nos credimus, an vos creditis, vt rem aut ἀδιάφορον, aut incertam, posse sine discrimine fidei, aut dici, aut negari, Papam esse fundamentum Ecclesiæ? Sin secundum; id est, si putas reliquisse Augustinum in legentis arbitrio, vtrum hæc prærogatiua Pontificis ritè ex illa sententia deducantur, *super hanc Petram ædificabo Ecclesiam meam*; necessario consequetur, credidisse haud dubiè Augustinum, has Petro prærogativas bono iure competere; & sic illum in Ecclesia tenere Principatum, vt sine errore

errore credi possit Petra illa super quam Ecclesia est fundata. Nisi enim ita sensisset de authoritate Pontificis, nisi ex Scripturis alijs, & Ecclesiæ fide, sciuisset hoc astrui, iamq; reuera in Ecclesiæ vsu hoc regimen esse, nunquam ex loco quæ dubiæ interpretationis existimat, fas diceret tantam in Ecclesiæ Catholicæ disciplina, ac fide, nouitatem, tantam vnus in omnes potestatem, inuehere.

Liberam itaque ait esse Lectoris sententiam, non de Petri potestate, aut Sacerdotum qui ei successerunt, sed de interpretatione loci istius. Ac vt scias quàm sit alibi multus pro potestate Romani Pontificis, audi ipsum in Epist. CLXII. *In Romana Ecclesia semper Apostolica Cathedra viguit principatus.* Et Epist. XCII. ad Innocentium Papam: *Quia te Dominus gratiæ suæ præcipuo munere in Sede Apostolica collocauit, talemq; nostris temporibus præstitit, vt nobis potius ad culpam negligentiae valeat, si apud tuam venerationem, quæ pro Ecclesia suggerenda sunt, tacuerimus, quàm ea tu possis vel fastidiosè, vel negligenter accipere; magnis periculis infirmorum membrorum*

*Christi, pastorem diligentiam, quæsumus, adhibere digneris. O quàm ista à vocibus vestris diuersa, Sectarij! Quid parçitis? quid vestris coloribus reluctantem aspergitis? Aliam rationem inite. Audiat à vobis anathema Papista Augustinus. Supercilio illo grandi, quo de Ecclesia, sententiam fertis, à vobis damnari is poterit; vlla arte, vel fraude conciliari non poterit.*

Promissum hìc igitur Petro, super illum ædificandam Ecclesiam, promissæ cæli clauës, promissa soluendi, ligandiq; potestas est. Promissa hæc, inquam, sed post resurrectionem Domini denique data. Vnde non mirum, si adhuc imbecillis, si ignorantia obnoxius, si interdum à Christo reprehensus, imò, vt apud Matthæum est, penè statim à tantæ pollicitationis honore, hæc verba audiuerit, *Vade retro me Satana.* Ascribam in hanc rem Hieronymi verba, vt & sensum tanti Patris, de Petra, de Petri erroribus, de Pontificis potestate intelligas. Ita igitur in XVI. Cap. Matth. *Prudens Lector,* inquit, *inquirat, quomodo post tantam Beatitudinem, Beatus es Simon Bariona. Et:*

*Tu*

*Tu es Petrus, & super hanc Petram aedificabo Ecclesiam meam; & portæ inferi non præualebunt aduersus eam. Et; Tibi dabo claues regni cælorum. & quod ligaueris vel solueris super terram, erit ligatum vel solutum in cælo: nunc audiat: Vade retro me Satana; scandalum mihi es. Aut quæ sit tam repentina conuersio, ut post tanta præmia Satanæ appelletur. Sed si consideret qui hoc querit; Petro illam benedictionem, & beatitudinem, ac potestatem, & ædificationem super eum Ecclesiæ, in futuro promissam, non in præsentī datam intelliget. Aedificabo, inquit, super te Ecclesiam meam, & portæ inferi non præualebunt aduersus eam, & dabo tibi claues regni cælorum: omnia de futuro. Quæ si statim dedisset ei, nunquam in eo prauæ confessionis error inuenisset locum.*

Promissa hîc igitur Petro potestas, & concessa, Ioan. vlt. trina illa iussione, iam à mortuis excitati Domini nostri, *Pasce agnos meos, Pasce ouiculas meas, Pasce oues meas*. Vnde Chrysostomus in eum locum, dicit: Dominum, Petro demandasse Orbis terrarum curam. Et Ambrosius

in Cap. Lucæ XXIV. dicit, quòd tertia interrogazione Christi. *Petre amas me*. *Iam non agnos ut primò, quodam lacte pascendos, nec ouiculas, ut secundò, sed oues pascere iubetur, perfectiores ut perfectior gubernaret*. Idem tamen Ambrosius claves cæli Petro vult datas, etiam ante Christi passionem. *Denique idem Petrus* (inquit in idem Cap.) *sine metu aduenit ad Christi sepulchrum, & constanter qui posterior venerat primus ingreditur, quasi qui claves regni ut alijs aperiret acceperat*. Ut scias priscos Patres, quod ad potestatem Petri, interdum de tempore, nunquam de re dubitasse.

Non patitur libelli angustia omnia Scripturæ loca scrutari, quibus hæc Pontificum potestas asseritur. Satis hæc insigniora notasse; nec exposuisse ex meo, aut recentiorum hominum sensu, sed ex penetralibus vetustatis. Possim paginas latè implere plurimorum Patrum verbis, quæ etiam nolentibus vobis ostendunt, quo loco Christiani Romanos Pôntifices à Christo in hanc ætatem habuerint. Sed & hoc ante me summi viri fecerunt; & vereor ne ægrotantibus animis optimi cibi fa-



bi fastidium creem. Neque ergo hic omnia; sed nec nulla proferenda; Ne videar oblitus Apostoli, qui iubet opportunè, importunè, moneri, increpari, peccatores.

Irenæus Lugdunensis Episcopus, secundo post Christum seculo vixit. Non suspectus, opinor vobis erit. Illum ergo audite, non iudicantium supercilio (nam qui estis vos?) sed humilitate discentium. Is lib. III. Cap. III. Romanam Ecclesiam vocat, *maximam, & antiquissimam, & omnibus cognitam à gloriosissimis Apostolis Petro & Paulo fundatam Ecclesiã*. Addit: *Ad hanc enim Ecclesiam propter potentio rem principalitatem, necesse est omnem conuenire Ecclesiam, hoc est, eos omnes qui sunt undique fideles; in qua semper ab his qui sunt undique conseruata est ea quæ ab Apostolis est traditio*. Audi verò, Sectarie; & vel hæresi tuæ, vel Irenæi seculo, id est ab Apostolis primo, abroga fidem. *Necesse est, inquit, conuenire omnem Ecclesiam ad Romanam*. Cur necesse? *Propter potentio rem principalitatem*. Dic verò, quæ principalitas illa? An quòd Roma tunc caput Impe-

rij? Ita enim detorquetis aliquot Conciliorum verba; vultisq; ideò primam Ecclesiam Romæ fuisse, quia prima Vrbs, Roma. Atqui hoc neutiquam stabit cum Irenæi sententia. Nam Romanæ Ecclesiæ *principalitas* illa (vt vocat) vel erat ab homine, vel à Deo. Si ab homine, vel erat à iure ciuili, seu constitutionibus Imperatorum, vel à iure Canonico, decretisq; vniuersalis Ecclesiæ. Non fuisse à iure ciuili liquidò constat; non, inquam, ex præcepto Imperatorum eo tempore factum, vt Romana Ecclesia teneret Principem in Christianis locum. Neque tunc enim de ordinanda Ecclesia, sed de euer tenda certabant. tempus erat supplicij Martyrum sæuum; Christianis coire in cœtum pro crimine erat; neque actum vt Romam frequentes conuenirent, sed vt de Imperij finibus, de vita deiicerentur. Non igitur ea ætate *neceffe* Christianis necessitate ciuili, id est, ex legibus Imperatorum, conuenire ad Romanam Ecclesiam. Num verò *principalitatem* tunc nata Romana Ecclesia, ex Ecclesiastica aliqua lege? Proferte hanc legem, proferte decretum: Magnum enim ac solemne

ne illud esse oportuit, quod omnes Christianos teneret, & *necessitatem* cæteris Ecclesijs faceret coeundi ad Romanam, vt Principem ac Magistram. *Quod omnes tangit, debet ab omnibus approbari*. Atqui ab Apostolis ad illam ætatem, nondum Ecclesia in Concilium generale coiuerat, vbi hæc sanctio ferri posset. neque extat eiusmodi sanctionis vestigium. Quid ergo censendum? Si non humano iure, id est, nec Ecclesiastico, nec Imperiali, hæc *principalitas* Romanæ Ecclesiæ; an poterit non esse diuino?

Memoremne deinde, delatas ad Romanum Pontificem lites, tanquam legitimæ Iudicem, ab Orientis, Occidentisq; Episcopis? quoties ipse de Episcopis, de Patriarchis iudicarit? *Vrsacius, & Valens*, (inquit Epiphanius Hæres. Lxvi i i.) *pœnitentiam agentes, vna cum libellis profecti sunt ad B. Iulium Romanæ Urbis Episcopum, pro ratione reddenda de suo errore ac delicto*. Atqui erant ipsi Episcopi, erant & magno terrarum diuortio ab Vrbe discreti. Cur ad Iulium ergo, & quidem *pro ratione reddenda de suo errore*, nisi quia Iulius Episcoporum Episcopus?

pus? Nec dixeris corrupta tunc tempora. Sed it enim ille Iulius Papa, Ann. Christi CCC. XXXV.

Etiam interrogemus Chrysostomum. Nam cui in ea re fidem habeas, si non habes Chrysostomo? Eius scripta laudatis, excuditis. Erat in Oriente, ne dicas Occidentis solam curam Romano Pontifici datam. Erat Constantinopolitanus Patriarcha; quæ vrbs Principis sedes facta, etiam Præfuli primum honorem detulisset, si illa dignitas humanas vicissitudines sequeretur. Nihilominus cum in eum plures ab Oriente Episcopi conuissent, coactoque Concilio iussissent abire de sede, leuat oculos ad cælum, & Romam, *unde veniat auxilium ei*. Scribit ad Innocentium Papam, orat ut irrita esse decernat quæ in eum acta erant. At quàm ridiculè, nisi in Ecclesia inualuisset, ut summus omnium Ecclesiarum Iudex crederetur Romanus Episcopus: & ex eius sententia componerentur Orientis, Occidentisque negotia? Verba sunt Chrysostomi, in Epist. i. ad Innocen. Pap. *Obsecro ut scribas, quòd hæc tam iniquè facta non habeant robur; illi autem qui iniquè*  
ege-

*eegerunt poena Ecclesiasticarum legum subiaceant.* Qui illi autem qui iniquè egerunt? Theophilus Alexandrinus Episcopus; multiq; à Thracia, Asia, & reliquo Oriente Episcopi. Hos omnes sanctus Pater Chrysostomus Ecclesiasticis poenis per Romanum Episcopum posse plecti significat; neque anxiè illud docet, sed ut rem certam affert, ut assuetum communis iuris remedium implorat. Neque te moueat tanta autoritas? En doctissimum Patrem, in re grauissima, in Orientis negotio, potestatem Romani Pontificis inuocantem, illiq; ius in Episcopos tribuentem, ut quaecunque statuerint, ipse vel rata, vel irrita esse decernat.

Nec singuli modò Patres; sed & simul Orientis Episcopi (nam de Occidente nil dico, cuius causas ad Romanum iudicium perpetuo usu delatas, nec præcipui Sectarij negant) hanc in Papa potestatem agnoscunt. Vnde & cum Damaso Papa agunt, ut anathema Apollinari Antiocheno, & Timotheo dicat. Extat Damasi ad eos responsio apud Theodoretum, Lib. v. Eccl. Hist. Cap. x. In qua, præter cætera, ingens authoritatis signum, quòd  
*filios*

*filios eos vocet. Quod vestra charitas, inquit, debitam Sedi Apostolicæ reuerentiam tribuit, filij honoratissimi, vobis quoque maximo honori est, &c. Sciatis velim, fratres, Nos Timotheum illum profanum Apollinaris baretici discipulum, cum impio suo dogmate, iam pridem abdicasse: & ob eam causam credimus reliquias eius nihil in posterum momenti habituras, &c. Iam enim semel formulam edidimus, ut qui se Christianum profiteatur illud teneat, quod ab Apostolis traditum est, &c. Itaque quid est cur abdicationem Timothei à me rursus requiratis, qui etiam hic iudicio Sedis Apostolicæ, Petro quoque Episcopo Alexandriae præsentē abdicatus est, &c. Deus vos, filij honoratissimi, seruet incolumes. Quæ non hic summæ potestatis vestigia? Num aliter hodie Paulus, quàm ante tot secula, Damasus scribat?*

*Finiam; sed in bono omine, & maximi Concilij voce. Ephesinum Concilium primum dico, Oecumenicum illud, & ex quatuor ijs vnum, quibus repugnare antiqua lex Angliæ (necdum, saltem nomine, abrogata) capitale esse iussit. Igitur*


tur in sententia in Nestorium hæreticum, Patriarcham Constantinopolitanum, ita Patres Ephesini. *Edocti itaque partim ex literis, commentarijsq; illius Nestorij hic publicè lectis, partim rursus ex concionibus, quas in hac Ephesiorum Metropoli habuit, partim denique ex testibus fide dignis, illum impiè docere ac sapere; Per sacros Canones, Sanctissimiq; Romanæ Ecclesiæ Episcopi Celestini Patris nostri literas, lacrymis suffusi, & penè inuiti, ad lugubrem hanc sententiam urgemur, &c.* Quid liquidius? quid certius? sacri Canones, & Romani Episcopi literæ, tanquam res vnius authoritatis, coniunguntur. Romanum Episcopum sibi Patrem esse dicunt omnes Episcopi in Oecumenico Concilio, in celeberrimo Concilij actu. Oecumenicum Concilium, inquam, Orthodoxum Concilium, in Oriente constitutum, pro Romano Pontifice pugnat, eius literas veneratur, illis obtemperat. Et vos obdurata fronte, Sectarij, mori in peccato vestro mauultis, quàm peccatum vestrum mori!

Præter hæc autem intactæ vetustatis monimenta, non parum cordato homini erit,

erit, illam ipsam Ecclesiam, quam vnā  
& Catholicam esse, paulò antè probaui-  
mus, quæ Francis, Hispanisque, Germa-  
nis, & Anglis, baptisma, fidemq; largita  
est, quæ ad hos nostros dies illustris san-  
ctitate atque scientia summorum homi-  
num fuit, Romanum Pontificem semper  
in Patrem, in Pastorem, in Caput colui-  
se. Illi Bernardo, illi Thomæ, cæteris il-  
lis, de quorum sanctitate, ingenioq; iam  
egimus, eadem reuerentia in Apostoli-  
cam Sedem fuit, quæ hac ætate nobis.  
Eorum vestigia prosequimur, vt ad eun-  
dem exitum nostra nos fides, cha-  
ritas, humilitas, sed maximè  
gratia Domini, qui su-  
perbis & curiosis  
resistit, cle-  
menti  
manu ducat.







## CAP. XI.

*Hereticos frustra iactare, maiorem  
apud se quàm in Ecclesia Catholica  
honorem Scripturis haberi. Afferitur  
Sanctorum Librorum authoritas,  
quos ipsi à Canone reijciunt.*



X hīs quidem lis statui pos-  
sit, quam mouere Secta-  
rij. Nam si Catholica Ec-  
clesia Christi sponsa est, &  
vera Ecclesia; Si Papa  
Christianorum Pastor; frustra est ea ex-  
pendere quæ rebelles in eam Ecclesiam,  
in Pastorem illum iactant; Hereticos di-  
xeris, quotquot extra illam sunt; fugitios  
& erroneos, qui ab eo pastore declinant.  
Videre tamen iuuat quàm in omnibus  
peccent. Ecclesiam lacerant. Pontifici  
maledicunt. Audi etiam quanta fide  
Scripturas attigerint.

Libri

Libri diuini sunt à Spiritu Sancto concepti, illoq; suggerente selectorum aliquot hominum manu descripti. Hos Canonicos appellamus; siue quòd ita instituendus Christianus, ne illorum Canon, id est, præceptis ac regulis auerfetur: Siue quòd eo Canone, seu regula, ac catalogo sint recepti, quo illòs annumerauit, ac conclusit Ecclesia, cuius est iudicare, quid sacrum, quid profanum. Scripturas illas omnes, nemo ex Catholicis negat, authore Spiritu sancto traditas esse; ut illis repugnare non possit, qui statim Deum hostem non habeat. Sanctiones quippe sunt latæ à Deo. & quem authorem, vindicem quoque habent. Ut lectissimi tamen flores, vespis aut serpentibus venenorum materia sunt. ita ex Dei verbo semper inuenerunt Sectarij, quo se & alios mactarent. Omitto quæ olim hæretici inde in Ecclesiæ ruinam quæsiuere. Satis cum nostrâ ætate depugnare, quæ & seipsam hoc ense confodit; hæreticorum superbia eam speciem pietatis nunc quærente, ut videatur Scripturas propugnare.

Aiunt itaque cætera frustra esse. Vitæ præscriptum, normamq; salutis, in illis haberi.

haberi. Solas esse quibus hære, quas audire debeamus. Tùm in nos contumeliosissimè debacchantur; Deo scilicet hoc ipso detraxisse, quod Scripturis Traditiones addidimus: ritus à nobis inuectos, humanos, inutiles; quibus occupati negligamus aut etiam corrumpamus, quæ sunt cælestis disciplinæ. Quid illis vocibus præclarius! aut ad suggerendas vulgi animis flammæ instructius? Patrocinari Scripturis, & per hoc Deo; erueri de Ecclesiæ campo mores, præcepta, solemnities, quæ humana curiositas insæuit. Nichil pulchrius. Sed iam vide, Sectarie, quanto scelere & nobis imponatis, & illis, quos per hæc maledicta ab Ecclesiæ sinu auertitis.

Non pietatis, non Scripturæ, non Numinis, sed vestræ superbiæ causam egistis: Sciant enim illi quos fallitis, sciant omnes qui Christi nomen colunt, nullibi loco maiori quàm apud Catholicos esse Scripturas: credere eos, quæ in Scripturis sunt, à Deo omnia esse; summo flagitio deuinci qui his addi, aut detrahi velit; Denique tanquam Spiritus sanctus loquatur, ita Catholicos Scripturas audire

ac vereri. Quem igitur præter nos honorem Scripturis habetis? Nullum omnino. Quæstio est, non de earum auctoritate, sed sensu; Nempe utri peritius illas exponant. Hinc pugnatis, non pro illis (quas & Patres coluerunt, & sanctè nos colimus) sed pro ambitu vestro; & interpretatione quam ipsis affingitis; ut à vestro scilicet sensu Orbis pendeat; pendeat & Scripturæ. Tria tantum sunt quæ in controuersiam cadere possunt: Quinam libri sint in Scripturis Canonicis numerandi: Tum quorum sit Scripturas exponere, (cui annecti potest, an eius, sine legentium discrimine, lectio utilis passim) Vtrum denique lex omnis Christiana, & omnia Christi præcepta, Apostolorumque instituta, ita in Scripturis sint, ut Traditionibus non sit fides habenda. De his tribus differendum.

Plures libros deletis ex Canone Scripturarum; siue quòd vobis officiant, siue ea nouitate quæsituri ingenij famam: fortè etiam ut per omnia in nos pugnetis. Libri illi sunt, Tobiae, Iudith, Sapientiae, Ecclesiastici, Baruch, Machabæorum. Etiam Iacobi Epistola adeò  
Paren-

Parenti vestro Luthero non placuit, ut stramineam appellaret. nec maioris illi momenti Iudæ Epistola, Pauli; ad Hebræos. Petri secundam, Ioannis secundam, & tertiam, recipere dubitat. Apocalypsi verò non parcat. Nobis igitur hic pro Scripturis pugnandum est, in vos scilicet qui Scripturarum assertores vultis audire.

Ac priusquam de singulis libris: peto à te, Sectarie, cuius existimes, iudicare, qui sint libri Canonici, quive Apocryphi. An hoc à iudicio singulorum, an à consensu Ecclesiæ? Iterum peto, an omnes hi libri quos vel ipsi recipitis, primæ Ecclesiæ temporibus pro Canonicis publico consensu sint habiti. Imperitus qui hoc dicat. Certè de Epistola Iacobi, & Iudæ, & de secunda Petri, quas omnes Calvinistæ recipiunt, Orthodoxis olim omnibus non conueniebat. Latini etiam de Epistola ad Hebræos ambigebant; Græci de Apocalypsi. Potest ergo Ecclesia libris authoritatem tribuere, & Canonicos declarare, qui antea illius authoritatis haud erant; vel certè erratis vos, Galli, Britanniq; heretici, qui scripta quæ con-

stat apud multos, magnosq; Catholicos publicè olim, impunè, liberè, à Sacrorum Canone fuisse reiecta, iam sacra, iam Canonica esse fatemini. Vnde enim habetis libros eiusmodi esse Canonicos? à iudicio vestro? ergo & meo iudicio ipse decernam; quid sacrum, quid profanum; quid certum, quid incertum; Ab Ecclesiæ consensu & decreto? ergo in ea re Ecclesiæ iudicium valet. Si valet, cur Sapientiam, Ecclesiasticum, &c. repudiatis? Certè, si ad initium respicitis, tam de duabus postremis Ioannis Epistolis, de Petri secunda, de Pauli ad Hebræos, dubitabatur, quàm de Sapientia, cæterisq; quæ vobis iam non placent; Si ad sequentes ætates, tam hi quàm isti ab Ecclesia sunt probati.

Quid dicetis? Priusnè ab Ecclesia secundam Epistolam Petri, & alia quæ recipitis, esse laudata, quàm Sapientiam, & cæteros libros de quibus disceptatis? O mirifici roboris argumentum! Quidni & dicā? Quatuor Euangelia prius Ecclesia agnouit, quàm Epistolā ad Hebræos, & Petri secundam: ergo nec admittenda Epistola ad Hebræos, nec Petri secunda.

At

At (inquires) Scripturarum libros admittimus, quos S. Hieronymus author est suo ævo admissos. Frustra ergo cul-  
pamur. Vana ratio. Primùm enim Pau-  
li Epistolam ad Hebræos in Sacris nume-  
ratis: At is docet non indubità in Sacris  
suo ævo numeratam. Epistola ad Pauli-  
num, *Paulus Apostolus*, inquit, *ad se-  
ptem scribit Ecclesias. Octaua enim ad  
Hebræos, à plerisque extra numerum po-  
nitur.* Et planius ad Dardanum, De terra  
répromissionis: *eam Epistolam Latinorum  
consuetudo non recipit inter Scripturas Ca-  
nonicas.* Præterea, an putatis ad Hie-  
ronymi tempora potuisse Ecclesiam statue-  
re qui sint Canonici libri; nec postea  
potuisse? Valuerat eius authoritas in-  
asserendis Epistolis Iacobi, & Iudæ, Pe-  
triq; secunda, quibusdam præterea alijs.  
Tum subito hoc posse defierit? Quod  
monstrum? quis exitus potestatis Ecclesiæ?

Sed est tamen reuerentia seculis; &  
res plerunque vetustate conciliantur. Pe-  
tes itaque, quàm antiqua de libris Ca-  
nonicis nostra sententia. Antiquissima,  
illa, Sectarie. Libri enim de quibus di-  
sceptamus, omnibus ætatibus habuere

eximios viros, imò Ecclesias semper totas, easq; Catholicas, qui eos pro Canonicis celebrarent, qui ijs tribuerent Spiritum sanctum authorem; & id quidem publicè, liberè, sine offensione vniuersalis Ecclesiæ, quæ profanis, & humana scientia editis libris, hunc honorem haberi non ferret. Testis nobis Augustinus (Lib. 11. de Doctr. Christ. Cap. viii.) qui & omnes hos libros quos hodie Canonicos Romana vocat Ecclesia, ipse nominatim Canonicos vocat, & docet ex ijs nullum esse quem pro sacro atque Canonico alicubi terrarum Ecclesia Catholica non admittat. Et ne dubites quid per Scripturam Canonicam velit; liquidò ait, Lib. xi. de Ciuit. Dei Cap. iiii. Christum esse, qui *Scripturam condidit, quæ Canonica appellatur, eminentissima authoritatis, cui fidem habeamus, &c.*

Discrimen tamē (dices) inter libros Canonicos constituit, De Doctr. Christ. Ibid. Ita enim erudit Scripturarū indagatorē. *Tenebit igitur hunc modum in Scripturis Canonicis, ut eas quæ ab omnibus accipiuntur Ecclesiis Catholicis, præponat eis quas quædam non accipiunt. In eis verò quæ*  
*non*



*non accipiuntur ab omnibus, præponat eas quas plures, grauioresq; accipiunt, eis quas paucioris, minorisq; authoritatis Ecclesie tenent. Si autem alias inuenerit à pluribus, alias à grauioribus haberi, quàm hoc facile inueniri non possit, equalis tamen authoritatis eas habendas puto.* Imò vides, Sectarie, illa prælationis, & authoritatis discrimina, respectu temporum, locorumque, ab Augustino statui; non librorum. In ipsis nempe libris discrimen haud ponit; sed in vsu Ecclesiarum: Adeò vt si tunc Epistola ad Hebræos in pluribus recepta esset Ecclesijs, quàm Apocalypsis, eam illi Augustinus præferri iuberet; sin contrarium, etiam valere morem vellet. Neque enim libros numerat, designatve nominatim, qui sint alijs præferendi: cùm & hoc tamen maximè ex re, nec homini, qualis is erat, in diuina scientia summè perito, difficilè; si qui reuera ex Canonicis libris sua natura extitissent eiusmodi, vt vni alijs præferri debuerint. Vtui id reliquit Augustinus, & Ecclesiarum arbitrio. ratus ipse à Spiritu sancto omnibus esse originem; vt vel hinc constat quòd enumeratis qui ex nostra

sententia vetus testamentum cōstituunt ,  
 addat ; *His quadraginta quatuor Libris  
 veteris testamenti terminatur auctoritas.*  
 An verò, Sectarie , *veteris testamenti au-*  
*thoritas* , nisi in sanctis, veris, & Cano-  
 nicis libris ? De Sapientia etiam & Ec-  
 clesiastico, de quibus hoc seculo litigatis,  
 ibidem pronunciat ; *quoniam in authori-*  
*tatem recipi meruerunt , inter propheticos*  
*numerandi sunt* . Ostendit denique non  
 fuisse ex ijs libris vllum, quem Ecclesiæ  
 aliquot Catholicæ non omnino recipe-  
 rent, vt verè Canonicum, & à Deo pro-  
 fectum . Nec Ecclesias culpat ; nec ab-  
 dicandam à librorum illorum aliquo au-  
 thoritatem putat, quam hæ illis tribue-  
 bant . Nonne ergo ex Augustini mente  
 libri hi omnes, certi, atque diuini ?

Repones iterum : quò igitur inter li-  
 bros Canonicos prælatio, de qua hìc Au-  
 gustinus ? Facilis ad intelligere volentem  
 responsio . Non refertur illa prælatio ad  
 aliquam inter hos libros pugnam . quasi  
 vnus eorum scilicet dicat quod alius ne-  
 get, & præferenda sit vnus authoritas,  
 vt alter condemnetur : Sciuit omnes Au-  
 gustinus vnus ductu scriptos . Ex his ta-  
 men

men præferendos, ad discendum, & legendum, ostendit, qui eo tempore in pluribus Ecclesijs Catholicis locū haberent. Eo enim seculo nondum Ecclesiæ vniuerso consensu omnes insimul erant in certum catalogum, albumq; repositi, quo omnium Christianorum varia de ijs opinio certa lege teneretur; sed Græci Apocalypsim nolebant, Latini Epistolam ad Hebræos: Hæc denique, aut illa Ecclesia, de his aut alijs libris, ex antiqua, necdum satis refutata consuetudine, dubitabat. Vnde Eusebius de Canonicis aliquot Epistolis agens. Lib. 11. Hist. Cap. XXI. ait eas, non ab omnibus quidem, sed à plurimis tamen Ecclesijs esse receptas. Sed iam in eo tamen consenserant omnes, solos quadraginta quatuor libros esse, qui in veteri testamento possent admitti (vt antè ex verbis Augustini retulimus) quos & nos hodie solos admittimus: Nec in nouo testamento alios numerabant, quàm quos modò Catholici. Non ergo licebat Ecclesijs spurium librum his veris, & legitimis admiscere; sed aliquos tantum, pro regionum & provinciarum more, ex his ipsis veris libris  
atque

atque legitimis omittere; eò quòd nondum his robur ex generali consensu, aut sanctione Ecclesiæ accessisset. Prudens ergo Augustini consilium fuit; vt illæ ex Scripturis præferrentur, quarum vis nota, recepta, ipso usu declarata, his quas Ecclesiæ quidem, illæque Catholicæ, sed non omnes receperant. Et illius prælationis utilitas; quòd quantum ad doctrinam, sit omnium vna; quantum ad usum verò, multò illarum tunc, quàm istarum prolixior; cùm earum autoritas apud nullos, aut paucos, in controuersiam caderet; istarum apud plures. Sed & regula illa quam tradit, an non iugulat vestram causam? Nonne, inquam, illi libri, à quibus diuinam vim abiudicatis, *ab omnibus Ecclesijs* in seriem Scripturarum recepti tunc erant, cùm vos tanquam omnibus maiores Ecclesijs, de vnoquoque esse iudices voluistis?

Ceterùm illa Ecclesiarum diuersitas in legendis, probandisq; Scripturis, penè sub ipsa Augustini tempora coepit maiori consensu coerceri: Et librorum omnium qui etiam hodie sunt Canonici nobis, publicè Concilio Carthaginensi autori-

tas est sancita; quod Bonifacij primi temporibus celebratū est, circa annum Domini CCCC. XX. adhuc superstite Aurelio Carthaginensi Episcopo, qui Augustino paulò antè defuncto summè amicus, & in Christi Domini bello sodalis extiterat. Verba sunt. *Item placuit, ut præter Scripturas Canonicas nihil in Ecclesia legatur sub nomine diuinarum Scripturarum*; Tum libri nominatim numerantur, quos hodie pro Canonicis Romana obseruat Ecclesia; ne vnico quidem excepto. Refertur hic Canon Concilio I I I. Carthaginensi, cui Augustinus interfuit; sed ex verbis ipsis constat, posterioris Concilij esse, quod paulò pòst sub Bonifacio conuocatum ea ætate qua diximus; sub Bonifacio, inquam, primo; post quem, & ipsius successorem Cælestinum, Concilium Carthagini habitum non habemus, occupata à Vandalis Africa, bellisq̃ue, & mox barbarie foeda. Nec ab illo æuo reperiās, Ecclesiam isti Sanctorum Librorum Catalogo, aut addi aliquid, aut detrahi passam. Baruch enim sub Ieremiæ Prophecia Veteres comprehendunt; vt non mirum si hìc nihil de eo nominatim. Nam  
& pas-

& passim, Baruch verba, Ieremiæ nomine referunt Patres. Ita S. Prosper Lib. 1. De vocat. gentiū, Cap. 18. Ita Clemens Alexandrinus Lib. 1. Pædag. Cap. x. Ita alij sæpe. Sic ab annis mille ducentis Libri pro Sacrosanctis sunt habiti, quorum fidem hoc seculo sollicitauistis. Hæc quidem in commune pro omnibus. Nunc de illis figillatim.

Tobiam Canonicum esse non vultis. At volebat Cyprianus, qui, Sermone de Eleemos. ait, quæ in Tobiae libro sunt à Spiritu sancto esse. At volebat Ambrosius, qui, Cap. 1. De Tobiae Libro. *Lectō, inquit, prophetico libro qui inscribitur, Tobias, quamuis plenè vobis virtutes Sancti Prophetæ Scriptura insinuaue- rit, tamen compendiarie mihi sermone de eius meritis, &c.* Nisi fortè Prophetarum Prophetici Libri Canonici non sunt.

Iudith Librum ex Canone reijcitis. At non reiecit Nicænum Concilium, magnum illud, & primum. Audite Hieronymum, Præfatione in Iudith. *Apud Hebraeos Liber Iudith inter hagiographa legitur, cuius authoritas ad roboranda illa quæ in contentionem veniunt minus ido-*

*nea iudicatur . Chaldaeo tamen sermone conscriptus inter historias computatur. Sed quia hunc librum Synodus Nicæna in numero Sanctarum Scripturarum legitur computasse, acquieui postulationi vestrae, &c. Nihil disertius. Est, inquit, ille Liber tanquam Sanctus apud Hebræos, non, sic tamen vt ad Fidei controuersias satis valeat eius autoritas. Sed Nicæna Synodus eum sacris Scripturis annumerauit. Quid hoc est, nisi Iudæis non Canonicum esse, sed ex autoritate Nicæni Concilij Christianis esse Canonicum, & ad roboranda illa quæ in contentionem veniunt idoneum iudicari? Ambrosius quoque ( Libro de Viduis ) Iudith Librum Scripturarum Librum vocat; eodem prorsus modo, quo & paulò post, vbi de Debora, Librum Iudicum Scripturam appellat.*

Scio Hieronymum ( Præfatione in Prouerb. ) censere hunc Librum inter Scripturas Canonicas non referri. Sed vt vides, ab ea opinione recessit, autoritate Nicæni Concilij, quam fortasse minus antè aduerterat. Prius, inquam, hunc Librum reiecit à Canone, posteaq;  
admi-

admisit . Nam si è contrario ante Canon-  
 icum censuisset , ac deinde Apocryphū,  
 nonne hunc putas tam grande argumen-  
 tum quod ipse protulerat ( nempe sen-  
 tentiam Nicæni Concilij ) alijs argumen-  
 tis soluturum ? Nonne vel interpretatus  
 Concilij mentem esset , vel omnino di-  
 xisset , nihil eiusmodi , quale ante credi-  
 derat , in fauorem Libri istius à Concilio  
 cogitatum ? Nec interest quòd in Scri-  
 ptis Hieronymi , præfatio in Iudith qua  
 huic libro fauet , præcedat illam in Pro-  
 uerbia , qua detrahit . quasi ea in re di-  
 cendum sit , *prioribus posteriora derogare* .  
 Nam non sequitur posterius à Hierony-  
 mo scriptum , quia posterius collocatur .  
 Neque enim Librorum Sanctorum Præfa-  
 tiones , ex ratione temporis quo sunt à  
 Hieronymo editæ locum habere in eius  
 Scriptis existimes ; sed ex serie qua in  
 Scripturis Libri Sacri ponuntur , quibus  
 illæ conueniunt ; quo ordine Liber Iudith  
 præcedit Prouerbia . Idoneum ad eam  
 rem argumentum , quòd Hieronymus  
 non continuato labore sibi destinaret hoc  
 pensum , vt vniuersam Scripturam latine  
 transferret , & præfatione augeret ; sed



modò hunc , modò alium Librum , prout amici flagitabant . quippe Pentatheuchum , Desiderij ; Paralipomena , Chromatij ; Esdram , Domnionis ; Tobiam , Heliodori precibus vertit . alios aliorum studijs dedit . At quis putet hoc fuisse Hieronymi fatum , vt nunquam rogaretur in Latinum vertere libros , nisi qui proximè sequerentur quos antè vertisset ? Quid quod ipse testatur se prout ferebat animus , interdum ab vltimis Libris ad priores commentario illustrandos reuolasse ? Ita enim Proœmio Commētarij in Epist. ad Galat. *Pauci admodum dies sunt , ex quo Epistolam Pauli ad Philemonem interpretatus , ad Galatas transcederam , multis retrorsum in medio prætermiſſis ; Et ecce subito, &c.*

Ad extremùm , hìc potius ex Nicæni authoritate Concilij asserimus Librum Iudith , quàm ex Hieronymi ; quem de illius seculi licentia scimus libros aliquot à Canone reiecisse , quos & tunc quædam Ecclesiæ Catholicæ , vt modò ex Augustino probauimus , pro Canonicis colebant ; & tota deinde summo consensu Ecclesia , ( vt constat ; nec Sectarij negant )  
esse

esse Canonicos, & inuiolabilis sanctitatis professa est.

Venio ad *Sapientiam*; quam nec agnoscitis. At agnouit Ambrosius, qui Lib. De Parad. asserit *Salomonis* esse hunc librum; & Lib. I. De Virginib. sententiam inde daturus. *Neque meam ullam sententiam assero*, inquit, *sed eam repeto quã edidit Spiritus Sanctus per Prophetam*. Agnouit & Augustinus, Ambrosij foetus in Domino; Lib. II. De Libero Arbitrio. Cap. XI. qui aliqua prolaturus ex Sapientiæ Libro, *Verumtamen*, inquit, *quoniam nihilominus in diuinis libris de Sapientia dicitur, quòd attingit à fine, usque ad finem fortiter, & disponit omnia suauiter*. In diuinis igitur Libris, si Augustino fides, *Sapientia* est; ex cuius VII. Capite illa deprompsit. Nec interest, quòd alij Salomonem, alij Iesum, filium Sirach, huic Libro authorem esse putent. Nam magnopere non pugnamus quis mortalium illi scribendo destinatus à Numine. Satis est, Spiritu Sancto suggerente conceptum. Nec omiserim, fieri posse, vt sparsas Salomonis sententias in hunc Librum ille Iesus coegerit.

Iam

Iam de Ecclesiastico. Nam & illi in  
 Canone locum negatis. Sed non negat  
 Augustinus; qui quòd Donatum credidisset  
 quædam verba subtraxisse, ab illa Ec-  
 clesiastici sententia, *qui baptizatur à mor-  
 tuo, & iterum tangit illum, quid proficit  
 lauatio eius?* ait (Lib. I. Retract. Cap.  
 XXI.) se in eum graui contentione inue-  
 ctum, *tangam*, inquit, *in furem diuini  
 eloquij vel violatorem*. Ambrosius in  
 Psalm. CXVI II. testimonium ab Ecclesia-  
 stico sumptum, vocat *Testimonium Scri-  
 pturarum*. & Serm. I. super I II. Eccle-  
 siastici, quædam Ecclesiastici verba da-  
 turus; *Dicit*, inquit, *Scriptura diuina*,  
*ignem ardentem, &c.*

Abigitis denique Machabæos: sed hoc  
 longè ab Augustini mente; cuius verba  
 sunt, Lib. XVI II. De Ciuitate Dei Cap.  
 XXXVI. *In quibus sunt Machabæorum  
 Libri, quos non Iudæi, sed Ecclesia pro Ca-  
 nonicis habet*. Obijcit tamen pessima  
 fraude, Petrus Martyr, censere Augusti-  
 num, Scripturas Machabæorum non esse  
*sicut Legem, & Prophetas, & Psalmos*.  
 Lib. I. contra Gaudentium, Cap. XXI II.  
 Apud Iudæos quidem, Petre Martyr.

Verba sunt Augustini, *Scripturam quæ appellatur Machabeorum, non habent Iudæi sicut Legem, & Prophetas, & Psalmos*. Addit porro. *Sed recepta est ab Ecclesia non inutiliter, si sobriè legatur, vel audiat*. Quid illud *recepta est*, nisi, recepta ut habeatur sicut lex & prophetæ? Nam si *receptam* simpliciter velis, instar librorum aliorum quos legimus vulgò, nec tamen eo loco habemus, ut ex illis quid credendum, damnandumve colligamus; nulla in hac re inter Iudæos, Ecclesiamq; dissensio. Nam & recepti hi libri à Iudæis ita erant, ut passim legerentur. Et tamen Augustinus ostendit, alia ratione ab Ecclesia quàm à Synagoga, esse receptos; ut latinè intelligenti patet. *Scripturam hanc non habent Iudæi, sicut legem, &c. Sed recepta est ab Ecclesia*. Sobriè porro legenda, ut & Canticum Canticorum, & pleraque in Scripturis, in quibus male feriat animi, possunt maximo suo damno versari. Nam & in Machabæis habentur eorum exempla, qui mortem sibi met consciuere, quæ ita sobriè sunt legenda, ne putentur ad imitationem esse trahenda. Nec secius pro  
ista

ista *Scriptura* Tertullianus, Lib. aduersus Iudæos, Cap. IV. Illic enim librorum eorum authoritatem iactat, in asserenda re fidei, eaque grauissima. Quippe probandum suscepit, legem Mosaycam, *non eternam, non immutabilem esse*; sed temporalem, & quæ debuerit aliquando finiri; probat autem ex eo, quòd ipsis eam interdum violare licuerit. *Nec dubium est*, inquit, *opus seruile eos Iudæos operatos, cùm pradas belli agerent ex Dei præscripto. Nam & temporibus Machabæorum Sabbatis pugnando fortiter fecerunt.* Nec dubium est, ait. Hoc ut probet, nonne *indubitata* asserenda probatio? At quæ *indubitata* illa? Ex Machabæorum historia. Ergo ex Tertulliani sententia, & *indubitata veritatis* hi Libri sunt; ne referri ei posset, non ita rem gestam, ut illic memoratur; Et *indubitata authoritatis*; ne quis argumentum posset euertere, negando, ex eorum Librorum præscripto Dei legem metiendam. Addit, *Vnde manifestum est, ad tempus & præsentis causæ necessitatem conualuisse, ut non ad perpetui temporis obseruationem huiusmodi legem eis Deus antè dedisset.* Manifestum?

stum? quis eruditus scribat ex Libro aliquo manifestum quo modo intelligenda *Lex Domini*, præsertim in re adeo graui, nisi ex eo qui sit iustæ & *manifestæ* auctoritatis ad res fidei explorandas? Atqui nullus, Sectarie, etiam vestro iudicio Liber eiusmodi, nisi qui syncerè, & sine exceptione, Canonicus. Igitur Tertuliano sunt Machabæorum Libri eo modo Canonici.

Nec nugentur hæretici, eos humano ingenio, non diuina vi, scriptos; quòd Author extremis Libri. II. verbis veniam deprecetur, si quid scripserit secus ac historicum decet. Constat enim non rerum ipsarum errores, sed styli humilitatem, modestum Authorem excusare, Quia semper rerum ipsarum, at non vtique & verborum, in Scripturis, propriè ac *immediatè* author Deus. Nec loquendi proprium morem exuere Prophetæ, cùm induerent Spiritum Sanctum. Isaias ornatè loquutus, qui nobilis, qui frequens in aula, Amos pro generis conditione humilior. Fatetur quoque Paulus *sermone* imperitum. I. Cor. XI. Nisi stolidè & impiè velis, in ea Epistola Paulum  
ex hu-

ex humilitate mentitum. En, autem illa  
 ex Machabæis verba. *Ego quoque in his  
 faciam finem sermonis. Et siquidem  
 bene & ut historia competit, hoc & ipse  
 velim: sin autem minus dignè, conceden-  
 dum est mihi. Sicut enim vinum semper  
 bibere, aut semper aquam, contrarium  
 est: alternis autem uti, delectabile: ita le-  
 gentibus si semper exactus sit sermo, non  
 erit gratus.* Viden disertis verbis, de  
 sermone, idest, de verbis, & stylo loquu-  
 tum? Sed & aliter inepta fuerit similitu-  
 do quam profert. Nam ut vino interdum,  
 interdum aqua uti delectat, ita & varij  
 tenoris in historia stilus placet. At serio  
 homini, in graui historia, quis nisi nebu-  
 lo, aut nugator, veris falsa misceri placere  
 existimet?

De Noui Testamenti Scriptura leuius  
 agam; quòd in omnes eius partes Calui-  
 nistæ consentiant, ex quibus hæretico-  
 rum pars hodie propemodum maior. In  
 reliquos, quò breuius sim, vno authore  
 pugnabo; cuius ingens apud cordatos au-  
 thoritas. Is erit Augustinus. Ac ne per  
 omnia eius scripta nunc vager: en quid  
 in Libris de Ciuitate Dei. Primùm Lib.

Xx.Cap.Xxi. vt exponat illud quarti ad Hebræos, *Viuus est enim sermo Dei, & efficax, & penetrabilior omni gladio accipiti*, sic loquitur. *Et sermonem Dei dicit Scriptura gladium bis acutum, propter aciem geminam Testamentorum duum.* En vt in Scripturis, Lutherane, computat Augustinus Epistolam ad Hebræos. Iam de Iacobi Epistola. Lib.Xxi. Cap. Xxi. De Ciuitat. Ergo & ad hoc genus Eleemosynarum pertinet, quod ait Apostolus Iacobus; *Iudicium futurum sine misericordia ei qui non fecit misericordiã.* quæ sententia est Iacobi Cap. i i. Epistolæ suæ Catholicæ. Viden Augustini iudicio, Iacobum Apostolum Epistolæ illius authorem? Aequè disertè de Epistola Iudæ. Libro Xv. de Ciuit. Cap. Xxi i i. *Scripsisse quidem nonnulla diuina Enoch illum septimum ab Adam, negare non possumus, cùm hoc in Epistola Canonica Iudas Apostolus dicat.* Apocalypsim autem non semel iterat Ioannis Apostoli Librum esse. Ita Lib.Xx.De Ciuit.Cap. Viii. vbi de quibusdam Apocalypseos mysterijs, *Neque enim frustra idem Ioannes Apostolus, qui & hanc Apocalypsim scri-*



*scripsit, in Epistola sua de quibusdam dixit, &c.* Neque negat secundam, & tertiam Ioannis Epistolam, qui de prima sic meminit, *Ioannes in Epistola sua de quibusdam dixit, &c.* Nunquid enim cæteras Pauli Epistolas negare putandus est, qui dixerit, Paulus in Epistola sua ait, fidem sine charitate non prodesse? Adde, quod prolixior illa prima Ioannis, pleniorq; præceptis est; cæteræ duæ, breues omnino, & de quibus subdubitabant adhuc aliqui, ea ætate; Vt non mirum si eam primam appellarit *per excellentiam*, vt loquuntur, *Ioannis Epistolam*. Cæterum ipse & secundam, & tertiam quoque agnoscit, Lib. 11. De Doctr. Christian. Cap. VII. in Catalogo Scripturarum. Illic enim Canonicas Epistolas *terminari* isto numero ait, quatuordecim. Epistolis Pauli Apostoli, Petri duabus, tribus Ioannis, vna Iudæ, & vna Iacobi.

Sed ab eo ab hac arena. Cum Lutheranis Calvinistæ disputent de harum Scripturarum veritate. Operæ precium erit Andabatarum ille concursus. Nā repudiata authoritate Ecclesiæ tam hi sciunt cur hos libros admittant, quàm illi cur contendant.



## CAP. XII.

*Cuius sit Scripturas exponere. Quàm  
in eo absurdè errent Sectarij. De  
prudentiali, & moderatione Ecclesiæ,  
in permittenda lectione Scripturarũ;  
Contra Sectariorum calumnias.*

**V**IDENTVM nunc cuius  
sit Scripturas exponere.  
imò an opus aliqui qui il-  
las exponat. Inde enim  
facilis tot rixarum sit exi-  
tus; cùm proculdubio eius sensui standum  
sit, cuius est de sensu Scripturarum ferre  
sententiam. Aiunt Sectarij, Scriptura-  
rum esse ipsarum de Scripturis iudicare:  
Fatentur & Ecclesiæ esse, modò sit vera,  
atque legitima; modò quoque Scripturas  
ex sensu & norma Scripturarum expo-  
nat. Quæ quàm sint ludicra, paucis ex-  
pende Sectarie.

Scri-

Scripturarum est (ais) Scripturas exponere; id est, ex Scripturarum vno loco alius explicandus. At peto, num Scripturarum ille alius locus quem exponendo alteri sumis, expositione ipse non egeat. Eget omnino. Alioqui nullæ olim hæreses extitissent; nulla hodie lis inter nos; si, inquam, aliqui Scripturarum loci essent, qui ita cæterorum interpretationi seruirent, vt ipsimet nec sumi in varios sensus possent, nec interpretatione corrumpi. Cur modò disputamus de sensu Scripturarum, si Scripturæ ita se habent? sin secus; cur enormem hanc regulam de Scripturis exponendis concinnastis? Cur aut vobis, aut vestris imponitis?

Dices; Imò Ecclesiæ potestatem hanc facimus, vt Scripturas exponat. Vtinam faceretis. Sed vt omittam, vos Ecclesiam quærere qualis in hunc diem haud fuit, nempe quæ nihil crediderit, præter id quod vos modò; conditionem præterea additis, quæ iudicium illius Ecclesiæ iudiciorum vestrorum examini multo fastu subijciat. Dicitis enim, *modò Ecclesia ex præscripto verbi Dei, & mente Scripturarum, Scripturas exponat*. Quis autem

tem iudex erit vtrum hanc in interpretationibus suis legem implevit Ecclesia? Scripturæ ipsæ, inquis. Dic verò, Sectarie, an in insomnijs quicquam absurdius? Ecclesiæ est Scripturas exponere; & Scripturarum est de illa interpretatione Ecclesiæ iudicare. Quis hic circulus? quæ corona sine exitu se conuoluens? quæ denique ratione Scripturæ de illa interpretatione Ecclesiæ sententiam ferent? Suane an aliena voce? Aliena? Ergo aliquis erit maioris authoritatis in interpretatione Scripturarum, quàm sit ipsa Ecclesia; aliquis, inquam, cuius voce Scripturæ vtantur in arguenda Ecclesia; & cui plusquam Ecclesiæ sit credendum. Sua? At qua ratione loquentur? Quia, inquis, res liquida erit ex contextu ipsarum. Quomodo autem liquida res, si eum contextum Ecclesia non intellexit? si in expositione decepta est? Adeonè absurdam fingis Ecclesiam, vt rem quam omnibus peruiam putas, rem omnibus claram, rem de qua tu, aut ego, sat possumus iudicare, sola non capiat?

Age autem cui credes de huiusmodi Ecclesiæ errore referenti? Caluino, Lutherò,

thero, vicino tuo, tuo Ministro? quàm tu verò humilis, cæciq; ingenij, qui eiusmodi authoribus credere malis, quàm vniuersæ & antiquæ Ecclesiæ! At (inquires) trutino ipse Ecclesiæ sensum, & deinde Caluini; Vtrumque ad Scripturas exigo: Tunc quia mihi videtur melius, magisq; ex sensu Scripturarum dixisse Calvinus, accedo ad illum; Romanæ Ecclesiæ repudium mitto. At at hoc illud est; hinc omne odium in Ecclesiæ disciplinam; superbus nempe animus, & sibi vni credere volens. Quantum enim inde, Sectarie, iudicio tuo priuato imperium! Quicquid sit, quisquis Scripturas exponat, nisi ipse iudicas ritè expositas, in alios sensus abis? Ea norma, omnes Pastores sibi erunt; singuli se docebunt; alios in consilium fortè de fidei rebus admittent, sed de ijsdem ipsi singuli iudices erunt.

Tu verò qui ex Ecclesiæ iudicio iudicium tuum regere non vis, visne alios cogi, vt iudicium tuum ipsi sequantur; id est, ita credant exponendas esse Scripturas, vt ipse exponis? Si ita vis, quæ tyrannis, vt tibi priuato deferri plus postules, quàm tantæ Ecclesiæ ipse detuleris?

Si non

Si non vis ; ergo & mihi sensus alios tua pace licet inire ; & vel Arium sequi , vel Pelagium , quorum vterque non negando Scripturas , sed ex sua mente exponendo , peccauit ; vel mihi quoque ipsi fas nouam semitam aperire . Sed de illius immanitate sententiæ , qua omnis religio , omnis ordo cōfunditur , suprâ (Cap. Ii i.) fatis multa .

Tantum hic addo , Sectarie ; si hæc infanda libertas insedisset animo meo , vt Scripturas ex meo ingenio vellem audire ; non fortasse Catholicus , sed nec vestrarum Sectarum homo essem . Abnuem in Caluini , in Lutheri , in Ecclesiæ Anglicanæ , in Hugonnoticæ leges ire . Author ego mihi essem credendi , sentiendi . Sed quia necesse existimo auctoritatem alicuius Ecclesiæ sequi , & ad illam iudicium cogere , quamuis fortè repugnans ; malo Catholicæ Ecclesiæ credere , quæ antiqua , quæ vna , quæ omnibus seculis sanctitate multorum insignis , à qua denique ipsi vos omnes , non in vnum , sed in diuersa , vt cæci & errantes , existis ; quàm Sectarum vestrarum alicui ceruices submittere ; quarum omnium  
vnus

vnus duntaxat nexus, vt à nobis dissentiant; vna sententia, vt Scripturas ad suam mentem intelligant; sed multò deinde grauiores, quàm nobiscum, inter se rixæ: quas denique constat ex Ecclesiæ nostræ corpore exiuisse, & ab ea, tanquam insana, ac tabentia membra, esse præcisas.

Nos verò sub Christi, & Ecclesiæ iugo, submoti ab eiusmodi fastu, de Scripturis, & earum expositione, ita sentimus; Esse illas diuina Oracula, Spiritus sancti verba. Sed omnium oculos non ferre tantam lucem. Multa in illis esse obscura, multa ambigua; vt eodem Spiritu qui his author est, opus sit exponendis. Eum, Spiritum Ecclesiæ datum scimus, eum illi *vsque ad consumationem seculi adfuturum*. Standum igitur expositioni ipsius: cum ea aiendum, negandumque. Eximie Augustinus Lib. De Quantit. Animæ. *Authoritati credere magnum compendium est, & nullus labor*. Ecclesiam autem nostram, veram illam & vnicam esse Ecclesiam, fusè antè probatum est, Capp. VI. VII. VIII.

Sed hinc quædam arcenda à fama Ecclesiæ maledicta: quidam errores in vobis

bis carpendi sunt . Dicitis apud Catholicos latere Scripturas ; ab hoc pastu arceri Christi oues ; vix vnis Sacerdotibus eam lectionem concedi . At hæc quanta iniuria ! Imò ex Catholicis viris nemo, nulla ex mulierum grege, prohibetur à probatis Scripturarum codicibus, qui Hebraicè, qui Græcè, qui Latinè sunt editi. Vulgatis autem linguis vt cautio adhiberetur, prudens consilium fuit, & ex plebeculæ malis ortum . Decretum igitur, ne Scripturas in vernaculam linguam versas, aut vir, aut foemina legeret, nisi annuente Episcopo . Illum enim iudicaturum, cui sit stomachus patiens tanti cibi . Quid hìc autem non prorsus laudabile ? Certè enim cur vernacula prohiberetur editio, potius quàm Latina vel Græca, magna ac celebris causa ; quòd qui Latinè sciunt, saltem aliquo modo mitigarint literis animum, & aptiores videantur ad legendum, discendumque : At vulgus ( quod hìc non ex genere, aut opibus, sed imperitia metior ) facilius in scandalum possit offendere, & difficilius inde emergat : rudi scilicet animo, nec subtilitatum, distinctionumve capaci, quibus



bus ad hæc studia opus.

Vnde enim, nisi à promiscua ista Scripturarum lectione, tot inter hæreticos noui heretici, in Gallia, Anglia, Belgio, vbicunque denique inualuerunt? Viuit adhuc in Angliâ non postremæ sortis anus, quæ & suo, & delirorum aliquot iudicio, sapit. Hæc non ignobili Sectario, qui vi conscientiaë victus in multis ad nos accesserat, fortè de Scripturarum difficultate differenti, ita obloqui ausa; nullum, in Scripturis locum sibi obscurum videri; nullum esse cuius sensum probissimè non calleret. Obstupuit ille ad tantam amentiam; & se verò non tanto lumine à Deo donatum; sed & multùm laborasse Patres omnes, vt oculos mitterent in arcana Scripturarum. Eadem autem mulier, tristi prorsus amentia, vtinam, inquit, omnium Patrum libri, excepta Arcadia (ea est apud Anglos amantium Pastorum fabula) igne perissent.

Neque hæc sola eo modo insanit. Legendi libertas, suiq; fiducia, multorum animos ad has furias agit. Nam quæ semel ex tenuioribus ingenijs (vt sunt plerunque mulierum, aut virorum indocto-  
rum )

rum) sibi ipsis finxerunt expositionem Scripturarum, vel ægrè, vel nunquam contra suum iudicium ad Ecclesiæ sententiam, iusta ac humili deuotione accedent. Rectè Ambrosius (Comment. in III. Cap. Lucæ) verendum esse ait, ne Scripturarum Lector ignarus, *magis uolens ex imprudentia, quàm salutem ex lectione sentiat.*

Nam nec negari potest, in Scripturis obscurissima multa esse, in quibus & pro-uectæ scientiæ homines sæpe caligent. Summa illa ingenia, Augustinus, Chrysostomus, & cæteri Patres, quo labore in illas quæsiuerunt? quæ inuenere, quot paginis diffuderunt? Nec aliqua modò in Scripturis sparsim obscura, sed & tota Capita, imò Libri. De veteris Testamenti Scriptura vniuersè pronunciat in his studiis summè expertus Hieronymus (Ad Algasiam, Epist. CLI.) quòd *tantis difficultatibus, & futurorum typis obuoluta est, ut omnis interpretatione egeat.* Iam in Nouo Testamèto; quàm profunda Dei consilia, quàm arcana maiestate descripta sunt? Laborant Sanctissimi Patres, ut Euangelistas inter se concilient: non quòd

quòd illic aliud præter verum; Sed quòd nunc rerum ordo turbatus, nunc res strictim exposita, nunc denique non plenè referata mysteria, ab aquilis tantùm possint inter tot radios deprehendi. De Epistolis autem Pauli crede saltem Petro Apostolo (II. Cap. I. I. I.) In ijs ait esse *quædam difficilia intellectu, quæ indocti & instabiles deprauant*. Etiam nominatim de Epist. ad Romanos, Hieronymus, (Quæst. VIII. Ad Algasiam.) *Totus hic Apostoli locus & in superioribus, & in consequentibus; imò omnis Epistola eius ad Romanos, nimis obscuritatibus inuoluta est*. De Apocalypsi non loquor. Hanc aduersarij vtrò fatentur, numero mysteriorum, & magnitudine, humani ingenij vires excedere.

Neque obscura modò Scriptura; sed & ab obscuritate illa occasio, & argumentum, hæresiarchis quidem, vt à legitimo sensu deflecterent, simplicibus autem animis vt illis adhærerent. Num igitur non sapientissimè constitutum, vt imbecillioribus manibus ille mucro non credatur? Vides autem quàm prudenti moderatione vsa Ecclesia. Neminem, vt

monuimus, arceri voluit à Latinis, Græcisvè codicibus; at à vernaculis hos repellit, qui Sacerdotum iudicio tantæ efficacæ alimentum concoquere non sat possunt: Sed his quoque prouidit, Concionibus in quibus Euangelia referuntur, libris etiam in quibus describuntur; tum Psalmodum paraphrasi; scriptis denique pijs, in quibus ex diuinis literis multa. Quod verò ad historiam veteris Testamenti, eam fusè, & magis ex vulgi intellectu, in Iosepho inueniunt.

Sed iam & experimento didicimus, licentiam illam (Sectarie) non eiusmodi vtilitatis esse quam sèpe iactatis. Nam quid maioris pietatis populo Angliæ; aut Hugonottis, aut Lutheranis, ex ea lectione? Conferantur cum nostris Catholicis. Apud nos pietatem, ac Dei timorem, videbis excellere; Apud illos ineptulam quandam superbiam, & opinionem scientiæ, qua disputent, qua trita sophismata ridiculè vrgeant, supra ingenij, aut scientiæ suæ sortem. Vt omittam apud multos illorum iam Scripturas vilescere: qui angusto animo quicquid commune est temnunt; alijs autem etiam suorum  
Mini-

Ministrorum venire fastidium; cùm tam suum, quàm illorum existiment, & Scripturas legere, & ad illorum notitiam peruenire.

Quàm denique multa, vel rudibus animis, vel sibi credere, aut *altum sapere* superbè volentibus, in Scripturis scandalo crunt? Mors sibi oblata à Samfone, & alijs aliquot Iudæorum; Deus pseudo-prophetæ loquens; Iacobi mendacio elusus genitor, fraterq; fraudatus; Agar superinducta Saræ, in matrimonio Iacobi simul duæ sorores, totidemq; ancillæ; Tot coniuges, tot concubinæ Dauidi, plures quoque Salomoni; Propheta vnus pro alio ab Euangelista prolatus. Quid de libro Ruth dicam? quid de Cantico Canticorum? Ac ne parua existimes; mira hæc facies rerum, Manichæis causa fuit, cur in totum à reuerentia veteris Testamenti recederent, negarentq; vel iustum esse Deum, vel Dei spiritu conscripta illa esse. Nunquam enumerem in hoc diuino ascensu paratas inexpertis voragines.


Submouet ergo, quantum in se est, periculum Ecclesia, non fructum auertit:

Dispensat illa Scripturas, non adimit vili. Quòd si cæcus Scripturas vitio corporis haud legere potest; & si ad hoc malum accedat deinde surditas, ne legentes quidem audire; & est tamen Christianus: quanto magis obtusi, aut impotentis iudicij homo, animi vitio ab iisdem, vtpote nocituris, possit excludi? Omnes tamen de illis communicant, in omnes diuiduntur; siue ipsi has legant, siue alios legentes percipiant, catechismis, concionibus, libris.

Supereſt non accusatio dicam, ſed maledictum in nos. Indices expurgatorios ab Eccleſia eſſe compoſitos, quibus ea, quæ Romanæ Religioni officiunt, è Biblijs iubeamur eradere. At hoc vna verum eſt cum Homeri fabulis, cum Herodoti nugis. Nihil falſius, nihil iniquius dictum. Sunt indices quidem, qui editiones Bibliorum hæreticas notent, ac in totum prohibeant; ſunt indices, quibus ſuſpectæ aliquot ad Bibliorum marginem notæ damnentur; quæ vel omnino ſcilicet malæ, vel propter ambiguum ſenſum ab hæreticis in peius detortæ ſunt. Sed vel ſyllabam ex Scripturarum  
textu

textu truncare, nobis nefas, Sectarie.  
Non hoc licet, non hoc libet Ecclesiæ.  
Anathema sacrilegis dicit, qui eò furo-  
ris peruaferint.

Diximus, quæ Scripturæ sint; Tum à  
quibus exponendæ. Tertium restat; Num  
Traditiones in Ecclesia admittendæ.



## C A P. XIII.

*De Traditionibus. Has iniquè à Se-  
ctarijs exagitari. In ista quæ-  
stione Sectarios sibi ip-  
sis repugnare.*



VERIMVS, vtrum  
Christi, & Apostolorum,  
omnia, quæ ad salutem &  
legem Christianam faciūt,  
instituta, in Scripturis ha-  
beantur; vt nihil nos teneat, nihil sit ob-  
seruandum, nisi quod illis expressè literis  
continetur. An verò sit aliud præter

Scripturas Dei verbum, quas nos Traditiones appellamus. Scio dici simul hæc posse, omnia in Scripturis haberi, & tamen obseruandas Traditiones esse. quia earum scilicet cultus in Scripturis imperatus. Disertè hoc habes. II. ad Thesal. II. Ac cùm Scripturæ nos iubeant parere Ecclesiæ, vbi nos imperante Ecclesiæ Traditiones admittimus, vna opera paremus, & Ecclesiæ quæ Traditiones, & Scripturæ quæ Ecclesiam iubet audiri. Nec interest vnquamque Traditionem *in indiuiduo* in Scripturis non poni. Nam qui semel mihi legitimo iure præceperit, Seio fortè alicui Titiove parere, omnia ac singula vno verbo exequi iubet, quæ ille Seius Titiusvè præceperit. Ita cùm Scripturæ præcipiunt parere Ecclesiæ, non est opus ea enumerent, quæ nobis præceptura Ecclesiæ; sed opus vt obtemperemus Ecclesiæ. Alioqui in contemptu Ecclesiæ, & Scripturas contemnemus. Rectè igitur dicas, nihil te cùm Traditiones admittis præter Scripturas admittere; quandoquidem hæc ab illis commendatæ. Denique mutuam operam sibi hæc præstant: Nam

& ex



& ex Traditionibus habemus, Scripturas esse Scripturas; & ex Scripturis, Traditiones esse colendas.

Sed quoniam distingui illa solent, Scriptura, atque Traditio; videamus expressius, an admittenda Traditio, & ipsa verbum Dei dicendum sit. Negant hæretici. Vnde Calvinus, Lib. IV. Inst. Cap. VIII. §. VIII. *Esto igitur, inquit, hoc firmum axioma, non aliud habendum esse Dei verbum cui detur in Ecclesia locus, quàm quod lege primùm, & Prophetis, deinde Scriptis Apostolicis continetur.* Lutherus autem adhuc acerbior, in Caput I. ad Galatas, ijs omnibus *anathema* dicit, qui ullam doctrinam attulerint, quæ non expressè legatur in Scripturis. Aliter Ecclesia Orthodoxa, & ex illius sententia Augustinus, Lib. V. Contra Donatistas, Cap. XXIII. *Quæ uniuersa tenet Ecclesia ab Apostolis præcepta benè creduntur, quamquam scripta non reperiuntur.*

Nec quid mirum Sectarios ita sentire: Solemnis ijs causa est vt in Traditiones pugnent, suarum sectarum nouitas, ad quam ipsi erubescunt; quæque tum maximè patet, cùm in antiquos Ecclesiæ

vsus inspicimus; qui quoniam non tā ver-  
 bis, quā re & praxi constant, nō possunt vt  
 Scripturæ torqueri, vel flecti. Hinc omni-  
 no illis audacia, vt vetera destruant, ne  
 ab illis premantur. Dicunt itaque, om-  
 nia in Scripturis haberi: Traditionum  
 plurimas vanas, necessarias nullas esse.  
 Vide qui campus omnibus inde Secta-  
 rijs. Si illos oppugnes consuetudine Ec-  
 clesiæ, Patrum sententijs, veneratione  
 vetustatis, referent, se consuetudines Ec-  
 clesiæ haud alias velle respicere, quā  
 quæ in Scripturis sunt; falli Patres, vt po-  
 te homines, potuisse; vetustatem non  
 idoneam in omnibus esse autorem. imò  
 illius facilitate errores sæpissimè inoleuif-  
 se. Datis his ad terram machinis, qui il-  
 los oppugnes? Superfunt solæ Scripturæ;  
 quarum authoritate si vteris, ipsi de in-  
 terpretatione contendunt. Ita nil ege-  
 ris. restabit vt regnent, vt perdant, ac  
 pereant. Sed & tantæ licentiæ vanitatem  
 innato iudicio plerique illorum agno-  
 scunt. Itaque si cum Orthodoxo conten-  
 dunt, non in prælij fronte assertionem  
 hanc locant; sed abstrudunt, tanquam  
 vltimum ac pudendum auxilium. Nimi-  
 rum

rum quicquid in disputationem venerit, tueri contendunt veteris Ecclesiæ monumentis. vt si cum imperito res illis sit, persuadeant nihil se extra Antiquorum consensum afferre; Si verò agere se sentiunt cū intelligente, qui Traditiones, qui Ecclesiam illis probet aduersam; tum denique stringunt hoc ferrum, nihil se hæc omnia facere; vnīs Scripturis adhærere.

Dicis ergo, Sectarie, liquido in Scripturis omnia contineri. illas solas audientas. si ita est, da verba Scripturæ, quæ hoc ipsum te doceant. Cū enim solæ Scripturæ sint ex tua sententia audientas, non audiam ego te, nisi hoc *dogma* ex Scripturis deprompseris.

Scriptum inuenies, obseruandas esse Scripturas, expellendum qui contra has quicquam docere contenderit: Sed nusquam est, solas Scripturas obseruandas, habendumve pro impio, qui præter has quicquam attulerit. Dicit Paulus, Ad Galat. I. *Sed licet nos, aut Angelus de celo euangelizet vobis, præterquam quod euangelizauimus vobis, anathema sit.* Certè. Sed neutiquam dicit, quæcunque euangelizauerat illis, in scriptis haberi:  
imò

imò afferit non haberi . II. Ad Theſſal. II. *Tenete traditiones quas didicistis, siue per sermonem, siue per epistolam nostram.* Deficiunt ergo Scripturæ ipsam hanc legem, qua iuberi vis ne vlla alia lex sit, quàm quæ expressè in Scripturis.

Quid verò tibi videtur? An prima illa Christi Ecclesia sub Apostolis, eorumq; discipulis, legitima, pura, vera? Omni-  
no, inquires. Ergo, Sectarie, quicquid testi-  
monijs, quæ omni exceptione maiora  
sint, euincemus eam Ecclesiam tenuisse,  
id pro sancto, vero, puro tenendum no-  
bis erit, etiam si non habeatur in Scriptu-  
ris; quandoquidem pura Ecclesia fidem  
impuram habere non potest. Hoc autem  
quid est aliud, quàm Traditiones admit-  
tere?

Qua porrò ratione, Petrum, ac Paulum,  
cæterosq; Apostolos, credis in spargenda,  
ferendaq; fide vsos? Scriptis, an voce?  
Certè vtroque; sed & prius, & vberius, &  
sæpius voce, quàm scripto. Credis verò,  
Sectarie, aut eos quæ singula docuerunt,  
scripto deinde esse complexos, aut ex ijs  
quæ docuerunt ea sola vim habere de-  
buisse, quæ postea in Scriptis retulerunt?

Imò,

Imò; inquires, quęcunque docuere, ea voluminum suorum angustijs compendio describere. Falsum hoc quidem, vt mox ex ipsis Scripturis docebimus; Sed age; priusquam describerent, nonne æquę obseruanda Christianis hæc fides, nonne, inquam, vt sic loquar, Canonica æquę erat, ac postea cū in scriptis redacta est? Ne hoc quidem audeas negare, Sectarie. Ergo traditiones in Christi Ecclesia ipsis quoque noui Testamenti Scripturis priores sunt.

Nec de nomine controuersiam feceris, quasi non Traditiones dicendæ sint illæ Apostolorum conciones, illa præcepta. Quid est enim traditio, nisi res quam audieris, aut videris, aliorum memoriæ narrando, docendoq; commissa? qua ratione Apostoli, quæ verbis à Christo acceperant, vel arcana Spiritus Sancti voce, verbis suis Discipulorum coetui referebant. Ita Paulus. I. Corinth. XI. *Accepi à Domino, quod & tradidi vobis.* Et Lucas se Euangelium suum ait ex Traditionibus concepisse; Cap. I. *Sicut tradiderunt nobis*, inquit, *qui ab initio ipsi viderunt.* Quicquid sit, adeò Christi fides pri-

primis initijs à folis Scripturis nō peperit, vt plena, vt perfectā diu antē fuerit, quā omnes Scripturarum libri concepti. Certē Apostolorum Actus, viginti & amplius annis Christi morte posteriores sunt. Aliquæ etiam Apostolorum Epistolæ postea editæ. Apocalypsis denique sub Domitiano conscripta est.

Sed quod caput est, nec præcepta omnia quibus discipulos imbuebant, Scripturis comprehenderunt Apostoli. Hoc ex Scripturis clarum; vt inuerecunda sit illorum audacia, qui Traditionum odio in Scripturarum fidem insurgunt. Pauca ex multis colligemus. De celebratione Eucharistiæ ita loquitur Paulus I. ad Corinth. XI. *Cetera autem cum venero disponam*. Ostendant vbi scriptum, quid in hac re instituerit Paulus, quid disposuerit; aut fateantur, præcepta, & Traditiones Apostolorum omnes in Scripturis non haberi. Item II. ad Thessal. II. *Itaque, fratres, state, & tenete Traditiones quas didicistis, siue per sermonem, siue per Epistolam nostram*. Audi Sectariæ. Ait Paulus non omnia quæ docuit scripsisse; sed præcepta litteris partim,

par-

partim discipulorum memoriæ commisisse . & hæc quidem non minoris auctoritatis esse quàm illa . Habes hìc duo ; Et Traditiones Apostolicas esse aliquas, quæ in Scripturis non sint ; & illas haud secus quàm Scripturas coli debere . Quòd si Traditiones ab Apostolo Paulo relictæ Christianis ; cur non à Petro etiam, cæteroq ; Apostolorum collegio ? Adeò autem incuriosam putas Ecclesiam, ut interciderit tam grande depositum, & media parte bonorum sit fraudata successio ?

Non cumulo argumenta in causa, viatrice . Tantùm Ioannis verba addam . (Cap. XXI. ) *Sunt autem & alia multa, quæ fecit Iesus ; quæ si scribantur per singula, nec ipsum arbitror mundum capere posse eos, qui scribendi sunt libros .* Putasne *ex alijs illis multis*, quæ in Euangeljs non scripta sunt, nihil Apostolos qui Christo conuixerant, ad fideles retulisse ? Certè Paulus ( Act. XX. ) verbi Domini meminit, quod in Euangelio neutiquam habes . *Oportet suscipere infirmos, ac meminisse verbi Domini Iesu, quoniam ipse dixit, beatius est magis dare quàm accipere .* Non credis eiusmodi multas

voces obseruasse Apostolos, & olim Christianis tradidisse? An ideò non illæ diuinæ, quia non Scripturis exhibitæ?

Nec dicas nihil saltem rerū illarū quas à nobis obseruari necesse sit, in Scripturis omissum. Repugnat enim Paulus ad Thesfal. vt paulò antè dictum; qui eadem religione seruari Traditiones iubet, & scripras, & non scriptas. Nihil præterea, dubium, multarum Scripturarum, quæ obscuræ sunt, & necessario vsui tamen, ab Apostolis traditum esse sensum, qui per manus in Ecclesia conseruatus. Nam quis credat aut Christianorū primarios, cum Paulo adessent, non ab eo sciscitatos Epistolarum arcanas, anxiasq; sententias, aut grauatum verò Paulum in tantæ utilitatis disciplinam incumbere? Quid porò eiusmodi Traditione præstantius? Denique illud ipsum (vt supra monuimus) in Scripturis saltē deest, Scripturas Christianis ita sufficere, vt Apostolorum, aut Ecclesiæ Traditiones non necessario sint seruandæ.

Quid multis? Vos ipsi Sectarij, verbo tenus Traditiones proijcitis, reuera recipitis. Ecquis enim Scripturas tradi-

dit



dīt vobis ? quis iudicauit, essentnē Scri-  
 pturæ, essentnē Canonice ? Absque Tra-  
 ditione hoc à vobis sciri non potuit. Nul-  
 lus est enim in Scripturis sanctis locus, qui  
 singulos Scripturarum libros enumeret.  
 Qui verò litigiosi olim erant, vt Episto-  
 la ad Hebręos, Petri secunda, Ioannis  
 secunda ac tertia, Iacobi, & Iudæ Epi-  
 stolæ, ipsa etiam Apocalypsis, quo modo  
 hanc sui suspensionem excusserunt ? quo  
 modo facti sunt sine dubitatione Cano-  
 nici ? Ab ipsis Scripturis non habetis, il-  
 los libros partem esse Scripturarū. Vnde  
 igitur ? Omninò ab authoritate, iudicio,  
 & Traditione Ecclesiæ. Quæ hæc autem  
 insania, vt negetis ex Traditionibus Ec-  
 clesiæ metiendam, regendamq; nostram  
 fidem, ex quibus ipsas quoque quæ fidei  
 fundamenta continent, Scripturas meti-  
 mini ? Hoc ipsum nonne ex Traditione  
 est, Euangelia Matthæi aut Marci, non  
 supposititia esse ; sed eadem quæ ab illis  
 edita veterum temporum Ecclesia agno-  
 uit ? Imò vnde, nisi ex Traditionibus,  
 constat, quatuor Euangelia quæ habemus  
 esse legitima : Petri autem quod dicitur  
 Euangelium, atque Thomæ, & aliquot  
 præ-

præterea libros Apostolorum nomine claros, spuria scripta esse, furtoq; in dignitatem tantorum nominum adoptata. ? Ecce ut vel recipiendæ Traditiones sunt; vel & abigendæ Scripturæ, quas sola Traditionum fide agnoscitis.

Ne in solo hoc morer; In Scripturis ubi concessum ne observes Sabbati diem. ? Illum tamen non observas. Dominicus dies illi successit. Vnde hoc tibi Sectarie? Non, inquam, à Scripturis. Vnde igitur? Non aliunde quàm à Traditione Ecclesiæ. Quidam isthic ex vestris miserrima subtilitate se torquent; Iussisse nempe Deum, ut ex diebus septem sanctus sit nobis vnus: nihil porro referre vtrum Sabbatinus, an Dominicus, an alius dies; dummodo vnus ex septem. Id ex Caluini sententia; apud quem agitata diu ferunt, de transferenda solemnitate Dominica, in *feriam quintam*. At hæc quàm vanæ temeritatis argumenta, atque consilia! Non refert, ais, quis dies; dummodo vnus ex septem. Imò maxime refert. Non enim Deus in Decalogo vnum ex septem tantum, sed expresse septimum coli iussit. Et quis septimus esset,

esset, non reliquit Iudæorum arbitrio; sed  
 prorsus ostendit, vel ipsis feriis, quibus  
 nec de celo Manna cadebat, nec peribat  
 pridiana. Licitum nè Iudæis ab ea insti-  
 tutione diuertere, vt neglecto illo die pri-  
 mam Sabbati colerent, qui nobis Domi-  
 nicus dies, vel aliam vllam lucem? Ne  
 hoc quidem dicitis. In concessio est, illum  
 ipsum Deo authore diem, & Iudæis qui  
 Aegypto excefferunt, & inde eorum po-  
 steris, fuisse colendum.

Si hanc igitur de obseruando Sabbato  
 Dei legem ad ceremonias retuleris; scis  
 legales ceremonias Agni sanguine esse  
 deletas. *Cur tu cum Christianus sis Iudai-  
 zas? Sin ad mores præceptum hoc re-  
 fers; cur id mutare ausus? cur aliter ob-  
 seruas, quàm Deus instituit? Cur dies;  
 quem disertè iussus es venerari, tibi est  
 in profanis? cur ille qui sequitur, à labo-  
 ribus tibi immunis? In Scripturis nus-  
 quam authoritatem reperiēs. Legimus  
 Dominico die Ioanni reuelata mysteria.  
 (Apocal. I.) sed non legimus Dominicum  
 illum diem calcato Sabbato debere re-  
 gnare. Legimus Paulum cum discipulis,  
*ad frangendum panem, vna Sabbati con-**

uenisse . sed non legimus illum diem , ex  
 euerſi Sabbati ruina creuiſſe . *Verte om-*  
*nes te te in facies* . Cur Sabbatum negli-  
 gas , cur Reſurrectionis diem obſerues ,  
 neutiquam habes , niſi ex Traditione  
 & inſtitutione Eccleſiæ . Cur porro illum  
 diem plerique Seſtariorum , Sabbatum  
 appellatis ? Si celebratis quia Sabba-  
 tum ; celebratis quia *ceſſauit ab opere*  
*ſuo Deus* . Celebrandum ergo Sabbatum ,  
 in quo ceſſauit , non dies Dominicus in  
 quo incepit operari . Si celebratis , vt  
 diem Reſurrectione Chriſti dignatum ;  
 cur Sabbatum appellatis ? Non ceſſauit  
 hic Chriſtus , ſed fortiffimè cum morte  
 pugnauit . At , inquis , ceſſamus ab opere .  
 Egregia verò cauſa ! Quafi dictum in  
 Scripturis Sabbatum , à quiete fidelium .  
 Imò à ceſſatione Numinis ab Orbe con-  
 dendo . ( Exodi XX . ) *Sex diebus opera-*  
*beris , & facies omnia opera tua* . *Septimo*  
*autem die Sabbatum Domini tui eſt , &c .*  
*Sex enim diebus fecit Dominus calum ,*  
*& terram , & mare , & omnia quæ in*  
*eis ſunt , & requieuit in diè ſeptimo , idcir-*  
*co benedixit Dominus diè Sabbati , &*  
*ſanctificauit eum* .

Qui

Qui autem hi ludi, vt Traditiones irrideas, & tamen obserues? Ecce enim & aliā quam in commodum tuum vsurpas; suffocatorum nempe, & sanguinis esum; Quæ duo Christianis vetita legimus non semel in Scripturis. Audi Apostolos loquentes Christianis. (Act. XV.) *Visum est Spiritui sancto, & nobis, nihil ultra imponere vobis oneris quàm hac necessaria; vt abstineatis vos ab immolatis simulachrorum, & sanguine, & suffocato, & fornicatione.* Et Cap. XXI. *De his autem qui crediderunt ex gentibus, nos scripsimus, iudicantes vt abstineant se ab idolis, & sanguine, & suffocato, & fornicatione.* Rem perpende. *Visum est Spiritui sancto;* visum & Apostolis, *necessarium,* vt à suffocato, & sanguine abstinerent Christiani. Hæc sunt legis nouæ decreta, hæc verba Scripturarum; quibus se sanctè teneri senserunt primarum ætatum Christiani. Nec magis abominata Iudæis suilla, quàm Christianis hæc dapes. Vt enim in experimentum religionis his suilla, ita illis ex sanguine esca, ab hostibus offerebatur; Et vtrisque mors potior conuiuio illo visa. Inde Tertullia-

nus, Apologetico; *Ne animalium quidem sanguinem in epulis esculentis habemus.* Et mox ita Gentilibus. *Denique inter tentamenta Christianorum, botulos etiam cruore distentos admouetis; certissimi scilicet illicitum esse penes illos, per quod exorbitare eos vultis.* Audis hoc *illicitum*, Christianis. Neque putes hos cibos edere non licuisse publicè; at licuisse priuatim. Ante Tertullianum (nempe Antonio Vero regnante) Blandina Christi Martyr, vt crimen dilueret quo Christiani differebantur, quasi pueri carnibus epulari consueti, *Quomodo illi, inquit, liberos suos vorant, quibus ne licitum quidem sit sanguinem animalium ratione carentium comedere?* Habes fusè in Epistola Lugdunensis & Viennensis Ecclesiarum, eodem æuo scripta ad Ecclesias Asiæ, Phrygiæque; quæ apud Eusebium descripta est, Lib. V. Hist. Cap. I. Neque intelligi potest, de publico esu; sed de priuato. Non enim dicebantur Christiani, pueros coram populo mactare, & his vesci; sed clàm, & priuatim inter se; Ergo & necessariò intelligenda Blandina, non licuisse Christianis, ne priuatim quidem animalium

lium sanguinem in cibis habere.

At, inquires, hæc ita obseruata nascente adhuc Ecclesia, vel gemente sub furij Ethnicorum; Sed aliam rationem initam ubi adoleuit, & à malis respirauit. Nihil minus. Durauit sanctio illa etiam sub florente Ecclesia. Gangrense Concilium, Constantini Magni temporibus celebratum, ita habet Can. II. *Si quis eum qui carnem, præter sanguinem & idolothytum, & suffocatum, cum pietate, & fide comedit, condemnat, tanquam eò quòd ea vescatur spem non habeat, sit anathema.* En vt Patres carnum usum in quosdam hæreticos asserturi, illa tamen excipiunt, *Sanguinem, idolothytum, suffocatum.* Habes & Leonis Philosophi, Imperatoris, sanctionem, aliquot postea seculis latam; qua sanguinis esus, tanquam res ex Apostolorum præcepto illicita, castigatur. Ea inter Leonis Constitutiones quinquagesima octaua est. Et titulus, *Nè ex sanguine cibus conficiatur*: causa autem, quia ita à præconibus gratiæ est constitutum. Vocat deinde hunc cibum, *vetitum, detestandum, qui hominem contaminet*; ait, *diuino mandato*

*prohibitū*. Atrocibus denique poenis eos  
 plecti vult, qui has dapes aut emerint, aut  
 venales habuerint. Nimis multa. Histo-  
 riæ expers sit, qui neget compluribus se-  
 culis sanguinem pro esu nefando fuisse  
 Christianis. Cur tu ergo Protestans, cur  
 tu Puritane, hoc vesceris? Omnino mi-  
 nori iniuria reuocassetis hand legem,  
 quam Quadragesimæ ieiunia sustulistis.  
 Sed licentiæ scilicet, non disciplinæ stu-  
 debatur.

Age, inquam, sint aliqui qui à sangui-  
 ne & suffocato Christianorum gulam ho-  
 die putent arcendam; qui Scripturas con-  
 suetudini nostræ opponant; qui eas solas  
 vestro more velint admitti. Quid vobis  
 in eos argumenti? Proferetis verba Apo-  
 stoli, qui I. Cor. VII. & X. aliquo casu  
 idolothyta edi permittit. At vobis repo-  
 netur, ne illic quidem verbum, de sangui-  
 ne & suffocato esse. Sed & primos Chri-  
 stianos non ignorasse Pauli hæc verba;  
 & nihil tamen minus ex prohibitione,  
 quæ Apostolico Concilio est sancita,  
 Act. XV. credidisse sanguinis, & suffoca-  
 torum esum esse illicitum; Ipsum quoque  
 Lutherum, Libro de Concilijs, ita dispu-  
 tare,



tare, vt velit, vel non teneri nos decretis Conciliorum Ecclesiæ, vel teneri ad abstinentiam illam à suffocato, & sanguine.

Omnino cogemini vsu niti, consensu-  
que, & traditione Ecclesiæ, ita Con-  
cilium Apostolicum exponentis, vt hæc  
sanctio ad rationem seculi lata, successo-  
res non teneat; & Ecclesiæ quidem illius,  
quæ Missam admittit; quæ Pontificem  
pro Capite habet, quæ imagines extruit,  
quæ Purgatorium credit; quandoquidem  
illis demum seculis cœperunt Christiani  
sanguine vesci, quibus ex vestra confes-  
sione, iam Missa, iam Pontifex, iam ima-  
gines, iam de Purgatorio fides erat ea ip-  
sa quæ hodie Romæ.

Necessaria ergo Traditio illa Eccle-  
siæ; necessarium præter Scripturas ali-  
quid quo asseras tuam fidem. Num-  
tu autem tantus in Ecclesia Imperator,  
vt dicas, volo in illa, aut illa re Tradi-  
tiones valere; in cæteris nolo? Imò, Se-  
ctarie, legitimæ Traditiones, vel omnes  
admittendæ, vel omnes respuendæ; Legi-  
timæ, inquam. Nam & has solas admitti-  
mus. Quæ illæ sint quæris? quæ in Eccle-  
sia, vel expressis legibus, vel irreprehenso

Pastorum, Ouiumque consensu inualuerunt; siue illæ à Christo institutæ, siue ab Apostolis, siue à succedentium seculorum Ecclesia. Quæ à Christo sunt, diuinas appellamus; Apostolicas, quæ ab Apostolis; Ecclesiasticas quæ ab ipsa Ecclesia, in instituendis moribus, exponendisve Scripturis, nunquam errante.

Facessat igitur vestra responsio, vbi argumentis vrgemini ab antiquo vsu Patrum, & Traditione Ecclesiæ, ideò vos ad illa non teneri, quòd non legantur in scripto Dei verbo. Nam & Traditiones in Scripturis commendantur; & vos multa seruatis, quæ in Scripturis neutiquam insunt; & omni denique æuo receptum est, vt Traditionum quæ Ecclesiæ placuissent, summa vis esset, & cui parere Christiani tenerentur. Irenæus, Antiquissimus Doctor & Martyr, Lib. III. Cap. IV. *Et si de aliqua modica questione disceptatio esset, nonne oportet in antiquissimas recurrere Ecclesias, in quibus Apostoli conuersati sunt, & ab eis de presenti questione sumere quod certum, & re liquidum est? Quid autem si neque Apostoli Scripturas quidem tradidissent, nonne oportebat*

*bat ordinem sequi Traditionis, quem tradiderunt ij, quibus committebant Ecclesias & Cui ordinationi assentiunt multae gentes Barbarorum, eorum qui in Christum credunt, sine charactere, vel atramento scriptam habentes per Spiritum in cordibus suis salutem, & veterem Traditionem diligenter custodientes. Tertullianus, De corona Militis. His igitur exemplis renunciatum erit, posse etiam non scriptam Traditionem in observatione defendi, confirmatam consuetudine idonea teste probatae tunc Traditionis, ex perseverantia observationis. Et Hieronymus ad Lucinium, Epist. XXVI II. vult, ut quisque, praecepta maiorum leges Apostolicas arbitretur. Omitto in eam rem ceteros Patres; quos iam antè eruditissimorum virorum diligentia collegit.*

Nos itaque utrique Dei verbo honorem habemus; vos autem scriptum tantùm laboratis agnoscere; Re ipsa tam scriptum, quàm non scriptum miro facinore ex parte sequimini, ex parte damnatis. Nam & totos ex Scripturis libros eraditis; & Traditiones è contrario quas videmini omnes abigere, haud paucas servavistis.

uistis. Quid dicam, iam vel ipsas apud vos Scripturas ita vilescere, vt vestris Traditionibus, Catechismis, Confessionibus, quas excuditis, editisque, secundæ sint? Testis mihi vester Adolphus Venator, Minister Alcmariësis, Tractatu, De Præcipuis Doctrinæ controuersijs, Pag. CLXXIV. *Vera, optima, certissima, & perfectissima norma totius fidei Christianæ est Confessio Belgica, & Catechismus Heidelbergensis.* Et Pag. CLXXV. *Ex verbo Dei non potest vera doctrina purè intelligi; sed solum ex confessione & Catechismo.* Et, *Verbum Dei non est Christianis tam necessarium ac utile, quàm Confessio & Catechismus.* Et, *Vbi Confessio & Catechismus est, non egemus verbo Dei.* Denique, *Authores Confessionis & Catechismi fuerunt prudentiores & fideliores pro Ecclesia, quàm Apostoli & Euangelistæ.* O sacrilegum os! O Sectas indignas, quæ facilibus animis, aut educationis vitio illas amantibus, tam apertis erroribus, tam noxijs, & Domino ad extremum non inultis, imponant!

I O A N N I S

B A R C L A I I

Parænesis ad Sectarios.

L I B E R . I I .

C A P . I .

*De Sacramentis ; Et speciatim  
de Sacramento Pœnitentiæ .*



**N**on vltima Ecclesiæ pignora  
Sectarijs inuiolata essent,  
Sacramenta omnia, & sin-  
gula vario bello adorsi  
sunt Nobis , quoniam  
potius cupidus verimentes, quàm disse-  
rendi dulcedine præuicaces alloquimur,  
breuissimè pauca quædam, quæ in aper-  
to sunt , perstrixisse suffecerit . Satis  
enim si aduertant Sectarij se errare, &  
quæ

quæ via ad caulas sit, qua vna se possint ab errore recipere.

De numero igitur Sacramentorum, controuersiam faciunt. Septem numerat Ecclesia; illi duntaxat duo, Eucharistiam & Baptismum. Peto autem quid per Sacramentum intelligant; An rem, ac veluti tesseram, qua à non Christiano distinguitur Christianus: An aliquid quo necessario uti debeat Christianus ad salutem: An denique instrumenta quedam externa, & visibilia signa à Christo instituta, per quæ nobis inuisibilem suam gratiam Deus infundat? Si tesseram, qua Christiani distinguantur à cæteris; ergo & fides in Sacramentis numeranda, & spes, & virtutes cæteræ quæ quot Christianis singulares: & si externa quærunt, ire ad fideliū coetus, omne carniū genus, contra Iudæorum mœem, edere; Christi nomen suppliciter vnerari, Trinitatem publicè adorare; quicquid denique Christiani præter cæteros faciunt, erit nobis Sacramentum. Ita Sacramenta non duo, non septem, sed plurimæ. Sin aliquid intelligis necessarium Christiano ad salutem; Baptismum in sacramentis, Caluini-

sta,

sta, quid numeras? cùm ex tua sententia, Christianorum liberi, si ante baptismum decesserint, nihilo secius cælo fruantur. Hinc multorū Ministrorum crudelitas, nō alio quàm Dominico die, idq; publicè, aqua salutare infantes intingere. Interea si morbo soluuntur, parui rem ducunt. Quod quid est aliud, quàm superfluum, certè non necessarium Baptismum asserere? quàm de Sacramento ceremoniam facere? Scio risisse ex Calvinistarum grege aliquot, cum relatum à Baptismo infantem redditura matri obstetrix, en iam, diceret, recipe Christianum. Et ò te foeminam simplicem illi dixere; cur nunc magis Christi sit quàm cùm isthinc auferretur ad templum? Eucharistia etiam nec facit Christianum, nec omnibus necessaria ad salutem. Nam nec ea infantes pascuntur, nec impotes mentis; imò nec, vt plurimùm, apud Calvinistas ægroti, quos prohibet à cœtu publico valetudo. Ergo nihil istorum necessarium Calvinistis ad vitam æternam, id est, nullum illis est Sacramentum, si huic Sacramentorum definitioni adhæreas.

Si denique Sacramentum exponas, *signum*

*gnum visibile inuisibilis gratia, à Christo institutum*, Catholica quidem notio erit; sed vide an Eucharistiæ tantum, Baptismoq; conueniat. Cur non enim & remissio peccatorum à Sacerdote concessa tibi sit Sacramentum? Signum visibile est ipsa actio Sacerdotis; & gratiam inde infundi disertissimè ex Domini verbis habes. Matth. XVIII. *Amen dico vobis, quæcunque alligaueritis super terram, erunt ligata & in calo: & quæcunque solueritis super terram, erunt soluta & in calo.* Et Ioan. XX. *Accipite Spiritum sanctum: quorum remiseritis peccata, remittuntur eis: & quorum retinueritis retenta sunt.* Confirmationem etiam multi ex vestris non improbant. Rex Serenissimus Magnæ Britannæ, in familiari quadam Epistola ad Molinæum Parisinæ synagogæ ministrum, ei succensuit, quòd Confirmationi malè dixisset, quòd Antichristi notis illam annumerasset. Certè enim, inquit Rex, Liberi quoque mei confirmatione signati sunt: neque his velim credi inustum Antichristi characterem. At quò illa *confirmatio*? Frustra illa, imò & falsa, nisi per eam anima confir-



firmatur; nec confirmari potest, nisi Spiritus Dei gratia confirmatis accedat: Si accedit; ergo est Sacramentum. Nam & illic est signum externum, & inuisibilis gratia inde accipitur.

Iam de Extrema vnctione, de Ordine, de Matrimonio, cur potius vobis, quàm Ecclesiæ Catholicæ sit credendum? Docet, per hæc mysteria conferri, ac augeri his gratiam, qui ad illa ritè accesserint: Scripturæ loca habet quæ in hunc sensum exponat, habet multorum seculorum auctoritatem; viros ingentes, seu integritatem, seu eruditionem spectes; suum denique in decernendo pondus. Vos porro nec ex Scripturis verbum habetis, quo contrarium constet; nempe nec Matrimonio, nec Sacerdotio, nec Extrema vnctione, maiorem Dei gratiam merentibus addi. Restat igitur, non vt Scripturis hanc Ecclesiæ sententiã oppugnetis (nam nullæ sunt quibus hoc fiat) sed tantum vt dicatis, nec Scripturis ritè nos niti; & de verbis disceptetis, quibus docet Ecclesia stabiliri ista omnia Sacramenta, negetisq; ex illis hæc astrui. Certum; inquam, vos nullas in ista re pro vobis habere Scripturas;

ras; & tantùm laborare, vt probetis Ecclesiæ quoque nostræ sententiam non nisi Scripturis.

Quis autem tantæ imperitiæ, atque superbiæ, qui vobis modò natis maiorem exponendarum Scripturarum authoritatem ascripserit, quàm vetustæ Ecclesiæ, cuius alumni fuerunt, innumeri sanctissimæ vitæ, clarissimæ famæ viri; quos inficias ipsi non itis, cum Romana Ecclesia consensisse? Vtinam perpendas, Sectarie, sed serio, nec vi consuetudinis in partes abreptus; nullas Scripturas esse, quæ Sacramenta ad Baptismum & Eucharistiam reuocent, nullas quæ dicant cætera quibus hūc honorem Romana habet Ecclesia, non esse Sacramenta. Neque te aliter hīc pugnare, quàm quo modo omnis generis hæreses possint; nempe negando ita exponendas esse Scripturas, vt exponit Ecclesia.

SED sunt duo potissimùm Sacramenta, quæ hoc æuo lacestistis; Pœnitentiam, & Eucharistiam. Pœnitentiam ex Sacramentis omnino deletis; Eucharistiæ ita detrahitis; vt plerique iam vestrum in contumeliam Sacramentarij appellentur.

Ne-

Neque mirer, in *Pœnitentia Sacramentalis* excidium Ministros illos vestros incumbere, qui vos de prædestinatione, de salute, de peccatorum venia, securos esse iubent; cui consequitur eiusmodi Pœnitentiam esse superfluam. Ergo & in illius infamiam spargi placuit maledicta, quæ rem sanctissimam apud ignaros proscriberent. Diræ hæc contumeliæ, multæ, vulgatæ; sed sibi non constantes. *Et non erat conueniens testimonium illorum.* Nempe iactarunt, licentiam, aditumq; peccandi, huiusmodi Sacramento Catholicis dari. Quæ enim facilior (inquiunt) ingentibus facinoribus venia, quàm vt culpa secreti Sacerdotis auribus committatur? tantillo remedio peccare quis abnuat? Ita voluptates, ita odia, ita omnem peccandi dulcedinem benè emi inclamant: Etiam futurorum scelerum veniam dari. Rursus contraria his dicunt, maximeq; Calvinus. Nihil tetrius, aut acerbius eiusmodi pœnitentia esse: hac torqueri, hac lancinari miseros; dum ad numerum peccata coguntur reuocare, dum ipsas cogitationes excutere, dum anxia memoria à se vitæ rationem scrupu-

pulosè exigere. Facilis ad hæc maledicta responsio.

Tantum abest, Sectarie, illex sit ad peccandum sancta Confessio, vt non alio magis fræno plerique auocentur à scelere, Neque enim illum credit Ecclesia, quem nõ ex animo delicti pœniteat, inde iuari. Quicquid itaque ad internam, veramq; pœnitentiam, ipsi exigitis, & nos quoque exigimus: nempe de peccato dolorem, & in posterum emendationis propositum: Ea, inquam, in nostris exigimus; sed & aliquid magis; nempe vt Pœnitens Sacerdoti se sistat, culpam aperiat, indulgentiam cuius à Deo potestas Sacerdoti commissæ est, petat. Qua igitur fronte iactetis, Sacramenti istius facilitate animos ad peccandum emolliri, cum à peccatore eadem quæ vos, & syncrius, & plura desideret? Nisi non grande putabitis, verecundam virginem, superbum hominem, latronem non suspectum, prodere consciam mentem, & sponte effari quod in equuleo fortè negarent.

Fraudis autem inuerecundæ est, persuadere vulgo, de futuris sceleribus *absolutionem* apud nos dari; vt venia cri-  
men

men præuertat, & sis prius in integrum restitutus, quàm de statu decideris. Absit ab Ecclesia tam feralis ineptia. Nulla apud nos anus tam angustæ iudicij, mentisq; consumptæ, cui hoc sit persuasum. Quo pacto à destinatis, & quæ in voto adhuc sunt, flagitijs Sacerdos absoluat, quem asserimus, ac publicè profitemur, ne à præteritis quidem posse absolvere, nisi peccator de illis antea actis vera pœnitentia indoleat, nisi quæ fecit, esse infecta ex animo velit?

Medicina igitur peccatori, non peccandi illecebra, Pœnitentiæ Sacramentum. Sed nec illius atrocitatis medicina quam Calvinus expressis ad inuidiam verbis finxit. Non torquendis enim ingenijs, sed leuandis, est à Deo comparata. Nec cum Deo agimus tanquam soluendo pares, aut tanquam importunus creditor Deus sit, & in insidijs, vnde in miseros capto tempore toruus insiliat. Cum bonis benè agier. Satis est Pœnitenti, ita conscientiæ rationem inijsse, vt bonus paterfamilias solet in domesticæ rei cura versari. Post maturam diligentiam, sed non anxiam illam, si quæ me-

moriā peccata effugerint ( & interdum multa effugiunt) eodem Sacramento, eadem misericordia Dei donantur, qua & illa de quibus meminimus. Contumacia enim, negligensq; contemptus, hīc sacrilegij crimen est, non humana fragilitas, cui sanandæ non damnandæ, quæsitum remedium. Sic vtrinq; vana, Sectarij, vestra conuicia. Neque enim Pœnitentiæ Sacramentum, lubrici instar habet vnde in peccandi consuetudinem demittamur: Rursusq; non ex eo cruciatus animis inest, quē, vt à populo timeatur, effingitis.

Potestatem verò à Domino Sacerdotibus esse concessam, qua gratiam criminum faciant ad Pœnitentiam sese sanctè vertentibus; idq; non semel in modum baptismatis, sed pluries vni, ex Scripturis liquidò constat; *quorum remisseritis peccata, remittuntur eis*; & antiquæ Ecclesiæ vsu, quæ Nouatianis anathema dixit, quòd flagitia post Baptismum perpetrata nollent Sacerdotum ministerio, & autoritate remitti. Socrates refert, Lib.I. Cap.VII. in Nicæno Concilio Acesium Nouatianæ sectæ Episcopum  
Impe-

Imperatori Constantino dixisse, se cum  
 Nicæni Concilij Patribus communicare  
 nolle, quòd contra eorum sententiam  
 crederet, eis qui se post Baptismum *mor-*  
*tali peccato* polluissent, *remissionis spem*  
*non à Sacerdotibus, sed à Deo, qui & po-*  
*test, & auctoritatem habet peccata remit-*  
*tendi, expectandam.* Animaduertis, Se-  
 ctarie? Cum Nicæni Concilij Patribus,  
 primi illius, quo damnatus Arius, quo as-  
 serta Christi diuinitas, non communica-  
 uit Acesius, quia negabat, post Baptis-  
 mum *remissionem peccatorum à Sacerdote*  
*sperandam.* Quod quid est aliud, quàm  
 credidisse contrarium illos Patres, nempe  
*remissionem peccatorum à Sacerdote esse*  
*sperandam?* Et tu hodie Poenitentiae Sa-  
 cramentum, vt rem nouam, vt commen-  
 tum hominum, vt aliquid à veteri disci-  
 plina alienum, nouus ipse, & vetustatis  
 ignarus contempseris? Ac quis credat  
 Sacerdotes *remissionem peccati* concessis-  
 se, nisi fatente reo crimen, & veniam ef-  
 flagitante? Sacerdos absoluiſſet inuitos?  
 absoluiſſet à scelere quod patratum esse  
 nesciret? absoluiſſet quos aut peccasse  
 ignoraret, aut à peccato resiliuisse? Ab-

furdum quid; mentiumq; commentum  
perire volentium. Nihil ergo nunc sancta  
Ecclesia, nisi quod purissimo, & antiquis-  
simo illo æuo, non dico celebratum, sed  
iam antiquum.

Diceres Deum liquidis miraculis istud  
Sacramentum asserere. Nam cui supra-  
rerum humanarum conditionem non sit,  
inter tot Sacerdotes, quorū aliqui leues,  
scelerati aliqui, nonnulli facta ad vos se-  
cessione Apostatæ, durare inuiolatam il-  
lius maiestatem; vt quæ priuatorum pec-  
cata acceperint, aut nunquam, aut rarò,  
in vulgus effundant; vix vllum hinc scan-  
dalum, vllæ rixæ, vlla infamia? Scilicet  
impiorum Sacerdotum, idem Deus cohi-  
bet linguas, vt quæ à Pœnitentibus acce-  
perint apud se contineant, qui &  
Pœnitentium linguas, vt Sa-  
cerdotibus pudorem a-  
periant, laxat.







## C A P. II.

*De Sacrosancto Eucharistia Sacramento.*

**D**E Eucharistia nunc paucis agendum; si de tanta re pauca proloqui fas est. Tu Domine, nec relinque nos, quibus Te reliquisti; & Sectarijs oculos redde, ut agnoscere audeant tuum munus; quod tantum est, ut illud non supra se modò, sed & supra Te credant. Nam ut sæpe Iudæos nihil magis à Christiana fide deterret, quàm quòd in ea omnino credendū sit, Deum viuum, Deum Abraham, hominem factum, vixisse mortalem, in cruce occubuisse: Ita Sectariorum multos nihil magis offendit istius Sacramenti præstantia; dum non sibi persuadeant in hanc benignitatem demisisse se Christum, ut Sacerdotum manu teneri, & peccatorū ore sumi voluerit

idem hoc corpus, quod olim in cruce distentum, *nunc ad dexteram Patris sedet in gloria.*

Cæterum nihil in vos præiudicij grauioris, Sectarij, quàm Christianorū tunc consensus in Eucharistiæ fide, cū hoc seculo nasci cœpistis, ac deinde grandis inter vos in ipso errore dissensio. An verisimile nullam tunc in Orbe Ecclesiam de Eucharistia ritè sensisse? aut putandus Spiritus veritatis esse in vobis, qui peius inter vos, quàm nobiscum, de tanta re litigatis? Omnibus, inquam, toto Orbe Christianis in ista re idem tunc sensus, Latinis, Græcis, Armenis, Abissinis, Moscuitis. (Nam paucissimi in Bohemia, Hussitæ vix pro vllis sint: & vt hi non in nostris, ita neque in vestris. Neque enim cū illis vlli vestrum omni ex parte in Eucharistiæ fide consentiunt.) Conueniebant omnes in eam sententiam (vt & hodie quoque conueniunt) sub speciebus panis ac vini delitère realiter Christi corpus, ac sanguinem; nihil panis, nihil vini superesse; adorandam itaque Eucharistiam, quandoquidem nulla est in Eucharistia substantia nisi ipsemet Christus.

Nihil

Nihil vos tamen, Sectarij, Christianorum ille consensus mouit. Resiliistis ab omnibus Christianis, id est, voluistis esse hæretici. Neque institistis vnicam viam. Vbi ab Ecclesiæ calle descitum, *iulistis in adinventionibus vestris*: vt scire cupienti, quid de Eucharistia sentiatis, sit longa, primùm historia, ac deinde Oedipo opus. Tam multiplex quippe inter vos in hac parte dissensio, vt ad quadraginta, ampliusq; sententiæ numerentur, omnino diuersæ, omnino contrariæ. Ac præterea, quid singulæ apud vos sectæ sentiant, non sat exponitis, verius dixerim, non sat sciatis. Qui ex vobis Lutherum sunt sequuti, fatentur illic realiter contineri Domini corpus; sed non existimant panem inde recedere. Hugonotti, & Protestantes in Anglia, cæterique Calvinistæ, nihil illic præter panem, esse contendunt. quippe sedere à dextris Patris Christum, neque in varijs locis posse consistere. Alij alia sentiunt. Sed hæ duæ in vobis sententiæ potissimùm eminent. Ecce autem vtræque quàm absurda.

Lutherani dum fatentur Christi corpus *adesse realiter*, negant tamen ado-

ran-

randum. Et ò egregiam rationem! quia, inquit, Christus non hoc Sacramentum instituit, vt adoraretur, sed vt paceret animas nostras. Quidni & dixerint; Reges & Principes venationi operam dare animi causa, non vt colantur à ciuibus: ergo illos errare, qui Regi venanti obuiam facti, eum salutauerint quomodo par est Regem? Christus in cruce erat, vt *saluas faceret animas multorum*, ferretq; opprobria quæ nobis debebantur: non vt adoraretur. An si illic adfuisses, Lutherane, putasses esse crimen, in terram procumbere, pendentem adorare? Quæ amentia, vt Christum, vbicunque est, non adores, qui vbicunque est, Deus est, vitæ tuæ arbiter; animæ iudex?

Sed hæc Lutherana sententia, quæ in Eucharistiâ panem agnoscit, tam Scripturis exploditur, quàm doctrina antiquæ Ecclesiæ. Nam si illic & panis, & Christi corpus esset, non diceret Christus, *Hoc est corpus meum*; sed, *Hic est corpus meum*; Nec diceret, *panis quem ego dabo, caro mea est*; sed, in pane quem ego dabo caro mea est. Et nisi nobiscum credidis-

didisset Apostolorum æuo Ecclesia, ab  
 Eucharistia substantiam panis abesse,  
 non scripsisset S. Iustinus Martyr, Eucha-  
 ristiam post consecrationis verba, *esse il-  
 lius incarnati Iesu carnem & sanguinem*;  
 sed eucharistico pani ac vino post con-  
 secrationem accedere carnem illam & san-  
 guinem: Non scripsisset & Cyrillus Hie-  
 rosolymitanus, *panem hunc qui videtur à  
 nobis, non esse panem, etiamsi gustus pa-  
 nem esse sentiat; sed esse corpus Christi.*  
 quin potius docuisset, panem illum qui  
 videtur, esse panem; nec in eo gustum  
 falli; sed cum pane coniunctum corpus  
 Christi.

Nec sapientius Calvinistæ. Non qui-  
 dem adesse in Sacramento realiter Christi  
 corpus; nos tamen illius realiter esse par-  
 ticipes. Inepta adeò, & semet euertens  
 opinio, ut nec ipsi se capiant. Age enim,  
 Sectarie; potesne realiter accipere Chri-  
 sti corpus; nisi Christus realiter adsit?  
 Atqui vis eum semper in cælo versari;  
 nec in pluribus simul locis posse consiste-  
 re. Cum tu ergo in terris tantum, ille  
 tantum in cælo, quomodo realiter corpus  
 ipsius ad te perueniat? At cum momen-  
 to eo-

to eodem tu Londini, iste Genevæ communicet, qua arte effeceris, vt realiter Christi corpore vterque pascamini, neque tamen realiter duobus simul locis Christus esse potuerit?

Dixerisne animam tuam peruolare fide in cælum: illic verè, ac realiter saginari sancto hoc cibo? Hoc verò ad argumentum nihil. Nam vt fide, vt cogitatione, vt voluntate, superes astra, & in medio cælo verferis; tamen *realiter* hæres in terra. Neque vlla tui pars, id est, neque animus, neque corpus, *realiter* in cælo est, vt illic alimentum accipiat. Num si Romam, si Hierosolymam defixa cogitatione ad animum retuleris, *realiter* Romæ, *realiter* Hierosolymis fuisse dicendus es? Restat ergo ostendas, qui fieri possit, vt anima tua quæ *realiter* non ascendit in cælum, *realiter* Christi carne vescatur; nisi Christus verè, ac *realiter* adsit in terris, & quidem vno tempore multis simul in locis, cùm eodem sæpe momento multi vestrum per Galliam, Angliamq; communicent.

At referes, nescire te modum; pasci te tamen scire. Itane? si nescis quo modo illa

illa fiant, nec scis certè num is modus non sit transubstantiatio: Cur igitur tanta in transubstantiationem audacia, tanto furore agis? Deinde vt nescias modum; at saltem scis eiusmodi modum esse, qui te faciat non cogitatione tantum ac fide, sed re ipsa, corpori Christi contiguous, vel fatendum te non re ipsa corpus Christi accipere.

Ais enim, te manducare *per fidem*, Dominicam carnem. Quid autem his verbis significas? An fide te tenere ac credere, virtutes à corpore Christi, qui in cælis est animæ tuæ illabi, vt sic quodammodo cum illo vniaris? Atqui hoc non est, Sectarie, realiter Christi corpus accipere; sed, vt summum, imaginariè. Nam illa vis, illæq; virtutes, quas ais à Christo in te profluere, non sunt vtique corpus Christi: nihil autem aliud realiter te credis accipere. Sed nec virtutes, opinor, has manducas. Cur igitur quò eludatis sententias Patrum, qui testantur *re ipsa Christi carnem ac sanguinem sumi*, hac inani fraude vtimini, dicitisq; & vos idem quoque sentire? Sin dicis, te *per fidem* apprehendere, ac credere Corpus Chri-

Christi tibi realiter communicari; refero, fidem illam, vel te iudice, falsam esse, atque ridiculam. quandoquidem tibi rem quæ non est persuadet; cum ex tua sententia non alibi realiter quam in cælo sit Domini corpus, tu autem non alibi realiter quàm in terra.

Sed quoniam ad Scripturas prouocare soletis, en illas audiamus. Apud Matthæum est Cap. XXVI. *Hoc est corpus meum. Hic est sanguis meus.* Apud Marcum Cap. XIV. *Hoc est corpus meum.* *Hic est sanguis meus.* Apud Lucam Cap. XXII. *Hoc est corpus meum. Hic est calix nouum testamentum in sanguine meo.* Apud Ioannem Cap. VI. *Nisi manducaueritis carnem filij hominis, & biberitis eius sanguinem, non habebitis vitam in vobis.* Paulus verò. I. Corinth. XI. indignè ad Eucharistiam accedentem, pronunciat *reum corporis ac sanguinis Domini.* En verba aperta, testimonia non perplexa, non semel repetita. Quibus apertissimè profligati, ad expositionem nempe confugitis; tanquam vestri iudicij, vestræ authoritatis sit, vbi libebit, nunc ex Scripturæ verbis absque interprete



prete de lite decernere. (Sæpe enim si aliquid arridere vobis visum, in verbis hæretis, nihil vultis exponi; proclamatis in verbo Dei standum.) Nunc ad explanationem prouocare, & illam quidem vestram.

Sed ecce; quid nobis obijcitis? Argumenta, inquit, ex Scripturis. Primum, quòd Eucharistia interdum in Scripturis appelletur *panis, & vinum*. Deinde quòd dixerit Christus, Ioan. VI. *Spiritus est qui viuificat, caro non prodest quicquam. Verba quæ ego locutus sum vobis spiritus & vita sunt*. Denique quòd Christus sit ad dexteram Patris, inde venturus iudicare viuos & mortuos. At refero obscuriora illa esse, quàm verba quæ ex illis vultis exponi; nempe, *Hoc est corpus meum. Caro mea verè est cibus*. Quod hoc autem Philosophiæ genus, per obscurius obscurum exponere: aut verius, rei apertæ sensum ex obscura velle colligere? Quid verò si dicamus, hæc quæ obijcitis loca, per ea quæ retulimus exponenda? quid si negamus vestrum potius esse quàm nostrum illa exponere? Dubijs argumentis agitis, & in

vos ruituris. Neque operosum paucis singula diluiffe.

In Scripturis ( dicitis ) appellatur Eucharistia panis ac vinum . Ergo Scripturæ in Eucharistia agnoscunt verè panem ac vinum . Age, Sectarie , & eo argumento multò in nos pressius ita decerne . Catholici sæpe Eucharistiam inter sermones, inter preces, panem appellant . ergo credunt verum illic panem esse ; & non tantum Domini corpus . Nonne eadem ratio ; nonne vis eadem argumenti? Num potius efficietis Scripturas, cum Eucharistiam nomine panis ac vini designant, verum in ea panem aut vinum asserere; quàm nos Catholicos, cum illam iisdem nominibus appellamus?

Liceat igitur hoc ipsum argumentum in vos aptare . In Catholica Ecclesia sæpe Eucharistiam, panem ac vinum appellamus ; neque tamen credimus ullam panis, aut vini substantiam illic esse . Ergo ex eo quòd Scripturæ iisdem utantur nominibus, non colligi potest, eas in Eucharistia verum panem, aut vinum agnoscere . Pone præiudicium factionis, Sectarie : quo argumento nos petebas,  
num

num non æquiori iure cecideris? Nam quod sæpe panem appellemus, aut vinū, ita familiare inter nos viuentibus, vt sit inuerecūdiæ id negare, & nescire inscitia. Quoties huius panis non tantummodò esum, sed effectum concedi postulamus? quoties vt is panis non in mortis, sed gloriæ pignus, nobis sit, à Deo Patre exposcimus? Sed hæc omnia, per similitudines, per figuras: Quæ locutionum genera nec ipsi negatis in Scripturis esse frequentia. Ita Bernardus (quem nostrarum partium esse, nisi ex inuerecundis nemo negauerit.) Eucharistiam panem appellat. Serm. I. Dominicæ VI. post Pentecosten. qui panem in diuersas species distribuens. *Porro, inquit, septimus panis est Eucharistia, quoniam panis inquit quem ego do, caro mea est pro mundi vita.* Panem igitur cū Scripturis nominamus; quòd vt ex pane animalis homo viuit, ita ex Eucharistia spiritualis (Quo symbolo ex pane ac vīno Eucharistiā confici Christus iussit: & plurimi Patrum, per *panem nostrum quotidianum, aut supersubstantialem*, quem petere edocemur, hoc cæleste alimentum intelligunt.) Tum etiam

ob figuram ipsam panis: & maximè, quòd antea panis fuit. Sæpe enim quod iam est, ex eo quod fuit appellamus. Et quoties iam à nostrarum partium viris, exemplum audistis virgæ Aaron (Exod. VII.) quæ versâ in colubrum certè virga non erat: alioqui fascinatos à Deo Pharaonis oculos diceres, non vero miraculo de sua Maiestate admonitos; tunc tamen dicitur virga. Nimirum, quia ex virga mutata in serpentem: *proieceruntq; singuli virgas suas, quæ versæ sunt in dracones; sed deuorauit virga Aaron virgas eorum.* Sed ne multa in fragile argumentum. Scriptura Eucharistiam panem appellat. Esto. Idem Patres antiqui sæpe fecere; idem & facimus. Cur igitur cum quibus nos loquimur, credamur non sentire? Neque validius in nos telum expediunt à Domini verbis: *Spiritus est qui viuificat, caro non prodest quicquam.* Nam si simpliciter velint intelligi, *carnem Christi nil prodesse*; quæram ab ipsis, cur igitur dicant in Eucharistia à se sumi Domini corpus? imò cur dixerit Christus: *Nisi manducaueritis carnem filij hominis, & biberitis eius sanguinem, non habebitis vitam*

*vitam in vobis ?* Sibine repugnantem autumant Christum ? An negent semper in Ecclesia fuisse receptum , *Christi carnem prodesse sumentibus ?* Omnino cogentur distinguere *de modo* quo sumpta Domini caro profit , & *de modo* quo non profit : Nempe Capharnaitas qui Christum audiebant , finxisse animis pinguem aliquam , indignamq; rationem , & omnino carnalem , qua is se manducandum assereret . Ideoq; in hunc sensum loquutum esse Christum ; Non prodest caro sic sumpta , vt intra vos cogitatis . Altiori , magisq; spirituali quàm creditis ratione me tradam , & à vobis sumptus in cibum *viuificabo animas vestras* . Ita de modo sumptionis , non de ipsa simpliciter sumptione , dixit Christus , *caro nil prodest* . Nunc autem en ò vestrum scilicet argumentum . Dicit Christus carnem hoc modo sumptam quem Capharnaitæ sibi fingebant , neutiquam profuturam : Ergo non proderit eo modo percepta quem Catholici volunt . Atqui , probandū antè , Sectarie , nos eadem sentire quæ Capharnaitæ sensere , nōs spiritum *qui viuificat* nolle audire . Porro ytrumque falsum .

Capharnaitæ nil altius cogitabant ( vt ex Scripturis constat ) quàm Christum vt alij cibi eduntur, ita Corpus promittere ; vt in partes scinderetur, vt saporis carnei esset, vt sumptum deficeret . Nos, *spirituali, & viuificanti ratione* sentimus, verè quidem atque realiter, sed spirituali & incomprehensibili modo, in Eucharistia Christum adesse, sumi à nobis totum, inuiolatum, nunquam deficientem . Sic vtrinque consentient Domini verba, tam illa quibus docet, *Carnem suam verè in cibum dari* ; quàm alia quibus ostendit, si rem carnaliter cum Capharnaitis intelligas, *carnem omnino non prodesse* . Vos autè si negatis vllò modo prodesse *Domini carnẽ*, in hæc verba pugnabitis, *Nisi manducaueritis carnẽ, &c.* Sin aliquo modo, sed non Capharnaitico illo, sumi carnem dicitis & prodesse: concedemus hoc quidè, sed & addemus in nostra Ecclesia esse sanctum hunc modum. Nec quid in cōtrarium istæ Scripturæ, aut aliæ vllæ habent.

Aitis denique crebrò Scripturas asserere, Christum in cælis esse, ac fore, donec in vltimo Mundi actû, formidabili Maiestate adueniat . Ergo non esse in terris,  
in Eu-

in Eucharistia, in manibus Sacerdotum .  
 Expedita responsio . Christus in cælo est,  
 atque erit, magna illa & visibili maiesta-  
 te, vsque ad consummationem seculi . Nō  
 videtur à nobis publicè illo splendore ,  
 ac ne versatur quidem inter nos obnoxius  
 officijs, quæ reuera corpori profint. qua-  
 lia olim vnguento diffuso Magdalena ,  
 exhibuit, quorumq; respectu Dominus di-  
 xit : *Pauperes semper habebitis vobiscum ;*  
*me autem non semper habebitis .* Non de  
 cælo igitur antè descendet in *gloria ma-*  
*iestatis*, quàm omnium seculorum homi-  
 nibus ad iudicium conuocatis . Sed in-  
 terest sæpenumero rebus nostris alia spe-  
 cie , alio cultu, pompa minore ; adest, in-  
 quam, sæpe nobis in terris, ipse, verè, rea-  
 liter . Paulo Damascum eunti in via ap-  
 paruit, in via loquutus est . Act. IX. Ita  
 Ananias ad Paulum : *Dominus misit me .*  
*Iesus, qui apparuit tibi in via qua venie-*  
*bas .* Et Barnabas narrauit Apostolis ,  
*quomodo Paulus in via vidisset Dominū ,*  
*& quia loquutus est ei .* Et Act. XXIII .  
*Sequenti autem nocte , assistens ei Domi-*  
*nus, ait: Constans esto: sicut enim testifica-*  
*tus es de me in Ierusalē , sic te oportet Ro-*

*me testificari. Denique Act. XXVI. Ego sum Iesus, quem tu persequeris. Sed exurge, & sta super pedes tuos: ad hoc enim apparui tibi, ut constituam te ministrum, & testem eorum quæ vidisti, & eorum quibus apparebo tibi. Neque Angelum dicas, induisse speciem Christi, ut Paulo appareret. Nam ut præteream in Apostolorum Actibus signatè distingui, quando Christus, aut Angelus, Paulo appareat. Dubitationem ipse Paulus exemit. I. Cor. XV. ubi Christi resurrectionem Corinthijs probaturus, ait eum post resurrectionem visum Apostolis, atque discipulis. Nouissimè autem omnium, inquit, tanquam abortiuo visus est & mihi. At certum est visum hunc Paulo aliquot annis post Ascensionis diem. Diu enim Persequutor, non Apostolus, Paulus fuit; Certum etiam, non Angelum fuisse, sed Christum, qui sic Paulo apparuit, cum fuisse eundem illum dicat, qui Petro, & Apostolis visus, ad faciendam resurrectionis suæ fidem. Neque enim Angelum dixeris, sed Dominum ipsum, apparuisse Apostolis, quadraginta diebus quæ ad Ascensionem intercesserunt à Paschate.*

Ludi-



Ludicrum præterea sit Pauli argumentum; Si sic intelligas; proculdubio resurrexisset Christum, quandoquidem Angelum ipse viderat specie eius tectum. Adfuit igitur Paulo Christus, adfuit & pluribus Sanctis, *in Terra*: In Sacramento etiam nobis adest, sed tectus, sed creaturæ imagine, atque velis Creatorem celantibus.

Dubitas tamen; & corpus quod in caelo est, inquis, an & poterit esse in terris? Omnino, Sectarie. Potest Domini Corpus duobus locis esse: Quod si duobus; quidni innumeris? Nam quid corporibus nostris obest, ne in varia simul sede consistant? Nonne naturæ conditio? Qui verò naturam sic condidit, quidni mutare in alias leges possit? Hæc est humilis disciplina; hæc Philosophia Christiana antiquæ Ecclesiæ. Ambrosius. Lib. II. Hexæm. Cap. II. *Cùm sermo eius ortus naturæ sit, iure usurpat dare legem naturæ, qui originem dedit.* Et Lib. III. Hexæm. Cap. II. *Vox autem Dei efficiens naturæ est.* Sed hoc fortè non potes satis mente concipere: Certè nec Deum potes; Neque ideò minus est Deus. Dei opera si ex tuæ in-

telligendi vi metiris, quàm debilem, quàm obscurum, quàm à te pendentem effinxis! Pendet ab eò tua intelligendi vis; non illius à tuo intellectu potentia.

Num operosius autem, in diuersis locis statui vnum corpus, quàm duo corpora in eodem; siue, vt loquuntur Philosophi, quàm *penetrationem dimensionum*, dari? Par omnino difficultas. Atqui Christus per ipsum lapidem, *qui erat magnus valdè ad ostium monumenti*, rediuium corpus eduxit, id est dimensionum penetrationem, vbi vellet, dari ostendit. Nam tunc demum reuolutus est ab Angelo lapis, cùm vngendo Domino venisset Magdalena. Matth. XXVIII. *Venit Maria Magdalene, & altera Maria videre sepulchrum. & ecce terræmotus factus est magnus. Angelus enim Domini descendit de cælo, & accedens reuoluit lapidem, & sedebat super eum, &c.* Respondens autem Angelus dixit mulieribus, *Nolite timere vos.* Per solidos deinde parietes ad discipulos venit Christus. Ioannis XX. Cùm ergo sero esset die illo, una Sabbatorum, & fores essent clausæ, ubi erant discipuli congregati propter metum Iudæo-

*Iudeorum, venit Iesus, & stetit in medio, &c. Iterum. Venit Iesus ianuis clausis, & stetit in medio, & dixit, &c.*

Nugas hîc, sed indignas, quosdam vestrum comminisci non puduit, per fenestras forsitan Christum intrasse, vel per camini descendisse spiracula, foresvè soluisse, quæ antea clausæ erant. Impudens dictum, & fallor an ab hominibus intempestivæ dicacitatis famam amantibus. An superuacuum quod tam sedulò repeti audis, *Cum fores essent clausæ. Ianuis clausis?* Quò hæc verba, nisi vt designaret Ioannes mirum Christi introitum, cui ipse interfuit? aut cur non adderet fenestra, vel camino foribusvè laxatis irrupisse, qui signanter de foribus clausis? Intrasse foribus obseratis, Sectarie, nihil est aliud, quàm intrasse præter naturæ leges, per solidas fores. Hieronymus, Aduers. Iovinian. Lib. I. *Porro si clausis ingressus est ostijs, quod humanorum corporum natura non patitur; ergo Petrum & Dominum negabimus vera habuisse corpora, quia ambulauerunt super aquas, quod contra naturam est?* Ambrosius in Cap. XXIV. Lucæ. *Habuit autem admirandi causam*

*causam Thomas, cùm videret clausis omnibus per inuia septa corporibus, inoffensa compage, corpus insertum. Et ideo mirum quomodo se natura corporea per impenetrabile corpus infuderit, inuisibili aditu, visibili conspectu, tangi facilis, difficilis aestimari. Ibidem. Etsi Petrus de resurrectione crediderat, turbari tamen potuit, cùm videret, quòd se Dominus cùm corpore, in ea qua vestibulis obsertis, & obstructis erant septa parietibus, improuisus infunderet.*

Neque tantum cùm resurgeret Christus, sed & cùm nasceretur penetratorem dimensionum dedit, intactis virginitatis claustris è sanctissimæ Matris utero in lucem erumpens. Refert in eam rem insigne sui temporis miraculum Augustinus, Lib. XXII. De Ciuit. Cap. VIII. Petroniam, matronam Carthaginensem, nescio quem annulum à Iudæo habuisse, quem in morbi remedium nudo corpori zona præcingente apponeret. Hanc deinde ad S. Stephani Reliquias iter exorsam. Tunc verò zona illæsa, annulum quem gestabat decidisse, & ipsum illæsum, vt prius Christiano miraculo Iudai-

ca re-

ca remedia ab ea submouerentur muliere, quàm impetrante *Martyre* sanaretur. Addit. *Non credunt hoc qui etiam Dominum Iesum per integra virginalia Matris enixum, & ad discipulos suos ostijs clausis ingressum fuisse non credunt. Sed hoc certè querant, & si verum inuenerint, illa credant. Clarissima fœmina est; nobiliter nata, nobiliter nupta; Carthagine habitat: Ampla ciuitas, ampla persona, rem quærentes latere non sinunt. Martyr certè ipse quo impetrante illa sanata est, in filium permanentis Virginis credidit, in eum qui ostijs clausis ad discipulos ingressus est, credidit.*

Hæ sunt igitur de natiuitate, & resurrectione Domini ex Scripturis historiæ; hic illarum historiarum ex veteri Ecclesia sensus; duo corpora, Deo iubente, simul eodem loco posse consistere, siue, vt loquuntur Philosophi, *penetrationem dimensionum* ex diuina potentia dari. Atqui certum nõ minus in sensus humanos, naturamve pugnare, ita duo corpora inuicem inferi posse, quàm vnum in pluribus locis fisci. Non par modò vtrobique, sed eadem difficultas. Vtrumque supra  
natu-

naturæ vires, vtrumque infra Dei potentiam agnouit Ecclesia, quæ & Christum penetrasse parietes, & varijs simul locis in Sacramento adesse, suos semper edocuit.

Sed sunt tria, quæ vos, Sectarij, ægrè decoquitis. Nomen *Missæ*; Eucharistiam dici *sacrificium propitiatorium*; ipsam, denique de Transubstantiatione doctrinam. Missa adeò inuisa vox vobis; vt illam odisse, amoris inter vos sit tessera. At sanctam hanc vocem pro celebratione Eucharistiæ vsurpatâ doceri fusè possit; nisi compendio quo cœpi me tenerem. Mille circiter ac trecēti anni sunt, ex quo vixit Ambrosius, qui Epist. Ad Marcellinā. *Missā facere cœpi*, inquit, Et mox *orare in oblatione Deū cœpi, vt subueniret*, &c. S. Telesphorus Papa, & Martyr, qui per ætatem Ioannem Apostolum videre potuerat, iam suo tempore *Missas* agnoscit, & in ijs celebrandis multa disponit: & hoc ipsum fatentur Sectarij. Magdeburgenses enim Centur. II. Cap. X. vitio illi vertunt, *quòd Missas cumulat, & ritum earum auget, atque ad tempus alligat*. En vt incauti dum accusant Telespho-

phorum, Missarum vetustatem agnoscunt; imò & nomen, in ipso Ecclesiæ nascentis exordio. Sed quicquid sit de nomine, rem ipsam videamus.

Dicimus Eucharistiæ celebrationem, esse sacrificium, verè, propriè, propitiatorium. Vos negatis; aut potius quidam ex vestris. Nobis enim sàtem tacitè, eruditiores consentiunt. Is. Casaubonus paucis ante obitum mensibus, in Serenissimi Britanniarum Regis triclinio erat. ego illi colloquebar, & alius præterea non Catholicus homo, Aulicus, adhuc hodie in Regis familia; & quem, si opus, facilimè indicem. Tunc igitur vt sermo inciderat, contigit de Eucharistia inter nos agi; quam ego dum propugno; Nihil, inquit Casaubonus, opus est vt labores. sponte profiteor, & ex antiquæ Ecclesiæ ritibus constare contendo, Eucharistiam esse sacrificium; Nec sacrificium modò laudis, vt plurimi nostrum volunt, sed sacrificium propitiatorium, sacrificium ἱλαστικόν. Hæc ipsius verba fuere: ita, gemina lingua, cuius generis hoc sacrificium censeret exposuit. Gaudio ego perfundi; ille alter qui tertius colloquio  
ade-

aderat, ita sentientem vehementer mirari; & verò plus hac voce se perculsum asserere, quàm *centum Papistarum argumentis*. Potest ille *veritati testimonium perhibere*. Viuit enim, & est cum Rege assiduus. Catholicus autem adeò nunquam fuit, vt timeri non possit, ne ex composito, illa fraude nos iuuet.

Et Eucharistiæ quidem oblatio adeò crebrò sacrificium à Patribus dicta, vt iam non de nomine Sectarij disputent; sed quid intelligendum hoc nomine. *Negari non potest* (ait Kemnitius) *veteres quando loquuntur de celebratione Cœnæ Dominicæ, usurpare vocabula sacrificij, immolationis, oblationis, hostiæ, victimæ: item vii verbis, offerre, sacrificare, immolare.* Audi porrò vel vnum Augustinum, Sectariæ; Dices illius æui Ecclesiam, non vfurpasse hæc verba tanquam tralatitia, & figuratè sumpta, sed ea intellexisse proprio, vero, ac vsitato sensu; vt Eucharistia sit sacrificium, verum, propriè dictum; propitiatorium; non modò pro uiuis, sed etiam pro defunctis.

Igitur morituram matrem suam ita loquitam refert. Lib. IX. Confess. Cap. XI.



*Ponite hoc corpus ubicunque. nihil vos eius cura conturbet. Tantum illud vos rogo, ut ad Domini altare memineritis mei ubi fueritis.* Deinde Cap. XIII. De eadem, *Non cogitavit corpus suum sumptuose con- tegi, &c. Non ista mandavit nobis; sed tantummodò memoriam sui ad altare tuum fieri desideravit, cui nullius diei præter- missione servierat, unde sciret dispensari victimam sanctam, qua deletum est chi- rographum quod erat contrarium nobis.* Apertius etiam antè, Cap. XII. *Cum ecce corpus elatum est, imus & redimus sine lac- chrymis. Nam neque in eis precibus quas tibi fudimus, cum offerretur pro ea sacri- ficiū pretij nostri, iam iuxta sepulchrum posito cadauere, priusquam deponeretur, sicut illic fieri solet; nec in eis precibus er- go fleui; sed toto die graviter in occulto mæstus eram, &c.* Iam audis, Sectarie, non Augustini tantum matrem, non tan- tum Augustinum, sed ipsum illò sæculo Ecclesiæ morem, ac sensum. *Cum offer- retur pro ea sacrificiū pretij nostri.* Triā hīc habēs. Eucharistiæ oblationem sacrificiū esse; propitiatorium etiam. Nam aut frustra, aut impiè ab Ecclesia

sacrificium Domino offerretur pro mortuis, quod Dominum mortuis propitiare non posset. Denique habes, eo tempore puram adhuc, vt dicere soletis, Ecclesiam, pro mortuis publico consensu orauisse. Res hinc adeò liquidæ, adeò certæ, vt ingemiscendum sit cæcitati ad eiusmodi lucem caligare volentium.

Iam de Transubstantiatione quid queruntur? An eos nomen offendit? an, quod significatur hoc nomine? Aiunt commentum esse Papisticum, sub Innocentio III. ortum in Lateranensi Concilio. Nimirum, quia illic de Transubstantiatione apertè decernitur. Quæro autem, Sectarie, si hanc nobis Innocentius fidem tradidit, quis tradidit Græcis? Certè enim prorsus illi nobiscum in hac parte conueniunt. An qui communioni nostræ repudiū miserunt, qui Pontificum Romanorum nomen odere, doctrinam eiusmodi, tanti momenti, tam recenter (vt vultis) à Latinis excogitatam, omnes, omnes apud se admisissent, inuiolatam tenuissent? At Transubstantiationis nomen haud habent. Quid tum? at rem, at fidem habent. Credunt enim panem,  
ac vi-

ac vinum, post consecrationem desinere  
 esse panem ac vinum : illicq; succedere  
 verum Domini corpus ac sanguinem.  
 Quidni igitur quod nunc sentit Romana  
 Ecclesia, & sensisse credenda sit antè  
 quàm in vsu poneretur Transubstantia-  
 tionis vocabulum ; cùm Græci in hunc  
 diem Transubstantiationis vocem non  
 habeant, & nihilo tamen minus in hac  
 parte Romanis consentiant ? Prius quàm  
 vulgò vsurparetur Homousij nomē, an nō  
 Sancta Trinitas à Christianis credebatur  
 homousia ? Quid ad rem interest, si serò  
*significatiuum* aliquod nomen, repertum  
 à Theologis, vsuq; receptum est ; modò  
 prius res eadem in Christiana fide iam  
 fuerit, verbis alijs, alia phrasi conce-  
 pta ?

Quod autem ante Innocentij III. æuū,  
 de Eucharistia crediderint Christiani,  
 quæ & nos modò. Facile ex illis osten-  
 dere, qui ante Innocentium probati Scri-  
 ptores. Quinquaginta circiter annis,  
 prius expleuit Bernardus mortalitatem,  
 quàm Innocentius III. in Pontificem eue-  
 heretur. Quid autem his illius verbis ex-  
 pressius, Sermonem in Coena Domini ? *Hæc*

*est verè indulgentia celestis, hæc est verè cumulatæ gratia, hæc est verè superexcellens gloria, Sacerdotem Deum suum tenere, & alijs dando porrigere. Sed ne testimonia illa submoueantur à vobis exceptionibus, vt plerunque inanibus. (Nā fingitis incubuisse tunc noctem mortalibus, quæ eos in errorem propulerit) repetamus quæ intemerata vestro quoque iudicio secula extiterunt.*

*S. Augustini sententiam modò protulimus; inò Ecclesiæ mentem & vsum ab illo descriptum; Eucharistiam esse victimam qua deleta sunt nostra peccata; esse sacrificium; esse propitiationem quæ Deo pro mortuis offertur. Vis antiquiores Augustino? S. Iustinus Martyr, primo ab Apostolis seculo, Apolog. II. ad Antoninum Imperatorem. *Quemadmodum per verbum Dei incarnatus Iesus Christus Saluator noster, & carnem & sanguinem pro salute nostra habuit: sic etiam per preces verbi Dei ab ipso Eucharistiam factum cibum, ex quo sanguis & carnes nostræ per mutationem aluntur, illius incarnati Iesu & carnem & sanguinem esse edocti sumus.* S. Hilarius, tertij*

Ecclesiæ seculi vir. Lib. VIII. de Trinitate. *De veritate carnis & sanguinis non est relictus ambigendi locus. Nunc enim & ipsius Domini professione, & fide nostra, verè caro est, & verè sanguis. Sanctus Gregorius Nyssenus eiusdem ætatis in Oratione catechetica, Cap. XXXVII. Rectè, Dei verbo sanctificatum panem, in Dei Verbi corpus credimus immutari. Sanctus Chrysostomus Homil. LII. in Matth. Qui maius, id est animam suam pro te posuit, quare dedignabitur suum tibi tradere corpus? Audiamus igitur tam Sacerdotes, quàm alij, quàm magna, quàm admirabilis res nobis concessa est; audiamus, oro, & perhorrescamus, carnes suas nobis tradidit, seipsum immolatum proposuit. Sanctus verò Cyrillus Hierosolymitanus, Chrysostomo ille antiquior, Catechesi IV. dicit, scire, & pro certissimo habere Christianum hominem, panem hunc qui videtur à nobis, non esse panem, etiam si gustus panem esse sentiat; sed esse corpus Christi: & vinum, quod à nobis conspicitur, tametsi sensui gustus vinum esse videatur; non tamen vinum, sed sanguinem Christi esse. Quid*

multis? Nulla primæ Ecclesiæ ætas, nullus Patrum discrepauit. Testimonia omnium seculorum, atque Scriptorum, illi antea tibi dedere, quibus hoc argumentum fusius prosequi visum.

Liceat nunc te affari, si quis sanari exoptas, Sectarie. Vnum hoc est ex momentis fidei Christianæ grauissimis, vtrum in Eucharistia sit ipsemet Christus, an tantummodo panis, qui figura sit corporis Christi. In tanta re, & qua labi sit certa perniciēs, vide vtra pars tutioribus argumentis accincta sit. Quod ad Scripturas est, sit animi impudentis asserere liquidiora, imò æquè liquida, pro vobis verba esse, quàm illa pro nobis, *Hoc est corpus meum, Hic est sanguis meus. Panis quem ego dabo, caro mea est.* Quædam itaque loca ex se perplexa non sunt; Alia autem quibus interpretatio adhibenda, exponimus, ex hominum certè Maiorum, pluriumq; sententia, in quibus ingenium, scientia, pietas, insignia fuere. Multò denique aptius institutioni diuinæ, *Hoc est corpus meum.* Iam si Ecclesiæ mentem qualis ab Apostolis fuit, inspicias; sciri non melius illa possit, quàm

ex Patrum, qui tum vixere scriptis. Atqui nullus est Patrum, qui de Eucharistia scripserit, quem ipsi non probemus, quem iudicem defugiamus. Licet enim quidam ex illis sint interdum obscuris verbis vsi, quibus etiam ad hæreses vestras abuti studuistis; Nemo tamen eorum est qui hoc modò anxie sit loquutus, cuius alia pro nobis verba non extent, liquida ac aperta: Plurimi verò ita scripsere, ut cum sententiam nostram asserant, ne fingi quidem possint, vlla circuitione verborum hæresi vestræ fauisse. Iam si ad Christianorum consensum respicias; inconfesso est, Latinam, Græcamq; Ecclesiam, vbique denique per Orbem Christianos, vno suffragio in nostram sententiã conuenisse: Ut si vnde quaque argumeta respicias, plura à nobis sint; si eruditione, multo plures doctrina insignes; si secula, haud dubie plura: si hominum numerum, vos partibus nostris conferri puderit.

Ita per omnia inferiores nobis, vna pertinacia restatis, & vitio incredulæ vanitatis, quæ à vobis prudentia, aut sapientia appellatur; & tota in eiusmodi



philosophia est, possitne hoc Deus; an sit verisimile voluisse; quæ illinc incommoda nascantur; quàm hoc indignum maiestate diuina; Eodem prorsus more, quo Ethnici quæsiere in Christum, Ariani in Trinitatem. Apage importunæ industriæ curam. Dei opera cur fiant, interdum agnoueris; quomodo fiant, ne utquam scies. Vtar Ambrosij verbis. II. Hexæm. Cap. I. *Quis hæc videns possibilitatem rationis infirmo ingenio rimetur? quæ omnia vis diuina incomprehensibilis humanis mentibus, & ineffabilis sermonibus nostris, voluntatis suæ autoritate connexuit.*

Si te verò, Sectarie, non mouebit nostra consensio, at moueat cæca inter vos pugna; dum diuisi in sectas, dum quid de Sacramento sentiendum, acerbè certatis. Vtinam scias, quàm dulce ad altare procumbere, *vbi Angeli* (inquit Chrysostomus Homil. III. in Epist. Ad Ephes.) *hostiam cum tremore suspiciunt*; quàm dulce illic Dominum adorare, qui (Augustini verbis, In Comment. Psal. XCVIII.) *in ipsa carne hic ambulauit, & ipsam carnem manducandam nobis ad salutem*  
de



*dedit* : quàm denique omni humana suauitate præstantius, relictis ambagibus fidere Dei verbo, cui tot antea secula sunt assensa; agnoscere esse hoc Domini corpus, quod Dominus suum corpus esse asseruit; & ore carneo carnem Domini idonea humilitate suscipere, vt effectû Sacramenti, & Spiritu qui viuificat, animas nostras alat. Nemo hæc gau-

dia ante Antichristi tyrannidem à fide-

bus tollet, ne-

mo nisi

ex-

pertus depre-

hendet.





## CAP. III.

*Propugnatur Liberum hominis arbitrium. Ex sententia Sectariorum sequi, ut Deus, peccati author, imò propriè peccator sit.*



LVRES olim Sectarij oppugnarunt plures fidei partes; soli isti hoc seculo penè omnes; siue diuinæ iracundiæ fuit, ut infelicitas superiorum ætatum in istam conflueret; siue beneficij loco hanc cautionem dedit, ut & illorum miserix pijs lachrymis ingemeremus, & horror esset ad eorum fidem accedere, qui in omnibus à nobis abhorrent. Ecclesiam euertunt, in Sacramenta pugnant, Pastorem incessunt maledictis. Traditiones omnes, Scripturarum etiam partem, eripi volunt. Ecce

autem nobis quoque nos ipsos non relinquunt; Liberumq; arbitrium, quo nihil in humana natura præstantius incesunt iniurijs, vt seruum, vt captiuum. Ita vna opera & hominibus bona adiungunt, & in Deum conferunt mala; cuius partes in hominis peccato eas statuunt, vt ipsemet necessariò peccati author sit, & cum peccatoribus peccet.

Longè ab hac impietate Scripturæ, longè Patres; in quibus nihil vsquã frequentius, quàm datam homini optionem ad virtutes aut vitia; vt ideò in culpa sit quando peccat, quia potuit non peccare; ideò à crimine insons Deus, quia hominem nunquã cogit ad crimen. Sed nec homini solùm in hac parte ius sui, vt liberè peccet; verùm vt & ipsi in benè agendo libertas sit; qua gratiã Dei, vtique ad omnia bona necessariam, aut repudiet, aut admittat. Hoc adeò ex naturæ lumine, ex Scripturarum, & Ecclesiæ sensu; vt à *tenebris conculcatus* dixeris, quos illa lux fugit. Consensus verò Patrum in eo mirabilis; nec modò illorum qui ante Pelagij hæresim, sed etiam qui postea floruerunt. Ipse Calvinus, in Responzione ad Pighium,

ghium, qui eruditè egerat Liberi Arbitrij causam, vltro fatetur, Hilarium, Hieronymum, Chrysostomum, à Liberi Arbitrij partibus stare. Ita me amet bona mens, vt illorum sanctitatem, atque scientiam, Caluino prætulerim. Et his tribus, alios Patres bono iure addere potuisset, si tam verum amasset quàm hæresim suam.

Sed iam fortissimè depugnatum in hac arena est, ab egregijs viris. Nos veluti ad spicilegium relictì, quædam ex Scripturis argumenta, ex rationibus etiam, Patribusq; hic dabimus; vt scias in re adeò liquida deesse nunquam posse argumenta quærentibus. Primum nobis argumentum ex II. Paralip. Cap. XXIV. *Spiritus itaque Dei induit Zachariam filium Ioiadæ Sacerdotem, & stetit in conspectu populi, & dixit eis, Hæc dicit Dominus Deus, Quare transgredimini præceptum Domini, quod vobis non prederit, & dereliquistis Dominum, vt dereliqueret vos?* Vides, vt prius dereliquerit Deum populus, quam populum Deus, priusq; ab auxilio ipsi recesserint, quàm ab illis auxilium. Quandiu verò non recesserat ab illis diuinum auxilium, quis dubi-

dubitat quin potuerint cum Deo permanere? Cùm ergo permanere potuerint, neque tamen permanferint, liberum arbitrium omnino illis fuit, inclinandi in vtram vellent partem.

Adhuc apertius II. Paralipom. Cap. XXXVI. *Mittebat autem Dominus Deus Patrum suorum ad illos, per manum nunciorum suorum, de nocte consurgens, & quotidie commonens: eo quòd parceret populo, & habitaculo suo. At illi subsannabant nuncios Dei, & paruipendebant sermones eius, illudebantq; prophetis, donec ascenderet furor Domini in populum eius, & esset nulla curatio.* Atqui vel his vocibus Prophetarum, ceterisq; remedijs quæ tunc Deus Iudaicæ perfidiæ adhibebat, ita Iudæi poterant vti vt Deus illis parceret, & habitaculo suo; Vel non poterant. Si poterant, nec fecerunt. ecce illam, quam modò propugnamus libertatem arbitrij. Si non poterant, non inepta modò Scriptura est, sed prorsus à vero exerrat; dum asserit, ideò his illos monitis à Deo oneratos, *vt parceret populo, & habitaculo suo.*

A Paralipomenis ad Isaiam diuertamus.

mus. Cap. LXV. *Expandi manus meas tota die ad populum incredulum, qui graditur in via non bona post cogitationes suas.* Quid est, Deum expandere ad incredulos manum, nisi illis ita manum auxilij sui porrigere, vt possint tenere illam manum, & hac ope sustolli de peccatis? Cur expandit, nisi ad auxilium? quale autem auxilium, si hi quibus ferebatur eo iuari non poterant? aut cur exprobrat non vsos auxilio, nisi quia poterant vti? Eadem sententia, Prouerb. I. *Quia vocaui, & renuistis; extendi manum meam, & non fuit qui aspiceret.* An is renuere dici potest, Sectarie, qui vocantem non audit, aut qui non potest annuere? Aut cur queritur Deus, quod cum manum extendisset, nemo aspexerit, nisi quia extenderat vt aspiceretur? Pergit Dominus apud Isaiam. *Numerabo vos in gladio, & omnes in cade corruetis; pro eo quod vocaui, & non respondistis: locutus sum, & non audistis: & faciebatis malum in oculis meis, & quæ nolui elegistis.* At quæ, ò Domine, culpa illorum? aut cur irasceris, hos non tibi respondisse, qui respondere non poterant?

Cur

Cur eos ad maiora supplicia destinās,  
 quàm si omnino non vocasses, omnino  
 non loquutus illis esses? Quid errare?  
 quid miseri meruere, si non hoc præsti-  
 terunt quod eos voluisti præstare non  
 posse? An æternis ideò supplicijs hos  
 multabis? *Abst à te, ut rem hanc fa-*  
*cias: qui iudicas omnem terram, non fa-*  
*cies iudicium hoc.* Atqui aut id facies,  
 erisq; iniustus; aut grauitè errant Secta-  
 rij, qui hoc tuæ Maiestati audent affinge-  
 re. Sed quid liquidius vltimis verbis?  
*Et quæ nolui elegistis.* Quàm ridiculum,  
 vt dicamur eligere, ad quod necessitate  
 adigimur? Num eligit paupertatem qui  
 diues esse non potest? num tenebras qui  
 à luce exclusus est? Quæ illa Philosophia,  
 vt non libertatis esse, sed coactionis di-  
 catur electio? Mendax ergo Scriptura;  
 neque elegere impij quæ noluit Deus; vel  
 alia via erat (nempe mandatorum Do-  
 mini) quam potuerunt eligere. Electio  
 enim alterius rei respectu dicitur, quam  
 respuas.

Sed iam Christū audite Sectarij, apud  
 Matthæum Cap. XXV. In postremo mun-  
 di actu, in impios sententiam feret, quod  
 fibi

sibi egeno, sitienti, nudo, captiuo, nullam opem attulerint. Atqui iniusta sententia erit, nisi nudum Christum tegere, esurientem pascere, ægrum visere potuerunt; id est, nisi his operibus collatis in egenos, potuerunt *ab ira ventura, & ab arcu declinare*. Responderent tunc impij, non quod responsuros Dominus ait, *Domine quando te vidimus esurientem*, &c. Sed potius; Domine, scis non potuisse nos facere, quod quereris esse omis- sum. Tua verius culpa est, qui non dedisti posse; quàm nostra qui non accepimus. Idem est, ac si dicas, ite in ignem æternum, quia cælum digito non tetigistis, quia Lunam in Ecclipsim deficere passi estis, quia mare continuatis poculis non hausistis.

Nec obscurius pro nobis Apostolus. I. Corinth. X. *Fidelis autem Deus est, qui non patietur vos tentari supra id quod potestis, sed faciet etiam cum tentatione prouentum, ut possitis sustinere*. Si supra id quod possumus, non tentamur; ergo ubi peccamus, possumus non peccare: Si possumus non peccare, peccamusq; nihilominus; ergo libertas arbitrij nobis est,  
qua



qua aut Deo assentiamur, aut Dæmoni. Ait, *ut possitis sustinere*. Atqui nihil dicimur posse, ut vel puero notum, nisi quod sit in nostra potestate; si hoc autem in nostra est potestate, liberè, & voluntariè, non ex necessaria vlla determinatione, benè agimus, aut peccamus. Id enim ad quod necessariò determinamur, quis adeò absurdus, qui esse existimet in nostra potestate? Nec simpliciter dixit, *ut sustineatis*, sed, *ut possitis sustinere*. Illic enim hos ipsos qui sustinere possunt, posse etiam non sustinere, sed si voluerint labi, disertè pronunciat. *Itaque qui se existimat stare, videat ne cadat*.

Audi iam Ambrosij sensum, quem modestè impudentes, saltè Luthero, Caluinoq; prætulerint. Lib. I. Hexæm. Cap. VIII. *Et certè in nobis est moderari studia, cohibere iracundiam, coërcere cupiditates: in nobis est etiam indulgere luxuriæ, adolere libidines, inflammare iracundiam, vel inflammanti aurè accommodare, eleuari magis superbia, effundi in sauitiam, quàm reprimi humilitate, diligere mansuetudinem*. Pergit paulò pòst; & nos affectuum nostrorum dominos vocat.

*Illa*

*Illæ cauendæ quæ ex nostra voluntate prodeunt, delicta iuuentutis, & irrationabiles passionēs corporis. Quorum igitur nos sumus Domini, horum principia extrinsecus non requiramus, nec deriuemus in alios, sed agnoscamus ea quæ propriè nostra sunt. Quod enim possumus non facere, si nolumus, huius electionem mali nobis potius debemus quàm alijs ascribere.*

Hæreticus, vt hinc cõstat, Sectarie, iste Ambrosius, aut tu hæreticus: Cæca illius æui Ecclesia, quæ eum vt orthodoxũ laudauit, aut tu cæcus, qui ab illa mente deflexeris. Agnouit eandem arbitrij libertatem, pius apud Augústinum Christianus (Lib. VIII. Confess. Cap. VI.) qui his verbis se ipse ad monasterium inuitabat. *Maiornè poterit esse spes nostra in palatio, quàm vt amici Imperatoris simus? Et ibi quid non fragile, plenumq; periculis? Et per quot pericula peruenitur ad grandius periculum? Et quamdiu istud erit? Amicus autem Dei, si voluero, ecce nuuc fio.*

Sed cui sano liceat dubitare de Antiquorum in hac parte sententia, post hæc

S. Iu-

S. Iustini Martyris verba, quæ proferri in vos solent, ex ipsius Apologia, ad Antoninum Imperatorem: *Nisi libero arbitrio genus humanum, & res turpes fugere potest, & pulchras ac bonas sequi, extra causam, culpamq; est eorum, quæ quomodo aguntur. Sed ipsum libero arbitrio, liberaq; voluntate, & rectè facere, & peccare, docemus.*

At nos scilicet ad Pelagianos Sectarij dicunt accedere; nimis humanæ naturæ tribuere; Gratiâ Dei habere viliorē. Absit hoc nefas. Pelagiani volebant Naturæ viribus, & ipsa arbitrij libertate, quæ lege exteriori adiuta sit, vel interiori excitatione tantummodo reuelante, præter aliam gratiam Dei ullam, à peccato diuertere hominem posse, virtutem amplecti, sanari, iustificari. Pelagianorum hanc hæresim contraria hæresi vos nūc oppugnatis, Sectarij; libertatem arbitrij, quam nimium illi extulerant, ita prementes, vt dicatis hominem ex libera electione non peccare, sed ex violentia corruptæ naturæ, simulq; *determinatione diuinæ voluntatis*, cui decretum est, vt fiat hoc peccatum: cū quid verò synceri à nobis sit,

ne in hac quidem parte Liberò Arbitrio locum esse; sed hoc totum ex Gratia Domini promanare, ita mouentis, atque impellentis voluntatem; vt ad hoc pium opus *necessaria omnino determinatione* se applicet. Ita Deo peccata tribuuntur, ita meritum nobis eripitur; & stultum sit de sceleribus, vitijsq; dolere; cum, ex illa sententia, non sint à malitia & electione mortalium; sed à *voluntate & dispositione Dei*, qui eadem vi hos ad peccata, hos ad virtutes pellit.

At Ecclesia ab his furoribus ita diuertit; vt sentiat nihil boni posse nos facere, nihil velle, nisi *speciali auxilio gratiæ Dei*, hæc bona suggerentis; ad hæc opera adiuuantis. Hac sententia Pelagianos in hæreticis refert. Sentit tamen inuitari nos à Deo, atque iuari, & ad bona moueri non cogi; & habere Libertatē Arbitrij, qua Gratia Dei consentire possimus, aut ab ea dissentire: ita vt nec boni aliquid sine Deo possimus efficere, & cum Deo qui nō cogit; sed inuitat, & adiuuat, adhuc possimus non facere. Ita proscrit hæresim vestram; Scripturasq; conciliat, quarum illæ, à Deo pendere virtutes,

tes, bona opera, recta consilia, prædicant; aliæ verò mortalibus indignantur, quì virtutem repudiarunt, qui vitium elegerunt.

Sed & eadem arbitrij libertate peccare homines censet Ecclesia. Non quòd Naturæ viribus possimus obstare; sed quod omnibus *sufficiens gratia Dei* adsit, qua si utimur possimus de *tentationibus* triumphare. Eo modo Scripturæ non pugnabunt, nec secum ipsi Patres; dum nunc aiunt nostra culpa & electione nos peccare; nunc, sine Dei auxilio non satis virium voluntati nostræ esse, ut à peccando absteat. Nam ut homo innata vi, absque alimento vivere quidem haud potest, & tamen voluntariè mori dicetur, si ad cibum porrigere manum nolet: Ita, fragilis & corrupta peccato voluntas, non utique per se potest, & absque alimento gratiæ Dei, in vita spirituali perseverare, & à malo, ad quod impellitur, abstinere: sed quoniam potest gratiæ Dei ope peccato resistere; si id non faxit, cur non dicatur sua culpa perijsse? cur non dicatur potuisse vivere, & mori voluisse? cur non Deus indignetur suam legem ab homine

violatam, qui ne eam violaret iuuari non voluit ?

At quàm ridiculè nos vocatis in Pelagianam infamiam ? Pelagium plus iusto Liberum Arbitrium extollentem, damnauit antiqua Ecclesia, & in eum Hieronymus illius Ecclesiæ filius editis libris inuectus est . An autem credibile, Hieronymum his in Pelagium libris, nimium Libero Arbitrio tribuisse, idest incidisse in hæresim quam tunc maximè castigabat ? Ecce autem quid illic censuerit. Proœm. in Dial. Aduers. Pelag. *Breui-terq; calumniantibus respondemus, qui sua in nos maledicta conferunt, Manichæorum esse hominum damnare naturam, & Liberum auferre Arbitrium, & adiutorium Dei tollere.* En vt æquo suffragio, tam vos qui Liberum aufertis Arbitriũ, quàm Pelagianos proscribit, qui adiutorium Dei tollebant. Deinde Lib. I. *Sic Liberum homini seruamus Arbitrium, vt Dei per singula adiutorium non negemus.* Num non illa quàm nos Catholici propugnamus sententia ? Inde Lib. III. *Egonè Liberum tollo Arbitrium, qui in tota disputatione mea nihil aliud egi, nisi vt omnipoten-*

*nipotentiam Dei cū Libero Arbitrio con-*  
*seruarem?* Denique totis his Libris ni-  
 hil aliud statuit, quam quod hodie Romę.  
 At si tunc alia Ecclesię fides erat, cur vt  
 Pelagium sic & Hieronymum non dam-  
 nauit? cur à nemine æqualium in eo ar-  
 gumento reprehensus? imò cur laudatus  
 ab omnibus?

Criminum igitur culpam in peccato-  
 rem referimus; vos in Deum; quamquam  
 quod re ipsa facitis verbo negetis. vt,  
 quod ille de parricidio dicebat, inde  
 sciamus difficilius excusari sacrilegium,  
 quàm admitti. Sed ò tandem Sectarij,  
 tantum facinus vel patrare erubescite,  
 vel audete agnoscere. Nos quidem pro-  
 fitemur, tam peccatoribus quàm peccatis  
 ad gloriam suam Dominum vti, qui solus  
 ex malo bonum facit. Pharaonis cum  
 Moyse lucta miraculis causam dedit. Iu-  
 dæorum scelere victima Patri oblata est;  
 & hinc salus fidelibus. Inter hæc tamen  
*Deus intentator malorum est.* Nec in istis  
 alię eius partes, quàm quòd vel ob il-  
 lorum mortalium antea facta facinora, vel  
 ob diuini iudicij dispensationem arca-  
 nam ac iustam, ita recedit, ita gratiæ suę

lumen ab indignis abscondit, vt deinde iustè ac meritò suæ fragilitati relictî, in scelera impingant, quæ vitare quidem possint, at nolint; quæque illis ad damnationem sint, Deo autem ad probationem bonorum, & ad misericordiæ, aut iudicij sui lucem, denique ad humanarum rerum ordinem, qualem ipse præuisa malorum nequitia ab æterno instituit. Itaque indurare dicitur corda, vbi aliam gratiam non concedit, quàm qua vti potest homo, & qua tamen vti non vult. Iustè itaque eo modo peccator obdurus, & Deo volente; & iniustè nihilominus peccat, ac Deo nolente.

Vos porrò, Sectarij, longè aliam rationem iniistis. Creditis Deum non modò permittere, sed velle peccata. malitiam non ab homine proprio Marte productam; sed habere Deum authorem: Deum operari peccatum per hominem; Deum hominibus, diabolisq; *mandare*, vt maleficia concipiant, moliantur, perficiant. Dei ordinatione iniectam Adamo, cæterisque deinde mortalibus, peccandi necessitatem; Deum excitare, impellere, mouere, ad peccandum. Horren-



rendas illas voces, & supra barbarorum inhumanitatem feras, ex vestris Antefignanis habemus, Zuinglio, Caluino, atque Beza. Multi tamen ex vestris, quos nunquam penetrare contigerit in illa suorum foeda mysteria, ad has voces exhorrent; neque tamen effecerint aut illas non esse ex suæ sectæ norma; aut inde non sequi, Deum verè ac propriè peccati esse authorem; imò verè, proprièque peccare. Zuinglius Serm. De prouidentia. Cap. VI. *Vnum igitur, atque idem facinus, puta adulterium, aut homicidium, quantum Dei est authoris, motoris, impulsoris, opus est; crimen non est; quantum autem hominis est, crimen ac scelus est.* En tibi Deum; adulterij authorem, motorem, impulsorem. quid restat, nisi vt adulterum, instar Iouis, effingant? Minus vile ducitur agere adulterum quàm lenonem. Addit: *Mouet ergo Deus latronem ad occidendum innocentem etiam ac imparatum ad mortem.* O furiale os! Nec mitior in Deum Calvinus, passim in eandem sententiam infandæ philosophiæ argumenta congeffit. Ex tot locis quibus ipse hoc scelere se

astrinxit, satis erit duos exscribere. Multo plures antè dederunt, quibus hanc blasphemiam prolixè arguere curæ fuit. Igitur Lib.I. Instit. Cap.XVII. §. XI. ait, *diabelum totamq; improborum cohortem, sic omnibus partibus manu Dei tanquam freno cohiberi, ut nec concipere ullum aduersus nos maleficium, nec conceptum moliri, nec ad perpetrandum, si maxime moliantur, digitum mouere queant, nisi quantum ille permiserit, imò nisi quantum ille mandarit.* Deus ergo Caluine ex tua sententia, flagitia fieri mandat? Atqui, ut naturali ratione lex statuit, *quod quis mandato facit iudicis, dolo facere non videtur, cum habeat parere necesse.* Idem Caluinus Lib.III. Instit. Cap. XXIII. §.IX. *Excusabiles peccando haberi volunt reprobi, quia euadere nequeunt peccandi necessitatem: præsertim cum Dei ordinatione sibi iniiciatur huiusmodi necessitas: nos verò inde negamus ritè excusari, quandoquidem Dei ordinationi, qua se exitio destinatos conqueruntur, sua constet æquitas, nobis quidem incognita, sed illi certissima.* Imò quicquid garrias, excusabiles essent illi, Caluine; sed tu blasphe-

blasphemus, tu inexcusabilis, qui scribere ausus, *Deum mandare Satanae, improbisq; mortalibus, ut flagitia perpetrent; Dei ordinatione inijci facinorosis peccandi necessitatem. Peccatores necessitatem peccandi non posse euadere.*


Quæ flagitijs inde libertas? aut cur mortalium ullus studeat, tentationi, aut peccato resistere, si credat peccata omnia ita ex Dei ordinatione pendere, ut quicumque peccat non possit non peccare, cum à *Deo ordinatum* sit ut peccet; & quicumque non peccat, peccare non possit, cum *ordinatum* sit ut nō peccet? Quò in tentationes remedia? quò fuga peccati? Vana illa, si hæc vera. Ordinationi diuinæ quæ necessitatem iniicit, totam rem iustè homo reliquerit; non suæ curæ, quæ inutilis, & in illam necessitatem pugnare non potest. Cur porro quis plectatur ob admissum à se facinus, quod Deus fieri mandauerit, imò ad quod coegerit? Plectetur, inquires, quia hoc facit, non ut obtemperet Deo, sed ut cupiditati inferuiat. Itane? At si id faciat, ut sit Dei voluntati morigerus, an tunc verò non peccabit? Sentiatur scilicet aliquis

Caluinista, se ad furtum, aut aliud scelus impelli; credit Deum ad hoc facinus impulsorem sibi esse; credit hanc tentationem non solum Dei permisso, sed & iussu, in illum incumbere; Credit denique se non posse hoc scelus siue admittere, siue effugere, nisi *ex ordinatione Dei*: id est, nisi Deus *mandet ac necessitatem ei injiciat*, qua hoc scelus, aut admittat aut fugiat. Si igitur secum ipse sic loquatur. Deus me impellit ut furer: Experiar, utrum ex ipsius *ordinatione* sit, ut furto me astringam. quandoquidem *qui Dei ordinationi resistunt, ipsi sibi damnationem acquirunt*. Rom. XIII. Ac præterea nisi necessitatem mihi injiceret, ut furari iam velim, velle non possem. Denique si mandat hoc furtum à me fieri, fiet omnino, nec possum, imò nec volo, illi obistere. Si non mandat, quicquid coner, nihil efficiam. In hanc sententiam compositus an peccat Caluinista, si furto se obstringat, si cædibus sæuiat, si in quæcunque impellitur det se præcipitem? Credit à Deo se cogi ut velit; paret cogeniti Deo, & quidem eo animo, ut illi obsequatur.

Præterea quæ ratio ut dicatur potius homo peccare, esse sceleratus, esse plerendendus, cuius voluntate eo modo quo censetis utitur Deus ad alium ferro mandandum, quàm lapis aut murus, cuius pondere utitur etiam Deus ad hominem obruendum, aut fossa quæ interceperit nocte errantem, aut fera quæ in viatores inuaserit? Si, inquam, *voluntati* Dominus *mandat* ut velit occidere, cur plus peccet illa voluntas, quàm aut Leo, aut ruinosus paries, aut etiam aconitum, quo quis incautus occiderit? Siquidem illa voluntas post eiusmodi Dei *mandatum*, post *ordinationem* Dei, non potest non velle occidere, nec plus potest se regere, quàm aut Leo feritatem, aut paries pondus, aut sui veneni vim stirps quæcunque succo funesta. Cur plus igitur illa voluntas peccet, quàm aut aconitum, aut murus, aut Leo? Certè ut homini vitio verti non potest voluntatem à Deo sibi datam; ita nec culpa erit, eam voluntatem à Deo sic adigi, ut necessariò id velit quod eam velle vult Deus.

Ita ex vestra sententia, peccati Deus author, imò solus peccator est, qui *efficaciter*

*citer* ad peccandum impellit, qui peccata fieri *mandat*, qui in eo statu voluntatem hominis collocat, vt peccare necessariò velit. Lucruiosa res, esse repertos tam blasphemæ ac barbaræ sententiæ viros, inter nominis Christiani cultores; Nec Arium, nec Manichæum putem, plus diuino honori detraxisse. Nam quid non hæresi ista confudistis, Sæctarij? Pugnatis in rationis, ac iudicij normam, in liquidissima verba Scripturæ, in apertissimas sententias Patrû (plures enim quinquaginta ad hanc nostram de Arbitrij libertate sententiam numerantur) denique in veteris & hodiernæ consensum Ecclesiæ. Quæ omnia vultis eludi, primùm pertinacia occupati animi, ac miserè obloquentis, perplexis deinde aliquot à Scriptura, ac Patribus argumentis; quæ ideò deesse non possunt, quòd in re toties repetita interdum obscurius, interdum è re nata angustius, laxiusvè loquutos aucthores oportuit. Ne sic quidem ab obliquo mentium subtilitate, Scripturisq; ac Patribus, in Deum, in Trinitatem, in Christum argumenta defuerint.



## CAP. IV.

*Fidem non sufficere ad salutem. Multipliciter errare Sectarios, dum se de salute certos credunt. Omnia hominum opera non esse peccata. De peccato mortali, & veniali. Absurdissimam impietatem necessario sequi ex sententia Sectariorum.*



VERTERE libertatem arbitrij, necessitatiq; peccata tribuere, aditus hæresiar-  
chis fuit, vnde in omnem pietatem grassarentur. Exploranda ex illis aliqua quæ inde reuera consequuntur, aut quæ de industria consequi illi volunt; Aiunt igitur veram fidem ad salutem sufficere. veros Christianos ( quales ipsi sibi videntur ) de salute certos esse. Omnia hominum opera esse pecca-

peccata. Ex rei natura non esse in peccatis discrimen eiusmodi, ut hæc sint venialia, illa mortalia: Sed peccata omnia reprobis mortalia, omnia venialia esse electis. Meritoria, & supererogationis opera, commentum esse papisticum, impium, risu dignum. Inter hæc monstra, non tantum diuina lex violatur, sed imminet legum humanarum tristis euersio, & præter pietatis exilium, Orbi quoque abominanda barbaries.

Dicis, Sectarie, fidem sufficere ad salutem. Cur igitur de operibus tam crebrò Scripturæ? An ut illæ decipiant? an, & illæ deceptæ sunt? Paucissima de multis collegero. Psal. LXI. *Et tibi Domine misericordia, quia tu reddes unicuique iuxta opera sua.* Matth. XII. *Omne verbum otiosum quod locuti fuerint homines, reddent rationem de eo in die iudicii.* Matth. XVI. *Filius enim hominis venturus est in gloria Patris sui, cum Angelis suis, & tunc reddet unicuique secundum opera eius.* Apocalyp. XIV. *Beati mortui qui in Domino moriuntur; &c. Opera enim illorum sequuntur illos.* Et Matth. XXV. de operibus quæsiturum se Dominus,



aus, & propter hæc hos se ad cælum, hos ad inferos missurum pronunciat.

Legimus quidem, per fidem nos saluari, per fidem iustificari; certè; quia *sine fide impossibile est placere Deo*. Hæc enim est radix, hæc iustificationis fundamentum; ut docuit Concilium Tridentinum. Sess. VI. Cap. VIII. Sed & præter necessariam fidem, necessaria utique & alia ad salutem. Vitæ domicilium in corde schola medicorum constituit; necessaria tamen cerebri temperies, iecoris, pulmonisq; officium. Ita necessaria Fides, sed illa non sola. *Si habuero* (inquit Paulus. I. Cor. XIII.) *omnem fidem, ita ut montes transferam, Charitatem autem non habuero, nihil sum*. En verò, Sectarie, aliquid præter fidem, quod necessarium ad salutem. Fides, inquit Apostolus, sine charitate non prodest; Fides, inquiunt Sectarij, ad salutem sola sat est. Alterutra pars errat. Vtra sit, quis cordatus possit ambigere?

Num quid præterea Iacobi Apostoli verbis disertius, Epistolæ suæ, Cap. II? *Videtis quoniam ex operibus iustificatur homo, & non ex fide tantum*. Nec dixe-

ris cum Caluino. Lib. III. Instit. Cap. II. & XVII. non de vera, sed vmbatili fide Iacobum hìc agere: Adeò misera declinatio, vt mirer nisi ab absurdis esse probatam. Nam si hic sermo de non vera, sed vmbatili fide, non dixisset Iacobus, *ex operibus iustificatur homo, & non ex fide tantum*; sed potius non ex eiusmodi fide vllò modo iustificatur homo; sed ex vera & perfecta. Si hæc inquam, de qua loquitur fides, non est ea quæ alijs necessarijs virtutibus coniuncta: *iustificat*, malè addiderit; *non ex fide tantum* iustificari hominem; dicendum fùerat, ex illa fide nullo modo hominem iustificari. Finge enim hominem cum ea fide quam Caluinus hìc somniat: addas illi *circumstantias*, vt loquuntur, quamlibet pias, nunquam vel iudice Caluino. efficies, vt hæc fides sit ad iustitiam valitura. Ergo ineptè Apostolus partem iustificationis in illa fide constituit; vel Caluinus ineptè in exponenda Apostoli mente deceptus est. Sed quem fucum disertissimis verbis faciant, *Videtis quoniam ex operibus iustificatur homo?* Certè vel ex operibus homo iustificatur, vel non iustifica-

ficatur: si non iustificatur falsa est Iacobi sententia; si iustificatur, falsa Lutheri, atque Caluini.

At, inquires, fidem volumus viuam, idest operibus & charitati coniunctam. At repono, vos nugari; Neque hoc quere. Nā & Lutherus scribit, De Capt. Babil. Cap. De Bapt. fidelem, quicquid agat, perire non posse, dūmodo infidelis esse non velit. & nusquā Calvinistæ negauerint, fidem ad salutem sufficere, quā peccata remissa sibi credant, *per sanguinem Christi*. Atqui hæc fides potest haberi sine bonis operibus, aut vera in Deum charitate; sed cum fide tantummodò, aut verius dicam præsumptione charitatis Domini in nos.

Sed demus vos per *fidem iustificantem* intelligere illam fidem, quæ operibus & charitati coniuncta est. Nihil minus nugamini, res diuersas vno verbo complexi, vt sub eiusmodi confusione fallatis. Nam ex Paulo habemus, fidem sine charitate posse consistere: (*si habuero omnem fidem, charitatem autem non habuero*, &c. inquit.) Ac proinde fidē & charitatem diuersissimas esse virtutes; quod

& liquidò rursus docet. *Nunc autem manent fides, spes, charitas; tria hæc, maior autem horum est charitas*. Adeò vt cùm fides charitati coniuncta est, non ideò tantùm homo *saluetur*, quòd habeat fidem; sed quòd habeat aliquid præter fidem; & per fidem crediderit, per charitatem amauerit; vt sit necessaria ad salutem charitas æquè ac fides. Quæ igitur verborum ambages; aut quæ vobis auctoritas significationes nouas tribuendi vocabulis; vt *fidei* nomine *charitatem* velitis contineri, quæ prorsus à fide diuersa est?

Sed & vulgus hac voce percepta *fidem sufficere, opera meritoria nulla esse*, sensum quem verba palàm, ac verè habent, arripiunt; inertia suæ fauent; omne præsidium in fide collocant; opera, vt inutilia, & ex se molesta abijciunt. Quàm à me hæc verè sat produnt tristissima inter vos exempla, operū incuria, in fide insana securitas. Neque ex errore populi, sed ex vestra Theologia est illa dementia. Non enim opera (quicquid interdum perplexè loquamini) cum fide postulatis; sed simpliciter fidem. Nam si peccata omnia

(vt

( vt docetis ) venialia sunt electis, sequitur vos, qui ex vestra sententia estis electi, peccare non posse mortaliter. Si non potestis, quântumlibet malis operibus foedi sitis, bonis quantumlibet destituti, sufficiet ad salutem vestra hæc fides. Sed mox fusius de tanta vesania.

Nec obijciatis loca Scripturæ, quibus fides videtur *in solidum iustificare*: opera autem nihil. Non enim alius illis sensus, quàm opera sine fide, vel opera quæ ex sola cognitione legis, liberiq; arbitrij viribus sunt; vel opera legis Iudaicæ, post Euangelium legitimè promulgatum; ad æternam gloriam non prodesse. At quòd opera cum fide necessariò sint iungenda crebrò, vt diximus, Scripturæ proclamât; nec quid in contrarium sententiæ illæ habent, quas ex verbo diuino frustra corraditis. Locuples nobis testis Augustinus, ad ea ipsa verba, quæ ex Apostolo maximè in nos vrgetis. Rom. III. *Arbitramur hominem iustificari per fidem sine operibus legis*. Ita igitur ille, De Grat. & Liber. Arbit. Cap. VII. *Homines non intelligentes, quod ait ipse Apostolus Paulus, Arbitramur hominem iustificari per*

*fidem sine operibus legis: putauerunt eum dicere sufficere homini fidem, etiam si male uiuat, & bona opera non habeat. Quod absit ut sentiret vas electionis.*

Sed producenda in lucem vestra hæc fides, qua creditis iustificari. Ea non est, ut credatis in Deo trinitatem personarum, & vnitatem essentiae; non ut credatis symbolum Apostolorum, symbolum Nicæni Concilij, symbolum Athanasij. Hæc omnia non sunt vobis fides iustificans. Proh pudor, Christianos esse repositos, qui vtiliorem aliam fidem esse sentirent. Quæ igitur apud vos salutaris hæc fides? ut quisque vestrum credat, se electum, se de salute certum; *non imputata sibi peccata, sed imputatam Christi iustitiam*. Cum eiusmodi fide non putatis posse perire. Age vero Sectarie. Quicumque fidem iustificantem habet, an ille iustificatur? Iustificari non negabis, alioqui non esset fides iustificans. Quid porro prohibeat, Montanistam, Manicheum, Arianum, illam fidem habere? An ideò iustus erit? Imò, ne à vobis abeam; iam discessistis in sectas, varias quidem, sed quibus omnibus hoc idem *de fide iustifi-*

*stificante* fundamentum. Num ergo Brunistæ, num Anabaptistæ ea *fide* in iustitiam euadent? si euadent; cur de illis ut impijs acerbè querimini? si non euadent; quò illa vis fidei iustificantis? Sed requiri dicetis ad illam iustitiam, ut homo in vera fide sit; id est, de Deo, de Christo, de Ecclesia credat, quod credendum Scriptura præscripsit. Si ita est; Cur non igitur illa, de Deo, de Christo, de Ecclesia fides, dicatur iustificans? Certè enim, ut illa (ex vestra sententia) non iustificat sine alia qua credam me electum, & à Deo amatū; ita nec ista de mei electione fides iustificat, sine illa qua de Deo, ac Christo quæ credenda sunt credam. Cur igitur iustificationem huic fidei tribuitis, & ab illa remouetis; nisi quòd Deus ne cautè quidem, & industriè errare vos finit?

Quæ mens autè in hæc verba scribenti Apostolo? I. Cor. IX. *Castigo corpus meum, & in seruitutem redigo, ne fortè cum alijs prædicauerim ipse reprobus efficiar.* An fidei ille præco vera fide destitutus? An vos, Sectarij, supra illū sanctitatis eximie? Si Lutheranam, aut Calvinisticam fidem.



sufficere ad salutem sentiebat; quò illa, castigatio corporis, & quidem ne reprobus efficeretur? Accedat Paulo Petrus. Epist. II. Cap. I. *Satagite, ut per bona opera, certam vestram vocationem, & electionem faciatis.* At cur certam faciatis, si iam vobis certa illa, Sectarij? Superuacuum apud prudentes, *satagere ut sit*, quod esse iam scitis. Cur scilicet Petrum, cur Paulum audiatis, qui Lutherum aut Calvinum audistis?

Quòd si *fides iustificans*, est credere se electum; ubi ergo necessaria illa virtus, quæ *Spes* in Scripturis vocatur? Quid, inquam, speratis, si hoc creditis? cur de medio tollitis hanc virtutem? Neque enim dici possunt Christiani, sperare resurrectionem carnis, aut sperare paratam esse à Deo felicibus vitam æternam. Hæc qui speret, sit omnino hæreticus; Nam certò ac syncerè credenda sunt. Si igitur & de tua quoque salute *in indiuiduo* fidem habes; quò inane spei nomen? quàm hanc frustra necessarijs virtutibus annumerauit Apostolus? Referes; Illos qui ex Dei lege hic vixerint, proculdubio vitæ cælestis fore participes; si es ergo  
eiuf-



eiufmodi, quidni de falute iam certus fis? Egregiam rationem! Nemo mortalis, de quo idem non fentias: *Si vixerit ex Dei præfcripto, calo donabitur*. Conditio illa, *fi*, lata eft, & quæ nihil conftituit. Senfum, adiuncta particula, contrarium quidem, fed æquè verum habet; *Si non vixeris ex Dei præfcripto, tibi in infero fedes erit*. Ifaac. Cafaubonus, in Epift. ad Illuft. Card. Peronium, Obferu. I. fic loquitur. Chriftiani funt gnari, *fe ante iacta mundi fundamenta prædeftinatos efle* ( *de electis loquor* ) *vt fint cohæredes Chrifti*; &c. At quàm illa perplexa, & vndequaque labantia! Sciunt quidem Chriftiani, electos, fore Chrifti cohæredes. Hoc à Chrifto & Apoftolis didicerunt. Sed finguli ignorant num fint electi: adeò vt falſum fit, Scripturisq; repugnans, gnaros hos *in indiuiduo* efle, de prædeftinatione ſua ad vitam.

Nec dixeris, certum efle te de via qua graderis; certum igitur & de exitu viæ. Primum enim quis te de via certum conſtituit? Dicis, Lutherane, te certum: Atqui præter nos Catholicos, Calviniftæ errare te dicunt: Dicis Calvinifta te cer-

tum; atqui præter nos, Lutherani & Anabaptistæ te hæreticum esse non dubitant. Deinde, in recta sis fide; at in rectis moribus, & charitate fortè non eris; sine qua, vt ex Apostolo antè retulimus, ad salutem fides non sufficit. Sed esto. De via sis certus; quod vtique non es: quæ impudentia, vt certum te dicas, te in ea perseueraturum vsque ad mortem? Scripturæ prædicant, testantur, inclamant, multos qui in salutis viam recepti sunt, ab ea aberrare. Quis de cælo Angelus nunciauit, te non fore in erroneis istis, qui multi, qui Deo inuisi? Primo Reg. Cap. XIII. dicitur. *Filius vnus anni erat Saul cùm regnare cœpisset.* Atqui vir erat, & vt ibidem dicitur. Cap. X. *altior vniuerso populo ab humero, & sursum.* sed filius vnus anni dicitur, quia innocens, non secus ac vnus anni puer. At ille qui tot annis Deo placuerat, cuius ad illam ætatem *directæ erant viæ ad custodiendas iustificationes Dei.* foedè postea aberrauit, Deo inuisus, sceleribus turpis. Dicitur de Ioa. IV. Regum Cap. XII. *Fecitq; Ioa rectum coram Domino, cunctis diebus quibus docuit eum Ioiada. Sacerdos.*

*cerdos*. Sed post Ioiadæ mortem, *delinitus obsequijs Principum*, pessimè egit. (II. Paralip. XXIV.) occiditq; Zachariam prophetantem. Apertissimè autem Apostolus, ad Galat. V. *Currebatis benè, quis vos impediuit veritati non obedire?* Non igitur regula constans, vt qui rectè inceperit, & desinat rectè.

Quis denique dubitare iam audeat, post liquidam, post apertā Christi sententiā? Ita enim Matth. X. *Eritis odio omnibus propter nomen meum: qui autem perseuerauerit vsque in finem, hic saluus erit.* Et Matth. XXIV. *refrigescet charitas multorum, qui autem perseuerauerit vsque in finem, hic saluus erit.* Quàm hoc frustra, ne grauius dicam, Christus, si omnes qui rectè cæperunt perseuerarent? Si non omnes perseuerant, ergo aliqui deficiunt: si aliqui deficiunt, quo oraculo prænosti, Sectarie, te nunquam defecturum?

Abyssus abyssum inuocat; quo tueamini foedum errorem peius errastis. Negatis ergo illos qui à Deo, & semita salutis deficiunt, veram fidem vlllo tempore habuisse. Num quid autem in Scriptis immanius? *Fecitne Ioa rectum co-*

*ram*

*ram Domino omnibus diebus quibus docuit eum, Ioiada Sacerdos, & caruit tamen fide? Galatæ, quos à bono cursu deflexisse Apostolus scribit, potuerantne bene currere, & fidem non habere? Sed nihil insignius Christi verbis, Refrigescet charitas multorum, qui autem perseverauerit in finem hic saluus erit. Peto num illi, quos à charitate abituros, nec perseveraturos Dominus hic prædicit, cælo potiti essent, si perseverassent, nec à charitate abiissent. Certè non dubium. Alioqui non in eo constitueretur lapsus eorum, quòd non perseverauerint; Sed potius quòd non inceperint, neque unquam rectum iter insulerint. Ergo fidem veram habebant. nam absque hac impossibile est placere Deo, impossibile cælo frui: & si ea caruissent, nulla perseverantia sedem illis in cælo dedisset. Res etiam Sole illustrior.*

Quamvis igitur concederemus, Sectarie, te in vera fide esse, non inde sequeretur non posse te perire. Præterea, si multi qui credebant Deo se charos, qui credebant veram fidem habere, aliquando defecerunt; & quia defecerunt, ex vestra

fra sententia, probatum est eos nunquā fidem veram habuisse. quis in Scripturis locus te certum constituit, nunquam te in ea prolapsurum, in quæ illi prolapsi sunt; ut ex eo tuo lapsu iudicari mox possit, frustra te credidisse te stare in fide? Itaque si daremus, fidem solam sufficere, & fidem amitti non posse; non ex arte inde colligeres de tua salute te certum; quandoquidem certus esse non potes, te fidem habere; cum multi qui reuera exciderunt à Christo, non minoribus quam tu modò argumentis credere potuerint in ea se stare.

Velim præterea dicas, An sufficiat ad salutem; implicita illa fides; *peccata tibi remissa, & imputatam Christi iustitiam*: An explicita requiratur: Ut nempe post peccatum elicias eiusmodi fidei actum. Si implicita satis est; ergo ubi in peccatum incideris, absque vlllo poenitentiae actu, absque vlllo dolore de peccato, donatur tibi crimen; quia scilicet fidem illam implicitè, & *habitualiter* habes; *non imputari tibi peccata*: Et hoc credere, quid est aliud quàm turpissima inuolui blasphemia? quàm Dei iustitiam habere ludi-

ludibrio? Sin requiri hanc explicitè fidem existimas; unde tibi constiterit, te post peccatum aliquod, priusquam hac fide iustificatus sis, non aliquando moriturum, vel violenta, vel subita morte? Quòd si sic mori potes, quàm iniqua & vana superbia in electis pro certo te numeras; qui reprobis esse potes, & cum peccato, absque iustitiæ imputatione decedere?

Sed nihil apud vos sunt tam liquida, à Scripturis, ac rationibus argumenta. Vultis errare. Cæcitas est, quæ vobis ad Christiani Orbis stuporem incubuit, quæ solitudinem de salute, poenitentiã, gehennæ timorem, vt inuisa vocabula ad nos scilicet Papistas amandat. Credetne posteritas ausum ex Sectarijs vnum ita loqui Serenissimo Britanniarum Regi: Nescio vtrum Virgo Maria ad salutem, peruenerit, at me peruenturum certissimè scio?

Porro scrutemur quò hæc monstra perueniant. Nullus his modus. Aiunt nempe Sectarij, fidem solam sufficere; de fide esse se certos, ergo & de salute. Pergunt: & omnia hominum opera esse peccata.

pro-

pronunciant. sed peccata omnia Electorum ( quales ipsi se dicunt ) venialia esse. Ad quam licentiam hæc spectent, ipsa res prodit. Lutherus, in Assert. Artic, XXXII, scribit, *opus bonum optimè factum, veniale peccatum esse secundum misericordiam Dei; sed mortale peccatum secundum iudicium Dei*. In illud hodie Sectarij consentiunt, *omne hominis opus esse peccatum*. At hæc crudelis opinio, quæ innato hominibus sensu satis arguitur, in Scripturas etiam pugnat. Vt enim misericors Deus sit, & veniam peccatis indulgeat; ita nunquam peccatis delectatur. Atqui se multis hominum operibus delectatum asseruit. Ergo illa opera peccata non erant. Genes. VIII. ubi de sacrificio Noës, *odoratusq; est Dominus odorem suauitatis*. at quæ in peccato suauitas? certè enim Noës opus, non victimarum nidorem odoratus est Deus. Item Genes. XXII, ad Abraham: *Quia fecisti banc rem, & non pepercisti filio tuo unigenito propter me, benedicam tibi*. Dixerisne, Sectarie, hoc opus fuisse peccatum, quod tantopere placuit Deo? Nihil frequentius in Scripturis, quàm, *fecit rectum co-*  
*ram*



*ram Domino; fecit rectum in oculis Domini; studiosè egisti quod rectum erat, & placebat in oculis meis; placuit sermo coram Domino.* An rectum coram Domino est peccatum? an in oculis Domini placeat? Sed & cælum peccati præmium erit; si omnia opera sunt peccata. Non enim in fidei tantum, sed operum quoque mercedem, Christus cælum electis adiudicabit. Difertè hoc ait Matth. XXV. Et Psalmista, *reddes unicuique iuxta opera eius.* & Ioan. in Apocalyp. *Beati mortui qui in Domino moriuntur, &c. opera enim illorum sequuntur illos.* Sed & Euangelium prædicare, & martyrium patienter tolerare, peccatum dicendum est, si omnia opera sunt peccata; imò ex Iustitia Dei (si Sectarijs est credendum) hæc opera sunt peccata mortalia, & per hoc non cælo, sed inferis digna. Vanum sit in absurdissimas nugas plura dixisse.

At omnia opera, peccata utique sint, an non sint, inquires; Electorum nil interest (quales Sectarij esse credunt.) quandoquidem, omnia eorum peccata sunt *venialia*, omnia reproborum *mortalia*. Imò interest multum, ad gloriam Dei,



Dei, & stimulos benè viuendi. Nam si quædam sint opera, quæ peccati sordibus non sint infecta, maiori studio, atque curæ res erit bonæ mentis mortalibus, ut ad recta se applicent, & peccata declinent, quàm si adeò omnia opera sunt peccata, ut quicquid egerint peccent. Sed est præterea perniciosissimi erroris sententia, omnia electorum peccata venialia, omnia reproborum mortalia esse. Et commentum facili distinctione dilueris. Si venialia appellas quæ morte quidem digna, tamen veniam consequentur; certum quidem omnia Electorum peccata, etiamquæ grauissima, in hanc sortem, nomenquæ ventura: Sed è contrario falsum omnia reproborum esse mortalia; Neque enim *damnabuntur* ob verbum ociosum, vel negligentiam leuem, vel aliam culpam ex illis, quas *veniales* vocat Ecclesia. Sed non ille est Sectariorum sensus. Volunt igitur non esse in peccatis discrimen cuiusmodi, ex natura ipsorum peccatorum; ut mortalia aliqua & inferis digna; alia venialia, & temporali pœna luenda sint. Sed ex genere suo, peccata omnia esse mortalia; vbi autem indul-

indulgere vult Deus, venialia omnia esse. ideoq; quicquid agant Electi non, plus quàm venialiter peccare; quicquid præscij agant in mortali culpa esse. Quid hoc autem nisi cælum inferis permiscere, nisi audaciam peccandi facere omnis sortis Sectarijs? Cùm nimirum intelligant aliqua esse peccata à quibus non, abest humana fragilitas, rursusq; doceantur se Electos, ideoq; sua peccata vnus generis esse (venialia nempe) imò quicquid egerint venialiter, se peccare, & mortaliter peccare non posse; cur magno-pere illis curæ sit, quomodo, aut quid peccent?

Ecclesia verò Catholica in *peccatis* ita distinguit, vt quæ contra diuinam legem sunt, ea dicantur mortalia, ea sint inferorum ignibus digna. Quæ autem leuio-ra, & magis præter Dei voluntatem, quàm contra illam facta, venialia appellantur. *peccata* haud dubiè, quoniam à norma deflectunt, & plecti merentur; sed venialia, quia non perpetua ira Domini digna, sed veniam post aliquod supplicium acceptura. Vnde hæc nobis distinctio si quæris; A ratione, à Scripturis, à

Pa-

Patribus, ab authoritate Ecclesiæ. Nam quis sani iudicij putet verbum ociosum, ab homine pio prolatum, ab homine Deum amante, æternis ignibus, æterna Dei ira, plectendum? Cælestis misericordiæ sit ignarus, qui adçò trucem Deum effinxerit. Peccatum tamen est, & Christo iudice, *ratio de eo reddenda est*. In odio præterea, in ambitu, cæterisq; sceleribus, cùm stimulos admouet caro, mundus, aut dæmon, quidni possimus non consentire quidem omninò, sed negligentius tamen illos, frigidiusve repellere? Atqui negligentiam illam ac frigus, si nullo modo peccatum esse dixeris, erres: sin capitale hoc putes, & eadem æternitate poenæ dignum, quo fuisset absolutus in hæc quæ suggerebantur mala consensus, ineptè quoque erres. Hoc ipsa ratione, hoc natura dictante accipimus. Eiusmodi porrò sunt ea peccata, quæ venialia appellamus, verberc digna non morte, castigatione Domini, non inimicitijs, vindicanda.

Et is omnino Scripturarum est sensus, quæ nunc omnibus hominibus inesse peccata asserunt, nunc aliquos iustos vo-

cant. Nimirum quia venialia illa, peccata quidem sunt, sed nec à gratia Dei excludunt, nec iustitiam ad salutem necessariam tollunt. Et verba ociosa, peccatis eadem Scripturæ annumerant, non quòd inferis digna, sed flagello leuiori: Vt eleganter Hieronymus docet, Aduers. Iouin. Lib. II. *Sunt peccata leuia, sunt grauiora. Aliud est decem millia debere, aliud quadrantem. Et de ocioso quidem verbo, & adulterio, rei tenebimur: Sed non est idem suffundi, & torqueri; erubescere, & longo tempore cruciari.*

Neque res tantum, sed & verba, ex prisce Ecclesiæ disciplina. Meminit de mortali & veniabili peccato Ambrosius, Comment. in Cap. IX. Lucæ. *Si peccatum mortale commiseris, inquit, portas mortis intraisti.* Sententia prorsus nostra. & ex Ambrosij ergo mente, peccata sunt aliqua non mortalia, quæque non ducant ad inferi portas. Idem in XXIV. Lucæ. *Ergo veniabilis error mulieris, quæ licet dubitare non debuit Christi corpus per gloriam resurrectionis assumptum, doceri tamen gestit à Christo.* De eiusmodi peccatis Augustinus, in Enchiridio, Cap. LXXI.

*De*

*De quotidianis autem, leuibus, breuibusq;  
peccatis, sine quibus hac vita non ducitur,  
quotidiana oratio fidelium satisfacit.*

Quid quod Nouatiani, qui remissionem peccatorum à Sacerdotibus expectari nolebant, non de omnibus peccatis loquebantur, sed de peccato tantum eiusmodi, *quod Sacrosanctæ Scripturæ peccatum ad mortem appellant?* vt Socrates refert, Lib. I. Hist. Cap. VII. Atqui nunquam Ecclesia Nouatianos erroris redarguit, quod eiusmodi in peccatis discrimen statueret; sed tantum, quod aliqua omnino peccata à iurisdictione Sacerdotis exciperent.

Ab ipsis denique Sectarijs peto, num peccata aliqua esse credant, in quæ prolabi possint, absque quod fidem illam suam iustificantem amittant. Id verò non negabunt. Alioqui cum omnia opera credant esse peccata, sequeretur, statim ac aliquod opus edunt, eos à fide excidere. Rursus ab ijs quæro: num & peccata sint aliqua eius generis, vt homo non possit, & ea & illam fidem simul habere; id est, quæ expellant, aut destruât fidem. Si nulla sunt; sequitur ipsos (aiunt enim sibi fidem inesse, eamq; sufficere) liberè, atque impunè inter adul-

teria posse, inter cædes, inter furta versari. Si sunt aliqua; ergo fatentur ex ipsa natura peccatorum esse quædam venialia, quæ nec fidem destruant, nec obstruant cælum; *mortalia alia*, quæ (ex eorum sententia) à fide, & gratia Dei excludant.

Nolunt tamen hæc audire Sectarij; & potius peccandi libertatem, quàm peccatorum distinctionem admittunt; adeò vt Lutherus, (vt ante iam diximus) fidelem hominem neget, etiamsi maximè velit, posse perire, nisi velit *non credere*. Vide autem, quod ex istarum hæreseon, impietate consequitur. Electis omnia peccata sunt venialia. Sectarij isti certi sunt se esse electos. Ergo illis omnia peccata sunt venialia; id est, quicquid peccent non possunt à salute excidere. Quid dirius vlla vnquam impietas inuenit?

Nec reponas, Sectarie, abhorre te à tam infami licentia: Scio quàm multi inter vos indolis sanioris; quàm multi ignorent, aut horreant ad hæc ipsa suæ sectæ deliria. Sed vel inuitos tamen polluent sceleratæ sententiæ, nisi ab ea religione

rece-

receditis, ex cuius disciplina necessario  
consequuntur. Nam ut dicas, tibi pec-  
candi indulgentiam non placere; at fa-  
tendum est, vel te certum de salute  
non esse, (id est te à Protestantibus tam  
Lutheranis, quàm Calvinistis dissentire.)  
Vel esse saltem certum, nunquam in gra-  
via peccata te esse lapsurum; qua de re  
non Moses certus fuit, non David, non  
Petrus Apostolus, ut probavit euentus.  
Vel denique quamuis grauibz flagitijs  
impliceris, nihil hoc de salutis certi-  
tudine delibaturum. quæ fera-

lis opinio, & corrumpen-

do populo nata, om-

nis impieta-


tis cul-

men profana imma-

nitare consti-

tuit.





## CAP. V.

*De Operibus Supererogationis . De  
pys operibus ab Ecclesia præ-  
ceptis: Ac præsertim de  
Quadragesima  
li ieiunio.*



**I**N Psalmis est, *Diuertere à ma-  
lo, & fac bonum*: In huius  
seculi hæresi, nec necesse à  
malo diuertere; cùm de ele-  
ctione certi sint, ac proinde  
de venia; Nec bonis operibus insudare;  
cùm non ex operibus, sed ex sola fide  
electi *iustificentur*. Nolunt igitur vlla  
opera *meritoria* appellari; Negant etiam  
*supererogationis* nomen actibus vllis no-  
stris, sine grandi in Deum iniuria tribui  
posse. Non opus hìc multis, cùm se istæ  
hæreses sua absurditate conficiant.

Sentit igitur sancta Ecclesia, debere  
hominem,



hominem, & diuinæ gratiæ ope posse, legem sanctam ita implere, vt delicto mortali sese nunquam inficiat. & quamquam obcundis his mandatis dicere debeat, *quod debui facere feci*; ex promisso tamen Christi, ac veluti pacto, in iusti officij præmia cælum expectet. Præterea sentit Ecclesia, opera aliqua esse quæ non imperet Deus, sed suadeat; quæ omissa non nocent, & profunt admissa. Et hæc opera, *supererogationis* appellamus: quia in pietatis officia liberè erogamus aliquid *super* ac *præter* hoc ad quod lege adigimur. Rident illa Sectarij. Nam quod opus meritòrium putent, qui opera omnia, esse peccata asseuerant? quid supererogare hominem posse; cui Liberum Arbitrium detrahi volunt?

Sed patiantur sequestrum inter nos Christum; aut verius quæsitorem. Audiant distinguentem inter opera imperata, ac libera: Matth. XIX. *Si vis ad vitam ingredi*. Et, *Si vis esse perfectus*. Vt ad vitam ingrediamur, edicit vt *mandata seruentur*; Ad perfectionem consulit, *omnia vendere, ipsum sequi*. Ergo sunt opera aliqua Deo grata, ad quæ tamen nulla

lege, aut præcepto adigimur; quandoquidem absque his, ad vitam ingressus nobis patet. At quis neget, quò Deo erimus in terris gratiores, eò & futuros prouectiores in cælis? *Beati mortui qui in Domino moriuntur, &c. Opera enim eorum sequuntur eos*: Ibidem Christus docet, esse quosdam Eunuchos, *qui se castrauerunt propter regnum calorum*. & addit; *qui potest capere capiat*. Eadem Apostoli sententia est. I. Corinth. VIII. *qui matrimonio iungit virginem suam benè facit: & qui non iungit melius facit*. At quam frustra, vt de re grandi diceret Christus, *qui potest capere capiat*? Quàm frustra Apostolus, *qui non iungit melius facit*? nisi hoc plus Deo placeret; nisi in cælo constitueretur amplior merces eo modo in terra viuentibus?

Quidam hæc argumenta sic volunt eludi, vt dicant; ex Christi & Apostolorum seculo metienda illa Christi consilia. Tunc quippe consultum Christianis, vt omnia venderent, & à nuptijs abstinerent; Posterioribus seculis mutata rerum sorte, vana hæc esse. At vt falsa illa solutio, ita prorsus ridicula; cùm hoc loco non  
quæ-

queramus utrū illa ipsa consilia, etiamnū  
hoc æuo perdurent; sed vtrum sint aliqua  
supererogationis opera, id est, quæ non  
implere necesse sit, & eos tamen qui illa  
impleuerint gratiores Deo efficiant. Id  
sic esse, ex Scripturis liquidò constat, in  
quibus eiusmodi opera commendari vi-  
demus, vt ad pietatem, perfectionemq;  
valentia, quæ non necessaria quidem  
sint, sed salubria tamen, Deoq; pergrata.  
Audi porrò quis de ea re Hieronymi sen-  
sus, in Epistolā ad Philemonem. *Si autem  
Philemon hac ad hominis præceptum fa-  
cit, quanto magis faciet ob dilectionem  
Dei? Vnde meritò Apostoli voce lauda-  
tur, quòd mandata eius opere prauertat;  
& possit dicere: Voluntaria oris mei com-  
placeant tibi Domine, plusq; faciens quàm  
præceptum est, vincat eos qui tantummo-  
do imperata fecerunt, & iubentur dicere,  
Serui inutiles sumus, quod debuimus fa-  
cere fecimus. Virginitas quoque propte-  
rea maiori præmio coronatur, quia præ-  
ceptum Domini non habet, & ultra impe-  
rata se tendit. Eadem est Augustini sen-  
tentia, Ad Hilarium, contra Pelagianos,  
& Manichæos. Epist. LXXXIX. Magi-*

*ster*

*ster bonus mandata legis ab ista excellentiore perfectione distinxit. Ibi enim dixit, Si vis venire ad vitam, serua mandata: hic autem: Si vis perfectus esse, vade, vende omnia quae habes, &c.*

An putas in re tanta si errasset Augustinus, si errasset Hieronymus, non Ecclesiam praestò futuram, qua aut corrigetur, aut contumax damnaretur? Credisne laturum impunè Ambrosium, cum tam multus de *merito* esset? In Cap. V. Lucæ. *Ieiunant hi quibus abest Christus, quique bonorum meritorum copijs egent.* Epist. XIV. *Vitam istam corporis potes eripere, meritum non potes extinguere.* Neque figuratè, aut impropriè usurpatum hoc *meriti* nomen. August. Lib. IX. Confess. Cap. XIII. *Quisquis autem, ò Deus, tibi enumerat vera merita sua, quid tibi enumerat nisi munera tua?* En verò, Secretarie, esse quidem ex munere Dei, vt merita habeamus (nam quid boni, nisi illius gratia, sit in nobis?) Esse tamen *merita* illa, & merita quidem *vera*: Plura ex Patribus non retero. Seu Græci, seu Latini fuerint, plena his eorum volumina.

Quòd

Quòd si neque Scripturis, neque Patribus, manus das. At vt homo es, saltem in consilium adhibe rationem. Oratio, & Eleemosyna commendantur à Domino. Hoc tu non negas. Post assuetas igitur preces, aliquis orationis locum repetat, & diutius Deo vacet. Peto à te quale hoc opus; bonum, an malum? Non audebis malum dicere. Bonum sit ergo. At cuius bonitatis? Necessariæ ad salutem? Neque hoc dixeris. Nullo enim Dei præcepto ad illud homo iste adigebatur. Ergo *supererogationis* opus est; & quoniam bonum, præmio non carebit. Eleemosynas quas constituisti erogare defunctus sis. Occurrat deinde egenus, non in illa suprema egestate; cui omnes tenemur subleuandæ, sed vt quotidie mendicos aspicimus; non necesse ad salutem, vt huic sis munificus. Nam vt habet Apostolus. II. Cor. IX. conferat eleemosynas. *vnusquisque prout destinauit in corde suo; non ex tristitia, aut ex necessitate.* Si tamen *feminare in benedictionibus* volueris, & illi porrexeris stipem, nonne pietatis hoc fuerit? aut nunquid mercede carebit apud Dominum, qui etiam

*calici aquæ frigida* mercedem constituit. Matth. X? Atqui nihil aliud intelligit Sacrosancta Ecclesia per supererogationis opera, in quæ sæua & effusa audacia soletis irasci.

Duæ sunt autem, præter expressa Dei præcepta, apud Catholicos bonorum operum classes. Prima est rerum quas ex præcepto obseruandas Ecclesia Christianis imposuit; vt est quadragesimale ieiunium, certorum dierum abstinencia, feriarum festiuitas. Aliam laudat, non vrget Ecclesia. monet, hortatur, non cogit, non adigit. In secunda hac classe, religiosa, vota sunt, castitas, obedientia, ac paupertas: macerandæ carnis artes, ieiunia, flagella, cilicium; alendi spiritus ratio, multa eleemosyna, frequens Oratio, frequens Communio, abdicatio voluptatum; & quæ cætera vel pietas inuenit, vel suggeruntur ex tempore sorte. Primam classem supererogationis non dixeris, cum ad illam Ecclesiastica lege cogamur. Illi tamen propugnandæ ideò locum hunc feci; quòd à Sæctarijs vno contemptu rideantur, tam quæ laudat, quàm quæ iubet Ecclesia, in seueritatis disciplinam; præter illa quæ disertè

fertè Scripturæ præcipiunt : Ac quòd præterea Ecclesiæ ea mens fuerit in ferendis his legibus, vt si ignauia soluti Christiani à bonorum operum austeritate recederent, at pro fræno aliqua essent, ad quæ saltem tenerentur. In ijs quia nihil ieiunio quadragesimali celebrius, de illo potissimum videamus.

Quadragesimale ieiunium ab Ecclesiæ primordio institutum, adeò sanctum antiquis, ac celebre fuit, vt nec hæreticorum vanitas, quem illi authorem faciat, aut in quod seculum referat eius ortum, adhuc satis deliberauerit. Sed vtcunque sentire tandem velint, à te percunctor, quisquis voles iudicio non affectu rem metiri Scætarie, vtrum putes Calvinum, aut Lutherum, aut te ipsum, hanc rem scire peritius, quàm S. Hieronymum, antiquissimū ipsum, & vltioris antiquitatis. maximè curiosum. Atqui sic ille, Ad Marcellam, Aduers. Montanum hæret. Epist. LIV. *Nos vnā Quadragesimā secundum traditionem Apostolorum, toto anno, tempore nobis congruo ieiunamus. Illi Montanistæ tres in anno faciunt quadragesimas, quasi tres passi sint Saluatores. Non*  
quo

*quo & per totum annum, excepta Pentecoste ieiunare non liceat; sed quòd aliud sit necessitate, aliud voluntate munus offerre.*

Iterum ad Sectarios prouoco, in quibus iudicium non omnino deleuerit suarum partium amor. Satis hic locus ut ipsi se damnent. Quippe non suos, sed Ecclesiæ sensus, quales ætate sua fuerint, exponit Hieronymus. De discrimine enim agit, quod inter Montanistas, atque Catholicos. Illi plures Quadragesimas imperabant; At vnicam ab Ecclesia præcipi, ita ut necessariò obseruanda sit, Hieronymus docet. Quòd si erant Mótanistæ heretici, quia plures Quadragesimas imponebant; nonne & hæreticus Hieronymus, qui vel vnam ab Ecclesia impositam, & necessariò obseruandam asseruit; si reuera res ita non habet, nec Quadragesima est ab Ecclesia legitimè instituta, & ex necessitate præcepti obseruanda fidelibus? At quis illius æui propterea Hieronymum accusauit? Is ne nesciret quid suo seculo sentiret Ecclesia? An prolixè & impudenter mentitum existimes? Ieiunij Quadragesimalis originem, ad Apostolos refert; ob-  
serua-



seruationem, ad necessitatem. Et tu nouitie, tu incredule, hanc illius Ecclesiæ mentem spernas, hanc rideas & violes legem? Aequæuus Hieronymo Ambrosius, ecce quid senserit, Serm. in Quadrag. Dominic. Prim. *Sicut reliquo anno ieiunare præmiū est, ita in Quadragesima non ieiunare peccatum est. Illa enim voluntaria sunt ieiunia, ista necessaria; illa de arbitrio veniunt, ista de lege: ad illa inuitamur, ad ista compellimur.* I, nunc Sectarie, & perplexè philosophare, primū an aliquid possit imperare Ecclesiæ; tum an Quadragesimæ ieiunium imperarit. Respondebit Hieronymus, respondebit Ambrosius, ita Christianos suo seculo credidisse, ita à Patribus accepisse: Nempe ex necessitate salutis obseruandas Ecclesiæ leges, & in illis legibus esse, vt Quadragesimæ tēpore ieiunent Christiani. Neque hi tantū Patres, sed & cæteri omnes, sed & multa Concilia, quæ, vt intra compendium me teneam, iam ab alijs exscripta omiserim. Addam vnā Augustini sententiam. Serm. LXII. de Tempor. *Alijs diebus ieiunare remediū est, aut præmiū; in Quadragesima non ieiunare peccatum est.*

At

At verò Sectarij hac ætate quàm longè vbiq̃ue ab illa sententia? Abſtinentiam hanc rident; nos infamant hæreſeos, quaſi impuros cibos Iudaico more dicamus, aut vt ludicræ ſimplicitatis homines rident, quòd Eccleſiæ leges obnoxijſ cervicibus ferre velimus. A ratione, à Scripturis, Quadrageſimam conantur euertere; ſed multò vehementius ipſo uſu oppugnant. Quippe in pietate illis eſt tunc carnibus veſci: ad ſuperſtitionem reuocant noſtrum morem, id eſt, Apoſtolicæ morem Eccleſiæ. Pauci inter illos modeſtiæ ſuæ imputant, non offendere tunc carniū eſu Catholicorum oculos cum, quibus mixti degunt. Alij ad regionis utilitatem eo tempore gregibus & armentis parci volunt. Sed quod ad rei ſummam eſt, nec ſe ad illa ieiunia, nec Chriſtianorum vllos teneri exiſtimant. Et inter hos mores, ſe cum antiqua Eccleſia conſentire iactitent, & in ea fide eſſe qua Patres antiqui? ò laruæ, & in fraudem inductorum infania!

Iactant tamen Angli miniſtri (Nam quid miniſtros pudeat?) apud ſe Quadrageſimā obſeruari; ſeriam quoque ſextam, & Sab.

& sabbatum. Ea arte si quis eos hære-  
 feos & impietatis arguerit, quòd ieiunia  
 iam ab ipso Apostolorum ævo decreta re-  
 sciderint; negant se eam partem Eccle-  
 siasticæ abiecisse disciplinæ; Ita externis  
 persuadent se religiosè colere, quæ foedè  
 profanant. Primum enim quòd ad qua-  
 tuor Quadragesimæ primos dies, publicè,  
 atque absque discrimine, carnes in omni-  
 bus macellis venales sunt. Postea, ad po-  
 liticum Regni bonum, interdictum bubu-  
 lam, ouillamq; prostare. Sed gallinaceum  
 omne genus, columbasque, atque cuni-  
 culos, & diuersi generis aues, impunè, li-  
 berè, publicè, vendunt, comparant, edunt.  
 Id verò vocatis ieiunium? An indicta,  
 Quadragesima pauperibus tantum, quo-  
 rum census ad eiusmodi delicias non per-  
 tingat? Sed & hominibus fortunæ mino-  
 ris, bubula sale condita fastidium pisciū,  
 vt plurimum leuat. Quòd si qui inter il-  
 los à carnibus abstinent; at certè ieiuna-  
 re tot dies illis adeò extra vsum, vt ex ali-  
 quot Protestantium millibus, vix hoc  
 vnum implere crediderim. Qui hi ludi?  
*Vsq; quo claudicatis in duas partes? Si*  
 Quadragesimale ieiunium, iam ab anti-

qua Ecclesia, antiquisq; Concilijs, indictum legitimè, & à Christianis receptum est, cur id porrò violatis, cur temeraria gula polluitis? Si creditis esse has nugas; cur quotidianis sermonibus, cur editis libris, falsò iactatis, vos Quadragesimæ esse cultores?

Iam autem toto anno feriam sextam, quæ dies Veneris appellatur, quanto contemptu profanant omnium carniū esu? Tam liberè in Anglia illo die, in diuersorij, domibusve priuatis, tostas carnes, elixasq; aspicias, quàm si Iudæi aut Turcæ prouinciam obtinerent: imò hilarius conuiuia non exercent, omni dapum luxuria, quàm eiusmodi luce; & proh pudor! in ipsa Parasceue testis sum eo more agitata conuiuia. Et ea quidem omnia Londini licenter, sed multò licentius in oppidis, vrbibusque cæteris vbique in Anglia.

Hoc ignorare crediderim Serenissimum Regem; & id ipsum fortè legenti, pessimi adulatores astabunt, qui rideant, qui mendacij istam chartam mendacissimi ipsi insimulant. Nam quoties Principi tanto commentitia, atque inania ipsius

sius bonitate freti obijciunt? Quod si fortè de hac impunitate vescendi, quàm hìc cum gemitu arguo, quasi de calumnia ridebunt, audiat me absentem Magnus Rex, nec vllam infamiam, aut etiam supplicia deprecantem, si aliquid supra verum perscripserim. Plus decennio illic vixi. *quæ vidimus ea testamur, ac loquimur*. Scio aliquos ab hac gula refugere. Adhuc auribus meis insonat vox doctissimi eorum quos Episcopos vocant (ex hac nota hominè facile noris) qui inter priuata colloquia, nulli se Catholicorū cedere in obseruanda Quàdragesima, cæterisq; ieiunijs asseuerauit. At *quid inter tantas* hi pauci? E plurimis millibus vnus hic erit. Et hic de licentia publica loquor, qua in diuersorij, ciuiumq; ædibus, vix aliquid de culinæ apparatu feria sexta mutari aspicias: Nisi quòd in plerisque domibus eodìe, quò sumptibus parcant, incœnatam familiam cubitum mittunt, ex antiquissimo more, quo illic ea feria ieiunio transigebatur. Quòd vt parcendis iam sumptibus fieri scias, vidi ego, his oculis inquam vidi, heros carnibus saturari, dum hoc interim ieiunio familia maceraretur.

Pudet hos tamen quod res est confite-  
 ri, se lubrico gulæ, & difficultate ieiunij, à  
 Quadragesimæ obseruatione esse repul-  
 sos. Aiunt itaque, idq; cum fastu, in  
 Quadragesima nostro more ieiunare, fa-  
 cilem quidem rem, sed superstitiosam, aut  
 nugarum plenam esse. Ita videri ambiunt  
 ab obseruandis ieiunijs, non difficultate,  
 sed ratione esse abducti. Ex Angliæ pseu-  
 doepiscopis vnum, festis Christi natali-  
 bus, quo potissimum tempore solet Anglia  
 ventri vacare, in aula splendidè epula-  
 tum, vidi pleno abdomine ridiculam  
 de hac Quadragesimali poenitentia ferre  
 sententiam. Is enim, vt in Regijs inter-  
 dum fit, vix ante vesperam de prandio  
 surgens, cùm ad Regem circa noctem re-  
 diisset, fortè fuit vt de Quadragesima  
 mentio incideret; Ac tum ille, Quid, in-  
 quit, cum Quadragesima sua, ò Rex, Pa-  
 pistæ isti volunt? quid in eo arduum?  
 quid seuerum? Certè ego nec heri coëna-  
 ui, nec coenaturus sum hodie, ac fortasse  
 nec cras coenauero. Vbi verò ad hæc ver-  
 ba Democritus? Tu, mi vir, tu epulis sa-  
 tur, tu ventre distento prandij escas nec-  
 dum vesperi decoxisti. Ita vno, aut alte-

ro forsitan die à ferotino pastu stomachus horret. & idcò credas magni momenti rem non esse, quadraginta diebus à carnibus, ab ouis, à cœna abstinere? nec stomachi rationem habere, sed præcepti; nec eligere dies, sed præscriptos, sed continuatos accipere? Neque tamen de onere querimur. *Suaue est Christi iugum.* Sed illa suauitas, atque facilitas, potius ab ope cœlesti est, quàm quòd ipsa res ardua per se non sit. *Non in solo pane uiuit homo, sed in omni verbo, quod procedit de ore Dei.*

Dicant porrò hi in Britannica aula, Ministri, qui tota Quadragesima, qui omnibus ferijs, carniū esu vescuntur, cibis nempe de regia mensa sublatis; Creduntnè si Constantini, si Theodosij tempore, ex Episcopis aut Sacerdotibus aliquos eadē licentia fregisset, nō hos statim excommunicationis gladio intemperatiæ poenas fuisse daturōs? Si hoc negant, ut in fide peruersi sunt, ita in historia ignaros esse oporteat. Nec cautio profuisset cuiusdam ex istis ridicula, qui feria sexta coqui carnes apud se quidem non vult; sed pistoria opera quæ in multos dies seruan-


tur, aut frigidas à pridiana cœna epulas;  
inferri mensæ finit; quasi coquis inducias  
Ecclesia, non abstinentiâ ventri indixerit.  
O insana commenta hæreseos!

De cæteris quæ ab Ecclesia imperan-  
tur eadem est ratio. Nam si Quadragesi-  
mam potuit nobis imponere: quidni &  
cætera? Si non Ecclesiæ est parendum, er-  
rauerunt omnium ætatum Christiani. Si  
parendum, nihil superest, nisi vt quæra-  
mus quid imperet.

Iam verò de altera bonorum ope-  
rum classe dicendum est; quæ  
ab Ecclesia laudantur,  
non iubentur.







## CAP. VI.

*De Religiosa Monachorum disciplina.*

*De Calibatu. De ceteris modis, quibus Catholici carnē domitant. Quàm multum in ijs evertendis Sectarij peccent.*



CATHOLICORVM pietas ultra imperata se tendens, vt Hieronymus ait, spontanea disciplina cupiditates animi, aut corporis licentiam frangit. Hinc Monachorum vota omni Ecclesiæ æuo laudata; hinc priuatorum studia, Dei iram, ieiunio, calibatu, cilicio deprecantium. Hæc omnia non placent Sectarijs; siue quò in Monasteriorum bona inuadant, siue vt omni austeritate deterfa, *animales homines* faciliiori arte deuinciant. Dicant portò quid in Monachis, quid in Religiosis, tamacri-

ter illos offenderit . An mores, an fides, an institutio denique ipsa , genusque viuendi ? Si dixerint , mores ; vt fateamur aliquos non ex præscripto vixisse ; at quot erant intemeratæ vitæ , quorum monasteria solo æquarunt , corpora in exilium , aut crucem egerunt ? Carthusianos numerem ? an Francisci de Paula discipulos ? Imò ex omnibus Ordinibus viri probati , viri sanctitate clarissimi . Si dicent, *fidem* in illis displicuisse, non propterea purga-uerint sacrilegij crimen . Esto enim ; mores ac fides displicuerint . At cur monasteria euerterunt , ac non potius immis- sis hominibus, quos moribus, ac fide purgata crederent, in melius restituerunt ? Dei cōsilio factum , ne hodie hæretici , vel ipsa specie, in seueram disciplinam se traderent : Adeò vt vel illis fatendum sit, deesse inter ipsos qui hac selectiori vita sint digni ( quales nullis antea seculis in Ecclesia defuerunt ) vel certè se non modò moribus ; fideiq ; Religiosorum , qui inter nos hodie viuunt ; sed & ipsi religiosæ vitæ esse iratos . Religiosam porrò vitam , monasticam , eremiticam ita celebrant prisca Patres , ita commendant antiqua

Con-

Concilia, vt vel hoc ipso certum fit à illorum Conciliorum, Patrumq; sententia deflexisse Sectarios.

At quàm frigide Sectarij se excusant! Aiunt superuacua ista nunc esse. Quippe flagranti tyrannorum sæuitia fugisse in deserta Christianos. Et hinc Monachis, Eremitisq; esse originem. Nunc in Ecclesiæ pace, quid opus eiusmodi secessione? Imò, Sectarie, quid hic opus vestra censura, quæ aut ignoratione constat, aut fraude? Non enim dubium, Christianorum aliquos metu tyrannidis deserta incoluisse; Sed & certum, plerosque Monachorum Authores ac Patres, nullo metu, sed tantum vt Deo syncerius fruerentur, abdicatis mundi curis ad vitam eiusmodi secessisse; Ideoque placidissimis Ecclesiæ rebus, aucti sub Constantino olim, cæterisq; Orthodoxis Principibus, Monachorum hi cœtus, & ab Ecclesia probati, à Patribus commendati. Celebris S. Basilij Magni Epistola, qua S. Gregorium Theologum ad eremum inuitat, num causam secedendi designat in tyrannorum sæuitia, in persecutionis periculis? Nihil minus. Aliæ illi causæ; fugere mundi illece-

lecebras, tumultum negotiorum, domesticæ rei curam.

Sed quoniam hi nostri Nouatores Augustinum venerari se iactitant; is magnus mihi hic author, quid de Religiosa ac Monastica vita censendum sit. Passim quidem, de Monachorum sanctitate ac laudibus; sed eximiè Lib. De Morib. Eccles. Cathol. Cap. XXXI. Ibi Monachos vocat, *perfectus Christianos*, ibi eorum instituta, ac vitam, laudibus in cælum attollit. At qui tunc nulla erat Tyrannorum in Christianos crudelitas. Plures tunc quàm hodie Orthodoxæ in Orbe Ecclesiæ. Christianorum Oriens, Christianorum Occidens erat. Nec dixeris, veteres fortasse tunc Monachos, qui in solitudine conuenissent, necessitatem quæ sub tyrannis fuerat, tandem mutauisse in naturam; & in eiusmodi vita sponte mansisse quam coacti essent ordiri. Non enim tantùm Monachos suo æuo restare, sed augeri prescribit Augustinus, signanterque *eorum multitudinem per totum Orbem in dies magis, magisq; diffundi*.

Audis, Sectarie? *Diffundebantur Augustini seculo monasteria, & diffundi lætaba-*

tabatur Augustinus ( nam hoc refert gratulabundus Ecclesiæ ) numeroq; hominum ita increfcere, vt in aliquibus *tria Monachorum millia essent*, in alijs etiam plura: Et difertè *per totum Orbem diffundi*. Non enim in folitudine tantum, fed in ipsis Prouinciæ visceribus, in media celebritate hominum, monasteria tunc extructa. Mediolanum in Italia, in Gallia Treuerim, Imperatorum Aula tunc haud rarò nobilitas vrbes, sub ipsa mœnia, monasteria habuisse idem ostendit. Lib. VIII. Confess. Cap. VI. Iamq; eo tempore, Monachos vocitatos esse *fratres*. Nam de Mediolanensi monasterio: *Et erat*, inquit, *Monasterium Mediolani, plenum bonis fratribus, extra vrbis mœnia, sub Ambrosio nutritore*. Quid putas, Sectarie? An illi Monachi, vt laterent, ac *persecutionem* fugerent, conueeniebant publicè, in pacatis, in clarissimis vrbibus, in mortalium summa frequentia? An desertum Mediolani erat? An Magistratum oculos fugiebant, qui sub ipsa mœnia, domo ad hoc extructa, publicè multi simul, publicè ab Episcopo alimenta expectabant? Si mos ille monasterio-

rum pius ac sanctus; vos impij vos profani, qui bellum huic disciplinæ indicitis. Sin hoc malum, aut certè superfluum, quàm erat negligentia Christianorum, grandis; parum dico; quantum crimen, Ecclesiæ, quæ id patiebatur, imò fouebat, imò laudabat? Et est tamen illa Ecclesia, quam Caluinus carpere erubescit, nempe quam intra quatuor prima secula matrem suam Christiani crediderunt. Neque parum, si sani vos estis, Augustinus infanijt, qui hos homines, atque vitam, impensè laudauit: Aded vt de duobus Aulicis ad monasticam disciplinam subito feruore tendentibus dicat. Lib. VIII. Confess. Cap. VI. *Et ambobus iam tui, Christe, edificabant turrim sumptu idoneo relinquendi omnia sua, & sequendi te.* Vides, ex Augustini sententia, illos qui nec persecutione urgente, nec turbatis Ecclesiæ temporibus, sese bonis exuerint, monasteriumq; petierint, in illis numerari, qui cum Petro dicere possunt; *Ecce nos reliquimus omnia, & sequuti sumus te.* Matthæi XIX.

Neque ea ætate Monachi tantum; sed etiam Moniales. Narrat hoc Augustinus illo

illo Cap. XXXI. De Morib. Eccl. Cathol. qui vita Monachorum fusè descripta, sic addit. *Hæc est etiam vita sceminarum, Deo sollicitè, castèq; seruientium, quæ habitaculis segregatæ, ac remotæ à viris quàm longissimè deçet, pia tantùm illis charitate iunguntur, & imitatione virtutis; ad quas iuuenum nullus accessus est, neque ipsorum quamuis grauissimorum, & probatissimorum senum, nisi usque ad vestibulum, necessaria præbendi, quibus indigent, gratia. &c.* Subiungit hæc deinde in Monachorum, & Monialium laudem. *Hos mores, hanc vitam, hunc ordinem, hoc institutum, si laudare velim, neque dignè valeo, & vereor ne iudicare videar per seipsum tantummodò expositum placere non posse, si super narrationis simplicitatem, cothurnum etiam laudatoris addendum putauero.*

Superuacui plures in re liquida testes. Nihil enim frequentius in Ambrosio, Hieronymo, Basilio, Chrysostomo, ac reliquis Patrum libris, quàm Monachorum meminisse, & eos celebrare. Et Monachi quidem vt nunc, ita etiam illo auo, à cæteris Christianis longè victu diuersi, adeò vt ple-



ut plerique, & in Palæstina maximè, ( ut refert ibidem Augustino ) à *carnibus ac vino* abstinerent; plures se in vnius disciplinam traderent; paupertati studerent. Prolixè hoc plurimi Patres; Ac ne ab Augustino abeas, is fusè hæc omnia, capite illo XXXI. de Mor. Eccl. Cath. Neque minus Hieronymus, tum passim, tum egregiè in vita Hilarionis, vbi in monasticæ vitæ laudem effunditur.

Ac ut diuersus à secularibus victus, ita & vestis. Nam & *cucullam*, quam hodie in Monachis tanta intemperie rident hæretici, suo iam seculo in Monachis agnouit Hieronymus; qui signatè in extrema Hilarionis vita de ipsius *cuculla* meminit. Atqui vixit Hilarion plus mille trecentis ante nos annis. Verba sunt. *Hesychius*, corpus Hilarionis, Cypro *Maiomam deferens*, totis Monachorum & oppidorum turbis prosequentibus, in antiquo Monasterio condidit, illasa tunica, cuculla, & palliolo, & toto corpore quasi adhuc viueret, integro, tantisq; fragrante odoribus, ut delibutum unguentis crederetur.

Dicant ergo Scetarij, quo æuo non  
am-



amplius licuerit, aut decuerit, Monachos esse. Viuebant, nec modò ferebantur, sed in pretio erant, pura adhuc, vt vocatis Ecclesia, sub Basilio, Hieronymo, Augustino. Ab ea ætate scitis nullum æuum vacauisse à Monachis. Cur nunc eiusmodi disciplina Ecclesiam vultis orbari, quæ tot seculis floruit, tantos authores, tot laudatores habet? præsertim cùm quæ in illis potissimum carpitis, nempe à cibis aliquot abstinentiam, sanctumque cælibatum, ea imprimis ab antiqua commendentur Ecclesia. Ab Augustino suprà re-  
tulimus; Palæstinæ Monachos tam vino, quàm carnibus abstinuisse. Addit ante vesperam nihil solitos degustare. Hilarionem Hieronymus narrat solis frugibus fuisse contentum, & in miram abstinentiam Monachos instituisse. De Antonio eumq; sequutis non inferiora in Antonij vita Athanasius refert. Nec reponant Sectarij, hoc sibi in monasterijs displicere, quòd astringantur Monachi votis; & qui inde recedunt censeantur Apostatæ. Id enim & illo puro Augustini æuo obtinuit. Ita ille in Psalm. LXXV. *Nemo pos-  
sit in monasterio frater dicat, recedo de*

*monasterio; neque enim soli qui sunt in monasterio peruenturi sunt ad regnum cælorum; & illi, qui ibi non sunt, ad Deum non pertinent. Respondetur ei; sed illi non vouerunt; tu vouisti.*

Sed ne nihil in Monachos, & Catholicorum ieiunia, Sæctarij dicant; aiunt esse flagitiũ à *cibis* religiosè abstinere; quandoquidem *quod per os intrat, non coinquinat hominem*. Vel ignororum est illa obiectio; vel ignorare volentium. Neque enim ciborum vllum genus vt impurum, aut illicitum, refugiunt Christiani. Sciunt animalia omnia, fruges omnes, olera, fructus, in vsum ac cibum concessa mortalibus. Sed vt Deus his vti concessit, ita non iussit. Qui non crediderit *cibis* omnibus vesci licere, ille peccat; non autem qui non omnibus vesci ipse voluerit. Nec si medicus imperet ægro ad corporis bonum, à cibo abstinere, ideo cibum damnet. Nec si velim, aut iubeam, ad commodum animæ meæ, frugali, aut inopi mensa vesci, ideo in *cibis*, aut esu, vitium constituam, sed potius in me. Nam cibo quem ex se bonum scio, non vtor, vel in meorum criminum pœnam, vt scilicet

*ea bo-*

*ea bonitate, & delectatione, me priuem:*  
 vel in metum; ne nempe eam epularum  
*bonitatem* malitia lasciuiantis carnis meæ  
 corrumpat. Et hæc causa; vt vel Eccle-  
 sia, ab aliquot cibis abstinentiam inter-  
 dum indicat, ad castam ac publicam di-  
 sciplinam; vel homines ipsi priuati sibi  
 sponte abstinentiæ leges ea modestia sta-  
 tuant, vt *qui non manducat manducantem*  
*non iudicet.* Rom. XIV.

Et his quidem qui in hanc abstinen-  
 tiam, atque ieiunia, priuata pietate se-  
 dederint, libertas est ab ea austeritate re-  
 cedere, nisi se huic pœnitentiæ generi  
 voto emisso addixerint. Tunc enim quæ  
 libertatis res antea erat, necessitatis fit;  
 religione vouendi. *Vouete, & reddite Do-*  
*mino Deo vestro.* Psalm. LXXV. Igitur  
 contra interdictum Ecclesiæ, aut voti ra-  
 tionem, cibis vtentes; non ciborum vitio  
 polluuntur, sed intemperanti licentia, qua  
 aut à præcepto Ecclesiæ, aut à voto reces-  
 serint. Nisi fortè ex suilla existimas ma-  
 culari potuisse animas Iudæorum, ac non  
 potius ex violata Dei lege, esu suillæ.

De castitatis voto, quod in Monachis  
 carpunt hæretici, iam egimus suprà (Lib.

I. Cap. II.) Illud enim non licitum modò, sed sanctum, & à quo sine sacrilegio resili-  
 liri non possit, docuit omnis æui Ecclesia.  
 Neque existimes tantum Monachorum  
 numerum in eo candore durare non pos-  
 se. Monachorum penè immensos greges  
 sua ætate floruisse testis est Augustinus,  
 Lib. De Mor. Eccles. Cathol. Et hos ait,  
*contemptis, atque desertis mundi huius il-  
 lecebris, in communem vitam castissimam,  
 sanctissimamq; congregari.* Hodie nume-  
 rum superant eodem vitæ candore exi-  
 mij: vt si qui inter illos fœdè lasciuiunt,  
 fegnici ei primum suæ, moxq; vecordiæ  
 imputare debeant crimen; non Ecclesiæ,  
 non naturæ, non voto. Sed hoc non ca-  
 pitis nempe Sectarij, nec cogere vos ip-  
 sos assueti, & ignari quas suggerat Deus  
 vires syncerè pietatem amantibus.

At putatis iniurium, tot homines con-  
 tinentiæ voto astringi. Cur autem? an  
 quòd ipsimet nolunt? atqui ad eiusmodi  
 votum nemo compellitur. An quòd non  
 possunt? Illud verò ridiculum, vt non  
 possint animæ quæ se Deo dediderint,  
 quod in omnibus familijs filias vestras fa-  
 cere vultis. Certè enim ad nuptiarum  
 tem,

tempus continentiam præscribitis. Num autem quod præscribitis exequi illæ possunt? Si non possunt, frustra iubetis, frustra sæuitis, vbi vos inopinò auos fecerunt. Si possunt, peto quamdiu possint. Multis enim non maturè proci sunt; multæ vigesimo, multæ tricesimo ætatis anno innuptæ; haud paucæ diutius absque coniuge consenescent. Quòd si illæ ad tantum ætatis virgines esse, & decoquere innoxie primorum annorum cupiditates possunt, & hoc non suo quidem consilio, aut in voluptates obstinatione ac pugna, sed sola fortuna, parentumvè arbitrio, nunquid & diutius potuissent, si necdum ipsis maritus contigisset? quid si expectandum fuisset biennium? quid si triennium? quid si de conditionibus non conuenisset inter patrem ac sponsum? Quæ porrò amentia, vt innumeras virgines credas maximam vitæ partem, & maximè ignibus carnis infestam, intemperate flore posse transigere, non cohibitas claustris, non per assidua ieiunia corpus exhaurientes, sed inter medios seculi fluctus, in assiduís humanæ fragilitatis periculis; Viros autem, ac puellas, Deo in-

tegrum animum atque corpus offerre, volentes, inter assiduas preces, vitæq; seueritatem, non hoc ipsum omni vita posse præstare? Consuetudine constat hæc virtus. multoq; plus operis à libidine réuocari, quàm non omnino ad illam descendere.

Neque soli Monachi cælibes; sed & sacris initiati Ordinibus; vt quàm maxima potest inter homines puritate, purissima peragantur mysteria. Et *supererogationis* quidē est, aut monasticæ vitæ professionē ad Sacerdotiū accedere; sed præcepti, vbi ad ea accesseris, voto parere. Ita à prisca institutum Ecclesia; ita prisce Ecclesiæ successores obseruamus. Negant tamen Sectarij, vetustis temporibus coniugio Præbyteris interdictum. Audent quidam ad Gregorium VII. Calistumq; II. rem referre; id est, ad annum circiter millesimum, atque centesimum; quasi hi primi mulieres à contubernio Clericorum amouerint. Tuentur se consuetudine Græcæ Ecclesiæ, in qua coniugio Sacerdotes non abstinent. At refero, ne in Græca quidem Ecclesia tantam esse ac isti prædicant coniugij libertatem. Nam  
qui

qui in secundis nuptijs viuit, huic Sacerdotio interdictum ; Qui prius Sacerdos fuerit quàm maritus, ei ad nuptias prouocare non licitum ; Cui Sacerdoti vxor obierit, is aliam matrem familias domum ducere prohibetur. Sed nec olim ea libertas fuit quam hodie isti vsurpant, vt qui maritus est, Sacerdos fieri possit, nec ab vxoris thoro recedere. Viguit antiquissimis temporibus coelibatus, multis antè Gregorium seculis, multis antè Calistum. Arelatensi Concilio, quod mille ducentis annis præcessit hanc ætatem, Can. I. dicitur, *Assumi aliquem ad Sacerdotium non posse in vinculo coniugij constitutum, nisi fuerit promissa conuersio*. Est autem illa conuersio, continentia ab vxore ; & conuersio quidem non mali in bonum (absit enim de coniugio malè senserint Patres) sed boni in melius ; conuersio denique à temporali matrimonio ad spirituale coniugium. Epiphanius, Hæresi. LIX. scribit, ijs locis, vbi syncerè Canones vigent, non Hypodiaconum, non Diaconum, non Presbyterum, Episcopumvè constitui, qui cum vxore viuat, sed aut illum qui vxorem



omnino non habuit, vel saltem iam non habet. Hieronymus, Lib. I. in Iovinianum. *Sed & ipsa Episcopalis electio mecum facit. Non enim dicit Apostolus; eligatur Episcopus, qui unam ducat uxorem, & filios faciat: sed qui unam habuerit uxorem, & filios in omni subditis disciplina. Certè confiteris, non posse esse Episcopum, qui in Episcopatu filios faciat. Alioquin, si deprehensus fuerit, non quasi vir tenebitur, sed quasi adulter damnabitur.*

Non nuptias ergo damnamus, non à cibis abhorremus. Sed ab antiquæ disciplina Ecclesiæ; ieiunio statos dies peragimus, homines non alios ad Sacrorum Ordinum dignitatem admittimus, quàm vacuos coniugij curis: Vota quæ Religiosi, ac Monachi vtrò fundunt, inuiolabilia esse iubemus. Vos, ò nefas! cuncta confunditis. *Vota, quæ distinxerunt labia Sacerdotis ac Monachi, apud vos non temerè modò, sed cum plausu violantur; Præcepta Ecclesiæ, quæ antiquissimi Patres rata esse scripserunt, quæ iam à primis seculis credidere Christiani absque peccato non posse calcari, nihil*  
dissi-



diffimulato fastu proijcitis.

Sed & alia seueritatis *opera* passim cernas in vsu fidelium, frequentiora nempe ieiunia, orandi, Deoq; vacandi sedulitatem, cilicij durum tegmen, sponte verbera, crebrò vigilias; ac quod maxime cupiditatibus frangendis est, quicquid auidissimè animus expetit, hoc illi negari, vt parere discat ac flecti. Scio hæc omnia cum delectu vsurpanda; immodici feruoris Christianum, posse interdum stupore digniora quàm laude præstare. At nec vinum damnaueris, quamquam eo nonnulli abutuntur ad crapulam; nec pecuniæ vsum, quæ interdum amore sui captos à frugalitate in auaritiam deducit. Non à truncò excindendæ res bonæ, sed quæ in ramis fortè luxuriant. Sed neque delicato corpori est credendum, quod sæpius abit à iusta disciplina, quàm animus ad nimiam seueritatem.

At austeritatis hos cultus, ludicros aut superuacuos forsitan tibi finges. Nā quid tantum peccaui, inquires, quod debeat tam acerbè vindicari? cur me concessis delicijs orbauerim? cur in mala

quæ fas est declinare sponte irruerim? Imò quantum peccaueris, Sectarie, forsitan ignoras; etiam ut tuos in fide errores omiserim. Dicant omnes cum Psalmista. *Ab occultis meis munda me Domine.* Et cum Ecclesiastico, *De propitiato peccato noli esse sine metu.* Sed hæc etiam ipsa quorum tibi es conscius, an tantilla existimes, ut pigendum sit ea diligenter eluere? Nunquam virginem, aut matronam, aspexisti *ad concupiscendam eam*? Nunquam proximi tui crimen quod latebat, ad amicos inuidiosa, aut temeraria garrulitate retulisti? Nunquam inuidia, nunquam odium, in te locum inuenit? Nunquam iratus fratrem tuum fatui appellatione læsisti, & per hoc *ignis gehennam* meruisti? O te angelum, si hæc, cæteraq; delicta, quæ mortem animæ afferunt, mirabili cautione effugeris! Sin in aliquod lapsus es aliquando Sectarie (& ne dubites quin in multis lapsus) nihil nimium ages, etiam si austeram, longamq; medicinam huic morbo quæsieris. Sanctiores denique, ac prudentiores quàm tu sis viri, omni pœnitentiæ genere & animum exercuerunt  
& cor-

& corpus ; vt pudendum sit potius quòd tu homuncio minus his præstes , quàm superbè credendum nimis te tibi vilem , si aliqua seueritate te domites . Augustinum hìc referam , an Basilium , an Hieronymum , an alium ex antiquis , quorum omnis propemodum vita supplicium fuit ? quorum historiam ab æqualibus scriptam nostra ignauia timet agnoscere ? Antonius , Hilarion , Symeon , te dederint in ruborem , si in eorum integritatem , & viuendi morem inspexeris . Res fidem superaret , nisi tantis sub testibus ; & Athanasius de Antonio scripsisset , & de Hilarione Hieronymus , & de Symeone penè quotquot historiam Ecclesiasticam texuere . Recentiora non tango , ne sanctissima exempla præiudicio seculorum quæ tibi non placènt contempseris .

Aiunt tamè quidam ex vestris , inertix suæ fauentes , risurum hæc opera Deum , & fastidiosè mortales , *quis hæc de eorum manibus requisierit* , rogaturum . Væ scilicet seculis primis , quæ vòs non tulere , Sèctarij , vt de hoc tot Patres moneretur ; tot hominum greges , hos in desertis , hos in vrbibus , illos in seculo , illos in

Cle-

Clero, omni feueritatis genere eò corpori suo plura negantes, quo animæ melius voluere. Haud dubiè interrogabit eam ratione qua dicitis Christus, non illos qui suscepto officio functi, aut pietate admoniti, hic in se peccata vlti sunt, ne illic plecterentur; Sed fœdos Apostatas, qui à Sacerdotio, aut Monasterio, ad vos digressi sunt, & *irrita vota fecerunt*, incestu polluti; quod matrimonium vocant, & cæteris rebus quarum abstinentiam antè promiserant. Vt Apostolus Petrus olim Ananiæ, *nonne ager manens tibi manebat, & venundatum in tua erat potestate? Non es mentitus hominibus; sed Deo*. Ita Dominus ad illos sacre militiæ desertores. Nonne ius matrimonij, nonne copia vobis erat? nonne communi lege cibis omnibus absque delectu vesci; & vestro arbitrio viuere potuistis? Quis vos adegit vt voto concepto vestra corpora consecraretis? quis, vt in alterius potestatem concederetis? vt promitteretis, mihi per quotidiani pensu orationes loqui? *In manu vestra eratis*, soluti, liberi; At posteaquam illa vouistis; quæ audaciâ, quod sacrilegium fuit, meo


meo iure fraudare ? Non estis mentiti hominibus, sed Deo. Procul à me operarum iniquitatis.

Neque verò inter illa seueritatis genera, inter coërcitæ mentis, carnisvè disciplinam, odimus corpus nostrum, aut Deum effingimus naturæ nostræ hostem. Non hæc amat corporibus, animisvè indicta supplicia, nisi cum aut sunt verè dolentis de peccato animi, & Deum à se læsum in se etiam vindicantis; aut melioris in posterum vitæ quæsitæ auxilia. Hoc apud Isaiam fusè testatur. Cap. LVIII. Sed est eximia ipsius benignitas, qui peccatoribus placari assuevit, leuissimâ mulcta contentus. In eum modum indulget Niniuitis; in eum modum Sancti Prophetæ à se, ac populo, diuinam vltionem auertunt.

Sed & ingens præterea istiusmodi seueritatis vtilitas. Ea nempe eruiamus animum terræ hærentem, & subinde ad Dei memoriam redimus, cuius nimia in prosperis obliuio est. Ita excitamur à deliciarum, & voluptatum somno, per quem Dæmon, vt plurimum irrepit. Tum domitam carnem, & cum illa voluntatem, habet-

habemus in vinculis. Illam ad obsequium assuefacimus, hanc ad rectum imperium. Sic stamus in procinctu, sic hostem expectamus, si quid molle persuaferit, non impetraturum ab illis, qui sibi ipsis solent rigida imperare. Ac deinde stimulis vltro quietem, & bona terrarum acri mixtura rūpentibus, paulatim *morimur mundo*, ad thesaurum in cælis collocandum, illicq; transmittendum iam nunc animum, qui à thesauro suo abesse non potest. Cui in tantum præmium laborare ægrè erit, is indignus labore tam foecundo, forsitan in grandioribus, atque sterilibus ad illum suspirabit.

At nec credas non hinc plura quàm reliqueris à Deo rependi, cælesti dulcedine, internoq; colloquio, & in eos dispensata vberius Angelorum lætitia, qui à brutis magis abscefferint. Quisquis aliquid pro Christo reliquerit, *accipiet centies tantum nunc in tempore hoc, & in seculo futuro vitam æternam.* Marc. X. Et experimento compertum est, solida in Deo solatia tunc maximè insinuari cum à voluptatibus absumus, & inter mortaliū bonorum dulcedinem expirare.



# C A P . VII.

*De intercessione Sanctorum. De ve-  
neratione Reliquiarum,  
De Miraculis,*

**V**NA est, eademq; Dei Ec-  
clesia, & quæ in cælo vi-  
ctoriæ bonis incumbit; &  
quæ adhuc in terris iacta-  
tur mundi æstu; & quæ de-  
nique soluta periculis, at nondum sup-  
plicijs, purgantibus pœnis eluitur. In  
charitate autem est tota, cùm sit in Deo.  
Et charitatis est, vt inferiores de subli-  
miorum bono gaudeant; sublimiores in-  
ferioribus qua possunt ope adsint. Nos  
itaque fratribus nostris, qui iam in cælo,  
quem licet cultum habemus, ab ijsque  
vicissim suffragij opem petimus, & sæpe  
sentimus. Ijs autem qui adesse sibi non  
possunt, in purgatorij carcerẽ missi, opem  
feri-

ferimus ; precibus apud communem Patrem fufis , cui hæc fratrum placet in ipfo , & inter fe neceffitudo . Sed hos nexuſ volunt abſcindi Sectarij . Sanctos ſua curare gaudia aiunt ; certè ſupplicum votis nec patere , nec laceſſi . Ac præterea quantum opis ab eorum ſuffragijs expectamus , tantū nos Chriſto adimere . Cæterum ſupplicia nulla eſſe , qualia cum antiquiſſimis Patribus credimus , quibus Electi , ſed nondum ad amuſſim candidi , poſt mortem defæcantur . Paucis hæc omnia in illos aſſerenda .

Morem habet ab antiquiſſimis ſeculis Orthodoxa Eccleſia , ut beatos Spiritus , & Martyres ſanctos , ac quos præterea miraculorum maieſtate conſtiterit cælo , ac Deo frui , pro nobis ad Dominum orare efflagitet . Quid hîc damnatis , Sectarij ? Hoc , inquitis , Scripturæ non vos docent . Si reponam , nec Scripturas hoc vetare , quò ultra tendetis ? Quidni potius credam , rem licere quæ non Scripturis prohibetur , & ab Eccleſia uſurpatur ; quàm vetari , quia expreſſè Scripturis nõ iubetur ? Sed neque curamus hac excuſatione nos regere . Scripturis enim in-

niti-



nitimur, quibus passim mutua oratio inter fideles præcipitur, quibus passim viri sancti orationes fratrum efflagitant. Ita, inquires; sed viui, & viuorum. Da porro hoc discrimen in Scripturis, Sectarie, & causa ceciderim, ut fas sit viri sancti & viuentis, precibus pacem Numinis exorare, mortui nefas. Imò mortuus erat Moyses, Samuelque, cum Deus indicaret solitos illos orare pro Iudæis, Hierem. XV. Mortuus Hieremias, cum reuelatum est Iude, illum assidue pro populo, ac templo orare. II. Machab. XV.

At, inquires, *mediator* vnus est Christus inter Deum & homines. quid tot mediatores, tot pro nobis oratores effingitis? Vix vllum pinguioris Mineruæ argumentum; ut sit mirum quòd hoc toties velitis audiri. Vnus est Christus, quo *mediante* data est salus, qui Patri æterno reconciliauit mortalitatem. Sed *mediatores intercessionis* (quales nos Sanctos esse statuimus) nec ipsi negatis tot esse, quot fideles existunt. Nonne enim vnus alterius preces exposcitis? & nonne is cuius vota optantur, ita vobis mediator, ac Sancti sunt nobis? Quid igitur inclamatis

matis iniuriam Christo fieri, quid merita Christi censeri à nobis inualida? Eò res redit, num cuius licuit intercessionem petere adhuc viventis in mundo, preces eiusdem peti possint iam victoris in cælo. Hæc est scilicet grandis iniuria qua Christum afficimus, hæc nostra impietas, nostra *de Christi Passione* obliuio.

Sed referes; non audiri à Sanctis supplices, non videri: Superuacuum procul absentibus esse sermonem. Si hoc esset, Sectarie, superflui fortè laboris, non tamen impietatis accusaremur Catholici, qui orari quidem dignis ferremus has preces; sed frustrà, cùm illi orari se nescirent. At contrarium & Scripturis habemus, & Patribus, & vsu Ecclesiæ. Hierem. XV. *Si steterint*, inquit Dominus, *Moyse, & Samuel coram me, non est anima mea ad populum istum.* Quàm autem hoc frustra, nisi tunc sæpe Moyse & Samuel coram illo stetissent, & ex rerum ac temporum sorte pro Iudæis interpellare assueuissent? Omitto, quòd liquidissimis verbis dicitur. II. Machab. Cap. XV. Hieremiam ac Oniam, mortuos tunc utique viros,

viros, orare pro omni populo Iudaeorum. Et tota Apocalypsi refertur Angelos, atque Sanctos, in ista terrestria Dei virtute inspicere. Sed & Raphaël cū affisteret Deo ( Tob. XII. ) orationes Tobiae Domino offerebat; ergo & eas proculdubio audiebat.

Num denique plus in hac re te sapere credas, quàm venerandæ antiquitatis Ecclesiam? En morem, ac doctrinam illius, Ambrosij, & Augustini ævo. Ambrosius, Lib. De Viduis, *Obsecrandi sunt Angeli, qui nobis ad præsidium dati sunt, Martyres obsecrandi, quorum videmur nobis quoddam corporis pignore patrociniū vendicare. possunt pro peccatis rogare nostris, qui proprio sanguine etiam si quæ habuerunt peccata lauerunt. Isti enim sunt Dei Martyres, nostri præsules, speculatores vitæ, actuumq; nostrorum. Non erubescamus eos intercessores nostræ infirmitatis adhibere, quia ipsi infirmitatem corporis, etiam cū vincerent cognouerunt.* Augustinus, De cura pro mortuis. Cap. IV. *Cū itaque recolimus ubi sepultum sit charissimi corpus, & occurrit locus nomine Martyris venerabi-*

lis, eidem Martyri animam dilectam commendat recordantis & precantis affectus, qui cum defunctis à fidelibus charissimis exhibetur, eum prodesse non dubium est ijs, qui cum in corpore viuerent, talia sibi post hanc vitam prodesse meruerunt. Nulla hìc exclamatio, nulla apostrophe. Syncerè, apertè, hi Patres suos, & Ecclesiæ sensus exponunt.

Serenissimi Britanniarum Regis *Eleemosynarium* hìc alloqui lubet. Illi Rex credit; alij multi credunt. & toties in culpa est, quoties alios in culpa esse facit. Videat porrò quanto errore negauerit, Augustino placere, vt Martyres inuocentur. In Respons. Ad Apolog. Illustriss. Card. Bellarmini Cap. I. sic loquitur. *Augustino autem assentimur conuenienter honorandum corpus Protomartyris, postquam ad illud, miracula quedam Deo visum operari. Sed ea tamen miracula per inuocationem Sanctorum operatum esse, id Cardinalis adiecit de suo. Nam Augustino Martyres non inuocantur. Imò inuocantur Martyres Augustino; nisi ipsi Augustino non credimus. Nam quid illa sententia apertius.*

*non dubium esse, quin defunctis pro sit affectus fidelium cum eorum animas commendant Martyribus ? Quid Regi, quid tibi aliud persuades ? Inuoco Martyres, quos non vis inuocari ; inuoco lubens ac veneror, vt à Domino tibi hanc impetrent quam respuis fidem ; nec ante supremâ caligo oculos tuos velet, quàm in Ecclesiæ luce Sectarum tenebras eiuraris.*

Sed iubemur in Scripturis ire ad Deū. Cur igitur eamus ad Sanctos ? O recentem sapientiam ! An hoc ipsum ignorauit Ecclesia ? an nescierunt Patres ? Imò monemur orationibus bonorum nos maximè posse iuuari ; & cum imus ad Sanctos, imus ad Deum. Absit enim aliquid à Sanctis expectemus, nisi quod ipsi pro nobis impetrarint à Domino. Ex se nil possunt. Ab ijs nihil petimus, nisi suffragia. Sed quidni impetrabilior ad Deū orator sit Petrus & Paulus, vitæ candore inclyti, & purpura mortis, quàm aut tu, aut ego, homuncio, peccatis quotidie nouis reus ?

Quid de Angelo dicam, quem vniciue Deus custodem apposuit ? Tanti roboris comitem, tanti splendoris, insalutatum velis ? Huic non te sponte com-

mendes, cui es à Deo commendatus? Sed eiusmodi scilicet Spiritus nobis adesse, quidam ex vobis negant, quidam ignorant. Vidi ego prouectæ ætatis Sectarium, acrem illum, & in nos quotidianis studijs æstuantem, qui negaret vnquam se antea inaudisse, *Papistis* persuasum, Angelum esse aliquem destinatum ad custodiam singulorum. Nec dubium, inquit, quin commento eiusmodi sit origo, à domesticis dijs, laribusq; gentiliū. Abstine maledicta, Sectarie. Ex Scripturis illa fides, non gentium nugis. Nam & populis, atque prouincijs, Angelos suos esse, qui res earum curent, habes in Daniele, Cap. X. vbi & *Michaël* dicitur Princeps populi Iudæorum; & Angelus alius Princeps esse Persarum, aliusque Græcorum. Et singulis hominibus eiusmodi spiritus dari docemur apud Matth. Cap. XVIII. *Videte ne contemnatis vnum ex his pusillis: dico enim vobis quia Angeli eorum in calis semper vident faciem Patris mei qui in calis est.* In quem locum Hieronymus, Commēt. in Matth. *Magna dignitas animarum, ut vnaqueque habeat ab ortu natiuitatis in custodiā sui*

*fui Angelum delegatum . Idem, De obitu Paulæ . Testor Iesum, & Sanctos eius, ipsumq; proprium Angelum, qui custos fuit, & comes admirabilis fœmina, me nihil in gratiam, nihil more blandientium loquit .*

Sed de veneratione, cultuq; querimini, quem Sanctis adhibemus . quia, inquit, solus Deus adorandus . & Paulus ad Coloss. II. prohibet seduci Christianos, *in humilitate, & religione Angelorum* . Angelus denique, qui Apocalypsis visionem Ioanni monstrabat, se ab eo adorari non tulit. Hæc, Sæctarij, in ore vestro frequentia, sæpe quoque à nostris soluta sunt. *Adorare*, dubiæ significationis verbum est . Quædam adoratio debita soli Deo; Hac qui hominem, qui Angelum, qui Sanctum impertiat, nunquam idololatriæ crimen effugerit . Alia adoratio, cultus est minoris ad maiorem, quem tamen neque Deum censeas, neque eo nomine venereris . Hac Principes, Reges, Angeli, Sancti omnes, pro gradu, ac dignitate colendi sunt; hi, vt Dei imagines in terris; illi, vt Dei in cælo domestici . Et ne dubites *adorandi* vocabulum, etiam

ad honores qui deferri Creaturis legitime possunt, traductum in Scripturis, de Abrahamo habes, Genes. XXIII. *Surrexit Abraham, & adorauit populum terræ, filios videlicet Heth.* De Nathan Propheta dicitur. III. Reg. Cap. I. *Cumq; intrasset in conspectu Regis, & adorasset eum pronus in terram.*

Ad Apostoli verba, *humilitatem, & religionem Angelorum* prohibentis, pridē respondit Chrysostomus, Hom. VII. in Epist. ad Coloss. illic hæresim prohiberi, Angelos in dijs minoribus referentem, quasi per illos oporteat, non per Christum, reconciliari, & ad Patrem accedere. Quæ hæresis Simoni illi Mago ab antiquis ascripta est.

Nec segnius argumento, quod ex Apocalypsi habetis, respondit Augustinus. Quæst. LXI. in Genes. ex maiestate verborum, quibus Angelus ille usus. (Nam & ex persona Christi dixerat. Cap. I. *Ego sum primus & nouissimus, &c.*) existimasse Ioannem, sibi Christum, non Angelum loqui. Angelum igitur vetuisse, ne Ioannes honorem debitum Christo, sibi deferret. Exponunt alij, & ipsi summi viri,

non



non errasse Ioannem Angelum adorando: sed Angelum noluisse hunc honorem sibi haberi à Ioanne, qui Apostolus, qui Propheta, qui Christo charissimus; ut vtrique sancta humilitas fuerit, & deferentis, & recusantis cultum. Id verò & probare facile, nec arduum credi. An enim Ioannes ignorabat, vnum Deum, & non Angelum adorandum cultu latriæ? An ignorabat qua veneratione Angeli prolequendi? Christi Apostolus, à Christo amatus, qui supra pectus Domini in cœna postrema ipsius diuinitatis mysteria est edoctus, cui Mater Domini in matrem commendata, qui eo tempore quo illi in Pathmo Apocalypseos reuelata mysteria, sexaginta & amplius annis per Orbem Euangelium prædicarat? Putasne ante id temporis nescisse Christianos, an, aut qua ratione colendi Angeli essent; aut hoc ipsum nesciisse Apostolum, cui credebant Christiani, docenti, loquenti, Euangelium perscribenti?

Si itaque cultum latriæ Angelo Ioannes defererebat, proculdubio non Angelum esse, sed Dominum esse credebatur. Sin Angelum esse cognouerit, sanè nec cul-

tum patriæ impendebat, & fas est Angelos eo cultu prosequi quo tunc ille prosequutus. Sit enim ridiculum, si dicas non antea Dominum reuelasse Christianis, quis Angelis honos habendus, quàm tempore illo demum, cum iam martyrio sublati omnes Apostoli, vno Ioanne superstitite. Sed quod absurdissimum est demus, Ioannem Apostolum ignorasse, quod nullum Christianum eo tempore ignorasse oportuit, nempe quæ veneratio Angelis exhibenda; At satis fuisset illum saltem de ea re semel edoceri ab Angelo. Atqui iteratò idem aggressus est. Nam cum adoraturus procumberet, Cap. XIX. recusauit his verbis Angelus. *Vide ne feceris, conseruus tuus sum.* Nihil minus Cap. XXI. ad eum adorandum, rursus Ioannes procubuit, & eadem ab Angelo verba audiuit. Adeonè Ioannes legis Christi nescius erat? adeonè quod paulò ante ab Angelo didicerat credas oblitum? Imò iterata hæc Ioannis demissio ad Angeli pedes (quæcunque Angelo causa fuerit hanc obseruantiam recusandi) satis ostendit, Domino non ingratam in ipsius nuncios, amicosque

venerationis pietatem.

Nos itaque cum Ecclesia, atque Psalmista, concinimus, *Mibi autem nimis honorificati sunt amici tui Deus*. Felicitatem eorum admiramur, opem exposcimus. Tu verò Sectarie, si tibi Martyr sanctus, aut ex Prophetarum ordine, vel Angelorum choris aliquis, obuiam esset, si illum videres, si illi loquereris, quis vultus, quæ verba, aut gestus tibi essent? Nam ut neges eos iam occursum obuenire, at nunquam negaueris, si Deus voluerit, posse contingere. Num tu cum eiusmodi spiritu, ut cum pari ageres? an illi potius honorē haberes, id est, quo sensu hic loquimur *adorares*? Certè enim qui humana magnitudine sæpe percelleris, illud fastigiū omni mortalitatis honore sublimius non posses non colere. Cur igitur non liceat honorem illis habere, quos et si non videmus, at esse tamen scimus, & esse felices, Deo iunctos, Dei amicos, intutissima immortalitate triumphantes? Cur nefas sit eo in illos quos non videmus animo esse, quo fas sit in illos quos videmus?

Nec animabus modò felicitum detrahic  
cultum

cultum vultis, sed & eorum corporibus bellum indicitis. Horreo eloqui, quot Sanctorum Reliquias vento, flumini, igni dederitis; quoties veluti in ludibrium, membra seruata, de auro, de gemmis, quibus condita erant, ad contumelias eruiſtis. Ingemiscet de iactura posteritas; nos erubescimus ad seculi nostri labem. Nam quò illa impietas, nisi quòd Dæmones qui hæresim excitarunt, Reliquiarum sanctitatē ad quas sæpe vexati sunt, non minus odere, quàm Antiochenus Apollo Babilæ Martyris ossa, in quorum vicinia oracula edere vetabatur?

Audio quid dicatis; non potuisse compesci idololatriam nostram, nisi ruina, eorum quæ à nobis colebantur. Videamus quæ hæc idololatria fuerit, tam tristi remedio refecanda, aut quid à nobis in Reliquiarum cultum, supra antiquissimæ morem Ecclesiæ. Sanctorum Reliquiæ si à sede aliqua deferuntur in aliam, psalmis, ac canticis compita celebramus; res peragitur concursu populi, veneratione cernentium. Sudaria nostra, ac vestes, sedula pietate applicamus, ad vasa, vel feretrum, quo sancta hæc ossa iacent, quò

quò ad nos permànet insinuata salubritas . Eorum corpora, atque ossa, in partes diuidimus, vt plures sint felicitatis, opisq; participes . Eas Reliquias in templis, & sub altaribus condimus, ex quibus sacrosancta victima dispensatur; vel precioso metallo, gemmisq; concredimus . Ad eas sæpe imus, Deum exoraturi per hæc pignora suorum amicorum, vel ipsis etiam loquuturi, quorum membra aspiciamus . Procumbimus, deosculamur hunc puluerem, qui olim Deo seruiuit, & aliquando *resurget, immutabitur*, cum Christo regnabit . Credimus ad sancta hæc corpora horrere dæmones, & vrgeri, interdumq; miraculis à Deo asseri, quàm hanc nostram pietatem, tam honorem Reliquiarum . Fusius illos cultus exposui, vt scires, Sectarie, non pudere Christianos professionis sue . Præ nobis ferimus ea apud nos fieri, ea sollicitè obseruari. Quæ si omnia ad amussim primis Ecclesiæ sæculis vsurpata monstrabimus; quid restat nisi vt tibi pro mōstro sit, te adeò hæresi fascinatū, vt hanc piam maiorum disciplinam in monstris numerares ?

Quan-

Quanto honore delatæ ab antiquis Reliquiæ, disce à Socrate, Lib. III. Cap. XVI. Theodoretò, Lib. III. Cap. IX. Sozomeno, Lib. V. Cap. XVIII. Illic leges concurrissè Christianos cum essent, Iuliano Apostata imperante, S. Babilæ ossa, à Daphne suburbio Antiochiam deferenda; & loculum transtulissè *vnà cum mulieribus ac pueris, exultantes gaudio, psalmosq; canentes*. Imò, *omnes ad vnum antecedentes saltare capisse; & adfuisse quidem pompæ, viros & mulieres, iuuenes & virgines, senes & pueros*. Scribit Euagrius, Lib. I. Cap. XVI. S. Ignatij ossa Theodosij Magni iussu, summo honore Antiochiam esse translata: *qua de causa, inquit, festum celebre, & letitiæ communis ad nostram vsque ætatem peragitur*. Vide quàm grandis veneratio, quamq; probata, cuius annuam memoriam coli placuerit. Habes apud Hieronymum (Aduers. Vigilant.) suo æuo ossa Prophetæ Samuelis è Palæstina Constantinopolim iussu Arcadij delata. *Illas reliquias, inquit, omnes Episcopi in serico, & vase aureo portauerunt*. Addit, *Omniū Ecclesiarum populos occurrisse sanctis*

*Etis Reliquijs, & tanta latitia quasi præsentem, viuentemq; Prophetam cernerent, suscepisse; ut de Palestina vsque Chalcedonem iungerentur populorum examina, & in Christi laudem una voce resonarent.* Sancti verò Chrysostomi ossa, tricesimo quinto postquam obierat anno, Constantinopolim Theodosij iunioris iussu translata, quo cultu excepta sint, habes apud illius seculi virum, Theodoretum, Eccles. Hist. Lib. V. Cap. XXXVI. *Fidelis hominum cætus, inquit, pelagus nauigiorum, multitudine velut continentem efficiens, Bosphori ostiam ad Propontidem situm, luminaribus cooperuere.*

Nec dixeris hunc fuisse veluti sepulturæ honorem, qui Sanctis eo modo habebatur; neque delatas illo æuo Reliquias, nisi si de vno monumento ad aliud. Imò, Sectarie, declinandis periculis, & inuocando solemnius Deo, sacra hæc pignora de templis producebantur; etiam interdum ad castra. Narrat Euagrius, Lib. I. Cap. XIII. vidisse se S. Symeonis Monachi caput, ad Philippicum Imperatoris generum missum, cum is efflagitaret, *vti Sanctorum reliquiæ quò tutius in Oriente ex-*



*te expeditiones militares faceret, ad ipsum mitterentur. Et hinc habes, neque nouum, neque Sanctis iniurium, si eorum Reliquiæ diuiduntur in partes pluribus suffecturæ. Neque enim is Symeon capite truncato decesserat: Sed naturali morte defunctus, non à Christianis indignè laceratur, sed cum honore ac pietate diuiditur. In Augustino præterea legis (De Ciuit. Dei Lib. XXII. Cap. VIII.) pluribus in Africa locis S. Stephani reliquias fuisse dispersas, ad aquas Tibilitanas, in Castello Synicensi, Calamæ, Auduri, Vsalii, Hipponæ: & cultas vbique, & vbique ad illas patrata miracula, per Martyrem, epitulatione Martyris, Martyrè impetrâte. hæc verba sunt Augustini.*

De tanto consensu Maiorum in obseruandis Reliquijs, cùm fortè ageretur, vir Princeps, sed heu Sectarius, non soluere, sed carptim eludere argumentum sic voluit, vt diceret, fuisse hæc quædam idololatriæ paulò antè defunctæ vestigia; quibus tunc annuebant Episcopi, ne per omnia populi ingenio viderentur obstare. O quisquis es, agnosce hæreseos vitium, quæ sui patronos in hæc absurda cogit.



cogit. Si hoc enim ex idololatriæ vitio, non ex Christiana virtute; cur ipsi Episcopi non id modò ferebant in populo, sed ita populum imbuebant; sed hoc etiam in pietatis parte ponebant? Cur in Deum, vt authorem, referebant eiusmodi venerationis ritus, atque solemnias? Cur hæc etiam Deus miraculis asseribat? Audi enim non indoctum, non ineptum, sed magnum Augustinum, Lib. IX. Confess. Cap. VII. *Tunc memorato Antistiti tuo, S. Ambrosio, per visum aperuisti, quo loco laterent Martyrum corpora, Protasii, & Geruasij, quæ per tot annos, incorrupta in thesauro secreti tui recondideras, unde opportunè promeres ad coercendam rabiem sæmineam, sed regiam (nempe Iustinæ Augustæ, Valentiniani Matris, quæ Ariana, & infesta Catholicis.) Cùm enim propalata & effossa digno cum honore transferrentur ad Ambrosianam Basilicam, non solum quos immundi vexabant spiritus, confessis eisdem demonibus sanabantur, verum etiam quidam plures annos cæcus, ciuis, ciuitatisq; notissimus, cùm populi tumultuantis lætitia causam quæsisset, atque audisset,*  
*exi-*

*exiit, eoq; se ut duceret, suum ducem rogauit. Quo perductus, impetrauit admitti, ut sudario tangeret feretrum preciosa in conspectu tuo mortis Sanctorum, tuorum. Quod ubi fecit, atque admouit oculis, confestim aperti sunt. Idem Lib. XXII. De Ciuit. Dei. Cap. VIII. Ad aquas Tibilitanas Episcopo afferente Proiecto Reliquias Martyris gloriosissimi Stephani, ad eius Memoriam veniebat magna multitudinis concursus, & occurfus. Ibi cæca mulier, ut ad Episcopum portantem pignora sacra duceretur, orauit: flores, quos ferebat dedit; recepit, oculis admouit, protinus vidit. Stupentibus qui aderant, præibat exultans, viam carpens, & viæ ducem ulterius non requirens.*

Ibidem omnino ingentia, sibiq; ut ait, notissima refert, diuersis in locis, ad Reliquias S. Stephani patrata miracula: Inter cætera, excitatos quinque à mortuis, cum vel ipsimet delati ad Reliquias essent, vel vestes eorum, post Reliquiarum contactum, iam ad mortuos dominos applicarentur. Quo sibilo eas historias stylo eodem, eadem ratione relatas, exciperetis Sectarij, si aliquem istius seculi

authorem haberent, qui nunc ad illas erubescitis venerationē tanti authoris? Collige mentem, Sectarie; vides non ex idololatriæ usu, sed Deo iubente, elata Martyrum ossa. Vides non licitum modò, sed pium, vestes, aut sudaria sanctis applicare corporibus; & opem ex illo contactu tam expectare, quàm poscere. Vides denique hæc omnia, vt recta, vt sincera, approbata miraculis.

Reliquias autem, vel sub Altaribus cōdimus, vel ornata cista reponimus. Vtrūque ex usu antiquo. Hieronymus, in Vigilantium. *Male facit ergo Romanus Episcopus, qui super mortuorum hominum Petri & Pauli, secundum nos ossa veneranda, secundum te vilem pulvisculum; offert Domino sacrificia?* Ibid. de Vigilantio. *Dolet Martyrum Reliquias pretioso operiri velamine, & non vel panis, vel cilicij colligari.*

Ad Reliquiarum etiam locum pergitur, Deum exoraturi, vel Sanctis loquuturi; demissiq; sepulchris osculum damus. Ea etiā ex institutione antiqua. Nam & Hieronymus Vigilantiū vocat, *portentum in terras ultimas deportandum*, quod

scribere ausus esset; *Ergo cineres suos amant animæ. Martyrum, & circumuolant eos, semperq; præsentēs sunt, ne fortè si aliquis precator aduenerit, absentes audire non possint?* At quis credat aut Vigilantium ista scripturum, nisi tunc Christianis in more fuisset, Martyribus apud suas Reliquias supplicare; Aut Vigilantio, quòd hunc morem vellicaret, doctissimum Hieronymum tam acriter iri offensum, nisi hoc piè ad Domini cultum, à Christianis factitarum, & ab Ecclesia approbatum, ipse in Ecclesia institutus, & vetustatis scientissimus ritè nouisset? Idem in vita Hilarionis, de quadam Constantia, quam *Sanctissimam* fœminam vocat; *Erat solita peruigiles in sepulchro eius Hilarionis noctes ducere, & quasi cum præsentē ad adiuuandas orationes suas sermocinari.* Et Augustinus Lib. XXII. De Ciuit. Dei. Cap. VIII. Pauladiam quandam narrat, à fœdissimo morbo sanatam ingenti miraculo, quæ, inquit, *ad Sanctum Martyrem Stephanum orare perrexerat.*

Credimus denique ad Reliquiarum viciniam, dæmones angī, torqueri. Neque

que nos ideò simplices, ac credulos voces. Nobis ad hoc magistra Ecclesia, & vetustissimi Patres authores sunt. Hieronymus in Vigilant. *Sacrilegus fuit Constantinus Imperator, qui sanctas Reliquias Andrea, Luca, & Timothei, transtulit Constantinopolim, apud quas Demones rugiunt?* Insignis apud Augustinum locus est, Epist. CXXXVII. Ad Clerum, & Plebem Ecclesiæ Hipponensis; quem in tui gratiam, Sectarie, hic exscribo. *Vbiq; quidem Deus est, & nullo continetur vel includitur loco, qui condidit omnia, & eum à veris adoratoribus in spiritu & veritate oportet adorari, ut in occulto exaudiens in occulto etiam iustificet, & coronet. Verumtamen ad ista quæ visibiliter hominibus nota sunt, quis potest eius consilium perscrutari; quare in alijs locis hæc miracula fiant, in alijs non fiant?* Multis enim nota est sanctitas loci, ubi beati Fœlicis Nolensis corpus conditum est, quo volui ut pergerent (nempe Bonifacius Presbyter fœdi criminis arcessitus, cum suo delatore) quia inde nobis facilius, fideliusq; scribi potest, quicquid in eorum aliquo fuerit propala-

*tum . Nam & nos nouimus Mediolani apud memoriam Sanctorum , ubi mirabiliter & terribiliter demones confitentur , furem quendam qui ad eum locum venerat , ut falsum iurando deciperet , compulsum fuisse confiteri furtum , & quod abstulerat reddere .*

Satis asserta re tantis viris , tam veteri usu ac fide , desino in Gennadij Massiliensis sententia , quam inter Ecclesiastica Dogmata ipse sic tradit . Lib. De Ecclesiast. Dogmat. Cap. LXXIII. *Sanctorum corpora , & præcipue beatorum Martyrum Reliquias , ac si Christi membra , syncerissime honoranda , & basilicas eorum nominibus appellatas , velut loca sancta diuino cultui mancipata , affectu piissimo , & deuotione fidelissima adeundas credimus . Si quis contra hanc sententiam venerit , non Christianus , sed Eunomianus , & Vigilantianus creditur . Nonne verò , Sectarie , si in hoc seculum incidisset Gennadius , Eunomianis , & Vigilantianis vos adderet , diceretq; nō Christianus , sed Puritanus creditur , aut Protestans ?*

Dum pro vno agimus , ut res connexæ sunt , & pro alio peroramus . Quippe  
Mi-

Miraculis fidem detrahitis. ait; ea in nascenti Ecclesia crebra, nunc inueterata fide cessasse. Atqui, Sectaric, iam per Orbem sparsa fides, iam recepta, ac etiam inueterata, Augustini ævo erat: Iam defierat miraculorum illa frequentia, quibus Apostolorum ævo Ecclesiæ fundamenta creuerunt; & miracula tamen, sua ætate agnoscit, ut vides, maximèq; ad Sanctorum Reliquias: Neque his tantum locis, quæ antè exscripsimus: sed & alibi sæpe. Lib. I. Retract. Cap. XIII. *Itē, inquit, quod dixi, Lib. De vera religione: Nec miracula ista in nostra tempora durare, permissa sunt, ne anima semper visibilia quæreret, et eorum consuetudine frigeret genus humanum, quorum nouitate flagrauit: Verum est quidem: Non enim nunc vsque cū manus imponitur Baptizatis, sic accipiunt Spiritum Sanctum, ut loquantur linguis omnium gentium: aut nunc vsque ad umbram transeuntium, predicatorum Christi sanantur infirmi; & si qua talia tunc facta sunt, quæ postea cessasse manifestum est. Sed non sic accipiendum est quod dixi, ut nunc in Christi nomine fieri miracula nulla credantur.*



Nam ego ipse, quando istum ipsum librum scripsi, ad Mediolanensium corpora Martyrum in eadem ciuitate cacum illuminatum fuisse iam noueram, & alia nonnulla; qualia tam multa etiam istis temporibus fiunt, ut nec omnia cognoscere, nec ea quæ cognoscimus enumerare possimus. Eodem Lib. Cap. XIV. Alio loco, inquit, cum miracula commemorassem, quæ Dominus Iesus fecit, cum hic esset in carne, adiunxi, dicens: Cur, inquietis, ista modò non fiunt? Atque respondi; quia non mouerent, nisi mira essent; si autem solita essent, mira non essent. Hoc autem dixi, quia non tanta, nec omnia modò; non quia nulla fiunt etiam modò.


Prolixè etiam miracula sui æui diffudit, toto Capite octauo Lib. XXII. De Ciuit. Dei. Quæ illic, ac quanta miracula! quàm etiam multa! & illa quidem certa, clara, sua memoria patrata, quibus ipse etiam ut plurimum testis. Nec omnia quæ tunc contigisse cognouerat, mādauit literis, multitudine eorum propemodum victus. Ait enim: *Urget huius Operis implendi promissio, ut non hic possim omnia commemorare quæ scio; & proculdubio*



bio plerique nostrorum, cum hæc legent,  
 dolebunt me tam multa prætermisisse,  
 quæ vtiq; mecum sciunt. Quos iam  
 nunc ut ignoscant rogo: & cogitent, quàm  
 prolixi laboris sit facere, quod me hic  
 non facere suscepti operis necessitas cogit.  
 Si enim miracula sanitatum, ut alia  
 taceam, modò velim scribere, quæ per  
 hunc Martyrem, id est gloriosissimum  
 Stephanum, facta sunt in colonia Cala-  
 mensi, & in nostra, plurimi conficiendi  
 sunt libri; nec tamen omnia colligi pote-  
 runt.

Cur igitur nostra hæc ætas censeatur  
 destituta miraculis? quis tunc miraculo-  
 rum vsus qui non in hanc ætatem cadat?  
 Quæ Scripturæ, quæ Dei sententia, hæc  
 opera Dei à seculo nostro arcet? Si fre-  
 quentia, ac ut dicam quotidiana mira-  
 cula, quibus exordium Ecclesiæ asse-  
 rebatur, spectes, iam ante Augustini æta-  
 tem (ut fatetur) desierant; sin raro-  
 ra, sed tamen explorata, neque illius se-  
 culo defuerunt, neque nostram ætatem  
 destituunt. Sed quidni miracula de  
 mortalium animis, oculisq; velitis au-  
 ferri, quibus vestra causa opprimitur?

cùm inter vos nulla fiant, nisi quibus vos in errore esse discatis; cùm Sanctis Reliquijs sitis hostes, ad quas sæpenu-  
mero eiusmodi supra naturam opera, Christus edit; cùm denique quot inter nos existunt miracula, tot sint Dei tonitrua vestram hæresim profligantis.



## C A P. VIII.

*De Imaginibus. De signo Crucis.*

*De Purgatorio.*



MAGINES; atque Cru-  
ces, vix clementius quàm  
Reliquias aspexistis; nisi  
quòd priuato cultui, & arti-  
ficum industriæ indulgen-  
tes, eas pietati maluistis subduci, quàm  
oculis. Validissimum, vt putatis, in nos  
telum est, à secundo præcepto Decalogi.  
Exod. XX. *Non facies tibi sculptile, neque*

*omnem similitudinem, quæ est in cælo de-  
super, & quæ in terra deorsum, nec eo-  
rum quæ sunt in aquis sub terra. Non  
adorabis ea, neque coles: ego sum Domi-  
nus Deus tuus fortis, &c.* Illis verbis suc-  
clamare amatis voce victorum. At è  
contrario facilè quis euincat, vel eodem  
sacrilegio vos teneri, quod in nos effin-  
gitis; vel neque nos omnino peccare. Ita  
enim illa exponimus, vt non simpliciter  
prohibeantur imagines, sed prohibean-  
tur *adorari vt dij*. Si fatemini nos hæc  
ritè exponere, certè culpa vacamus. Sin  
aitis, non modò vetari adorari imagines,  
sed fieri etiam ac seruari; non soli pecca-  
mus, sed & criminis socios vos habemus,  
qui picturas, qui statuas, domi habetis,  
ac etiam in templis illis vestris interdum.  
Cur igitur tanti clamores, vel in nullo  
nostro errore, vel in pari vobiscum?

Imò, inquires, adoratis imagines. Non  
facimus, Sectarie, ea ratione quæ illo  
Exodi loco statuitur. Illic enim de ado-  
ratione sermo quæ debita soli Deo. Nam  
proximè illa verba præcedunt, *Non ha-  
bebis Deos alienos coram me*. In eodem  
postea capite repetitur cautio illa. *Non  
facietis*

*facietis deos argenteos, nec deos aureos facietis vobis.* Et ipse Calvinus. Lib. V. Inst. Cap. XI. fatetur hæc verba, *non facies tibi sculptile, &c.* exponi per ista sequentia, *Non facietis deos argenteos, &c.* Non adorare igitur sculptile, idem illic, ac sculptile pro Deo non ducere. At *adorare* in alios sensus in Scripturis quoque sumi, iam antè probauimus; vt eo nomine non aliud quàm *veneratio* designetur.

Quæ hæc autem impia scilicet adoratio qua imagines impertimur, Sectarij? An quòd apud illas oramus? Ita est. Sed non illas oramus. Apud imagines, inquam, oramus; sed non imagines. Scimus illas inanimes, visu, auditu, omni sensu carere. Sed ijs loquimur quorum sunt imagines. Quòd si Sanctum, si pium est (vt ex veteris consensu Ecclesiæ paulò antè docuimus) apud Sanctorum Reliquias, id est illorum corporum partem, Sanctos orare, & quasi cum præsentibus loqui; quidni & apud illorum imagines, quæ aliquam eorum speciem oculis nostris subijcientes, mentes etiàm ad illos aduertunt? Certè enim illæ Reliquiæ non sunt ipsimet Sancti: sunt mutæ, sunt pul-

puluis, & quātum ad sensus, nihil habent  
supra imagines.

At nos dices & ipsas imagines venera-  
mur. Duplex est veneratio quę circa ima-  
gines adhibetur, Sēctarie : pia vtraque,  
atque sancta. Vna, cū in illis ea colimus  
quorum sunt imagines : vt si ad Pe-  
tri, Paulivē imaginem, capite nudato  
procumbens, reuera imagini hunc hono-  
rem non habeam, sed ipsi Apostolo. Ac  
tunc nō propriē *honoratur* imago ; sed  
in imagine illa res cuius imago est, & cu-  
ius nobis memoria per imaginem admo-  
uetur. Et hoc verò licere, nemo Sēctarius  
neget, qui nō à mente prorsus exciderit.  
Nā sit tibi, Sēctarie, vel Regis imago, vel  
patris, addo etiā vel tui Caluini : Si vene-  
ratione motus illius, quem imago tibi re-  
fert, quāuis absētis, in osculū irruas, vel  
salutationem, vel eiusmodi alium cultum  
quem præsenti deferres, tuo affectu hunc  
animum, atque gestus, non ad imaginem,  
sed ad imaginis exemplar transmittente,  
an te peccare ; an potius eximie amare,  
existimes ? Si homo es, si ratione vteris,  
nunquam ideò te damnabis. Cur igitur  
ad Sanctorū imaginēs hoc mihi non  
liceat,

liceat, quod tibi ad imagines alias, & sæpe profanas?

Alia est veneratio, quam imaginibus ipsis habemus, eò quòd sint Sanctorum imagines; sed illa multò inferior, nec eiusmodi quæ habetur naturæ alicui intelligenti, & vtenti ratione. Sed tantùm, vt Bibliorum volumina, quamuis charta & atramento constantia, ideò osculamur, ideò habemus in honore, quia illic descripta lex Domini, descriptum Dei verbum: vtq; res cæteras sacras, verbi gratia, altaria, calicesque, venerata est omnis antiquitas, quia sunt Christi altaria, quia in illis calicibus consecratur Domini sanguis: Sic & sua est veneratio imaginibus, statuisq; Sanctorum, quia rem sanctam referunt; & sunt Sanctorum honori destinatæ, ac per hoc Dei, qui Sanctos sanctificat, & propter quem Sancti coluntur. Ipsas, inquam, Sanctorum imagines veneramur, quia sunt Sanctorum imagines; ideoq; honor ille transit ad Sanctos. Sancti verò cùm non alia ratione colantur, quàm quòd sint Dei serui, cultus ille refertur in Deum. Num hìc ergo vlla superstitio, vlla impietas, venerari

rari imagines, non vt aliquid sentientes, aut à quibus aliquis nostrum opem expectet; Sed tantum vt res quasdam Dei cultui mancipatas, & quodammodo Deo sacratas?

Sed nugantur quidam inter vos, Sectarie; nos quidem in scholis, aut vbi peritorum argumentis vrgemur, ad eam, quam retuli sententiam de imaginum cultu modestè differere: At populum priuatis colloquijs, concionibus, vsu, adeò aliter imbuere, vt apud nos vulgus credat, diuinitatem aliquam, aut vim saltem, ac potestatem grandem, imaginibus ipsis inesse: Eo modo reuiuiscere idololatriam iactatis, falli homines, templa, atque Ecclesiam sacrilegio contaminari. Ad hæc omnia breuiter respondemus, esse maledicta ignarorum disciplinæ Catholicæ; & vix adeò excordem apud nos vllum esse, qui imaginibus honorem exhibeat, nisi quem modò descripsimus. Hoc natura nos docet, hoc institutio, hoc religio. Experientia constat ista defensio. Nam quis vnquam in Catholicis putauit crimen esse, aut imaginem, aut statuam frangere, lignum vè eius-



eiufmodi, aut marmor, aut chartam, conuertere in alios vfus, aut in aliam formam metalla conflare? modò neque ex imaginum defpectu hoc fiat, neque materiam, quæcunque illa fit, fpectes ea ratione qua in imaginem formata eft, fed quæ vfui tuo apta, dominio mancipata, fubiecta imperio? Cùm hic vfus inter nos obtineat, & populi confuetudine confitet vfus, omnino conficitur, populum nihil tale de imaginibus credere quale putatis, aut fingitis; & inania illa effe quæ iactantur inter vos de arcana, & recondita institutione Ecclefie; quafi aliter fentiat, aut loquatur, cùm vobifcum difputat, quàm cùm fuæ plebeculæ præcipit quid in hac re credendum fit.

Qui igitur Sanctorum imagines, eò quòd tales fint, aut eò quòd fideles apud illas his fupplicent quorum funt imagines; aut eò denique, quòd quia funt Sanctorum imagines, funt in honore; violare aggreditur, is eft hæreticus, illi anathema. Qui verò eafdem imagines, non quòd fint imagines, frangit; fed quòd eam rem quæ eft fua, & cui infcripta, aut fculpta imago eft, ipfi in alios vfus verti  
pla-



placuerit; is nec impius censetur à nobis; nec vt nouator audit. Nam vt Athanasius omnino rectissimè. (Quæst. XVI. Ad Antioch.) non materiam colimus, sed figuram. Tolle formam crucis à cruce, imaginis ab imagine, tolles & Christiani cultum ab illa materia; Cumq; hoc ipsum in populi more sit, certò efficitur, neque pro idolis plebi nostræ esse imagines, neque vos veris criminibus, sed commentis inanibus, illam sanctam Ecclesiæ differre sententiam.

CRVCI Dominicæ, vna cum imaginibus, exitium quæsiistis; quidam ex vobis palàm, per cuniculos alij: longè vtrique à priscorum pietate. Igitur quidam ex vobis, editis quoque libris, nihil luçtuosius, nihil magis detestandum signo Crucis assèruere. Nefarius in Anglia Minister ante octo circiter annos, hoc ipsum molitus est. Et quamquam Serenissimo Regi displicuit tantum nefas, satis est tamen ad vestrarum sectarum infamiam, & hominem illum ex Anglia profugum, & alios à quibus eadem impietas procurata, inuenisse alibi inter vos Sectarios locum, vbi impune; quid dico impune?

vbi

vbi securè, & ad paria scelera, degere possent. Modestiores alij sibi videntur, qui abstinent scripto, qui spernere signū Crucis fastidiosè malunt, quàm acerbè proscribere; in hoc tamen impudentes, quòd vulgato & populari iam inter eos argumento, nos rogant, num in familiæ nostræ insignia adoptari vellemus patibulum, si in eo parens noster, aut auus expirasset. Hæc plerunque est Puritanorum, siue Hugonottorum blasphemia. Ijs denique alij mitiores, largiter tamen peccant. Nam concedunt, siue Crucem, siue signum illius, in Christianorum oculis, animisvè ideò esse debere, quòd in ea victor Christus, de peccato ac morte triumpharit; vt per illius imaginem, redeamus in beneficij accepti memoriam, testemurq; non pudendam Christi mortem Christianis nobis esse. Et hætenus quidem piè: Sed addunt, superstitionis mentium esse ludibria, vt credamus ad hoc signum Dæmones exhorre-  
re, & sæpe fugari: vel pericula, siue corporibus immineant, siue animis, ea Christianorum armatura, vinci non raro, ac discuti. Nolunt denique venera-  
tio-

tionem Crucis deberi, tanquam instrumento redemptionis nostræ innoxio, & presenti plerumque malorum nostrorum medicinæ. Hos ultimos aggredi satis erit. Nam si errant, vincunturque; quantò magis deteriores illi causa ceciderint, quos in vltiorem impietatem malâ mens fædè deduxit?

Crucem Domini, duplici modo intelligas: vel ipsum hoc lignum, quo Christus affixus est, vel figuram illius. Ipsam Crucem, preciosissimis Reliquijs annumeravit Ecclesia; nec Ecclesia tantùm æui istius, sed illa antiqua, in qua Cyrillus, in qua Ambrosius vixit, in qua cæteri illi, quos & pios & eruditos fuisse fatemini. Prodidere Helenam diuinitus monitam vt hanc Crucem effoderet. Id apertè Eusebius in Chronico, quod Latinum fecit Hieronymus. Iam verò repertam eo honore coluere, vt teste Chrysostomo (Homil. quòd Christus sit Deus) particulis ex ea auro inclusis, se Christiani ornari, atque seruari, *merito* arbitrarentur.

Alia ratione Crucem accipias, pro signo ipso Crucis, seu sculptum sit, seu picturæ lineis ductum, seu denique ipsa

manu, de more Christiano, ad corpora,  
 nostra formatum. Hanc pretiosam imagi-  
 nem, hoc Christianorum insigne, in fron-  
 te, in pectore, in corpore toto, manu du-  
 cere, adeò frequens antiquis, vt ignari  
 sit de hoc more ambigere. Tertullianus  
 testis, Lib. De Corona militis. *Ad omnem  
 progressum, atque promotum, ad omnem  
 aditum, & exitum, ad vestitum, ad cal-  
 ceatum, ad lauacra, ad mensas, ad lumi-  
 na, ad cubilia, ad sedilia, quocunque  
 nos conuersatio exercet, frontem crucis si-  
 gnaulo terimus.* Hieronymus ad Deme-  
 triadem. *Claudas cubiculum pectoris,  
 crebro signaculo crucis munias frontem  
 tuam.* Plures omitto: Nam qui non  
 Patres de Christiano hoc more? Viden-  
 dum potius quæ huius moris utilitas, ex  
 fide antiquorum. Quatuor, inter multos,  
 ad eam rem mihi duces; duo Latini, to-  
 tidem Græci: Hieronymus, Augustinus,  
 Athanasius, Gregorius Nazianzenus. Ex  
 ijs, & alijs præterea multis, habemus,  
 credidisse Christianos valere apprime sa-  
 crum hoc signum, contra Dæmones, spe-  
 ctra, Magorum vim, prodigia, ingruen-  
 tes etiam clades, morborumve sæuitiam.

Et

Et Deum arcana virtute, quam ei signo addit, Christianorum fidei sapissime annuisse.

Refert Hieronymus, in vita Hilarionis, in ingenti terræ motu, qui post Iuliani mortem accidit, egressa suos terminos maria, cum plurimis locis, tum maximè Epidauri exitium esse minata: Epidauritanos autem ad Hilarionem venisse, & quasi ad prælium proficiscentes posuisse eum in littore. Qui cum tria crucis signa pinxisset in sabulo, manusque contrà tenderet, incredibile dictum est in quantam altitudinem intumescens mare ante eum steterit, ac diu fremens, & quasi ad obicem indignans, paulatim in semetipsum relapsus sit. Hoc Epidaurus, & omnis illa regio usque hodie prædicat, matresque docent liberos suos, ad memoriam in posteros transmittendam. Augustinus Lib. XXII. De Ciuit. Dei. Cap. VIII. narrat, Innocentiam quandam matronam Carthaginensem cum immedicabili morbo sinu illi cancer perederet, signo crucis esse curatam. Admonetur, inquit, in somnis appropinquante Pascha, ut in parte faminarum obseruanti ad baptisterium, qua-

*cunque illi baptizata primitus occurrisset, signaret ei locum signo Crucis Christi: fecit, & confestim sanitas sequuta est. Et iam tunc Christiani credebant (scilicet sæpe experti) contra incantationes ac dæmones, signo Crucis miram vim esse. Vnde Athanasius; Lib. De Incarnat. Verb. Signo Crucis, inquit, magica omnia compelescuntur.*

Exemplum est, sed illud illustre, & quod nulla exceptione submoueas, apud Gregorium Nazianzenum, Orat. I. in Iulianum. Refert Apostatam Imperatorem, cum Magicę arti operam daret, à veneficis deductum in abditas sedes, ut mysteria illic peragerent tenebris digna. Illic verò cum umbris, & aduentantium spectrorum tumultu terreretur, memorem adhuc Christianæ quam nuper reliquerat disciplinæ, signo Crucis se se armasse. Abscessisse subito spectra, quieuisse tumultum; Neque tunc impios illos potuisse res suas, tantà virtute turbatas, instaurare. Si historiæ fidem sollicitas; ante putes audiendum, Sectarie, qui post mille ducentos & amplius annos, rei controuersiam moueas, quam vir sanctus ac

prudens, sua ætate gestam, nemine æqualium repugnantē, asseruit? Sed esto. Mentitus sit in re tanta, proh nefas! Sanctus ille Nazianzenus; aut si te mitiorem homini tanto præbes, fuerit fama deceptus; Nihil tamen in Crucem effeceris. Scribit enim, Iulianum hoc in dæmones remedio vsum de more Christiano, virtutis memorem quam inesse signo Crucis in Ecclesia antè didicerat. Si confictam igitur historiam demus, nihil minus hinc habeas, ita tunc institutos in Ecclesia Christianos, vt crederent signo Crucis muniri hominem; in veneficia, in spectra, in dæmones. Alioqui non scripsisset Nazianzenus, Iulianum ita in Ecclesia fuisse edoctum: eumq; Christiano remedio vsum, quamquam non amplius Christianum. Ridicula fuisset historia, aut si fabulam velis, minus illa ex arte contexta: Nam à coætaneis Nazianzenus audisset, falsum esse, usurpatum hoc à Iuliano ex Christiano more in spectra remedium, quandoquidem moris Christiani non erat, illo vti remedio.

Non ergo auferetis hanc à nobis hæreditatem, Sectarij. Crucis scuto Ecclesiæ



filij adornamur, Crucis scuto cōtegimur;  
 hinc nobis in Spiritualia ac temporalia  
 mala sæpe remedium. Nec existimamus  
 tamen certos, & vbique, effectus hinc  
 sequi. Scimus Deum, qui instituit vt il-  
 la vis Cruci esset, ex conditione homi-  
 num, temporum, rerum, ex suæ denique  
 Maiestatis prudentia, hæc cuncta dispen-  
 sare. Satis nobis hoc nosse, *ex rei natura*  
 ingens esse munimentum sese ea signan-  
 tibus; hinc apertam sæpe vtilitatem pro-  
 manare; ac etiam sæpe occultam. Sci-  
 mus dæmonibus terrori esse Crucem, &  
 tamen interdum ad gloriam Dei fieri, vt  
 cū ad eam horreant, non illico tamen  
 & fugiant. Nec de Cruce tantū hoc di-  
 xeris; sed & alijs Christi signis; vt egregiè  
 Augustinus Lib. LXXXII. Quæst. q.  
 LXXIX. *Nec mirum est, quòd hæc signa*  
*valent, inquit, cū à bonis Christianis*  
*adhibentur, quando etiam cū usurpan-*  
*tur ab extraneis, qui omnino suum nomen*  
*ad istam militiam non dederunt, propter*  
*bonorem tamen excellentissimi Imperato-*  
*ris valent &c.* Cū autem non cedunt his  
 signis huiusmodi potestates, Deus ipse pro-  
 hibet occultis modis, cū id iustum atque  
 utile



*utile iudicat. Nam nullo modo ulli spiritus audent hæc signa contemnere. Contremiscunt hæc, ubicunque illa prospexerint.*

CAETERVM non minori facinore quàm quòd à Sãctis cultũ, & à nobis nostra arma detrahitis, opem adimi vultis animabus fidelium. Deridiculo vobis sumus, dum de illorum supplicijs gemimus, dum pro illis Dei pacem exposcimus. At quàm ipsi ridiculè in hoc supercilium assurgatis, noui Censores, ex Luthero, Caluinoq; iam discite. Nam, *In Disputatione Lipsica*, hæc Lutheri verba sunt. *Ego qui credo fortiter, imò ausim dicere, scio Purgatorium esse, facile persuadeor in Scripturis de eo fieri mentionem.* Quis deinde Angelus, quæ extasis, quæ tuba de cælo, hanc fidem illius, imò scientiam, ita deleuit, vt signifer vobis esset contra illam scientiam, atque fidem euntibus? Sed audite Caluinum. Lib. III. Inst. Cap. V. S. X. *Ante mille, & trecentos annos, inquit, usu receptum fuit, vt preces pro defunctis.* Et paulò post: *Sed omnes, fateor, in errorem abrepti fuerunt.* Quid his ver-

bis insignius ad defensionem Ecclesiæ,  
 Caluiniq; infamiam? *Ante mille & tre-*  
*centos annos*, inquit. At quandiu ante il-  
 los mille trecentos annos? Quando, in-  
 quam, mos ille exorsus *orandi pro defun-*  
*ctis*? à quo incepit? quando incepit? in  
 qua Ecclesiâ? an nemo purissimo illo æuo  
 serpenti errori refragatus? Certè *ante*  
*mille & trecentos annos* incepit. nimirum  
 à nascentis Ecclesiæ cunis, & Apostolica  
 fide. Quot autem secula Ecclesiæ illu-  
 xerant, cum confessione Caluini iam  
*receptum usu erat*, orare pro mortuis?  
 Omnino vix duo: Plures enim sexaginta  
 annis sunt, ex quo ille hoc scripsit. Quod  
 si illa suffragia, publico Orthodoxæ Ec-  
 clesiæ usu recepta tunc erant, num dubi-  
 tes hoc fuisse ex Orthodoxa, & Apostoli-  
 ca disciplina? cum tunc nihil antiquius  
 Pastoribus esset, quàm superflua reseca-  
 re, superstitionibus bellum indicere. Sin  
 aliquo priuatorum errore insinuatus mos,  
 iterum petam; quinam illi privati fue-  
 runt? ubi cœpere? quando cœpere? An  
 nemo ex tot Antistitibus, ex tot Martyri-  
 bus, vestro spiritui actus est, qui se oppo-  
 neret, qui *rem ad Scripturas exploraret*,  
 & cen-

& censoria nota percelleret? *Sed omnes fateor*, inquit, *in errorem abrepti fuerunt.* Ote. superbia amentem! Qui illi omnes; qui in errorem abrepti? certè qui ab ea tempestate vixerunt; nempe qui sub Se- uero, Maximino, Decio, Valeriano, Ga- lieno, Aureliano, Diocletiano, & Maxi- miano sanguinem pro Christo dedere; vt omittam Ecclesiæ lumina, quæ deinde flouerunt.

En porro, vt demum excutitis larvam, qua populo soletis imponere; fingitisq; ad Ecclesiæ puritatem, qualis primis qua- tuor sæculis fuit, vestris studijs prouoca- ri. Nam oratio pro defunctis illis sæculis, teste Caluino, *usu recepta fuit*. Non, in- quàm, vno tantum, aut altero patrono asserta; sed, *usu recepta*. Cur vos igitur eam ausi respuere, si ex illorum sæculo- rum lege iam viuitis? Referetis; Vos in- sæculis illis demum ea probare, quæ cum Scripturis conueniunt. Quem verò post hanc vocem ludificationis vestræ non pigeat? Num enim & non alijs idem sæ- culis apud vos honos erit? Num, inquàm, quicquid posteriores etiam ætates usur- parunt, quod Scripturis consentiat, pro- bare

bare non vultis? Imò quod Iudæi, quod Turcæ, ex norma Scripturarum; aut colunt; aut faciunt; an vos colere ac facere, profiteri piguerit? Quæ ergo illorum prærogatiua seculorum; quibus honorem vos habere simulatis, si & illa examini vestro obnoxia; nec scire sufficiat, quid tunc Christiani crediderint, sed & quærere restet, an ritè ac sanctè crediderint? Ac quid absurdius, aut recto ingenio magis aduersum; quàm primis seculis nesciisse Christianos, quomodo exponendæ Scripturæ, quid iusserit Christus, quid Apostoli commendarint: Vos autem hæc nunc demum omnia ritè cognoscere?

Hoc igitur habe, Sectarie; Ex confessione Caluini, ante annum à Christi morte ducentessimum, *usu receptum fuit*, vt Christiani orarent pro mortuis. Nec dicere potest, quandiu ante hos annos vsus ille receptus, aut quis illum receperit, aut quis induxerit. Vtri igitur errant; An vos, qui hunc morem, vt inutilem, imò superstitiosum, abijcitis; An nos, qui rem vetustissimam probamus, & à viris sanctissimis usurpatam, & cuius originem nemo

nemo magis nouitiam possit arguere, quàm rerum cæterarum quas ab Apostolis traditas esse cognoscimus? Præsertim cùm non modò Christiani orarent pro mortuis, sed & illos, qui orandum abnuerent, in hæreticis numerarent. Ita Epiphanius, Augustinus, & cæteri Patres, inter Aërij hæreses referunt, quòd pro mortuis nollet orari.

Sed, inquires, quæ Scripturæ hoc docent? Pete illud, Sectarie, ab antiquis Christianis, quibus non minus quam tibi charæ Scripturæ, non magis ignotæ; quibus præterea multò quàm nobis notior Apostolorum traditio, quam Scripturarum vim habere, nisi hæreticus nemo negauerit. Sed nec istam rem Scripturæ deficiunt. Vt plura omittam, quæ à Catholicis Doctoribus in istam rē colliguntur: testis mihi Augustinus, hoc ipsum ex Scripturâ asserēs, Lib. De cura pro mortuis. Cap. II. *In Machabæorū Libro legimus oblatum pro mortuis sacrificium: sed & si nusquam in Scripturis veteribus omnino legeretur, non parua est vniuersæ Ecclesiæ, quæ in hac consuetudine claret authoritas, ubi in precibus Sacerdotis,*  
*quæ*

*qua Domino Deo ad eius altare funduntur, locum suum habet etiam commendatio mortuorum.* Duo hîc habes, Sectarie; & Machabæorû libros, ita in Scripturis ab Augustino esse relatos, vt ex illis crederet fidei partes statui posse (sed de hoc; nos fufius, Lib. I. Cap. XII.) & vniuersam Ecclesiam in hæc pro mortuis suffragia consensisse: Quæ autem Augustino *uniuersa Ecclesia*, nisi Orthodoxa, atque Catholica?

Sed & ille pro patre & matre orauit, & vt orarent alij enixè concupiit, vt fufius differuimus. (hoc Lib. Cap. I.) Nec aliter huic rei respõsum à Caluino, quàm commento impudentis audaciæ; Lib. III. Inst. Cap. V. *Quod autem orauit Augustinus pro matre, id fecit quia anile votum matris non examinauit ad Scripturas, & priuato quodam affectu omnibus probari voluit.* Imò, Caluine, nihil matrem optasse Augustinus ostendit, præter id quod tunc in *uniuersa Ecclesiæ* vsu. Sacrificium corporis Christi statim pro ea oblatum est, ex Ecclesiæ more, non ab ipso Augustino, sed Clero Ostiensi; preces pro ea fuscæ, non à filio tantum, sed à cœtu fi-

tu fidelium ; & his verbis, quæ modò ex-  
scripsimus, testis est Augustinus, non  
sua tantum, aut patris, aut matris *autho-  
ritate*, nixa pro defunctis suffragia, sed  
*Ecclesia uniuersa consuetudine*. Dicas  
igitur qua impudentia es, non de vno  
Augustino, sed *de Ecclesia uniuersa*, at-  
que Catholica, quæ Augustini æuo fuit,  
eam *non examinasse ad Scripturas* hunc  
morem orandi pro mortuis.

Pluris agi non decet, in re clarissima.  
Quamquam enim Patres interdum, & ip-  
se etiã Augustinus, quæsiuerint, ad quæ  
peccata sit, quibusve supplicijs, purgato-  
rium constitutum ; nemo tamen Purga-  
torium negat ; imò rarus qui disertè non  
asserat. Duos ex pluribus Augustino ad-  
diderim ; Chrysostomum, atque Ambro-  
sium. Chrysostomus, Homil. XLI. in  
I. ad Corinth. *Iuuetur mortuus non la-  
chrymis, sed precibus, supplicationibus,  
elemosynis*. Ambrosius, ad Faustinum  
de obitu sororis. *Itaque non tam de-  
plorandam, quàm sequendam orationi-  
bus reor, nec mœstificandam lachrymis  
tuis, sed magis oblationibus animam eius  
Deo commendandam*.

Sed



Sed quoniam plerique ex vestris ipsa consuetudine Purgatorium rident, aut negant: ignari reuera quid de Purgatorio sentiamus; rem totam cōpendio edisseri non absurdum. Purgatorium igitur, ex doctrina Ecclesię, locus est in quo animę temporaria pœna plectantur, quę in obitu nec mortali culpa graues sunt, nec adeo defæctę, vt confestim ad conspectum Domini possint admitti. Non animabus illic locus, quę cum corporibus excederent, à Dei gratia, & amore erant exclusę. Ijs sola, atque perpetua in inferis sedes. Eluuntur itaque purgatorii pœnis, primùm culpę veniales, in quibus absque pœnitentia Christianus decesserit. Nam & illę à Dei amore ac gratia hominem non excludunt; ideoq; nec luendę inferi igne; rursusq; suis pœnis sunt plectendę, quia quamuis veniales, attamen culpę sunt, & *nihil cō inquinatū intrabit in regnū calorū*. Apoc. XXI. Præter culpas veniales, pœnæ grandiorū criminum illic quoque soluuntur, cum pœnitentia peccatorum eiusmodi fuit, vt misericors Deus iram quidem æternam auerterit, sed vt & iustus iudex est, tempo-



ralibus poënis exerceri peccatorem decreuerit . Poenam enim non vtique semper cum culpa donari in Scripturis sæpe docemur . Quis putet non *remissam* Moysi culpam, quòd *ad aquas contradictionis* dubitarit ? Fuit tamen illi in mulctam, *ne ad terram promissionis intraret* ; vt dicitur Numer. XX. & XXVII. Adulterij, & homicidij culpam, diluit poenitens Dauid, statimq; ad eum Propheta Nathan. II. Reg. XII. *Dominus quoque transtulit peccatum tuum: non morieris* . Sed addidit: *Verumtamen quoniam blasphemare fecisti inimicos Domini, propter verbum hoc, filius qui natus est tibi morte morietur* .

Animas porrò in Purgatorio constitutas, neque posse peccare, neque mereri, credit Ecclesia . Amant Deum, certæ sunt de salute . Suffragijs viuentium, & maximè incruentæ victimæ oblatione adiuuantur . Hæc est de Purgatorio fides Ecclesiæ . Hinc Patribus, atque nobis, orandi pro mortuis sancta sedulitas, & Domino grata cui preces offeruntur, & utilis animabus pro quibus supplicamus .

Hac

Hæc strictim à nobis de præcipuis inter nos, atq; Sectarios momentis. TV Domine qui mortem peccatoris non amas, qui Christianorum vitam intra limina Ecclesiæ conclusisti, aperi illorum oculos, vt fecisti Syrorum in Elizæi securitatem errantium. Videant se in media Samaria esse, inter hostes, sub gladio tuo. Qui sine te peccauerunt, hos sine te pœnitere non poterit. Sed omnibus clementia tua adest. Fac videant quam porrigis manum, fac teneant. Delectent Angelos, teq; Pastorem, receptæ ab erroribus oues. *Misericordia Domini*  
*supra omnia opera eius. Ti-*

bi gloria, Summe

Deus. Pax

super Is-

raël.

FINIS.

ANT 1761134



10  
C4